

m. 11. 22

Pfalterium
DAVIDIS
CARMINA
REDDITVM

PER

Eobanum Hessum,
CVI ACCESSIT EC-
CLESIASTES SOLOMONIS,
eodem genere carminis redditus.


...
... Eobani tamen Hessi
... operam ab ho-
... prudentibus isto no-
... cognovi, quod illi
... haberet in manib
... ingenio suo, neque c
... Mularum in hoc tract
... neq; poëticæ vel facul
... quasi frena laxarit, se
... adam compositionis

Lipsiæ,

CVM PRIVILEGIO.

Anno M. DC. lvi.
Petarum Samalduz S. P. Romualdi. Ex legato M. D.
Helicani de Smogorow M. J. sonice Cap. N. etc.





TYPOGRAPHVS
lectoribus S.

ETSI MVLTORVM STUDIO-
sa pietas transferendo Psalmos
in versus latinos, post Eobanum
Hessum (qui istud opus absolutum pri-
m^o exhibuit) præclarè elaborauit, quib.
omnes veritatis coelestis & purioris do-
ctrinæ amatores plurimū gratiæ deberi
cōfitentur: Eobani tamen Hessi in hoc
genere nauatam operam ab hominibꝰ
eruditis ac prudentibus isto nomine p-
bari in primis cognoui, quod ille confi-
derans quid haberet in manibus, non
in dulserit ingenio suo, neque quasi in-
stinctum Musarum in hoc tractatu ad-
miserit, neq; poëticæ vel facultati vel
licentiæ quasi frena laxarit, sed simpli-
citate quadam compositionis inserui-
erit sententiæ integritati, quas quàm
proximè de Hebraicis scriptis expres-
sas esse iudicasset. Hoc me mouit,

AD LECTORES.

ut cupidius editionem hujus libelli quasi propriam reservarem officinae meae, quod scholasticis puerorum congregationibus rectissime, & cum maxima utilitate proponi ad legendum posse eum arbitrarer. Cum autem admonitus nonnullis in locis antea fuisse quaedam mendosè edita, & ipse errata manifesta operarum deprehendissem, & alia quoque correctione indigere animaduertissem, studui denuo hæc recognosci, & cum prius divulgatis exemplaribus aliis conferri, atq; adeo de notis quibusdam emendari, quas familiares olim auctoris viri boni & docti mecum communicarunt. Et confido nunc ita prodire opt. poëtae laudatis, opus ut & maculis alicubi deterfis nitidius visum iri, & diligentia mea quasi reconcinatum gratius futurum esse legentibus, mihi policeri audeam. Removenda etiam duxi notata in marginibus, & ea separatim adiungenda, sic quidem, ut notis appositis quid quo pertineret, liquidò demonstraretur: chartarum enim

AD LECTORES.

enim, in quibus scripta aliquorum im-
primendo exarantur, spacia pura ac li-
bera relinqui, quoad fieri potest, melius
esse judico. Quæ omnia à pietatis reli-
giosæ & bonarum artium studiosis in
opt. partem accipi, & operas eos laboris
ac qualiscunque industriæ meæ com-
mendatas habere cupio, Lipsiæ M. D.
LXIX.

AD LECTOREM.

*Sic etiam vili jacuit velatus amictu,
Dum sua Davides supra silet ante Deum,
Quem nunc ire vides peregrina in veste recinctum,
Forsitan exuvias exulis esse putes,
Qualemcunq; vides, talem dedit anxia Musæ
Hesidos in superos & sacra tanta, sitis:
Restat ut agnoscas lector bene, lava malorum
Nil moror in clades nomina nata suas,*



VITVS THEO-
DORVS PAULO PEINZIN-

GO, MARTINI FILIO,

Patricio Noribergensi,

S. D.

CVM IN MANVS VENISSET
nostri Eobani praclarum hoc
Psalmorum opus, mi Paule, gra-
tulatus sum tacitè hanc insi-
gnem commoditatem discendi non iuuetu-
ti solùm, quæ ad recta studia educatur, sed
Ecclesie quoque, cui imprimis conducibile
est, res sacras eruditè & perspicuè expli-
cari. Nam cum hoc omnium iudicio con-
stet, Psalmorum librum singulare Spiritus
sancti opus esse, propter insignem grauissi-
marum rerum copiam: profectò summum
in eo operæ precium poëta fecit, quod tan-
tas res cum tanta perspicuitate in poëma-
te, ceu in clara luce, conspiciendas propo-
suit. Nam cum carminis ratio illas visita-
tas sacrarum literarum figuras non ubiq;
recipe-

reciperet (nō iudicij solum, sed & facultatis singularis fuit ista (ut Græci dicunt) *neg. vñ* *nowōs* dicere, ut *neg.* de sententia propheta aliquid mutaretur, nec latinas aures inusitate in carmina phrasis offenderet. Hæc quia Eobanus noster singulare nostri seculi ornamentum, mirabili felicitate præstitit, profectō Ecclesiæ utilissimum laborem reliquit. Nam si mihi in hac re liberè dicendum est, quod sentio, omninò sic iudico, hanc Eobani Psalmorum expositionem plus longè lucis ad germanam propheta sententiam rectius intelligendam attulisse, quàm omnes omnium commentarios, quos intra annos quadringentos in scholis scripserunt. Ut igitur opus Ecclesiæ utilissimum, in scholis iuuentuti cum maiori fructu posset proponi volui aliquam studiorum meorum partem in id ponere, ut hi Psalmi argumentis explicati, & dispositione ac scholiis pro mea mediocritate illustrati ederentur. Quomodo enim possunt iuuentutis studia rectius institui, quàm si hoc modo cum liberaliore doctrina etiam reli-

EPISTOLA

gionem discant? Nam hoc citra controversiam omnes eruditi fateentur, plurimum momenti ad comparandam aliquam liberalem doctrinam in eo esse, si pueri statim assuesciant ad pangendum carmen. Ego vero haud scio an posit in scholis aliud aptius exemplum fingendorum versuum proponi, quàm sunt Eobani nostri versus, elegantia, facilitate & suavitate præstantes. Ejusmodi cum sint Ovidiani quoque, quis tamen non malit iuventutem simul sacra discere, quàm nondum bene confirmatos animos in profanis lusibus versari?

HUNC igitur meum laborem, mi Paulle, volui tibi dedicare, ut intelligeres usitatum meum erga nostros cives amorem & studium, quos cum quotidianis cohortationibus ad literas colendas exuscitem, etiam aliqua parte operarum mearum iuvare volui. Ac te imprimis hortor, quem non solum illustria patruorum in aliquot Imperatorum aulis nomina, ad recta studia impensius colenda excitare debent, sed etiam Republica, ad quam olim accessurus es, ut

NVNCPATORIA.

es, ut cum literis etiam religionem con-
 jungas. Ita enim fiet, ut & tibi clarum ad
 posteritatem nomen compares, & Reipub.
 consilia, & actiones tuae omnes sint saluta-
 res, id quod Christus inspector studiorum
 & vitae tuae clementer faxit, Amen. Bene
 vale. Norinberga, Calend. Feb. Anni
 1538. ex parochia Sebaldina.



ILLVSTRI ET IN
CLYTO HEROI AC
DOMINO, D. PHILIPPO,
Hessia totius ac finitimarum aliquot circa
gentium Principi, &c. domino suo per-
petua fide colendissimo, H. Eoba-
nus Heflus,

S. D.

Qui tibi vindicibus victori nuper ab armis
Heroa cecini iusta trophæa tuba :
Idem nunc elego Dauidica carmina plectro,
- Principe te tali munera digna fero.
Illa sed exiguum Thuringi flumen Hieræ
Miserat, ad Fulda littora pulcra tui.
Hec tibi nunc Musis Illustri Lanus ab urbe
Mittit, & accipias munera grata rogat.
Sunt tamen hæc illis tantò meliora profanis,
Quantò sunt omni sacra priora gradu.
Accipe Psalmographi tibi debita carmina vatis,
O' princeps animo diuitijsq; potens.
Nam quia tu nostras potuisti reddere Musas,
Iussisti & patriæ dulcis amore frui :
Quem magis ex merito tali digentur honore,
Tu nisi, nunc isto tempore, nemo fuit.
Precipue cum sacra colas nunc ista professus,
Quæ, nisi quod verum est, nil rationis habent.
Dotibus ingenij cum sis inuictus & armis,
Et vera foueas cum pietate suam :

Præterea

EPIST. NVNCVP.

Præterea studijs & fautor & autor honestis,
 Te duce que patria hæc, cui dominaris, habet.
 Quis te non meritò vel iniquus liuor amarit?
 Quis non obstupeat laudis honore tue?
 Hæc tua te decuit virtus, hæc gloria vera est:
 Magnanimi specimen Principis illud erat.
 Eia igitur Regum clarissime sanguis auorum,
 O' annis maior magne Philippe tuis:
 Accipe fatidicos, Dauidica carmina, Psalmos,
 Accipe Iessæ pleetra canora lyra.
 Que tibi tum meditor, iam me hoc videt alter agen-
 dum varium cœli Phœbus oberrat iter. (tem
 Dixerit audaces aliquis fortasse Camœnas,
 Aggressus maius quàm decuisset opus.
 Nec deerunt quos hæc nouitas inuisa mouebit,
 Heu mihi cur ludus tam vetus hic nouus est!
 Fallor, & an dicent, Cur vera oracula vatis,
 Tam malè contorto carmine falsa facis?
 Dÿ melius, quis sacrilegam, per talia Musam
 Crimina, ter dignam non putet esse mori?
 Si tamen hæc, vt plena malis sunt omnia, quisquam
 Scripta cauillatus crimen habere putet,
 Sentiet haut quenquam nps hæc pueriliter ausos,
 Nec scriptum hos pueris vt legeretur opus.
 Sed quia iudicio genus hoc laudetur eorum,
 Qui meritò laudem temporis huius habent.
 Nec tamen inuidiæ nunc respondere volebam,
 Est opus alterius temporis iste labor.
 Ad te iterum redeo Princeps fortissime, cuius

Auspi-

EPISTOLA.

*Auspicio est studijs redditus omnis honor.
 Qui sicuti patrie renovas virtutis honorem
 Armis, consilio, religione, fide:
 Sic etiam studijs illam melioribus ornas,
 Nobilis in vecto nuper honore schole.
 Hic ubi monticulam Larus tuus alluit urbem,
 Incluta quæ prisci nomina Martis habet.
 Si tibi nunc nostri possint placuisse labores,
 Et sensus aliqua parte movere tuos:
 Non mala Hesperidum potius, non aurea malim
 Vellera, quæ locuples Phasidos ora tulit.
 Nam mihi res magno stetit ista labore, nec ullum
 Exitit è nostro carmine majus opus.
 Sunt fateor, meliora meæ scripta edita Muse,
 Et quibus in versu gratia major inest:
 Qualia sunt, cantata mihi juvenilibus annis
 Plurima, & hoc etiam tempore multa super.
 Quæ mihi sunt inventa meo Marte omnia, vires
 Ingenij nequeunt dissimulare mei.
 Mollia ceu digitis fingentibus omnia cedunt,
 Et sequitur doctas æmula cæra manus:
 Sic quibus ipse parens fueris, quæ inveneris ipse,
 Quacumq; ipse voles finxeris arte licet.
 Præscriptum alterius fuit hac in parte sequendum,
 Et labor ingenij non fuit iste mei.
 Non secus, ac si quis magni conetur Homeri
 Vertere Romano carmina docta stylo:
 Eximium multa turbet ratione poetam,
 Præscripta nunquam jussus abire via.*

NVNCVPATORIA.

Sic mihi Psalmographi conanti reddere sensus,
 Præcipuus vel in hoc & labor omnis erat:
 Ut sensum assequerer, querenti verba, figuris
 Nec linguae ratio, nec Phrasis vna fuit.
 Adde quod est eadem toties repetisse molestum,
 Qui labor in scripto, dic mihi, major ubi est?
 Nec mihi me similem volui per cuncta videri,
 Hic ego me fieri Proreca posse velim.
 Hujus vel minimum nunquid sim Laudis adeptus,
 Vix puto iudicium temporis hujus erit.
 He caussæ fortasse aliquos offendere possent,
 Qui sunt iudicio candidiore parum.
 Debebunt tamen hoc ydem meminisse, quod hujus,
 Si quid inest vitij ne reus ipse ferar.
 Nec potui, toties luctatus, ut omnia possent
 Mille modis varia disparitate legi.
 Quare me venia dignum quoq; lector habebit,
 Si quis in eximio corpore navus erit.
 Tu nunc Hesiaca Princeps fortissime gentis,
 Temporis, & merito, fama Philippe tui,
 Assere Psalmographæ tibi dedita carmina Musæ,
 Pectore quam forti teg, tuosq; soles.
 Quod tu si facies, facies te Principe dignum,
 Et, quod perpetuò non moriatur, opus.
 Vnde tuis gestis accedat gloria rebus,
 Cujus te nunquam pœnituisse queat.
 Non etiam, nisi mens fallit præsaga, pudebit
 Davidem forti saepe tenere manu.
 Ipse quoq; è bellis victor, Psalteria saepe

Dicitur

EPIST. NVNCVP.

Dicitur inuicta sustinuisse manu,
Quod tantum decuit regem, tantumq; Prophetam,
Te quoq; dux noster, posse decere puta.
Et nostros defende tua virtute labores,
Qui nunc ex multa sunt ratione tui.
Qui tibi si placeant, ut spes est magna, fatebor
Iam mea, quæ voluit, littora puppis habet.
Vive diu, sobolemq; tuis felicibus auge
Sortibus, & patriæ splendida facta domus.



DE

DE FRUCTV ET VTI

litate lectionis Psalmorum,

ELEGIA EOBANI HESSI.

Quisquis habes varijs obnoxia pectora curis,
Acceptoq; aliquam vulnere queris opem,
Nec potes humana, quaecunq; sit, arte iuuari,
Haeret, & est soli spes tua fixa Deo:
Inspice Psalmographi diuina poemata vatis,
Inuenies quæ te cura leuare queat.
Siue tuis nocuit grassator finibus hostis,
Non alia melius pellitur hostis ope.
Seu res est peculata tuas manus improba furum,
Inde quod ablatum reddere possit, erit.
Exactum patria premit inuidiosa tyrannis,
Hinc tua soleris tristitia fata licet.
Insidias posuere tui tibi, & vndiq; captant,
Cum Dauide Deum consule tutus eris.
Pignoribus viduata domus tua luget ademptis,
Auxilium luctus non aliunde feres.
Pauperie premeris, domus esurit, urget egestas,
Hunc pete, ab hoc diues copia fonte fluet.
Iam tua carnifices populantur corpora morbi,
Hinc veniet morbis certa medela tuis.
Pressus es inuidia, vulgò contemptus haberis,
Huius ab exemplo tu quoq; fortis eris.
Pulsus es è summis, deiectus ad infima luges,
Hunc sequere, euades infera, summa feres.
Assiduis culti sterile sunt solibus agri,
Hinc pete fructifero qui riget imbri solum.

Imbri-

Imbribus assiduis sunt obruta semina terra,
Hinc pete qui iustis solibus arva iuuet,
Ah miseros, qui signa notant, & sidera spectant.
Et spes inde hominum vanaq; vota trahunt!
Deniq; quicquid erit, quæcumq; incommoda rebus
Humanis aliqua clade nocere queant:
Omnia Psalmographi divina poemata vatis,
Spe certa, & forti pectore ferre docent:
Et non ferre modo, verum quoq; pellere, si quis
Pectore, quo cecinit qui dedit ista, canet.
Nec modo fortunæ, dubiæque medebere rebus,
Marnat ab hoc animæ maxima fonte salus.
Tam non ulla male mens est sibi conscia culpe,
Quæ non inde habeat quo sua damna leuet.
Tam nullam miseros gravat intolerabile sensus,
Quod non hic aliqua parte levetur, onus
In nunc, fatidicis humana volumina scriptis
Confer, & istorum quodlibet inde pete.
Tam malè falleris, quam qui sub imagine somni
Inuenit, & vana continet æra manu.
In nunc, humanas morbis medeare per artes,
Quodq; Deo debes, quare aliunde bonum.
Ne faceres melici monuit sapientia Psaltæ,
Qui sacrum lyrico pectine pulsat ebur.
Hunc dedit expositum docti tibi cura Lutheri,
Qua te cunq; iuvat voce vel ore loqui.
Quamvis Teutonica Davidem voce loquentem
Dum lego, Romano me pudet ore loqui.
Totus ad exactum sic est sibi redditus unguem,
Hic ego, vel studio, barbarus esse velim.

Quidam

Quidam alij vario verterunt carmine Psalmos,
Carpentes cauta quos voluere manu.
Spernentes alij numeros, vertere pedestri
Psalmographi vati carmina sancta stylo:
Vt iam quæ patribus fuerant incognita prisca,
Nota vel è trivio culibet esse queant.
Sed quia non sapiunt eadem omnibus, omnibus horis
Et vario gaudent multa palata cibo:
Ipse quoq; è multis, nec multa nec optima legi,
Quæ fierent Elego carmina nostra pede.
Quæ me scribentem Pegnesidos accola rupis
Vidit, & in proprio Noricaberga sinu.
Cum tamen à caris, & ad huc vrgerer amicis,
Et studijs essent turba molesta meis:
Arripiens fateor, semel omnia scripta peregi,
Quicquid Psalmorum lingua latina tenet.
Atq; ita ne precibus saepe aduersarer honestis,
Nostra per hæc semel est libera facta fides.
Non quia me præstare putem potuisse, quod huius
Demporis innumera præstitit arte labor:
Sed quia materia fieri meliore poetam
Inuit, & hæc ratio prima probata mihi est.
Tum quia doctiloquo non sorduit ista Philippo,
Dignato tali ludere saepe modo,
Huic etiam debes, si te mea forte inuabunt,
Quæ tibi Psalmographo sunt data scripta pede.
Hactenus est ratio tibi reddita, cur mea nuper
Facta sit abiecta Psaltria Musa lyra.
Quisquis lessei legis hæc monumenta poeta,
Tu fac iam fructu non pereunte legas.

B

CLA.

CLARISSIMO NOSTRI

SECVLI POETAE ET PIO ET

CASTO D. EOBANO HESSO

suo in Domino fratri carissimo,

MARTINUS LU-

THERUS.

S. D.

G R A T I A M E T P A C E M I N
Domino nostro I E S U C H R I -

S T O, Amen. Psalterium tuum,

clarissime Eobane, & in Domino frater carissime. tuo nomine mihi redditum accipi, & summa voluptate legi, lego, legamque semper: ita gratus est mihi labor tuus in hunc mihi suavissimum librum collocatus.

Agoq; tibi gratias quam maximas, quod per musas tuas tam benignas, tam pias, mihi videre licuit Poëma hoc regium, diuinum, & inter Hebræa excellentissimum, latinum factum. Nam & aliorum omnium studia, qui in hoc poëmate vertendo, illustando & excolendo operam nauarunt, magnifice laudo, etiam si alicubi forte non omnia assequantur: Neque enim omnes omnia possumus, exceptis his, qui nobis Iudaicas tenebras in clarissimam lucem aliquot Psalmorum inuehunt, hoc enim non possum non fastidire. Ita tuum maxime probo, qui primus & fortasse unus inuentus es in uniuersa lingua latina, qui poësin hanc, diuinam

poësi

poësi Latina reddere tam feliciter aggressus
 sis, & pari felicitate perfeceris. In qua re ve-
 re simul istud ostendisti, quod in poëtis sit
 spiritus sedibus æthereis veniens, in te verò
 & opulentior & efficacior quam in cæteris,
 ut qui potueris reddere vires huius | poëtæ
 regij, nunquam alijs poëtis, quantumvis
 magno afflatu ageratis, vel leui olfactu cog-
 nitas. Quod nullo modo potuisses, nisi rebus
 ipsis fuisses ultra intellectum, ut dicere sole-
 mus, etiam vere affectus. Is autem affectus
 non à natura, nec ex vulgari Musarum vir-
 tute venit, aut earum afflatu solito, concipi-
 tur, sed revera donum novum est spiritus,
 & alitor è cælo afflatus. Proinde non tan-
 tum gratulor tibi, sed & dominum meum
 Iesum Christum laudo, qui spiritu suo te
 impleverit ad hoc pium opus magno hand
 dubie & usui & exemplo alijs futurum, in-
 primis pueritiæ, quæ ex hoc poëmate
 simul & literas & Musas, cum rebus &
 causis spiritualibus per fideles pædago-
 gos discere poterit. Nam ego me unum
 ex illis esse, fateor, quos poëmata fortius
 mouent, vehementius delectant, tenaciusq;
 in eis hæreant, quam soluta oratio, sit sane
 vel ipse Cicero & Demosthenes. Id
 cum mihi contingat in alijs rebus,
 quanto magis credis mihi id contingere

re in rebus Psalterij? in quo libro à iuuentute sum versatus, delectatus & exercitatus, nec sine magno, Deo gratia, fructu. Nam ut aliorum donis meum donum non præferam, hoc tamen sancta arrogantia glorior, quod pro omnibus thronis & regnis mundi ut ille ait, carere nollem illo ipso, quicquid est, quod delectando & meditando in Psalmis, benedicente Spiritu sancto, consecutus sum. Neque enim tam stultæ humilitatis sum, ut dissimulare velim dona Dei in me collata. Ex me ipso sane satis superque habeo, quæ me humiliant, & nihili esse doceant: in Deo certo superbiendum est, in suis donis lætandum, triumphandum, gloriandum est: sicut facio in meo ipsius germanico Psalterio. Nunc etiam magis in tuo Eobanico, sed omnia in laudem & gloriam Dei qui est benedictus in secula: in quo bene vale in perpetuas æternitates, Amen, Vitæbergæ, Calend. August. 1537.

CLARISSIMO VIRO D.
E O B A N O H E S S O P O E -
tæ, Philippus Melanthon,
S. D.

DAuidis Psalmos redditos abs te latino carmine, non vidi tantum. Sed quodite in manibus habeo, non solum oblectionis causa, verum etiam vt inde in acerbissimis curis remedium ac leuationem Miseriarum petam. Nam cum ipsæ Psalmorum sententiæ, quas video concinne & proprie redditas esse, animum meum recreant, tum vero numeris versuum, quasi cantu, vehementius etiam moueor. Magna enim vis est Musices ad affectus in animis excitandos aut sedandos. Quare hoc tuum opus valde amo, ac primum hanc voluntatem laudo, quod Musas tuas ad celebranda diuina oratula, & ornandam religionem exuscitas. Ego quidem vt reliquam Musicen, ita poeticam iudico religionum conseruandarum causa initio hominibus donatam esse. Cumq; vis illa scribendi carminis sine vlla dubitatione cœlestis quidam motus sit, maxime conuenit poëtis, eam vim ad res diuinas illustrandas conferre. Itaque præclare illa dicantur, cum ab alijs, tum à Pindaro, Musas primum debere Deum canere. Gratulor igitur tibi hunc animum, quod Musis tuis, hoc est, felicissima ingenij vena diuinitus donata, res diuinas celebrare studes; Deinde etiam iudicium probo, quod Psalmos delegisti. • Erat enim facilius, aut novos hymnos scribere, vt fecit magna cum laude Pon-

tanus, aut historicum argumentum tractare, quod
 splendescere magis potuit, quam ob causam Vida
 historiam Christi descripsit. Et in huiusmodi ar-
 gumentis quanta sit ubertas, quanta suavitas,
 quantus nitor, Heroides tuæ declarant. Sed vi-
 deo te utilitatis publicæ rationem habuisse, quod
 Psalmi recte translati, & veluti habitu Latino
 ornati, multo facilius intelliguntur. Hęc figura-
 rum & phrasıs explicatio multum lucis affert, &
 conducit ad iudicandum adolescentibus. Quare &
 ad pietatem, & ad formanda iudicia studiose iu-
 ventutis, deinde etiam ad incitandas generosas
 naturas ad studium poëtices, prodesse hanc Psal-
 morum editionem statuo. Scis autem & illud poëta
 officium esse in repub. ut & Plato & alij multi præ-
 ceperunt, ut scribat utilia vitæ seu moribus, quod
 in hoc opere tu quidē egregiē præstitisti. Postremo,
 etsi scio quam sint morosa iudicia, & de sententia-
 rum proprietate, & de genere versuū, tamen ego in
 altero diligentiam tuam, in altero felicitatem lau-
 do. Ineptissimum genus est illorum, qui quadam Iu-
 daica superstitione addicti glossæ matris Iudæorum,
 cum figuras non intelligant, nec sententiarum or-
 dinem animaduertant: sepe absurdas interpretati-
 ones, ac vere, ut Græce dicitur, *πρὸς τὸ ὑέλδος* affin-
 gunt. Hos sibi placere sinamus, tu Musis & melio-
 ribus ingenijs canito. Ago itaq; gratias tibi & meo
 & publico nomine, quod Ecce' etiam pulcherrimo
 monumento ornasti, & iuventutis studia accendis
 & adiu-

& adiuuas. Neq; hoc meum iudicium obscurum
 est. Soleo enim adhortari adolescentes nostros, at
 hoc scriptum legant & ament, propterea quod &
 Psalmis multum lucis affert, & prodest his com-
 munitibus studijs. Nam cum divina quadam inge-
 nij felicitate, veterem & pulcherrimam carminis
 formam reuocaueris, nostros homines ad studium
 poetices inuitasti, quod ad eloquentiæ studia con-
 seruanda plurimum affert momenti. Quare tibi
 multum debet Respub. & debebit posteritas, quod
 ingenij tui felicitate, & tua diligentia optime ar-
 tes excitata & propagata sunt, qua laude doctis
 quidem nulla debet esse optatior. Bene vale. Vite-
 bergæ, Cal. Aug. 1537.

B 4

Iustus

IUSTVS IONAS LE-
CTORI GRATIAM
ET PACEM.

OB ANVM HESSVM, QVI
Elegantissimo, carmine hoc no-
bis reddidit Psalterium, inde ab
anno ætatis meæ xv. propter ingenij vber-
tatem diuinam, admiratus sum semper, &
tum quidem adolescens adolescentem, iam
subingrauescentem ætatem vtriusque no-
strum, multo magis senem admiror senex.
Et quantumuis hebescentibus oculis, nunc
primum cerno quam honorifica mihi, cum
hoc tempore, tum ad omnem posteritatem
futura sit amicitia illius viri tanti, qui suis
immortalibus poematis non solum studia
& literas mirifice adiuuit & excoluit, sed &
ita conferens ad scribendo sacra illum ze-
lum, illam industriam præstantis sui ingenij
& spiritus, non paulo cultiorem ornatio-
remque reddidit vniuersam doctrinam
Christianæ professionis. Atque hinc effuse
melatari gratularique mihi illam tam ve-
terem coniunctionem, & æternam neces-
situdinem, cum hoc divino & immortalis poë-
ta, nemo miretur. Neque enim parua apud
me res est, me Eobani Hessi amicitiam,
quam inde à teneris inter honestissima stu-
dia coalescere meminì, subinde magis cul-
tam

tam confirmatamq; omni genere officio-
rum, his asperis & difficilibus temporibus,
quibus sæpe leui occasione, arctissimæ con-
iunctorum disilierunt necessitudines, inte-
gram conseruasse, & quasi thesaurum magnis
periculis seruatum & ereptum, transmissu-
rum esse ad hæredes, Ipse Eobanus iam o-
lim, non solum summis quibusque Italicis
Germanicisq; huius seculi ingenijs, sed cum
omni vetustate facile certans, quãuis multa
præclara poëmata edidit, tamen præcipue
id de hoc suo Psalterio indicat, quod pro-
pter grauitatem & sanctitatem argumenti,
deinde quod opus senili quodam iudicio &
prudenter, miroque labore subactum &
propositum est, vt docti facile iudicant, eo
facilius superuicturum esse ad posteritatem.
Proinde cum viderem non displiciturum
Eobano, vt huic æterno operi adderem bre-
ue scriptum, in quo testatum relinquerem,
quanti amicitiam vetustam nostram floren-
ti ætate inter nos ceptam, & in hunc vsque
diem sanctissime cultam, conseruatamque
facerem: quanti deinde illus Hæsiçi Dau-
dis citharam, quam proxime Iesæi herois
suauitatem & sonum referentem, omnibus
pijs & eruditis faciendam esse ducerem. Ad-
didi ergo hoc incultum & tenue meum scri-
ptum, non aliter atque si discipulus pictoris

ad excellentis artificis alienius opus rudē
 addat *adægyptæ*. Psalterium inter summos
 scripturæ totius libros esse nemo ignorat-
 eius laudes per sese celebres sunt satis can-
 tæ, & nunc elegantissimis his Eobani versi-
 bus dignæ, quibus ebuccinandis certatim
 incumbant, omnia summa & Eobani simili-
 ma ingenia. Hortarer adolescentes ad te-
 reendum inter manus, tam diligenter hoc
 Psalterium Hesi, poetico & miro ornatu
 vestitum, quam ipsi, Davidis diuina poëma-
 ta ipsa, nisi viderem Eobanum ita feliciter
 & diuinitus ipsum pondus rerum maxima-
 rum, vitam & ardorem affectum maiesta-
 tem, vim atq; nervos orationis propheticæ,
 assecutum esse, vt lectores facile inuitura sit
 mira amœnitas carminis, vt Dauidem i-
 psam, si reuiuisceret, lectorem allicere feli-
 cissima imitatio possit. Et mirum non sit, si
 ad sic expolitæ Dauidicæ illius citharæ dul-
 cissimum & vere Musicum sonum, non so-
 lum omnes qui literis, Musis, aut fidibus
 non inimici sunt: sed & veluti ad Orphea
 quendam, arbores atque saxa accurrant, Le-
 ctor vale, & Psalterio Hesi Dauidico frueri.
 Data Vitebergæ, Calen. Augusti, Anno à
 Christo nato 1537.

HELIO EO BANO HES

SO, REGI POBTARUM.

S PALATINUS

S. D.

TAM mihi quã reliquis semper Psalterion istud
Proderit, ipsa ut res nos Eobane docet.

Nam sunt hic numeri Musis & Apolline digni.

Et quos Christiadum numina cuncta probent:

Et quos Christiade discant sine crimine cuncti.

Et quos Sarigenæ semper in ore ferant.

Hic puer, hic iuuenes, habet hic veneranda senectus,

Quo felix miseris libera rebus, eat.

Mentibus hinc nostris solatia certa petuntur,

Quæ nullis opibus mundus habere potest:

Talia Ieffeus veheret cum laude prophetes,

Exultans elegos iam rediisse suos.

De Domini verbo, vitæ, ambrosiaq; salutis,

Quod fidei solo munere, corde beat.

Sola fides hominem celesti donat honore,

Sola fides superos conciliare potest.

Sola fides hominem peccato liberat omni,

Sola fides mortem, & pessima quæq; premit.

Sola fides Christi fratres, sociosq; potentes

Efficit, & cœlis inserit una fides.

Sola fides animos tetrico mœrore iacentes

Erigit, & miseris pœtora leta facit.

Sola fides Sathanam subigit, stygiasq; paludes,

Clauibus his solis sidera summa patent.

Sola

Sola fides viuus, morientibus omnia donat,
Sola fides regit, atq; omnia sola potest.
Verbo iuncta fides alas dat in aethera utraq;
Mentibus & socijs corpora nostra beat.
His ducibus cunctos animi superabimus hostes,
Quamlibet è numero sordidiori sati.
His ducibus semper victricia signa feremus,
His ducibus certi posteritate frui.
Hac tibi legitimum cano gratificatus honorem,
Pro Psalmis merito ter Eobane tuis.
Dum vehor ad verbi Christi incrementa tonantis,
Ensiferi imperio Principis ipse mei.
Exiliens animo Psalmos te autore renatos,
Quos cithara tali nulla Thalia dedit.
Munere pro tali grates tibi tempora nostra:
Et recinet quicquid posteritatis erit.
Sed magis hoc semper qui te Spalatinus amauit,
Qui iuuenis, qui vir, te celebrare solet.
Coniuge cum casta, cum toto examine, felix,
Vive diu dulces Nestorosq; dies.
Voti huius socius doctor Megebacchus adesto.
Quicquid & Aonidon Teutonis ora fouet.

PSAL.

PSALTERIUM
DAVIDIS.

CUM ANNOTATIONIBUS
VITITHEOBORINO-
ribergensis, quæ commentarij
vice esse possunt.

PSALMUS. I.

Beatus vir qui non ambulavit in
consilio impiorum.

ARGUMENTUM.

*Firmet ut humanas nova consolatio mentes,
Quas habeant vires, quæ bona verba Dei,
Qui Domino fidant, hos solos esse beatos,
Quæ maneant reprobos, pagina prima docet.*

Convenientissima præfatio in Psalmos, qua
hortatur propheta ad studium religionis. Quia
autem hypocrisis magnam speciem habet, econtra
vera Ecclesia sine specie est: ad consolationem veræ
Ecclesiæ, egregie ornat fructus verbi.

Felix ô nimium felix, qui facta malorum
Impia conspiciens, noluit ulla sequi.
Cui via difficuit pro veris falsa sequentum,
Perditus incautum ne graderetur iter:
Qui neq; conscendis damnosæ fulcra cathedræ,
Quam derisorum turba maligna tenet,

Huius

Huius erit Domini lex infinita voluptas,
 Quam labi ex animo, tempora nulla sinent.
 Hic erit assimilis grandidæ sua brachia palmæ,
 Quæ stat ad undantes iussa virere lacus.
 Quæ feret opportuna suos in tempore fructus,
 Et sua quæ debet munera ferre, feret.
 Huic non ulla suos vis perturbabit honores,
 Nec folia à ventis illius ulla cadent.
 Hæc quæcunq; dabit, dabit optima, prodiga veris
 Fœtibus, optandas semper habebit opes.
 Tam bona non capiet, non impius ista videbit
 Præmia, non tales talia dona decent.
 Sed velut à terra paleæ sparguntur inanes,
 Quas quocunq; volet qualibet aura rapit,
 Impius instabiles sic evanescet in auras
 Et nullum poterit certus habere locum.
 Ergo salutiferæ nec stabit in ordine turba,
 Cum iusto reprobus nec sociandus erit.
 Novit enim Dominus iustos, & vota piorum,
 Quorum avida iustas percipit aure preces.
 Sed cadet, & penas dabit impius omnis, & horum
 Omne quod instituent dissoluëtur opus.

S C H O L I A.

FELIX) Propositio. Beatus est qui discedit ab ecclesia impiorum, & amplectitur puram doctrinam.
 HUIUSERIT) Ratio. Verbum non est ociosum, quia habet additum Spiritum sanctum, qui per id corda renouat. SED VELUT) *in idem*, quæ minatur Ecclesiæ hypocritarum, quod sit peritura. NOVIT)
 επιφωνεια.

Quare fremuerunt gentes, &c.

A R G U M E N T U M.

Hic tibi venturum Christum super omnia regem,

Per sua deuicta vulnera morte, canit.

Horrendas in sceptris minas terrena ferentes

Torquet, promissis pectora iusta levat.

Est prophetia de regno Christi, & Christo, mundum omnia conaturum, ut Christum & Evangelion de Christo opprimat: Sed Deum confirmasse regnum filij sui. Quare futurum esse, ut qui Evangelio obediunt, saluentur: qui autem non obediunt ut daminentur. Ac nota prophetiam signare locum vutigandi Evangelij, sicut Psalmus CX.

QVIS furor in tantam rabiem conuertere gentes?

Quæ potuit fremitus causa fuisse noui?

Cur populi toto tam frivola in orbe loquuntur?

Cur nullum finem terror inanis habet?

Namq; rebellantes conspirauere tyranni,

Consilijs reges intumuerè nouis.

Consilia aduersus Dominum insidiosa pararunt,

Illius & Christo quæ nocuisse queant.

Improba dicentes, rumpamus vincula, nam quid

Non pudet istorum nos iuga seua pati?

Ipsorum tamen ille minas ridebit inanes,

Qui super & cælos & supera astra sedet.

His etc.

His etenim visum Domino movere nec inde
 Effectus alios fabula vana refert.
 Cum siquidem volet ipse, illis ea verba loquetur,
 Iratum poterunt quæ decuisse Deum.
 Tum furor ipsius exardescet, & opprimit ausos
 At scelus audaces apposuisse manus.
 Atq; ita perficiet ne sint rata fœdera, quorum
 Tanquam non dubiam constituere fidem.
 Ipse autem statui Regem, Deus inquit, ut esset,
 Qui nostra in sanctum sceptrâ Sionâ ferat.
 At mihi conditio hæc longæ gratissima visa est,
 Rex ait, hæc lex est, quam sine fine loquar.
 Dixit enim Dominus mihi, mi carissime fili,
 Hac ego progenitum te mihi lucotuli.
 Posce, feres quæcunq; voles, quæcunq; rogabis,
 Nil tibi largâ manus nostra negare potest.
 Heredem statuam populi te totius orbis,
 Sub pedibus cernes subdita regna tuis.
 Nec tamen imperium tibi finiet orbita solis,
 Quæ vel summa petit quæ vel ad ima cadit.
 Inde coërcebis per ferrea sceptrâ rebelles,
 Contundes inanibus saxea corda tuis.
 Tam facile hoc tibi erit, fragilem quam frangere
 Quâ figulus celeris finxerit arte rotæ (te stam,
 Nunc igitur riges-risipiscite, quærite rectum,
 Quorum iudicijs terra regenda data est.
 Et vanas auferte minas, submittite tandem
 Facti humiles, forti corda superba Deo.
 Quin etiam cum lati eritis timor illius assit,

Iratum

*Iratum grauis est res habuisse Deum.
 Suscipite unanimes natum, ferte oscula nato.
 Ne si indignetur, forte nocere velit.
 Ne vos abijciat reſta de sorte bonorum,
 Et sine diuina disſereatis ope.
 Nam veluti ignis edax simul illius ira furorem
 Ceperit, in præceps omnia vertit agens.
 Felices quicumq; illi confidere poſſunt,
 Quo sine non alia eſt ſpes rata, nulla ſalus.*

S C H O L I A.

QUIS FUROR) Torus Pſal. narratione conſtat.
 Atque initio docet Chriſti regnum eſſe regnum cru-
 cis & ſpirituale, quia mundus id perſequitur. **IPſo RUM**
TAMEN) Iſte eſt exitus furoris mundi, & pertinent
 hæc ad conſolationem Eccleſiæ in mundo oppreſſa.
IPſe AUTEM) Altera pars narrationis, quod re-
 gnum Chriſti diuinitus ſit conſirmatum, nec poſſit hu-
 manis virib. aut conſilijs euerſi. Belle autem depingit
 ſummam Euangelij, quod ſcilicet Chriſtus ſit filius
 dilectus, per quem nos quoque reconciliamur Deo,
 credentes in eum. **NUNCIGIT.**) Narrationi ſub-
 iicit exhortationem. Ac in Hebræo ſuauiſſima figura
 eſt. Oſculamini n̄lium. Qua non ſolum ſignificat re-
 verentiam, quam ei debemus, ſed & amorem quo
 Chriſtus nos complectitur, & viciffim noſtrum offici-
 um. **FELICES**) Beati qui confidunt in eo.

P S A L M U S. I I I.

*Domine quid multiplicati ſunt
 qui tribulant me.*

C

ARGU-

PSALM. III.

ARGUMENTUM

*Arma sui fugiens Dauides impia nati,
His miser ante Deum vocibus usus erat.
Exemplum nobis imitandum hoc ergo reliquit,
Vt mala discimus ferre, subire, pati.*

Est mixtus Psalmus, habet inuocationem
& consolationem insignem, quæ ambo no-
bis tenenda sunt, cum Dauidis exemplo
à mundo affligimur: Nam pertinet Psalmus
proprie ad persecutionem.

Psalmus Dauid cum Absolona fugeret.

*HEU mihi quanta meis insurgunt agmina rebus,
Summe pater, quàm me plurima tela petunt?
Sunt etenim, quos non pudeat mihi dicere, multi:
Spem vita in Domino non habet ille suo.
Tu vero opponens clypeum Deus opprimis hostes,
Insidias vitæ qui posueré mea.
Per te vera data est, per te mihi gloria venit,
Tu quassi capitis cornua fracta leuas.
Voce igitur querula Domnũ in mea vota vocabo,
Nunc quoq; quando opus est, dum mala tanta
Audiet ipse sui sancto de vertice mōtis, (premunt.
Nec voti vacuam spem sinet esse mei.
Nocte soporatus tota securus agebam,
Lucifero tollens exoriente caput.
Certus eram siquidem, quia me presentia seruat
Illius, in cuius sunt mea fata manu.*

Non

Non igitur metuum vel centum millia, quamuis
Cuncta meum fortes in caput arma ferant.

Surge, fer auxilium Deus ô mi, redde salutem,

Tu potes ablata reddere pacis opem.

Hofibus incutiens colaphos mala multa locutis,

Tu sine maxillas dentibus esse facis.

A Domino speranda salus, opus ille salutis

Solus habet, vita hinc non aliunde venit.

A te summe pater benedictio cuncta profecta est,

Venit & in populum gratia larga tuum.

S C H O L I A.

HEUMITHI) Querela, in qua proponit periculum,
Et est narratio. TU VE.) Consolatur se contra pe-
riculum. potentia & misericordia Dei. V O C E I G I.)
Inuocatio, quæ est propositionis vice, N O C T E S O.)
propositionem confirmat exemplo suo. Hæstenus mi-
rabiliter in maximis periculis servatus sum. A D O-
M I N O S P E) Epiphonema, quod claudit precati-
onem. Domini est salus.

P S A L M U S. IIII.

Cum inuocarem exaudiuit, &c.

A R G U M E N T U M.

Hortatur sperare pios & ferre labores,

Et soli in dubia fidere sorte Deo.

Stulticiam obiurgat recidentis ad impia turba,

Quam manent iustos præmia pulcra docet

Est precatio Contra crucem, quam cogun-
tur ferre pij propter confessionem, Habet au-

tem illustrem doctrinam additam contra scandalum crucis, quod Deus mirabiliter tractet sanctos, & cum eos maxime defendat, cum videntur extreme derelicti. Atq; hæc plena sunt consolationis. Titulum fere omnes sic exponunt, quod sit decantari solitus Psalmus à principe seu magistro musicorum, sicut nostris morib. collegia sacerdotum suos succentores habent. Quare nomen Vincentis ubique verte, aut accipe pro principe musicorum seu chori.

Vincenti in melodijs Psalmus David.

*AUDI summe Deum timida te voce vocantem.
Nunc tua sit votis auris aperta meis.
Audi iustitiae nostrae pater vnice & autor,
Quo tantum salui iustificante sumus.
Afflicti misere animi, veniamq; precanti
Annue, nec miserum deseruisse velis.
Nam tua contemnunt oracula turba malorum,
Quorum stulta grauis pectora fastus habet.
Verum agite o quicumq; & opes & regna tenetis,
Quorum homines inter prædominatur amor.
Dicite quo tandem mea gloria tempore vobis,
Aut quo ludibrium desinet esse modo?
Tantane vos capiunt contemti obliuia recti,
Ut tam vana diu vos adamare iuuet?
Quam vos vestra diu mendacia stulta iuuabunt?
Quando aliquem finem stulticia ista feret?
Mirificas Domini tandem cognoscite leges*

In qui

P S A L M. IIII

In quibus exercet, quos amat ipse, suos
 Deicit ut releuet: premit, vt solatia praestet:
 Enecat, vt possint viuere & esse super.
 Audiet ille meam, quoties petit aethera vocem,
 Attenta aure meas audiet ille preces.
 Quod si vos aliquis rapida furor implicet ira:
 Primus, peccatum sit metuisse, timor.
 Ipsam se inspiciat propria mens conscia culpæ,
 Et secum discant pectora nostra loqui.
 Sacra etiam, sed iusta Deo, nec iniqua feratis:
 Sperate in Domino, sperata talis erit.
 Multi quæ bona sunt ignorant, & tamen audent
 Dicere, quis bona nos vera docere potest?
 Vultus ergo tui diuino lumine nobis
 Irradia, tenebras discute, redde diem.
 Hoc siquidem infundis nostræ noua gaudia menti,
 Dotibus exhilarans pectora mæsta tuu.
 Illos larga inuat cunctarum copia rerum,
 Quas Deus ipsorum venter amare solet.
 Scilicet atq; oleo madidi, vinoq; fluentes,
 Crescere te miseri per bona falsa putant.
 At mihi cum placida demisi membra quieti,
 Et curæ fugiunt, & timor omnis abit.
 Huius debetæ soli tibi gratia, namq;
 Tu me securum viuere & esse facis.

S C H O L I A.

AUDI) Precatio, O pater iuua me. VERUM)
 Pathos obiurgatio eorum, qui offenduntur cruce, &
 existimant afflictiones piorum esse signa iræ Dei, q. d.

filij sunt quos Dominus corripit, at vos inflati successu, me non putatis esse filium Dei. Fiet autem cum vos praesidia ista fallent, quib. nunc fiditis, & ego ero in gloria. **C O G N O S C I T E**) Discite meo exemplo patientiam, ut etiamsi occasio sit, qua ad iram commoueamini, tamen eam vincatis patientia & spe liberationis. Hæc spes est Deo gratissimum sacrificium. **M U L T I Q U A E**) Redit ad obiurgationem & repetit preceationem. Addit autem in signem antithesin. **A**bundent alij pane, vino, oleo, Tu mihi verbum gratia tua largire, quo me consolet, &c.

P S A L M U S. V.

Verba mea auribus percipe, &c.

A R G U M E N T U M.

*Non habet in felix maiorem Ecclesia pestem,
Quam qui pro veris dogmata falsa serunt.
Hos notat, hos contra Dominũ rogat, inuocat, orat,
Ne sinat hæc plebi monstra nocere sua.*

Est precatio contra impios doctores, & habet insignem descriptionem falsæ doctrinæ, quæ homines inflat fiducia propriorum meritorum, & ideo securos facit in grauissimis peccatis. Ad extremum tamen sentitur, quod cõscientiæ nusquam acquiescunt, quam in verbo Dei. Titulus pro hæreditatibus, significat quod Psalmus docet de piorum & impiorum conditione & præmijs.

Vincenti pro hæreditatibus Psalmus
David,

PER-

PERCIPE verba tuas non vana ferentis ad aures

Mi Deus, & lingua suscipe vota mea.

Conceptus admitte preces clamantis, & audi

A te solo aliquam verba rogantis opem.

Quo sine non alius Deus est mihi, non alius rex.

Quem precer, aut corā quo mea damna querar

Nunc rogo digneris pater exaudire vocantem.

Quam primum orta noui lumina solis erunt.

Mane nouo tuo templa petam, spe plenus adibo,

Te quoq; vt obseruem quid tua dextera paret.

Non equidem Deus es ceu vana è gente deorum.

Impia cui placeant, qui mala facta probet.

Te neq; consistet coram veri impius osor,

Turba maligna tuos corruet ante pedes.

Ante tuos oculos stulti fugere, nec unquam

Conspectus poterunt fulmina ferre tui.

Omnes namq; habuisti odio male semper agentes,

Vindice te mendax lingua coacta tacet.

Sanguinis & cadum cupidos Deus odit, abhorrens

Quorum sunt varijs pectora plena dotis.

Ipsè autem tua templa petam, tua limina visam,

Confidens animi de bonitate tui.

Illic te timidis precibus venerabor adorans,

Cordaq; spe plenus, plena timore feram.

Iustitia mihi frena tua pater indue, ut hostes

Hic aliqua nequeant parte nocere mihi.

Forsan aberrantem ne me ferus auferat hostis,

Ingrediar, quod agam te duce, certus iter.

Quando nihil certi sed tantum falsa loquuntur.

Quorum vana nocens pectora virus alunt.
 Quorum auidas fauces & guttura facta sepulcris
 Quæ semper pateant, assimilare queas.
 Qui linguis aliud simulantibus omnia blandis,
 Fraudibus vrgebant, & nocuere dolis.
 Arripe, fac precor esse reos, te iudice caussa,
 Vt ne perficiant quod voluere, cadant.
 Et quia non statuere modum deformibus actis,
 A facie hos omnes, eijce, pelle tua.
 Te siquidem vicij irritauere nefandis,
 Parere imperijs nec didicere tuis.
 Fidentes tibi perpetuos latentur in annos,
 Te memores possint & tua facta loqui.
 Nam tibi dilectos defendis ab hoste, nec vnquam
 Oppressos curis tristibus esse finis.
 Omnia contribuens iustis bona, protegis omnes,
 Qui tua iactantes munera, nomen amant.
 Sicut eni in grauibus miles circundatur armis,
 Sic tuus hos miseros non finit esse fauor.

S C H O L I A.

PERCIPE) Propositio. NUNC ROGO) Affectus ardorem significat cum tempus nominat. NON EQUIDEM) Ratio propositionis. Ideo oro & spero liberationem, quia scio te non delectari aduersariorum meorū doctrina & vita, atq; hæc ceu narratio est. IPSE AUTEM) Antithesin addit. Ego non nitar mea dignitate & iusticia sicut illi, sed tua misericordia. IUSTITIAE) Redit ad precationem. TANTUM FALSA LOQUUN.) Descriptio falsæ doctrinæ & pseudoprophetarum: ARRIPERE) Addit imprecationem

tionem. FIDENTES) Votum quo felicia precatur
Ecclesiæ & est hæc promissio exauditiæ orationis

P S A L M U S VI.

Domine ne infurore tuo, &c.

A R G U M E N T U M.

*Quales abripiant affectus corda piorum,
Cum subeunt vitium, lex, metus, ira Dei.
Quanta malos maneant mala, quam lata omnia
Pinxerit hac melius nulla tabella tibi. (iustos*

Est precatio animi sentientis iram Dei, & accusatio-
nem conscientiæ, qua non potest esse alia lætior ten-
ratio & afflictio. Quare simpliciter confugit ad mi-
sericordiã Dei, in qua sola animi possunt acquiescere.

Vincenti in melodijs in instrumento octo chor-
darum Psalmus David.

*O DEVS immensi fabricator maxime mundi,
Qui sine principio, qui sine fine manes.
Ad te confugio, & supplex tua numina posco,
Da pater has aliquod pondus habere preces.
Ne rogo me quanquam est iusti tibi caussa furoris
Argue, dum seuis dum grauis ira tua est.
Neue licet meritum tormeta nouissima puni,
Dum tuus in cursu est, & mouet arma furor.
Quin potius miserere anima peccasse fatentis.
Quæ iacet & requiem non habet agra suam.*

Cuius in exhausto nihil est in corpore sanum,
 Languidaq; attonitus contudit ossa pavor.
 Te sine non aliquod medicabile vulnus habentis.
 Te precor huic anima, quod potes esse, velis.
 Quæ nunc ipsa suam deslet collapsa ruinas,
 Heu quanti exilium temporis illud erit?
 Respice me, placidaq; iterum conuertere vultu,
 Et mea placata vincula solue manu.
 Indigna ser opem presso grauitate malorum,
 Nomen inexhausta quod pietatis habes.
 Nam tua nec memorant vitali lumine casti
 Facta, nec inferna te colit aula domus.
 Anxia continuo rumpebam pectora questu,
 Nec lacrimas oculi continuere mei.
 Fleibus vda madent totas mihi stragula noctes,
 Et meus assiduo lectulus imbre fluit.
 In gemitu & lacrimis facies mea tabida factu est,
 Totq; suis curis obruta consenuit.
 Me labor arumnaq; graues sine fine fatigant,
 Et nulla miserum parte valere sinunt.
 Ite procul fugitote meos turba impia vultus,
 Iam valet ante suum nostra querela Deum.
 Audit enim votisq; fauet pius ille rogantis,
 Nec finit auditas non valuisse preces.
 Fæda, meos propere confusio subruet hostes,
 Et timor auersos acceleratus aget.

S C H O L I A.

O DEUS) Propositio : ignosce peccatori,
 IUSTI

IUSTI TIBI CAUSA) Fatetur se iusta ira Dei premi. **MISERERE ANIMAE**) Prima ratio, quam non sumit à sua dignitate, quæ in talib. etiam apud sanctissimos nulla est: sed à miseria & calamitate suæ. **INDIGNA FEROPEM**) Secunda ratio, sumta à persona Dei; Tu es misericors, & in laudem tuam cedit si me iuves, ergo, &c. Atque his iterum commemorat calamitatem suam, ut eo ad iuandum Deus sit promptior.

P S A L M U S. VII.

Domine Deus meus in te speravi.

A R G U M E N T U M.

*Probra miser passus Ieminide. friuola Semei.
Hac flexus à Domino voce petebat opem.
Sic mundus cum probra pijs facit, omnia sana
Mente ferunt, & habent qua releuentur opem,*

Titulus Psalmi est ignorantia culpæ seu innocentia David. Quia enim Semei Davidi fugienti à facie Absolonis obiecerat, vir sanguinum es, reddit tibi Dominus sanguinem domus Saul, cuius regnum tu inuasisti, &c. David hoc Psalmo se purgat, quod non per tyrannidem regnum Saulo ademerit, atq; orat contra persecutores suos, ut eum Deus in regnum restituar.

Ignorantia seu innocentia Davidis quam
cecinxit Domino propter verba Ac-
thiopis filij Iemini.

SVMME pater, sine quo non est spes vlla salutis,
 In manibus tota est spes sita nostro tuis.
 Quandoquidem non est alius cui fidere possim,
 Ne tibi fidentem deseruisse velis.
 Quem miserè affligit tot milibus ille malorum,
 Nec requiem pœna perfidus hostis agit.
 Sic pater afflicto taliq; sub hoste iacenti,
 Auxiliatrices porridge queso manus.
 Ne ferat illorum manibus data prada truentis,
 Insidias anima qui posuere mea.
 Certo etenim si me deprenderit impius hostis,
 Ut leo mansuetam dilaniabit orem.
 Sicut ouem quam nemo auida de fauce leonis
 Viribus humanis eripuisse queat.
 Quod si tale aliquod scelus admisisse videbor,
 Qualia multa in me deputat hostis atrox.
 Si qua meis manibus patrata iniuria, cuiquam
 Si mea verba obsunt, aut mea facta nocent.
 Si volui quenquam, qui commoda paci amaret
 Perdere, si damnum reddere cura fuit.
 Horū si quid habet mihi quod ferus imputet hostis,
 Insidias anima ponat, ut ante, mea.
 Omnibus affligat tormentis iste merentem,
 Nec cesset requiem non sinere esse mea.
 Captiuo rapiat fontem de corpore vitam,
 Spes & honor vitæ non sit, ut ante, mea.
 Immundo reliquæ iaceant in puluere sortes,
 Sit mihi sic merito gloria nulla super.
 Nunc age, nunc exurge, irascere, concipe bilem,
 Quam

Quam nequeat rabidus sustinuisse furor.
 Deprime cervices elatas, sentiat hostis,
 Colla superborum deprimere, esse tuum.
 Restitue officio, quod te mandante subiui,
 Et videant qui te deseruere prius
 Conueniet circum te plurima turba bonorum,
 Et populi cætus te prope multus erit.
 Hos propter cape sceptrum manu, sustollere in altum
 Te hic populus regem gaudeat esse suum.
 Qui populum Deus ipse suum diiudicat, idem
 Iustitiæ causam iudicet ille meæ.
 Tu causam discerne meam iustissime iudex,
 Si mereor, si non mens scelerata mea est.
 Perde malignantum cætus, turbamq; rebellem
 Destruere, quæ vitij obruta corda iacent.
 Assere iustitiæ cupidos, rege pacis amantes,
 Qui Deus & renes, cordaq; cuncta probas.
 Interiora hominis qui conspicias omnia iudex,
 Quo nihil immensus iustius orbis habet.
 Auxilij Deus arma mei clypeumq; salutis
 Solus habet duce quo per mala victor ero.
 Subleuat ille pios, & candida pectora habentes,
 Iudicat ille malos, & scelus omne videt.
 Ingerit ille malis nullo non tempore pœnas,
 Et reprobis nunquam desinit esse minax.
 Quod nisi stulta leuis resipiscat inertia vulgi,
 Iam gladios acuit, iam sua tela parat.
 Fortem letifero neridum contendit in arcu,
 Sumta venenato spicula felle limit.

Iam

Iam feriet, iam percutiet mihi damna ferentes;
Iam, velut à flammis, impia turba cadet.
En tamen ipse animo mala plurima cogitat hostis,
Ingentes misero parturit iste dolos.
Parturit, iste quidem fœtum pariturus inanem,
Aut si quid vano vanius esse potest.
Effodit puteum, foueamq; eduxit ab imo,
Et miser in latebras incidit ipse suas.
Ipsius in iugulum mihi tela parata redibunt,
Quas in me fraudes texuit ipse feret.
Ipsè feram Domino, quas possum soluere grates,
Iusticia nunquam deficiente, Deo.
Et nomen venerabor Olympiæ regna tenentis,
Cui bene conferri gloria nulla potest.

S C H O L I A.

S U M M E P A T E R) Precatio. Assis mihi contra
 meos inimicos. Q U O D S I T A L E) Ratio petitio-
 nis, qua testatur innocentiam suam. Loquitur autem
 de innocentia coram hominibus, & non coram Deo,
 ac dicit se istorum criminum non esse reum, quæ ob-
 ijciant inimici. N U N C A G E, N U N C) Imprecatio
 contra hostes, quæ cum propositione conuenit. R E-
 S T I T U E O F F I C I O) Secunda ratio, sumpta ab Ec-
 clesiæ commodis, iacet nunc religio & cultus Dei,
 ergo propter tuam gloriam & Ecclesiæ utilitatem me
 in regnum restitue. Q U O D N I S I S T U L T A)
 Comminatio qua aduersarios monet, futurum vè
 Deus sumat supplicium de ipsis, ni pœnituerint. I N
 L A T E B R A S) Absolou nociturus patri, sibi nocuit.
 I P S E F E R A M) Claudis Psalmû gratiarum actione.

Domine Dominus noster, &c,

A R G U M E N T U M.

*Vltima prædicit morituri vulnere Christi,
Qualiter & victa surgere morte queat.
Inuictas canit imperij super omnia vires,
Cui suberit toto quicquid in orbe manet.*

Est insignis prophetia de regno Christi & rege Christo, quod humiliabitur per crucem, & per resurrectionem iterum triumphabit potens Dominus totius creaturæ, etiam secundum humanitatem. Quare Ecclesia quæ est in mundo, infantibus & lactentibus. similis, suum caput & regem Christum per prædicationem Euangelij ornabit, & per totum mundum feret.

Vincenti in Githith instrumento musico
Psalmus David.

IMPERIO qui cuncta tenens dominaris & orbi
Terrarum, & quicquid machina tanta tenet
Quam merito tua magnificis præconia magni
Laudibus implerunt solis utramque domum.
Quam merito tua maiestas super aurea celi
Templa sedens, pedibus subdita cuncta videt
Infantum, res mira, tuum sermonibus hostem
Conteris, & lingue simplicis arte necas.
Indiga qui vocis lactentibus ora resoluis,

Hoslibus

Hostibus vt virtus sit tua nota tuis.
 Inde vt ab exiguis tua nota potentia rebus,
 Et dextræ vires omnipotentis erunt.
 Sine etenim ingentis spaciōsa volumina cæli,
 Seu manibus videam sidera facta tuis.
 Aspiciam rutuli flammantia lumina solis,
 Cornua seu lunæ plena videre libet.
 Multa statim nostros subit admiratio sensus,
 Talia quæ faciat, quanta sit ista manus.
 Talia cum facias fabricator maxime rerum,
 Infima cur oculis respicis ista tuis?
 Qualis enim mortalis homo est, vt sit tibi cura,
 Dotibus vt dignum talibus esse putes?
 Qualis ab humano generatus semine, vt ipsum
 Res tibi dilectas inter & ante locos?
 Vix minimum distare Deo, vix parte relinqui,
 Illum te exigua constituisse liquet.
 Inde coronatum sublimi ad sidera fama.
 Victorem & merito laudis honore feres.
 Hunc dominum super insitues opera omnia mundi
 Quæcumq; ante tuæ composuere manus.
 Omnia quæ vellet simul omnia posse dedisti,
 Illius ante pedes cuncta creata iacent.
 Omnia quæ virides pascunt armenta per herbas,
 Quicquid ubiq; ouium est, quicquid ubiq; bouum.
 Quæq; per incultos errant animalia campos,
 Quæq; per agrarunt deuia lustra fera.
 Quæq; secant liquidum stridentibus aëra pennis,
 Quæq; per undosum Nereo turba natat.

Ipsius

*Ipsius imperio subdisi hac omnia, & orbis
 Ut Dominus, cunctas unus haberet opes.
 O pater, ô magni fabricator maxime mundi,
 Maior & hoc ipso, quem regia, urbe prior.
 Quam merito tua magnificis præconia magni
 Laudibus impleverunt solis utramq; domum.*

S C H O L I A.

I M P E R I O) Propheta plenus spiritu admiratur regnum Christi tam mirabili ratione paratum & conseruarum. **I N F A N T U M**) Ecclesia plane dissimiles regno mundi. **I N D E U T A B**) Hunc versum Psalmi recte quidam coniungunt cum superiori de infantibus, ut sit sententia: Ecclesia est in mundo tanquã infantes, quare quod ad vires & potentiã attinet, mundus longe superior est. Sed mundus non poterit Ecclesiam opprimere, quæ est à Deo condita & in Deo fundata. Hanc tanquam cælos, lunam & stellas video, nec poterunt ei nocere hostes eius, &c. Hæsus aliam sententiã secutus est. **I N D E C O R O N A T U M**) Hæc ad humanitatem Christi pertinent. Ut sit sententia, Mundus iudicabit Christum hominem à Deo derelictum & abiectum, sed tu eum glorificabis, &c. **O M N I A Q U A E**) Hoc ad solum Christum pertinet. **I P S I U S I M P E R I O**) Mihi omnis potestas data est in cælo & in terra. **O P A T E R**) Claudit prophetiam affectu.

P S A L M U S IX.

Confitebor tibi Domine, &c.

A R G U M E N T U M.

D

Predi-

Prædicit fore, quæ Christo det nomina, gentem,
 Quam multo è populo congregat vna fides,
 Hæc est illa Deo florens & grata iuuentus,
 Sanguine quæ fuso pulchra trophæa feret.

Est mistus Psalmus, habet enim gratiarum actionem pro liberatione à persecutoribus & precationem. Videretur autem esse prophetia de Ecclesia, quod & passura sit varias calamitates, & habitura liberatorem Deum. Titulum Lutherus interpretatur, de speciosa iuuenta, hoc est, de Ecclesia renata per Spiritum, & aquam, & subinde crescente. Chaldæus interpres exponit, quod sit epinikion de morte Goliath Philistæi.

Vincenti de speciosa iuuenta Psalmus David.

I A M D V D V M hic animus meritas tibi dicere
 Expetit, ô rerum gloria, vita, salus. (laudes
 Inclyta psallentes referent tua facta Camæna,
 Quæ Deus in toto maximus orbe facis.
 Afflictum capiet de te noua gaudia pectus,
 Quod te propitium sentit adesse sibi.
 Carminibus super astra feram tua nomina, quanquã
 Te celebrare satis carmina nulla queant.
 Terga dabunt hostes duce te, cecidere retrosum,
 Terrore & vultus interiere tui.
 Tu nòcitura ipsis pro me decreta tilisti,
 Iusticia index non habitura parem.

Subli-

Sublimi in folio sedisti ô arbiter æqui,
 Nam te salua mihi iudice caussa mea est,
 Increpante quidem te gens dedit impia pœnas,
 Nec memor ipsorum fama relicta tibi est.
 Hostis acerbe tuis finem dedit ipse rapinis,
 Amplius in misero nec populator eris.
 Oppida de multis populatus pauca tulisti,
 Quorum posteritas non erit vlla memor.
 Tempore maiestas Domini non desinet vllò,
 Omnes è folio iudicat ille suo.
 Ipso omnes olim stabunt sub iudice gentes,
 Arbiter ille æquus totius orbis erit.
 Afferet auxilium miseris, defendet egenos,
 Rebus in afflictis ille patronus erit.
 Nominis ergo tui studiosis certa relicta est,
 Quæ sine te non est spes rata, certa salus.
 Nulla etenim tibi fidentes ratione relinquas,
 Nec te quærentes deseruisse potes.
 Eia igitur Dominum laudate Siona colentem,
 Illius in laudes omnia regna vacent.
 Ille memor fuso sumit pro sanguine pœnas,
 Et semper miseris auris aperta Dei est.
 Respice me Deus omnipotens, miserere precantis.
 Exilij causam respice queso mei.
 Exilij quod ab hoste fero, quo comprimit hostis
 Immeritum, hic misero, nam potes, affer opem.
 Qui me lethiferi de faucibus eripis orci,
 Vindice quo mors est nulla timenda mihi.
 Ut laudis memoranda tuæ miracula narrem,

Nominis vt celebrem facta stupenda tui.
 Præcipue vt fiat per me tua gloria cunctis
 Nota, Sionæas inter & ante fores.
 Vt per te collata salus mihi gaudia præstet,
 Et quicunq; tue nomina laudis amant.
 Incidit in foveam quam gens inimica parauit,
 Capti sunt laqueo quem posuere mali.
 Iusticiæ Dominus quin sit studiosus & aq̄ui,
 Non aliquis certe qui neget esse potest.
 Per sua perdetur scelera impius, & sua verbis
 Est vanis alio pœna futura loco,
 Impius ad Stygias utinam cito transeat umbras,
 Et quicunq; Dei nescius esse potest.
 Nam nunquam non esse memor volet ille suorum,
 Quos labor & curæ tristitiæq; premunt,
 Nec sua spes miseris erit irrita semper, & olim
 Exulibus veniet sæpe petita salus.
 Surge, veta, ne forte hominum furor impius ultra
 Inualeat, vires exuat ipse suas.
 Debita quæq; ferant te iudice præmia, gentes,
 Ante tuam faciem quod meruere ferant.
 Præfice doctorem quo gentes erudiantur,
 Vt se mortales scilicet esse sciant.

S C H O L I A.

I A M D U D U M) Propositio. Ago tibi gratias.
 T E R G A D A B U N T) Ratio, quia hostes meos af-
 fixisti. S U B L I M I N S O L I O) Bella Antithe-
 sis. Hostes Ecclesiæ perire. At caput Ecclesiæ & ipsa
 Ecclesia ac cultus Dei manet in æternum. O M N E S
 E S O -

ESOLIO) Hoc est iudicium verbi, seu prædicatio
 Euangelij. AFFERRET AUXILIUM) Promissio-
 nes, quibus Ecclesiam afflictam consolatur. ILLE
 MEMOR) Ecce Ecclesia affligitur. RESPICE)
 Precatio. VTLAUDIS) Ratio precationis. Cedet
 liberatio hæc in tuam laudem, sicut supra. In inferno
 quis confitebitur tibi? INCIDET IN FOVEAM)
 Promissio quod Ecclesiæ oratio exaudita sit. PERSUA
 PERDETUR) Lutherus sententiam sic reddit:
 Comprehensus est peccator meditando, hoc est, pere-
 unt impij, pijs nihi facientibus, quam ut meditentur
 verbum & orent. SURGE, VETA) Precatur ut
 Deus impietatem hominum tollat, mittendo ver-
 bum suum & pios doctores.

P S A L M U S X.

Vt quid Domine recessisti.

A R G U M E N T U M.

Oppugnat precibus fidei Christeidos hostem,
 Qui sua ceu Christi regna colenda feret.
 Quas feret ipsa sub hac Ecclesia sancta ruinas,
 Quas feret, atq; tulit fert modo, discite, vide.

Hic Psalmus titulo caret. Est autem pre-
 catio Ecclesiæ contra Antichristum, vastan-
 tem Ecclesiam cædibus & falsa doctrina.

CFR adeo diuersus abis? cur tempore tanto
 Tam procul à nobis dextera facta tua est?
 Cur pater afflictos, & in affligentibus ipsos
 Deseris ærumnis, ceu latuisse volens?

Nam miser opprimitur cū praualet impius hostis,
 Hi faciunt quicquid proposuere, sibi.
 Quin proprijs inuoluatur fallacibus hamis,
 Quosq; alijs studuit sepe parare dolis.
 Impius ipse sibi blanditur, & omnia iactat,
 Quae se posse putat, muneris esse sui.
 Dumq; miser lucris inhians se laudat auarus,
 Blasphemat lingua vituperante Deum.
 Donec salua sui feret impius arma furoris,
 Quid precor est quod non arroget ipse sibi?
 Vt ne prua quidem momenta vel vnus hora,
 Contribuenda ipsi cogitet esse Deo.
 Illi quae faciet feliciter omnia cedent,
 At rata iusticiae non videt vlla tua.
 Surget & aduersos velut efferus ibit in hostes,
 Hostia vel solis conteret arma minus.
 Nam sibi persuasit penitus se tempore nullo,
 Vllis oppressum posse perire malis.
 Nec quamuis grauibus periturum cladibus vllis,
 Sed fore se saluum semper & incolumem.
 Execrabilibus loquitur plena omnia verbis,
 Fraudibus innumeris perfida lingua tumet.
 Collocat insidias per compita secta viarum,
 Quosq; potest miseros excipit atq; necat.
 Auxilio cassos oculis obseruat acutis,
 Et quacumq; potest parte nocere, nocet.
 Occultis qui praetereunt obseruat ab antris,
 Vt leo cui rabiem suasit acerba fames.
 Excipit incautos specie bonitatis, vt autem
 Ceperit.

Ceperit. in laqueos & loca mortis agit.
 Opprimit infontes violenter, & omnia solis
 Viribus, & nulla relligione gerit.
 Hæc faciens nescire Deum putat. omnia, secum
 Namq; ait: auersus non videt ista Deus,
 Surge, iuua pater, afflictos age respice, latam
 Esse, tuam miseris sentiat hostis opem.
 Cur Domino reprobis conuicia vana loquatur?
 Esse tibi cura nec sua facta putet?
 Nempe fides, dolor & cura, sauiq; labores,
 Atq; alia in manibus sunt sita cuncta tuis.
 Soli namq; tibi miserorum turba relicta est,
 Ex ope consistunt orbis & orba tua.
 Brachia vituperatoris confringe maligna,
 Viribus ereptis totus inermis erit.
 In scelera immanis patrata inquire tyranni,
 Iam facies horum non erit vlla super.
 Rex fuit, est & erit dominus rex omne per eum,
 Ipsius è regno gens inimica cadet.
 Supplicia exaudis miserorum vota rogantum,
 His etenim patulis auribus esse soles.
 Ipsorum rege corda, tuis vt legibus apti.
 Inueniant placidum quem voluere patrem.
 Vt duce te possint miseri subsistere, ut ultra
 Impius in terra desinat esse minax.

S C H O L I A.

CUR A DEO) Patheticum exordium. N' A M
 M I S E R) Narratio, continens grauissimam acculationem
 hostium Ecclesiæ. I M P I U S) Arrogans. D U M -

QUEM MISER) Auarus. BLASPHEMAT) Blafphemus. DONEC SAL.) Confidens. VT NE PARVA) Securus. ILLI QUAE FA.) Verbi contemtor. SURGET) Crudelis. NAM SIBI) Securus. EXECRABILIS.) Impia dogmata ferens. COLLOCAT IN SI.) Sanguinarius. AUXILIO CASSO.) Inſidiatur crudelis. HAEC FACIENS.) Iterum objicit ſecuritatem. SURGE, IUVA) Precatio. CUR DOMINO) Ratio precationis, ſumta à ſcandalo, quod inde oritur, ſi Deus ſuos non iuuet: Fiunt enim impij magis ſecuri & blaſphemant Deum, Atque hic iterum obſerua, quomodo in oratione eo præcipue ſpectandum eſt, non ut liberemur ſolum, ſed ut Deus in noſtra liberatione gloriñcetur, & homines ædificentur. BRACHIA VITUPE.) Repetit precationem. REFUIT) Promiſſiones,

P S A L M U S. XI.

In Domino confido, quomodo.

A R G U M E N T U M.

*Doctrinas hominum, mandataq; praua docentes
Conqueritur veram poſſe habuiſſe fidem.
Qui cum ſint nimio ſolidiſſima pectora faſtu,
Contemnunt alios & ſua ſola probant.*

Est obiurgatio impiorum doctorum. qui à vera doctrina verbi Dei ad humana ſomnia, à fiducia miſericordiæ Dei ad humana præſidia vocant: His minatur exitium, pijs autem promittit liberationem. primi veſtus alij hanc ſententiam eſſe putant: transmigra in montem

tem sicut passer, q. d. volunt me auocare à monte Hierusalem, in quo Dominus, ad suos montes & carnalia præsidia.

Vincenti Psalmus David.

*OMNIS in omnipotente Deo fiducia nostra est,
Ille meas vere spes facit esse ratas.*

*Nunc igitur qua fronte meas audetis ad aures
Dicere? montanos, i. pete, quare specus.*

*I, latebras pete, inassuetis abscondere lustris,
Ut loca quæ fugiens deuia quærit auis.*

*Tela manu quatiunt, celeres rapuere sagittas,
Spiculaq; in neruos imposuere mali,*

*His nihil intendunt aliud nisi figere iustos,
Per loca, quæ, cum sint abdita, luce carent.*

*Nusquam stare datur, nusquam consistere fas est,
Iustus ad hæc faciat quid precor ista videns?*

*At Deus interea templa incolit aurea cæli,
Ipsius ista thronum regia diues habet.*

*Intentos habet ille oculos, videt omnia, & idem
Prospiciens hominum iudicat omne genus.*

*Ille hominum trutina vitas examinat æqua,
Approbat ille bonos, improbat ille malos.*

*Odit iniqua virum scelerataq; facta probantem
Offendi vicio nec grauiore potest.*

*Immittet laqueos quibus impius impediatur,
Illi pro pluuia sulphur & ignis erunt.*

*Incutiet ventos. & agentia fulmina flammæ,
Ipse aër nimbos turbidus inter erit.*

Hoc ipsis velut implebit sua pocula vino,
 Ipsorum hac meritis præmia iusta dabit.
 Iusticia Deus autor amat, qui ista probantes,
 Dedita iusticia peccata semper habent.

S C H O L I A.

OMNIS IN) Obiurgatio impiorum, Ego in
 Deum confido, nolite mihi alia præsidia obtrudere
 TELA MANU) Accusat studia aduersariorum.
 NUSQUAM STARE) Hoc magis ad doctrinam re
 ferendum erat, fundamenta conuelluntur, hoc est,
 simpliciter damnant verbum, & dicunt, quid facit iu
 stus? id est nihil moramur eum. I M M I T T E T I A
 QUE OS) Respicit ad tempestatem, qua Pharao periit.
 IUSTICIAE DEUS) Epiphonema consolatorium,
 quod Deus iustos, quantumuis in mundo contemptos,
 non negligat,

P S A L M U S. XII.

Domine saluum me fac, &c.

A R G U M E N T U M.

Sunt quibus humanos placeant inuenta per vsus.
 Atque ea diuinis anteferenda putent.
 Quos, quia prætextu turbant sacra dogmata falso,
 Vitandos tanquam toxica dira monet.

Hic Psalmus propriè est precatio pro Ec-
 clesia, & vero Dei cultu, qui in verbo Dei est
 posi-

positus, vt Deus verbum Ecclesie conferret, & impios doctores perdat, secundum sententiam: Orate Dominum messis, vt mittat operarios. Et est elegans Psalmus.

Vincenti in octochordo Psalmus
Dauid.

*Hic ades, hic succurre tuis mitissime diuim,
Namq; est sanctorum turba pusilla super.
Defecere boni, vera & pietatis amantes,
Non est in cunctis gentibus vlla fides.
Fruuola concinnant linguis & vana loquuntur,
Turba malis socios fallere docta dolis.
Blanda susurrantis texunt mendacia lingua,
Et quae vox loquitur, pectora falsa negant.
Perdat adulantes linguas Deus, arceat omnes,
Perpetuo assuetos nil nisi magna loqui:
Qui sibi persuadent nil se non posse loquendo,
Nec metuunt secum talia verba loqui:
Lingua potens est nostra satis, nos magna loquemur
Quis dominus nobis, quem vereamur, erit?
Sed quonia miseri pereunt & ab hoste premuntur,
Quorum aures, gemitus, venit ad vsq; meas.
Temp9 vt exurgam nunc est, Deus iniquit, ut ipsis
Non dubia possim ferre salutis opem.
Nempe feram, laqueoq; pios, quo vincit hostis,
Eripiam, tuti viuere vt inde queant.
Omnia quae loquitur Dominus purissima verba,*

Et

Et sunt argento candidiora nouo.
 Argento, flammis cui quicquid adhæsit ademtū est,
 Quo focus ipse probum terq; quaterq; docet.
 At tu conseruare tuos dignabere, rerum
 Maxime, tu custos optimus esse potes,
 Eripe perpetuo nos hac ab stirpe malorum,
 Sit placidis tanta cum feritate nihil.
 Vndiq; concurrunt & crescit turba malorum,
 Dum probrosi hominum sceptrâ superba tenent.

S C H O L I A.

HUC ADEB) Propositio precationis, ut Deus respiciat Ecclesiam. Attegit autem causas, quod impietas quotidie crescat, tum in doctrina, tum in vita. PEREAT) Votum. SED QUONIAM) Promissio Ecclesie, quod velit Deus conseruare verbum suum. OMNIA QUAE) Encomium verbi Dei, cum insigni precatione. ERIPERE PERPETUO) Sic vocat impios doctores. Similis sententia in Prouerbijs: Cum cessabit propheta, dissipabitur populus.

P S A L M U S. XIII.

Vsq; quo Domine obliuisceris,

A R G U M E N T U M.

Quamlibet afflictus, quantumuis pressus iniquis
 Claudibus, his lacrimis utere, saluus eris.
 Scandala si qua tibi sator excitet ille malorum,
 Fide Deo, spera, nec mouere statū.

Est

Est elegantissimus Psalmus, qui continet vehementem & affectibus plenam precationem contra spiritum tristitiæ & animi mœrorem, qui aut peccatum aut pœnam peccati sequi solet. De hac tentatione sapiens: Spiritus tristis exiccat ossa.

Vincenti Psalmus David.

QVAM nostri diuturna tuos obliuia sensus
 Auertent? quo me tempore respicies? (tos
 Quando erit vt videam, & vultus ferar ante bea-
 In quibus est miseris spesq; salusq; tuis?
 Quam pater ista diu transuersum cura retrorsum
 Auferet, & requiem non sinit esse mihi?
 Anxius hanc animam siquidē dolor vrget, & ho-
 Consilijs aliquem non sinit esse locum. (stis
 Quando erit hostiles vt avara superbia fastus
 Ponat, & in miserum desinat esse minax?
 Respice me miserum, qui me, qui cuncta creasti,
 Exaudi placida, quas loquar, aure preces.
 Ne mea in eternam claudantur lumina noctem,
 Da vigilēs oculos pectoris esse mei.
 Da sublimem animum, da lætæ frontis honorem,
 In me ne cristas erigat hostis atrox.
 Gloria ne mendax, ne vana superbia iactet,
 Viribus hic sese præualuisse suis,
 Neue sibi applaudant qui nos odere maligni,
 Si via sit nostri lubrica facta pedis.
 Spes vera in pietate tua mihi certa manebit,

Et

*Et mea leta tue corda salutis erunt.
Perpetuis Domini laudes celebrabo Camænis,
Qui modo collapsum me mihi restituit.*

S C H O L I A.

QUAM NOSTRI) Propositio precatationis, quam affectu auget. QUANDO ERIT) Interrogationes iste arguunt dolorem animi vehementem. DA VIGILES) Recrea me. Hoc enim significat illuminare oculos. GLORIANE) Ratio, hic verum refert sui liberationem ad gloriam Dei & ædificationem aliorum. SPES VERO) insignis consolatio: Ego in misericordia tua spero. PERPETUIS) Gratiarum actione claudit.

P S A L M U S. V.

Dixit insipiens in corde suo.

A R G U M E N T U M.

*Verius haud potuit presaga mente Prophetes
Dicere, quæ fieri tempora nostra vident.
Ista legant, & se videant, qui numina tantum
Multiuori ventris luxuriosa colunt.*

Est prophetia de impietate Iudæorum sub tempus aduentus Christi. Quare in fine optat Christum mitti, qui tantam impietatem per doctrinam Euangelij corrigat ac mutet, Paulus universaliter eum citat, quod tota natura, sine Spiritu S. sit peccato corrupta.

Vincen-

Vincenti Psalmus David.

STULTVS ab humano dijudicat omnia sensu,
 Quis ea dispenset non putat esse Deum,
 Sunt tamen vsq; adeo stupefacto pectore cæci,
 Credere qui possint tam furiale nefas.
 Nam male consulto sic cogitat impius ausu,
 Non est quem metuas, ne sciat ista, Deus.
 Execrabilibus perierunt cladibus omnes,
 Prodigæ quos miseri vita laboris habet.
 Omnipotens humiles prospexit ab æthere terras,
 Humanumq; sua vidit ab arce genus.
 Ex tot an inueniat sapientem millibus vllum,
 Qui curet superos, & putet esse Deum.
 At retro stolidis abierunt passibus omnes,
 Pestis enim miseris omnibus vna fuit.
 Non fuit ex illis quem posses dicere iustum,
 Qui bene vixisset non fuit vnus homo.
 Num sapient aliquando mali qui sanguine viuunt
 Et populi comedunt corpus & ossa mei?
 Quos miserorum hominum duri pauere labores,
 Vt satura ingluuiës nesciat ista famens.
 Dummodo quod rodant ventri non desit alendo,
 Turba creatorem negligit ista suum.
 Hic vbi non opus est trepidant, vbi nulla necesse est
 Esse pericla animæ, certa pericla timent.
 In quibus haud opus est, Domino seruire laborant,
 Vera loco cultus nil facientis habent.
 Sed fauet & iustis Deus est tutela salusq; ,

Nec

*Nec negat auxilium quod pia turba rogat.
 Ostulti & miseri qui despexistis egenum.
 Quod soli fidat subiaceatq; Deo.
 Quis genus Israël salum dabit, atq; reducet
 Dispersos populos ad tua templa Sion?
 Cum Deus exilium conuerterit ipse suorum,
 Latitia fient omnia plena noua,
 Tunc genus Israël gaudebit. & ocia ducent.
 Qui de stirpe tuæ sunt Iacobe domus.*

S C H O L I A.

STULTU'S) Narratio est, in qua pingit peccatum originis, & alte infixam animis hominū impietatem, quod vacant corda timore Dei, fide, dilectione, &c. NUM SAPIENT.) Hic præcipue notat principes & doctores Synagogæ. HIC UBI NON) Deum non timent, omnia alia timent. SED FAVET) Reliquiæ populi saluantur. QUIS GENUS.) Hic optantis est affectus, utinam veniat Christus.

P S A L M U S XV.

Domine quis habitabit in &c.

A R G U M E N T U M.

*Totius hic picta est solidæ pietatis imago,
 Quæ nos ad superos vita leuare queat.
 Puro corde Deum cole, dilige, consule fratri,
 Hæc fidei summa est, hic pietatis apex.*

Hic Psalmus continet doctrinam legis, & habet

habet amplissima præconia bonorum operum, siquidem ostendit ea non solum requiri à Deo, sed etiam Deum ea remuneraturum in fidelibus. Nota autem primo loco poni veritatem, hoc est, studium verbi Dei, quod facit integros homines, timentes Deum & confidentes in eius misericordia per Christum.

Psalmus David.

QUIS tua templa Deus, tua quis tentoria dignus
Incolet, & montu stabit in arce tui?

Integer & vitæ maculis non oblitus ullis,

Non nisi iusta operans, nec nisi vera loquens.

Qui non alterius famam detrectat honoris,

Nec mala de socio cogitat vlla suo.

Opprobrium qui vicino non ingerit, & qui

Negligit assuetos improba facta sequi.

Qui colit obsequio Domini præcepta colentes,

Qui quod iuravit fallere nolit opus,

Qui super usura sortem non auxit iniqua,

Qui super infontem munera nulla capit.

Quisquis ad hæc animum facienda induxerit, ille

Purus & æterno tempore saluus erit.

SCHOL. INTEGR) Narratio est.

P S A L M U S XVI.

Conserua me Domine, quoniam.

E

ARGU.

A R G U M E N T U M.

Morte triumphata rediturū in corpora Christum,
 Si rectè inspicias, hæc tibi verba canunt,
 Cultum legiferi tollendum Moseos omnem,
 Sacra, cibos, mores sabbata, festa, status.

Est insignis propheta de Christo rege &
 eius regno seu Ecclesia: Item de abiectione
 synagogæ & tota legis abrogatione. magni-
 fica testimonia Actorum 2.8.13. ex eo alle-
 gant Apostoli. Est autem mistus Psalmus:
 Nam orationem & gratiarum actionem ha-
 bet. Oratio est Christi humiliati, gratiarum
 actio Christi glorificati & triumphantis
 contra mortem & Sathanam. Ideo etiam ti-
 tulum habet aurei ornamenti.

Aureum ornamentum David.

CVM mihi sit reliquæ misero spes nulla salutis,
 Te sine qui rerum maxima scepra tenes.
 Custodi tibi confisum, tua sola vocantem
 Numina, seruatum me pater esse iube.
 Nam mihi persuasi, Domino sic auere ut ipsi
 Auderem, Dominus tu mihi solus eris.
 Te propter duros potui tolerare labores.
 Nam sine te requies non venit vlla mihi.
 Pracipui, mea cura, & maxima gaudia, sancti.
 Qui terras, & adhuc corpora viua colunt.
 Multa alij statuunt falsorum nomina diuim,

Illorum

Illorum statuas, quas venerentur, habent,
 Quorum ego quæ fusi libamina sanguinis edunt,
 Non sequar, aut laruis accipienda feram.
 Perterea ipsorum nunquam mea lingua loquetur
 Nomina, Lethæos digna subire lacus.
 Tu mihi diuitiæ Deus es, tu larga bonorum
 Copia, tu fluxas ante refundis opes.
 Quam mea fors felix cecidit bene, quã mihi cornu
 Copia, ceu patrias diuite fudit opes.
 Perpetuo Dominum laudabo & carmina dicam,
 Qui mihi & auxilium consiliumq; dedit.
 Insuper insomnes cogebam ducere noctes,
 In quibus affectus me erudière mei.
 Non secus ac videam Dominum, sic semper eundẽ
 Cogitat hic animi candidus huius amor.
 Hunc mihi non adimunt noctes, non tempora lucis:
 Nam prope adest, partes asserit ipse meas.
 Ille mihi à dextra prope adest, ne forte laborem,
 Hoc duce vis poterit nulla nocere mihi.
 Ergo læticia perfusus, gaudia sensi,
 Quanta voluptatum pectora plena solent.
 Exiit velut aucta mea noua gloria lingua,
 Et caro non dubia spe solidata mea est,
 Nam nec apud Stygias, Plutonia regna, paludes,
 Vlla anima statues dura ferenda mea,
 Nec sancti fœdanda tui dabis ossa sepulchro,
 Quod carni ex aliqua parte nocere queat.
 Ad vitam quod ducit iter monstrabu, & omni
 Læticia facies me tua iussa sequi.

*Læticia stant ante tuos & gaudia vultus
Perpetuo, & dextra gloria iuncta tuae.*

S C H O L I A.

CUM MIHI) Christus humilis in forma serui.
CUSTODI) Precatio, Iuua me Deus: habet autem
additam rationem. In te enim solo spes est auxilij cõ-
tra hæc mala. PRAECIPUI) Ecclesia propter quam
Christus humiliatus est. QUORUM EGO) Abroga-
tio legis, & omnium cultuum legis, q. d. Quærunt
Deum suis sacrificijs placare, sed ego aliud sacrificium
exhibeo, quod quia repudiant, repudientur à me quo-
que. PERPETUO) Gratiarum actio. NON SE-
CUS) Fides, qua tentationis seu afflictio vincitur.
ERGO LAETICIA) Victoria mortis & læta resur-
rectio Christi. NEC SANCTI) Nec dabis sanctum
tuum videre corruptionem. Hęc videtur esse prophe-
tia, quod tertio die Christus resurrecturus fuerit, sic-
u t in Actis dicitur.

P S A L M U S. XVII.

Exaudi Deus iusticiam meam.

A R G U M E N T U M.

*Ignavi monachi, pepones, & inertia terræ
Pondera, degeneri dedita turba gula,
His digni precibus, quibus exagitentur in horas,
Quos effusa Dei iudicis ira premat.*

Est simile argumentum cum Psalmo duo-
decimo, orat enim contra Pseudoprophetas
& hære-

& hæreticos, ac petit, vt Deus eum conferuet in sana doctrina. Significat autem se propter verbum fuisse in odio, & accusatum tanquam hæreticum, sicut hodie quoq; videmus veram Ecclesiam sustinere crimen hæreseos, &c.

Oratio Dauidis.

*H*AS precor ô placida tam iustas aure querelas,
Cuncta pater fletus percipe verba mei.
Explorare velis attenda mente quid orem,
Non falso ex animo nostra querela venit.
Iudice te stat iusta meæ sententia causa.
Et, quo cuncta soles lumine, recta vide.
Omnia nota mei tibi sunt sensa intima cordis,
Qui ne nocte quidem te sine solus eram.
Conflato argentum me sicut in igne probasti,
Scoria nec mendax vlla reperta tibi est.
Quæ loquar, illa eadem sententia firma sequetur,
Non erit à sensu dissona lingua meo.
Omnia sectabar quæcunq; es verba locutus,
His mea munivi sensa, cor, ora, fidem.
Ne quid in humanis operum caligine nugis
Laberer, ausurus facta nefanda sequi,
Insidiatorum peragraui lustra latronum,
Tutus ab insidijs per tua verba fui.
Firma quaeso meos eua per vestigia gressus,
Ne cadat in media lubrica planta via.
Auxilium vt ferres querula te voce rogabam,
Audi quas timido fundimus ore preces.

Eia age mirentur populi, fac sentiat orbis,
 Qua venia foueas, qua pietate tuos.
 Saluator tibi fidentum, sciat impius isthac,
 Spicula cui dextra sunt odiosa tue.
 Tam tua me vigili custodia lumine seruet,
 Quam seruari oculi pupula cara solet,
 Non secus ac suavi requiescam tutus in vmbra,
 Si tua magna meum contegat ala caput.
 Protege me, velutiq; tuis defende sub alis,
 Impia dum miserum perdere turba studet.
 Insidiantur enim nec cessant quarere, quamam
 Hanc animam perdant conditione mali.
 Quandoquidem magnis inter se conuenit istis
 Hoc opus, hinc audent multa superba loqui.
 Quo me cunq; pedes, quo me via ducit, id vnum
 Curant, vt possim qualibet arte capi.
 Omnia prospiciunt circum, qua fraude, dolisq;
 Prostratum terra me sine fine premant.
 Impius assimilis raptori est ipse leoni,
 Cui seuam stimulat prada petita famem.
 Non secus ac catulus rapidi genus acre leonis,
 Qui pavidas captans, insidet antra feras.
 Surge fer auxilium, vires prosterne superbi,
 Victoricem dextram sentiat esse tibi.
 Eripe me, vitamq; meam de fauce maligni,
 Victorem gladium sentiat esse tibi.
 Assere me dira manu de gente tuarum,
 De genere hoc quod adhuc vita superstes habet.
 Qui sua viuentes capiunt iam premia, quorum,
 Implesti

Imp' estis ventres de ditione tua.

Quos proles numerosa beat, qui deinde relinquunt

Reliquias pueris diuitiasq; suis.

Verum ego iustitia montem comitante quietam,

Accipiam vultus gaudia plena tui.

Cumq; apparuerit species tua vera, quietus,

Et satur, & tota mente beatus ero.

S C H O L I A.

HAS PRECOR) Precatio, cui addit circumstantias, quod seruo oret, & bene sibi conscius, hæc exordij loco præfatur, donec veniat ad principale negotium. FIRMA QUÆSIO) principalis propositio precationis, ut seruet eum contra impiam doctrinam. TAM TUA) Suavis figura, quod Deus Ecclesiam curet, sicut pupillam oculi. QUANDO QUIDEM) Narratio, qua exponit periculum, quod est à pseudo prophetis, & impia doctrina. Pertinet autem ad rationem propositionis. OMNIA PROSPICI) Consilia Ecclesiæ malignantium. SURGE FER) Repetit propositionem, vtrumq; enim petit, vt & ipse in sana doctrina seruetur, & impij doctores pereant. MANUUM DE GENTE) Vocat gentem manuum Domini, contra quos Dominus manum extendit ad eos arripendos & puniendos. VERUM EGO) Illustris antithesis, isti nihil quærunt quam bona præsentis vitæ. Mihi autem maius est quod me ornas hic tua iusticia, & exultas in nouam & æternam vitam post mortem,

P S A L M U S. XVIII.

E 4

Dili.

Diligam te Domine, fortitudo.

A R G U M E N T U M.

*Carmen ab Isaida scriptum Dauide quod olim,
Cinctus ab hostili milite quando fuit.
Cumq; manu Saulis premeretur, & esset ab illo
Iam liber, Domino sic modulatus, ait,*

Est gratiarum actio, quod per Deum in
varijs periculis, quæ inimici, hostes, seditio-
si concitarant, sit seruatus. Ponitur hic Psal-
mus & Reg. 22. Habet autem fere perpetu-
am periculorum narrationem, nisi quod as-
pergit affectus orationis & gratiarum actio-
nis.

Vincenti serui Domini Dauid, qui locutus Do-
mino verba cantici huius. in die quo libe-
rauit eum Dominus de manu cunctorum
inimicorum eius, & de manu Saul,

PROSE Quar, & merito, te semper amore fideli,
Mi Deus ô profuge portus & aura rati.
Languida qui validis mea pectora viribus auge,
Qui mihi speratae petra salutis eras.
Saluus in aduersis quo defendente manebam,
Quo duce securus sicut in arce fui.
Mi Deus auxiliumq; meum cui fidere certum est,
Contra hostes clypeum presidiale meos.
Quo mea nixa salus ceu cornu fortiter haret,
Amplius hostiles nec timeat insidias.

Laudibus

Laudibus assiduïs Dominum venerabor, & hostis
Qui noceat tanto vindice nullus erit.

Nam fera me rapida tenuerunt vincula mortis,
Et grauis infernae terruit vnda Stygis.

Ditis & umbrarum circum me vincla ligarunt,
Mors miserum laqueis vincijt atra suis.

Obrutus arumnis, oppressus mole laborum,
Assidua Domini voce precabar opem.

Assiduo clamore Deum precor, ille querelas
Audit & incassum non sinit ire meas.

Audit ab excelso stellantis lumine templi,
Inde meas prona suscipit aure peredes.

Intima concussæ tremuerunt viscera terræ,
Commotis montes insonuere cauis.

Ipsius à vultu tremuere, & ab ipsius ira
Omnia quæ tellus subtus & intus habet.

Fumidus ipsius de naribus exijt aër,
Omnia consumens ignis ab ore Dei.

Carbones flamma succendebantur ab ipsa,
Tam furor hic atrox, tam grauis ira fuit.

Demisso ille humiles descendit ab aethere terras,
Sub pede diuino hic nubibus ater erat.

Præpetis ascendit plumantia terga volucris,
Remigio alarum per sua regna volans.

Obsepsit tenebris sua castra, & nubibus atris
Cynxit quas pluuio condidit imbregraues.

Ipsius ad vultus splendorem cœrula nubes
Transijt, & subito tempore nulla fuit.

Transijt & densis fulsit sine nubibus aër.

Transijt & mista grandine flamma vorax.
 Desuper intonuit, totumq; exterruit orbem
 Fulminibus, mista grandine flamma vorax.
 Contorsit dextra sua tela, & plurima sparsit.
 Fulgure viuentum terruit omne genus.
 Pracipites toto ceciderunt aethere nymbi,
 Terra debiscentes vidit aperta sinus.
 Nam timuere tuum te corripiente furorem,
 iste tui terror spiritus oris erat.
 Misit ab excelsi, retrahens me, vertice caeli,
 Et dextra e magnis eripiebat aquis.
 Hostibus eripuit vi prapollentibus omni,
 Et qui me forti plus potuere manu.
 Qui me suppressere meis in rebus iniquis,
 Perfugium Dominus se dedit ipse mihi.
 In loca me duxit spaciofa, & ab hoste receptum.
 Eripuit, nec enim non fauet ipse mihi.
 Ille vices operum reddet, qua iusta peregi
 Reddet, vt haec non est sanguinolenta manus.
 Praeceptis etenim Domini constanter inhaerens,
 Impius ante Deum qui precor esse queam?
 Ipsius obseruabam animo praescripta fideli,
 Certus vbiq; ab eo tradita iussa sequi.
 Simplicis ipsi adera vita candore, nec vnquam,
 Sponte, quod offendat, commemorasse velim.
 Atq; ideo si iustus ero, mihi iusta rependet
 Praemia, si puras viderit esse manus.
 Sanctus es ad sanctum, iustus reputabere iusto,
 Cumq; nocente nihil, non es & ipse nocens.

Qui sunt mundicia insignes, his mundus & ipse es.

Verum qui malus est, huic es & ipse malus.

Tu saluas humiles, miseris solatia praestas,

Ne sibi confidant corda superba domas.

Tu viuo nostram sicendens igne lucernam,

Vertisti in lucem noctis opa ca mea.

Te duce in hostiles turmas sine clade ruemus,

Vincemus valida qualibet arma manu.

Te duce pinnatos muros capiemus, & vrbes,

Fossarum obiectas transfiliemus aquas.

Omnibus in factis Deus integer, omnia verbo

Qua facit, emuncto sicut ab igne, facit.

Ipse velut clypeo tutatur ab hostibus omnes,

Quos fidei certos nouerit esse suae.

Nam quis adhuc alius Deus est? quis fortior illo?

Si Deus est, vt & est, quis nisi noster erit?

Ipse est ille Deus, qui me virtutibus auctum

Roborat, & dubias non sinit ire vias.

Ipse docet, leuibus cursu contendere ceruis,

Ipse meos statuit per iuga summa pedes.

Erudit ille meam quaecunq; in praelia dextram,

Ille docet certa mittere tela manu.

Per te certa tua possedimus arma salutis,

Quod vires habeo, dextera caussa tua est.

Et quoties aliquo casu me affligis acerbo,

Ex imo toties rursus ad alta leuas.

Omnia qua graderer strauisti plana viarum,

Semita ne nostros lubricet vda pedes.

Persequar & duce te fugientes assequar hostes,

Nec

Nec referar, donec funditus interimam,
 Verberibus cadam durus, non inde resurgent,
 Concidet ante meos turba profana pedes.
 Tu dabis optatas obeunda in pralia vires,
 Tu dabis hostiles vincere posse minas.
 Tu facis ut fugiant, ut sic extinguere possim,
 Qui sine caussa odia desipuerè mei,
 Vociferabuntur, nec erit qui saluet, ad ipsum
 Clamabunt toto pectore, surdus erit.
 Pulueris in morem, quem dissipat aura, peribunt,
 Turba erit abiecto vilior ista luto.
 Eripe me populo qui nil nisi iurgia quarit,
 Ut caput euictis gentibus esse queam,
 Ignotus quondam populus mihi seruiet olim,
 Ignotus populus seruiet iste mihi.
 Auribus accipient placidis & inssa capessent,
 Verum erit & mendax aduena turba mihi.
 Consenuère alienigenæ, turba aduena, nati,
 Claudicat in vinculis aduena turba suis.
 At viuit Dominus nostræ dator ille salutis,
 Cui sit in æternos gloria summa dies.
 Qui mihi vindictam victos largitur in hostes,
 Et populos coget subdere colla mihi.
 Hostibus ereptum qui me in sublimia ponit,
 Nunc quoq; ab insidis eruet ille viris.
 Ergo tuas laudes, tua nomina gentibus edam,
 Virtutes dicent secula cuncta tuas.
 Qui tam dona tuo confers felicia regi,
 Regiâq; insigni sceptrâ salute beas.

Qui

*Qui sic magnifico Christum Dauida decoras
Nomine, quæq; illi posthuma proles erit.*

S C H O L I A.

PROSEQUAR) Propositio gratiarum actionis. Laudabo Dominum, qui me sæpe mirabiliter liberauit. OBRUTUS) Insignis sententia. In tribulatione mea inuocaui Dominum, & exaudiuit de templo sancto suo vocem meam. INTIMACON.) Hypotyposis magnæ & horribilis tempestatis, cui comparat pericula, quæ à rege Saulo sibi impendebant. Videtur autem alludere ad tempestatem in monte Sina, quam omnes prophetae varie celebrant. IPSIUS A) Tonitru descriptio. FUMIDUS) Fulguris descriptio, CARBONES) Fulmen. SUBPEDE) Descriptio nubium caliginosarum. OBSEPSIT) Cælum tenebrososum IPSIUS AD) Iam sine figura dicit, quæ antea figurate dixerat. PRAECIPITES NYMBI) Imbres. HOSTIB.) Hic exponit tempestatem, furorem, odium, & potentiam Saulis, ILLEVICES) Non per seditionem insidiatus sum regno Saulis, sicut suspicabatur, sed diuinitus ad regnum vocatus sum. ATQUE IDEO S I) In præsentis est commodior sententia, q. d. quia scis me innocentem, ideo liberaisti me. Hanc sententiam comprobant bella ratione, qua Deum descripsit. Cum sancto sanctus eris. Deus sanctus & iustus est, ideo innocentes liberat, malos autem male affligit, fidentibus in ipsum est misericors, non fidentibus est grauis vindex, &c. T E D U C E) Hic aliud periculum videtur significare, quod à vicinis gentibus fuit, ab Amalechitis & alijs. OMNIBUS IN) Insigne Epiphonema. ET QUOTIES) Bona sententia, Deus affligit, sed non deserit. ERIPEME, Pericu-

Pericula seditionum in suo populo commemorat, ex quibus fit liberatus, videtur autem respicere ad aliam maiorem & spirituales defectionem in populo futuram tempore Euangelij. Ideo vocat alienigenam turbam, quod, quanquam sint filij Abraham secundum carnem, in fide Abraham non persistant. ERGO TURBAS) Paulus ad Romanos citat de Euangelio intergentes annunciat. QUI SIC) Epilogus gratiarum actionis. CHRISTUM) Christum adiectiue vocat vinctum, nam reges vngebantur.

P S A L M U S. XIX.

Coeli enarrant gloriam Dei.

A R G U M E N T U M.

*Vox Euangelij tam late exiit in omnes,
Quam late terras maximus orbis habet.
Hæc tuba non vnquam, non vsquam tanta silebit,
Quam nota hinc certis psalteria Musa notis.*

Est insignis Psalmus, qui primo latissimam prophetiam habet de Euangelio in totum mundum spargendo per Apostolos, deinde illustre encomium Euangelij subicit. In fine est oratio addita, qua petit primum veniam sicubi à verbo declinavit. Deinde petit gubernationem, vt in verbo ad finem vsque seruetur.

Vincenti Psalmus David.

QVAM

QVAM sit & admiranda Dei, quamq; inclita vir-
 Gloria si nondum quanta sit ista vides : (tus,
 Aspice conuexo nutantem pondere mundum,
 Aspice stellifera nobile molis opus,
 Ipsa tibi ingentis spaciōsa volumina cœli
 Narrabunt Domini facta stupenda sui.
 Maxima stellantis dicet tibi fabrica mundi,
 Talia quæ fecit, quanta sit ista manus.
 Vsq; adeo sunt nota opera omnipotentis, vt isthæc,
 Nox non vlla roget, non roget vlla dies.
 Tempora quin potius sibi succedentia certis
 Facta Dei, vicibus, non peritura notent.
 Indicat hæc roseos reuehens aurora ingales,
 Succedens eadem nunciat orta dies.
 Hesperus occiduas hæc monstrat iurus in vndas,
 Vt miracula etiam nox sciat ista sequens.
 Atq; ita perpetuo variantibus ordine rebus,
 Ista Dei virtus tanta latere nequit.
 Nulla sub ingenti tam gens est barbara cœlo,
 Quo non fama aliquo venerit ista modo.
 Proprietas linguæ tam nullius vlla remota est,
 Quæ non audierit talia facta loqui.
 Tam diuina agiles monstrand mircaula cœli,
 Tam sonus ipsorum per loca nulla tacet.
 Ipsorum terras exiuit amussis in omne,
 Orbis in extremos edita verba sinus.
 Regia latiuago posuit tentoria soli
 In quibus, & radijs sidera cincta suis.
 Equibus ipse velut thalami de limine sponsus
 Exit,

Exit, & in populo pectora lata facit.
 Nec secus exultat quàm fortis & impiger heros;
 Amula cui cursu conficienda via est.
 Ille quidem primo cæli consurgit ab ortu,
 Mox & in occiduas præcipitatur aquas.
 Interea medium curru ferit igneus orbem,
 Nunc cadit & prono vertice spectat humum,
 Et nihil ille suo non attingit igne perurens,
 Nemo est qui flammæ illius effugiat.
 Lex Domini immaculata animas refrigerat agras,
 Indoctorum animos erudit atq; polit,
 Equæ Dei mandata animos & corda serenant,
 Illustrant oculos lucida iussa sequi.
 Munditiæ res plena Deum timuisse, nec vllò
 Tempore in æternos interitura dies.
 Nil nisi quod verum est decernit, & omnia iusti
 Iudicis officio, quæ facit ipse, facit.
 Omnia nobiliora auro, meliora lapillis,
 Quos legit è viridi decolor Indus aqua.
 Neve quis obrizum preciosius aestimet, anteit
 Quascunq; immensus continet orbis opes.
 Mellibus Hyblæis gustu plus dulciora, vincunt,
 Quæ stillante fauo nectara stipat apis.
 Cautior euasi donec versabar in ipsis,
 Namq; ea qui seruat, præmia multa feret.
 Quis nouisse potest quoties labatur & erret?
 Exime, quas nequeo cernere, quas so notas.
 Præterea rogo custodi me à gente superba,
 Ne mihi sit dominus cum volet hostis atrox.

Sic tibi mundus ero, sic immaculatus habebor,

Nec potero magni criminis esse nocens.

Qua loquitur mea lingua, & adhuc quaecumq; lo-

O vitam possint verba placere tibi. (cuius est

Sit tibi grata precor meditatio peccatoris huius;

Ni Deus, O vita vita, salusq; mea;

S C H O L I A.

QUAM SIT) Narratio, sed poeta Iudaeorum sententiam secutus est Nam quod dicit, Coeli enarrant gloriam Dei, significat simpliciter, quod in caelis, hoc est, passim per omnes populos, gloria Dei in Evangelio praedicatur, sicut ipse propheta se exponit & probat, Psalm. 97. Coeli annunciant iustitiam eius, & exponit se, Omnes gentes vident gloriam eius. V SQUE ADEO) Omnibus in locis & tempore omni Evangelion praedicatur, IPSORUM TER.) Hic exponit se, quod loquatur de praedicatione apostolorum. REGIA LATIVAGO) Comparat Evangelion soli illustranti & percurrenti omnes mundi partes, vocat autem sponsum, quod Christus per verbum suum generat Ecclesiam. LEX DOMINI) Insigne Evangelij encomium, quod vere doceat, consoletur, erigat. NIL NISI) Id est, Verbum est certum, non fallit eo fidentes. PRAETEREA ROGO) Oratio, qua petit ignosci, sicubi contra verbum peccavit, & gubernari verbo.

P S A L M U S XX.

Exaudiat te Dominus in die.

A R G U M E N T U M.

F

His pre-

*His precibus possunt, hac debent voce iuari,
Munia qui rerum publica cuncta gerunt.
Rebus vi humana maioribus arte grauat,
Ipsis dignetur fautor adesse Deus.*

*Est precatio pro salute magistratus, vt
Deus eum gubernet & defendat contra omnia pericula. Habet in fine insignem antithesin: isti in curribus & equis, nos in nomine Domini,*

Vincenti Psalmus David.

*QUANDO erit in dubijs tibi sors contraria rebus
Et metuet casus anxia vita graues.
Audiat omnipotens te vota precesq; ferentem,
Tunc te magna Dei nominis vmbra regat.
Mittat ab excelso tibi & auxilietur olympo,
Eq; sacra certam sede Sionis opem.
Cuncta animo repetat memori tua munera, & ipse
Grata Deo dextra sint holocausta tue.
Omnia qua cupies tibi in omnibus annuat horis,
Consiliumq; animi compleat omne tui.
Quam paries pleno memorabimus ora salutem.
Ponentes nostro fixa trophæa Deo.
Ipsius in laudem victricia signa feremus,
Ille tuas saxit pondus habere preces.
Nunc adeo inbeor certo obseruasse, quod vr. Elum
Omnipotens nunquam deseret ipse suum.
Ipse quidem caelo residens exaudiet ipsum,
Tota salus ab eo, non aliunde, venit.
Confidunt in equis alij, bigisq; rotarum;*

Heredis

Hæreat in nostro spes rata nostra Deo.

*Hi siquidem victi cecidère hostilibus armis,
At nos erecti pectora celsa sumus.*

*Nunc ades auxilium præstans Deus, audiat et rex:
Cum nos sollicita voce petemus opem.*

S C H O L I A.

QUANDO ERIT) Votum est, vt Dominus fortunet & tueatur regem. QUAM PARES) Pro-mittit gratum animum. CONFIDUNT) Antithesis. AUDIAT ET REX) Regem vocat Deum, cuius ordinatione reges & imperia conseruantur.

P S A L M U S. XXI.

Domine in virtute tua lætabitur

A R G U M E N T U M.

Regia laturum sed sceptrâ perennia Christum

Et quibus æquari gloria nulla queat.

Huius & horrendus delendos viribus hostes;

Regius hoc vates carmine præmonuit.

Est prophetia de Christo & eius regno. Nec potest intelligi de Dauide, quia manifestè dicit, victurum eum in perpetuum, & positum eum ad benedictionem, ut benedicat alijs, sicut dicitur Gen. 12. Addit autem prophetiam de defensione synagogæ & interitu.

Vincenti Psalmus David.

ADITVS virtute tua Deus optime dextræ;

Gaudet & ex animo rex tua facta canit.

Ipsius implesti vota omnia, quæq; petebat
 Omnia te large distribuente tulit.
 Ipsi præueniens etenim bona cuncta dedisti,
 Obrizi cingens æris honore caput.
 Si roget ut plures possit superesse per annos,
 Ipsius innumeros tu facis esse dies.
 Omnibus illa tuæ præfert decora inclita fama.
 Tu facis hunc summo laudis honore coli.
 Ipsius æternos benedicis nomen in annos.
 Gaudebit vultus letus amore tui.
 Confidens etenim Domino Rex sperat in ipso,
 Perpetuo constans in bonitate Dei.
 Omnes dextra tuos tua perscrutabitur hostes,
 Incidet in tales inuida turba manus.
 Ipsos tu statues velut ardente igne caminum,
 Tempore quo vultus effluet ira tui.
 Ipse suos certe Domini furor opprimit hostes,
 Sic premet, ut totos deuoret ignis edax.
 Ipsorum non esse sines, nec viuere fructus,
 Nulla his ventura semina prolis erunt,
 Intendere malum quoniam tibi, nec potuerunt
 Perficere incepti præmeditata sui.
 A iustus separabis eos eeu fragmina dorsi,
 Dirige in hos nervi spicula recta tui.
 Surge tuæ virtute potens, & robore dextra:
 Nos tua dicemus facta stupenda Deus.

S C H O L I A.

ADIUTUS) Narratio est. IPSIUS AETER.)
 Senten-

Sententia Hebraica est, ponis eum in benedictionibus in perpetuum, id aptius intelligitur actiue, vt alij per eum benedicantur, quam passiuè. O M N E S
 D E X T R A) De synagogæ interitu altera prophetiæ
 P A R S, S U R G E) Addit votum, vt properentur ista.

P S A L M U S XXII.

Deus Deus meus respice in me.

A R G U M E N T U M.

*Ceu coram videat, sic explicatio omnia Christi
 Passuri lacrimas, vulnera, probra, crucem,
 Quem non hac moueant lacrimosæ verba querele,
 Durius hunc saxo pectus habere putem.*

Est prophetia de Christi passione, morte, resurrectione, & regno post mortem, ac Ecclesia. Singulare autem est, quod ita manifeste prædicit vulnera pedum ac manuum, ludibria Iudæorum & blasphemias voces, sortem diuidendarum vestium, &c. Christo passuro sub finem legis, cum aurora Evangelij orietur.

Vincenti Psalmus David de cerua auroræ.

*Mi Deus, ô animæ spes vnica & vltima nostra,
 Omnia qui rerum iura salutis babes.
 Cur Deus abiectum me ita tempore deseris isto?
 Quo tibi præcipue respiciendus eram.
 Quam te non mea verba mouēt? quam fletus ab ipso*

Omnis abest ferres vt mihi dexter opem.
 Aucupor integros lacrimis tua nomina soles,
 Auersa querulus abnuis aure preces.
 Nocte vigil multis tacitas plulatus auras
 Sollicito, requies nec venit vlla mihi.
 Tu tamen ille Deus, Deus & sanctissimus idem es,
 Cuius Iudæo laus in honore viget.
 In tua sperabant maiores numina nostri,
 Auxilium sensit spes animosa tuum.
 Rebus in afflictis illi te in vota vocabant,
 Non poterat iunctos deseruisse tibi.
 Spe certa propriam tibi commiserunt salutem,
 Nec tibi confidens est pudefacta domus.
 Reptilis ipse autem merito, & sine nomine vermis,
 Bruti non hominis pectus habere ferar.
 Opprobrium triuiale hominum, quem efficit om-
 Qui quota vel medie nomina plebis habet. (nis
 Qui me cunq; vident ceu pondus inutile terra,
 Rugas ceu naso rhinocerotis agunt.
 Ora, sed exertis ringuntur hiantia linguis,
 Turba, minax ronchus, docta mouere caput.
 Hic aliquis, Dominum iam nunc eat, inquit, ad ipsum,
 Si modo qua merito damna queratur habet.
 Liberet ille suum, si sic, vt iactat, amatur,
 Dilectum arumnis liberet ille suum.
 Me tamen ipse mea duxti genetricis ab alio,
 Te per, adhuc sugens vbera, nixus eram.
 Editus in lucem tibi adhasi protinus vni,
 Tu Deus ex vtero matris es ipse mihi.

Ne pro-

Ne procul hinc abeas, ne longe abscesseris autem
 Nam prope sunt quæ me dura pericla manent
 Non procul hinc absunt cura, sæuiq; labores,
 Sed nec adest misero qui ferat ullus opem.
 Turba velut miserum vitulorum circuit ingens,
 Præualidi cingunt ad latus omne boues.
 Ora ad aperta in me & rictus habuere patentés,
 Ut leo, qui prædam corripit ore fremens,
 Sicut aqua effusus, diffluxi totus, & intra
 Me mea sunt laxata omnibus ossa locis.
 Non secus ac æstu radiorum cera liquefscens,
 Diffluxit robur pectoris omne mei.
 Sic mihi quæ fuerat virtus exaruit omnis,
 Ut proiecta nihil testa liquoris habens.
 Nescia lingua loqui siccis in faucibus hæsit,
 Et mea mortifero puluere membra tegis.
 Circum nam venere canes, me plurima circum
 Fœta malis, falsi prodiga, turba stetit.
 Mortifero fodere manus mihi vulnere vtrasq;
 Peruia sunt pedibus vulnera facta meis.
 Omnia dinumerare queas in me ossa, sed ipsi
 Spectantes gaudent me mala tanta pati.
 Partiti secuere meos sese inter amictus,
 Et mea sortito subdita vestis erat,
 Tu solitam ne differ opem, ne longius absis,
 Mi Deus afflicto, nam potes, affer opem,
 Da rogo in hanc vitam ne sæuiat hosticus ensis,
 Ne canis hanc animam deuoret ille ferox.
 Erue me rapido freudentis ab ore leonis,

Vnica cornigeræ cornua frange fera.
 Vera laude meis tua nomina fratribus edam,
 Agnosce laudes concio tota tuas.
 Carminibus celebrate Deum quicumq; timetis,
 Qui de cunq; tua sunt Iacobe domo.
 Omne quod à magno genus Israël profectum est,
 Ipsius ad dextræ facta stupenda tremat,
 Exilium non auxilio contempsit egentis,
 Nec retro vultus abdidit ora sui.
 Quin potius iustis precibus se in vota vocanti,
 Nequaquam surdis auribus esse tulit.
 Me celebrante tuis Eccllesia magna sonabit,
 Concio plena tuis laudibus omnis erit.
 Vota Deo mea persoluam spectantibus ipsis,
 Quos Domini vacuos non sinit esse timor.
 Da quod edant hamiles, epulis saturentur opimis,
 Qui mites animos, qui pia corda gerunt.
 Tollite laudantes quicumq; requiritis ipsum,
 Perpetuos viuant pectora vestra dies.
 Omnibus hæc totum vulgetur fama per orbem.
 Vnius vt Domini tradita iussa colant.
 Vnius vt Domini venerandum numen adorent,
 Quæ gentes terræ climata cunq; colunt.
 Ipsius est etenim regni sine fine potestas,
 Ipse habent in cunctis gentibus imperium,
 Et qui diuitijs partis vtuntur, adorent
 Ipsum, qui terræ pinguia quæq; vorant.
 Et qui facta situ confecti corpora sordent,
 Quicq; animæ vitam non sinit esse sua,

Natio venturo de semine seruiat ipsi,
 Virtutes Domini secula cuncta scient.
 Posteritas ventura Dei præconia laudum
 Concinet, & populis commemoranda dabit.
 Iusticia ipsius in toto cantabitur orbe,
 Ipse quod hoc tantum fecerit autor opus.

S C H O L I A.

MI DEUS) Querela, quod non respiciatur à Deo.
 QUAM TE) Amplificat querelam collatione; alij cum
 orarent, exauditi sunt, tu me non exaudis. OPPRO-
 BRIUM) Narratio, quæ continet commemorationem
 calamitatum, ac primum commemorat blasphemias
 voces. ME TAMEN) Confirmat se contra illa ludibria,
 scio me tibi curæ esse, quantumuis videar à te negli-
 gi. TURRA VEL.) Pergit narrare calamitates suas. SI-
 CUT AQUA) Magnitudo afflictionum. TU SOLITAM)
 Narrationi subijcit precationem vehementissimis af-
 fectibus abundantem. VERA LAUDE) Hic incipit pro-
 phetia de Christo glorioso, liberato à doloribus mor-
 tis & regnante per Euangelion in mundo. ME CELE-
 BRANTE) Nouus cultus Ecclesiæ abrogatis cultibus
 legis. DA QUODEDANT.) Ecclesia ex diuitibus & pau-
 peribus, NATIO) Nouus cultus. IUS TITIA IPSIUS
 Non nostra aut operum iusticia.

P S A L M U S. XXII.

Dominus regit me & nihil mihi.

A R G U M E N T U M.

F S

Done,

Dona Dei agnoscens & sacri munera verbi,
 Ambulat, & recta ducitur ille via,
 Non secus hunc, ac pastor ouem, si forsan aberret,
 In sua restituit pascua vera Deus.

Est mire suavis & elegans Psalmus, in
 quo prædicat beneficia, & pro ijs gratias a-
 git, quibus Deus Ecclesiam suam cumulat,
 quod eam sicut pastor ouem, verbo pascit,
 consolatur, gubernat ac tuetur.

Psalmus David.

NULLA petendarum mihi deerit copia rerum,
 Pascit ut innocuas me Deus inter oues.
 Per loca me statuit viridantibus herbida pratis.
 Ducit & ad riuos lenes fluentis aquæ.
 Collapsas animi vires mihi reddit, & ipsum
 Iusticia ducit per loca tuta viæ.
 Ipsius ut videam verarum nomina laudum,
 Hoc duce tam felix hæc mihi trita via est.
 Siue per obscuras umbris loca condita valles,
 Semita sit pedibus conficienda meis.
 Non metuum, quia te duce, nulla pericula nocebunt,
 Me baculi seruat virga timenda tui,
 Diuitis apponit mihi splendida fercula cæne,
 Ut doleat spectans talia liuor edax.
 Balsameo caput unxisti mihi pingue liquore,
 Vbere fudisti pocula plena mero.
 Quin tua me clemens pietas, & cura sequentur,
 Donec in hoc aliquis corpore sanguis erit.

Ipsè

*Ipsè quidem Domini sublimia templa tenbo,
Caltor & huic longo tempore fidus ero.*

S C H O L I A.

NULLA) Narratio. PASCIT) Pascis COL-
LAPSAS) Lætificat. IPSIUS UT) Docet & gu-
bernat.) NON METUAM) Defendit in periculis.
DIVITIS) Quod antea pasqua dixit, nunc mensam
vocat. Insignis consolatio, quod hæc Deus Ecclesiæ
& membris eius perpetuo conseruabit.

P S A L M U S. XXIII.

Domini est terra & plénitudo.

A R G U M E N T U M.

Immortale Dei regnum fore prædicat orbi

Ex Euangelicæ vocis honore tubæ,

Si quis ad historiam tamè hæc trahat, ille probabit

Forte Iebusæa de regione canii.

Est prophetia de regno Christi seu Eccle-
sia per totum mundum sparsa, quam descri-
bit ceris, quod habeat, sanam doctrinam
côr purificatum fide, & vitæ innocentiam.
Habet autem grauem adhortationem in fi-
ne, sicut secundus Psal.

Psalmus Dauid.

IN manibus Domini terra est, & quicquid in ipsa

Ipsius & quisquis rura colonus arat. (est,

Maxima nam stabilè super æquora cõdidit ipsam.

In rapido iaciens roborâ prima mari.

Hanc super & fluios, super adificauit & annes,

Omnis.

Omnia qui varijs flexibus arua secant.
 Quis iuga conscendet diuini altissima montis?
 Ipsius oraculo quis loca sacra colet?
 Integer & vitæ maculis non oblitus vllis,
 Nec falsum spirans, nec nisi vera loquens,
 Hunc Domini pietas, & gratia larga fouebit,
 Saluus hic, ille Dei munere iustus erit.
 Hoc genus est hominum, quod & astumat, inuenit
 Qui vultus cupidi sunt Iacobe tui. (ipsum
 Tollite claustra fores, æterni absistite reclus,
 Laudis vt introëat Rex decus omne ferens.
 Rex nouus iste quis est, quem gloria tanta coronet?
 Armorum Dominus, militiaq; potens.
 Pandite claustra fores, rigida date lumina porta,
 Vt laudum introëat Rex genus omne ferens.
 Quis Rex iste, quis est, cui sint ea nomina laudum?
 Virtutum Dominus Rex decus illud habet.

S C H O L I A.

IN MANIBUS) Narratio, Deus est Deus non Iu-
 daeorum tantum, sed & gentium. INTEGRER) Ec-
 clesie descriptio. NEC FALSUM) Verbum fide
 retinens: nam doctrinam significat. TOLLITE)
 Adhortatio ad reges & principes mundi, vt verbo ce-
 dant, & id amplectantur. QUIS REX) Hæc interro-
 gatio significat mundum nolle cedere Euangelio.

P S A L M U S. XXV.

Ad te Domine leuâui animam.

ARGU.

A R G U M E N T U M.

Expetit ingenti succensum pectus amore,

Ex verbo veram discere posse fidem.

Ne cadat afflictum, ne debilitetur in vllis

Cladibus, o quantum est dogmata vera sequi.

Est precatio, in qua orat, vt Deus eum gubernet verbo, peccata condonet, & ab omnibus periculis, quæ ab hostibus Ecclesiæ impendent, liberet. Ostendit autem eleganter affectus orantium in vera fide, qui nunc seipos consolantur, nunc se cohortantur, nunc iterum ad orationem redeunt, &c.

Psalmus David.

SVMME parens rerum magni faber vnice mundi;

Ad te sunt anime vota leuata mea.

Spes mea ne sine confundi, ne perfidus hostis

Scrilego casus rideat ore meos.

Nam tibi fidentum nemo confunditur vnquam,

Inpium at contra scandalon ipse sibi est.

Pange vias mihi quaeso tuas, mihi semita constet

Proxima, qua legis ducit ad acta tua.

Erudiens tua vera fides, mea corda gubernet,

Mi Deus, in totum spes mea facta diem.

Nunc animum soluta subeat pietatis imago,

Qua tua primæuo semper ab orbe fuit.

Ne mea respicias fatue peccata iuuenta:

Sed miserere, opus hoc sis memor esse tuum.

Cumq;

Cumq; nihil bonitate tua præstantius vsquam
 Extet, & huc semper sit tua larga manus.
 Iustus & excellens Dominus per lubrica lapsos
 Erigit, & recta nos docet ire via.
 Erudit extorres, & per rectissima ducit,
 Quos humiles dubijs passibus ire videt.
 Omnibus in factis pius est pater, atq; benignus,
 His qui sancta pie fœdera pacis amant.
 Per te, perq; tuum cunctis venerabile nomen,
 Da veniam erratis, sunt quia magna, meis.
 Ecquis erit Dominum metuat qui pectore toto?
 Illius electam diriget ipse viam,
 Affluet huic fœcunda bonarum copia rerum,
 Huius posteritas orbis habebit opes.
 Consilia his arcana Dei sunt cognita solis,
 Illius iratum qui timuere manum.
 His agnosce dedit sua fœdera, qualia nunquam,
 Nec caro nec sanguis fœdera nota tenent.
 Mente Deum vigili obseruans non flectar ab illo,
 Ut de casse meos liberet ipse pedes.
 Respice nunc me me, & miserere indigna ferentis,
 Supplicis afflictæ respice vota iui.
 Anxietas miserum conturbat plurima pectus,
 Nunc age tam rebus tristibus affer opem.
 Respice quos patior castus, duosq; labores,
 Atq; animi dele vulnera cuncta mei.
 Aspice quam multis petar vniq; ab hostibus vniq;
 Vtq; premant odio non faciente modum.
 Eripe me his inuicte malis, ne numine fisci um

Vincere

Vincere me pudeat non potuisse tuo.
 Simplicis hanc animam vita pater optime serua,
 Cuius tota tua pendet ab arce salus.
 Gentis vt afferues Israëlitidos oro
 Semina, & à populo cuncta pericla fuges.

S C H O L I A.

SUMME.) Patheticum exordium. NAM TIBI) Sententia, qua se excitat. PANGE) Propositio pre-
 cationis, vt gubernet eum verbo. NUNC ANIM.)
 Subijcit propositioni rationem à præeritis benefi-
 ciis & misericordia Dei, qua vna debet niti omnis o-
 ratio. IUSTUS ET EXCEL.) Prædicat misericordiam
 Dei, vt ita se excitet ad fortius orandum, ECQUIS
 ERIT) Postquam prædicauit misericordiam Dei, ad-
 dit nunc adhortationem ad pietatem plenam maxi-
 mis promissionibus. CONSILIA HIS ARCA.) Ar-
 cãna, vocat doctrinam remissionis peccatorum,
 quam non norunt securi & præsumtuosi, sed timen-
 tes Deum. RESPICE) Tertia pars precationis, vt li-
 beret à periculis. GENTIS UT) Significat hanc o-
 rationem pertinere ad Ecclesiam.

P S A L M U S XXVI.

Iudica me Domine, quoniam.

A R G U M E N T U M.

Mundus hypocrisis tantum nunc peste laborat,
 Vt sint, qui verum, turba pusilla, vident,
 Innumeros qui falsa dogent, testatur, & orat
 Ne se corripiat debita pœna malis.

Est preta-

Est precatio Ecclesiæ contra falsos fratres, & Ecclesiam impiorum, damnantium Euangelion tanquam hæresin, & varie calumniantium pios. Ac habet insignem descriptionem Ecclesiæ piorum & impiorum, quid utraq; faciat.

Psalmus David.

IVDICIO mea vita tuo Deus vnice consistet,
 Candida si, qualis debuit esse, fuit.
 Confidens Domino vitam securus agebam,
 Nec stabiles lapsum destituere pedes.
 Excute quæso mei pater intima viscera cordis,
 Affectus omnes qua ratione feram.
 Semper enim præsens tua me clementia firmat,
 Et tua me vere viuere verba docent.
 Haud vnquam vitam cum vana loquentibus egi,
 Odi cuncta viros qui simulanter agunt.
 Concilia & cœtus mihi displicuere malorum,
 Impia conantis nullius hospes ero.
 Innocuas pietate manus ceu fonte lauabo,
 Obseruans atq; cornua sancta tua,
 Atq; profunda tuas mea laudes audiet auris,
 Vt quæcunq; facis facta stupenda canam.
 Tecta tua veneranda domus ego semper amavi.
 In quibus est laudis gloria fixa tua.
 Ne precor hanc animam cum peccatoribus aufer,
 Nec quibus est fusi sanguinis alta sitis.
 In manibus quorum scelus est & fraudis abunde,
 Quorum falsa nocens munera crimen habent.

Ipsè

*Ipsè autem innocuè traducam tempora vitæ,
Eripe me vitijs, & miserere mei.
Semper amans recti, semper sine crimine vixi,
In populo laudes eloquar ipse tuas.*

S C H O L I A.

CONFIDENS) Precatio contra aduersarios. Oponit autem innocentiam suam calumnijs aduersariorum. CONCILIA) Commendat in Ecclesiam fiduciam misericordiæ, odium falsæ doctrinæ, & studium verbi. NE PRECOR) Redit ad precationem, & accusat aduersarios. AMANS RECTI) In Hebræo est : Ego in integritate incedo. Id ad verbum & doctrinam referendum, &c.

P S A L M U S XXVII.

Dominus illuminatio meâ, &c.

A R G U M E N T U M.

*Tu plagas animi iam passus, & anxia vitæ
Vulnera, quæ sancta pro pietate tulit.
Hostibus insultat, mundum contemnit, & ipsi
Corda fouet soli fidere doctæ Deo.*

Est insignis Psalmus, prior pars habet gratiarum actionem pro liberatione præterita. Secunda pars est oratio, in qua petit, vt in verbo Dei seruetur, & defendatur ab insidijs aduersariorum. Habet autem admittas multas illustres consolationes, qualis illa est, Pater & mater dere-

G

lique

liquerunt me, Dominus autem assumfit me,
&c.

Psalmus David.

QVI patrijs totum radijs illuminat orbem,
 Qui lux est mundi, lucis origo Deus.
 Ille meas tenebras in lucem vertit, & auras
 Dispulit inferna pestilitate graues.
 Tota mente meæ curam gerit ille salutis,
 Quem metuoam, cuius sit grauis ira mihi?
 Ille meæ, virtus, decus, aura, potentia, vita est.
 Ad cuius trepident pectora nostra minas?
 Irruet hostis atrox me contra, vt corpore in isto,
 Quicquid inest viui sanguinis omne trahat.
 Irruet, affliget, curis ingentibus anget,
 Sed velut impingens corruet ante diem.
 Quid mihi si positis moueant fera pralia castris,
 Nullus in hoc gelidus pectore sanguis erit.
 Et licet innumeris legionibus arma capeffant,
 Hac erit in tacito spes mihi clausa sinu.
 Vnus à Domino voti damnabor, & esse
 Nil moror, ipsius vt templa beata colam.
 Ipsius vt tanquam nitida contempler in aula,
 Donec erunt vitæ flamina firma meæ.
 Occuluit siquidem gelida me sicut in vmbra,
 Cum premerent animam tempora dura meam,
 Et velut occultum sua sub tentoria ducit,
 Culmina deinde meum tollit ad alta caput.
 Hostibus ipse meis dominabor, & altior ibo,
 Hoc duce

Hoc duce, qui circum tot mihi damna ferant.
 Ipsius ante aras nostra cadet hostia dextra,
 Plurima quæ laudum iubila plena sonet.
 Huic arguta novos referunt Psalteria cantus,
 Huic modulata frequens carmina Psalmus erūt.
 Audi verba Deus timida te voce vocantis,
 Hic rogo ne duris auribus esse velis.
 De te sepe meo verba hæc in corde loquebar,
 Sit faciem cunctis cura videre meam.
 Ipse tuam quero faciem pater optime rerum,
 Vnica te solum cura videre mihi est.
 Nunc illos ne auerte tuos neue occule vultus,
 Neue tuo famulo durior esse velis.
 Te sine non alia est ratio, quæ seruet egentem
 Auxilio, sine te non venit vlla salus.
 Quare age seruatum toties ne desere seruum,
 Vna salus rebus cœlifer alte meis,
 Et quoniam proprij me deseruere parentes,
 Colligis exilij membra relicta mei
 Pande vias, quas ingredi ar, me semita ducat
 Recta per hostiles, te præeunte, manus.
 Obsecro ludibrijs ne me permittes malorum,
 Opprobrio falsis testibus esse veta.
 Plurima nam mendax contra me turba coorta est,
 Qui nisi quod vanum est nil didicere loqui.
 Credo equidem me posse frui bonitate piorum,
 Qua locus est viuus, vitaq; morte carens.
 Quisquis es, à Domino totus pendeto, tibiq;
 Sic animo consta, fortis vt esse queas.

72 P S A L M. XXVIII:
Ille tibi vires roburq³ in corpora mittet,
Tantum perge Deo fidere, saluus eris.

S C H O L I A.

QUI PATRIIS) Gratiarum actio, in qua recitat præterita beneficia. VNIUS) Precatio, vñ Deus in templo, hoc est, in verbo & cultu suo seruetur. OCCULUIT) Ratio, cur id petat. Quia per verbum habent firmam consolationem contra omnia mala. IPSIUS ANTE) Pollicetur pro beneficio gratum cultum. AUDI) Petit, vt porro etiam sic gubernetur. DE TESAËPE) Sententia est, tua vox & mandatum tuum est, ut omnes quærant tuam faciem, hoc est, à te expectent & orent liberationem. Id ego facio, quæro faciem tuam, &c. NUNC ILLIOS) Alia ratio petitionis à necessitate, ideo oro, Quia sine te nulla est salus. PANDEVIAS) Altera pars orationis contra impios doctores, qui persequuntur bonos. TANTUM PERGE) Insigne Epiphonema, Expecta Dominum, fortis est.

P S A L M U S XXXII.

Ad te Domine clamabo, Deus.

A R G U M E N T U M.

*In Saulem & Sauli similes est ista precatio,
Qui blandas linguas, pectora praua gerunt.
His precibus seuos contra nos vimur hostes,
Qui lingua pacem, pectore bella ferunt.*

Apparet hunc Psalmum à Davide scriptum, cum periclitaretur propter regnum, ad quod

quod diuinitus erat vocatus per Samuelem.
Est autem precatio, in qua petit defensionem contra hostes, qui aperte nihil moliebantur; sed insidijs agebant omnia, sicut Saul initio faciebat.

Psalmus David.

*S*PES mea summe Deus tibi vota precesq; ferent.

*R*espice, nec fias ad mea verba tacens. (tem

*N*e si forte preces pater auersere rogantis,

*S*im velut in foueam qui violenter eunt.

*A*udi quaeso preces quo tempore cunq; precabor,

*E*xtendamq; humiles ad tua templa manus.

*N*e me cum reprobis puni, qui blanda loquuntur

*C*onsilia, ac tacite pectora praua gerunt.

*T*u meritis horum da munera digna, nec ipsos

*R*espice, mercedem quam meruere ferant.

*F*acta etenim neglexerunt diuina volentes,

*T*rudito ad ima, illos non super alta rebe.

*G*loria, laus & honor tibi sit pater optime rerum,

*Q*ui facili nostras accipis aure preces.

*P*ectoris ipse mei Deus est certissima virtus,

*E*ximum est robur pectoris ipse mei.

*H*oc ego ceu clypeo nixus ferar obuius hosti,

*H*oc etenim victrix dextera facta mea est.

*P*ectoris atq; animi fixa est spes omnis in ipso,

*I*psius in laudes carmina nostra fluent.

*I*lle etiam vires & robur subdidit ipsis,

*I*n quibus & Christum roborat ipse suum.

*Nunc populum serua, qui te colit vnicus haeres,
Atq; tuæ curam posteritatis habe.*

*Pasce tuum populum, tibi pectora fida gubernæ,
Cuncta pater tecum tempora donec erunt,*

S C H O L I A.

SPES MEA) Propositio, Deus exaudi me. NE
SIFORTE) Ratio, quia absq; te si sit, perij. AU-
DI) iam explicat precationem, quomodo velit au-
diri. FACTA ET ENIM) Putant mea temeritate
fieri, quod tu iussisti. GLORIA) Gratiarum actio.
PECTORIS) Epiphonemata sunt hæc. CHRIS-
TUM) Id est, me, quem iussit vngi in regem. NUNC
POPULUM) Orat pro rota Republica.

P S A L M U S. XXIX.

Afferte Domino, filij Dei afferte.

A R G U M E N T U M.

*Vox Euangelij totum spargenda per orbem,
Hic quoq; Iessæo dicitur esse seni.*

*Admonet vt quoscunq; homines miratur honores,
Ante Deum discant vilius esse nihil.*

Est prophetia de regno Christi, quod per
Euangelion erat parandum. Est autem totus
Psalmus allegoricus. sicut prophetæ quoq;
similibus allegorijs hæc mysteria inuolue-
runt.

Psalmus David.

*HVC agite, huc afferte Deo decora omnia laudii,
Quos*

Quos alijs virtus ante superba tulit.
 Et decus & laudem Domino date nomina digna
 Ipsius, atq; ipsum quæ decuisse queant.
 Huic & adorantes in sancto assistite templo,
 Accipiat veras regia sancta preces.
 Vox Domini superiexit aquas, cui gloria soli est,
 Intonat ipse super flumina magna Deus,
 Vox Domini virtute potens, vox magna, decensq;
 Omnia confringens, omnia concutiens.
 Vox Domini cedros confringens, franget & ipse
 Voce cedros Libani concutiente Deus.
 Nec secus ac vitulos facit exiluisse, potentis
 Voce Dei trepidas concutiente Cedros.
 Precipue Libanum ingentē commouit et Hermon,
 Vnius vt cornu quale fuisse ferunt.
 Vox Domini flammam dirumpit & excutit ignes,
 Desertum Domini vox trepidare facit.
 Vox Domini loca commouit deserta Cadessi,
 Quæ loca Sinaici verticis astra petunt,
 Magna Dei trepidas mouere tonitrua ceruas,
 Et sætus grãuida parturière nouos.
 Verba Dei vastas nudarunt arbore syluas,
 Amplius & solitas non habuere comas.
 Ipsius in templo Domini dicentur honores,
 Dicitur summo gloria summa Deo,
 Diluuium Dominus sedet vt grane præparet orbi,
 Aeterni Dominus nomina regis habet.
 Ille suo vires populo dabit, omnibus, illo,
 Dante saluifera commoda pacis erunt.

S C H O L I A.

HUC AGITE) Exordij loco ponit adhortationem, ut omnes separent ad obediendum Euangelio. VOX LOMINI) Narratio, Euangelion vulgatur in totum orbem. VIRTUTE POTENS) Significat fructus verbi, quod arguit peccati omnes, & postea erigit iterum. PRAECIPUE) Hic synagogam significat. DESERTUM) Vis verbi penetrans. VOX DOM. LOCA) Hic gentes significat, ad quas etiam affertur Euangelium. IPSIUS IN) Hic cultus Dei in nouo Testamento. DILUUIUM) Diluuium hoc, liberum est vel ad Baptismum, vel totum Euangelion refertur. Nam Petrus quoque baptismum cum diluuium confert.

P S A L M U S XXX.

Exaltabo te Domine quoniam,

A R G U M E N T U M.

*Liber ab arumnis, quibus anxius ante fuisset,
Salua, Deo grates, pectora latus, agit.
Cernis ut exultet, quantumq; affectibus intus,
Spiritus erumpat per sua verba foras*

Est gratiarum actio, quod liberatus sit vel à morbo pestifero, vel à tentationibus, in quibus quidam mortis gustus est. Habet autem insignem commendationem misericordiae Dei & consolationem, quod Deus, etsi affligit suos, tamen iterum liberet, sicut dicit: Momentanea

tanea est ira eius, & voluntas eius, vt viuamus, vesperi adest fletus, mane, exultatio & c

Psalms & canticum dedicationis domus Dauid.

INTVA perpetuas attollam nomina laudes,

Mi Deus, & causa est cur ita semper agam.

Nam me mortifera tanquam de sorde leuatum,

Lucida iussisti tollere ad astra caput.

Inde nec exultare meos mihi passus es hostes,

Gaudia ne de me qualiacunq; ferant.

Mi Deus ingenti sanasti vulnere lesam,

Cum peterem tua vis vt mihi ferret opem.

Ad Styga delapsam reuocasti ad lumina vitam,

Nunc quoq; quod viuo, muneris omne tui est.

Ne morerer tua seruauit me dextera viuum,

Frigidus effossa ne sepelirer humo.

O igitur Domino praeconia dicite laudum,

Quorum certa Dei pendet ab arce salus.

Quamq; potestis ei dignas persoluite grates,

Ipsius vt memores nomina sancta canant.

Ipsius ira breuis cito praeterit, exit in iclu,

Quam cito consumpta fulgura nube solent.

Quos amat, his vitam tribuit, duce viuatur illo,

Cum morerer vitam reddidit ille mihi.

Vespertina graues traxere crepuscula fletus,

Immoderata nouum gaudia mane tulit.

Cum fors aspiceret lato me candida vultu,

Perpetuam rebar posse manere loco.

Nam tua sancta mihi stabilivit sceptrā voluntas,
 Quae duce te firmi culminis instar habent.
 Mox vero ut placidi vertisti lumina vultus,
 Turbato attonitus pectore totus eram.
 Ad te confugiam supplex, tua numina poscam,
 Ante thronum veniet nostra querela tuum.
 Quid tibi contulerint, quidue vilitatis habebunt,
 Si mea quis rapida corpora mandet humi?
 Anne tuum sterilis celebrabit puluis honorem?
 Numme tuam dicent ossa sepulta fidem?
 Nunc precor exaudi pater, & miserere precantis,
 Rebus in afflictis, nam potes, affer opem.
 Tu iucunda meum vertisti in gaudia luctum,
 Mutata est lato mœsta querela choro.
 Tu mea ferali spoliasti corpora sacco,
 Cinxerunt nostrum gaudia vera latas.
 Ut mea lingua tuas canat omni tempore laudes,
 Nec sileant nomen carmina nostra tuum.
 Perpetuo tua facta canam, tibi maxime rerum
 Et merito, grates hic & ubiq; feram.

S C H O L I A.

IN TUA) Gratiarumactio. NAMME) Ratio,
 in qua commemorat beneficium. O I G I T U R)
 Hortatur ad gratiarumactionem alios quoque. I P -
 SIUS I RA) Ratio adhortationis. C U M M O R E -
 R E R) Probat rationem suo exemplo. A D T E)
 Precatio. Q U I D T I B I) Ratio precationis, ad
 gloriam tuam pertinet, si me serues. T U I U C U N D A)
 P A) Redit ad gratiarumactionem.

P S A L M U S. XXXI.

In te Domine speravi, non con-

A R G U M E N T U M.

Quos agat affectus duris vita anxia rebus,

Quas eadem grates libera facta ferat:

Hoc tibi Psalmographus depinxit carmine vates,

Cuius ut agnoscas munera, disce sequi.

Est precatio, sed in qua varij affectus cer-
nuntur, nunc laudantium Deum, nunc tie-
rum trepidantium, & orantium ad Deum,
nunc adhortantium alios quoq; ad fidem,
&c. Hæc varietas magnam consolationem
habet, ostendit enim ne sanctos quidem
semper eadem esse animi firmitudine con-
tra mala.

Vincenti Psalmus David.

CVIUS ab humanis non est effabile nomen

Vocibus, ô rerum spes, via, vita, salus

In te prasidium statui mihi, tota salutis,

Spes est in manibus condita nostra tuis.

Ne sine, ut incutiant aliquem mihi adacta, pudor est

Scandala, sed solita me tueare fide.

Huc age flecte tuas quibus omnia percipis aures,

Et cito fer, supplex quam tuus ambit, opem.

Sis mihi in auxilium tanquam fortissima rupes,

Quam vis armorum frangere nulla queat,

Sis vice munita quam nemo euerteret arcis,

Illam domus nostræ cura salutis erit,

Tu si-

Tu siquidem turris fortissima, tu mea rupes,
 Tu mihi dux igitur, tu mihi rector eris,
 Quae posuere mali, de retibus erue captum,
 Plus alijs longe roboris vnus habes.
 Accipere hanc animam manibus digneris amicis,
 Et commendatam fer precor esse tibi.
 Nam tua me pietas & ab hoste & peste redemit,
 Vno te, poterit verius esse nihil.
 Odi qui magicas vitam coluere per artes :
 Omnis at in Domino spes mihi fixa manet.
 Cum me letifica facias pietate beatum,
 Qui potero laudis non memor esse tuae?
 Hac mihi gaudia erunt propria, hac mihi vota
 Leter vt ex animi dexteritate tui, (manebunt,
 Nam mea percussi sanasti vulnera cordis,
 Depulsi arumnas & tua dextra meas.
 Nec me passus eras includi hostilibus armis.
 Lata via est pedibus, te duce, facta meis.
 Respice me, miserere pater, pius esto roganti,
 Nam miser arumnis opprimor immodicis.
 Assiduo facies contabuit anxia luctu,
 Sunt sua nunc anima vulnera facta mea.
 Comminuit miserum pungens angustia ventrem,
 Amisit vires anxia vita suas.
 Languit assidujs consumpta doloribus atas,
 Et mea me virtus deflua deseruit.
 Delicta enertunt mea me, corda agra fatiscunt,
 Nec succus miseris ossibus vllus inest.
 Omnibus opprobrium contenor ab hostibus, et sum
 Factus

Factus vicinis fabula fœda meis.
 Digressum foribus noti fugere, nec agro
 Vllus amicorum ferre volebat opem.
 Non est vlla mei ratio super amplius vllis,
 Ac si me fati vincula dura ligent.
 Ceu nunquam fuerim, me obliuiscuntur amici,
 Creditus abiectæ sum velut vmbra rei.
 Nam mala fama meas multorum perculit aures,
 Et quacunq; solet parte venire timor.
 Dum male consultant, qua me ratione trucident,
 Qua capiant animam conditione meam.
 Nostra tamen soli tibi spes constanter adheret,
 Nam mihi te præter quis Deus esse potest?
 In manibus mea vita tuis, & tempora vitæ,
 Eripe ab hostili me pater alme manu.
 In me sparge tui radios & lumina vultus,
 Esse tua saluum pro pietate sine.
 Neue pudeam fragilis discrimine vitæ,
 Totus enim de te pendeo, teq; sequor.
 Impia turba suo confusa pudore feratur,
 Mutescat Stygios impius ante lacus.
 Mendaces sileant de iusto falsa loquentes,
 Dum fastu nimio turgida corda gerunt.
 Quâ bona seruasti te magna timentibus, & quam
 Sunt ea secreta condita claue tibi?
 Iam mundo spectantè tuis bona quanta dedisti?
 Submitunt fidei qui sua corda tua.
 Occule sub latebris ipsos, ne turba malorum
 Irruat, & captis iurâ superba ferat.

ipsos.

Ipsos ceu tacito tigurī sub culmine condes,
 Ne mala, iurgatrix lingua mouere queat.
 Atq; hymnis & laude Deus dignissimus omni est,
 Qui mihi munita dexter in vrbe fuit.
 Cum fugerem præceps, & spes iam nulla subesset,
 Mens fuit abiectum me prociui esse tibi.
 Audisti tamen, & precibus rata vota dedisti,
 Abs te cum querula voce precarer opem.
 Diligite ô anima Dominum pia pectora, sanctæ,
 Is seruat fidei quos pia cura tener.
 Ille superborum factis sua iusta rependit
 Præmia, fastosos destruet ille viros.
 Este viri constante animo, qui nomen amatis
 Ipsius, hic vobis fortia corda dabit.

S C H O L I A.

NE SINE) Precatio. T U S I Q U I D E M) Ra-
 tio precationis, Te solum habeo adiutorem. N A M
 T U A) Gratiarum actio pro liberatione. R E S P I C E
 M E) Redit ad precationem. A S S I D U O) Narratio,
 in qua commemorat afflictiones & pericla. O M M I
 B U S O P P R O B .) Vide hic quomodo sancti in mun-
 do habeantur. D U M M A L E) Repetit precationem,
 & ostendit exemplum, quod nos in similibus pericu-
 lis sequi debemus. I M P I A) Imprecatio contra hostes.
 Q U A M B O N A) Epiphonema, in quo prædicat
 Dei bonitatem, vt iterum ad gratiarum actionem ac-
 cedat. A T Q U E) Gratiarum actio. C U M F U G E)
 Ecce affectus sanctorum in tentationibus E S T E V I -
 R I) Adhortatio ad Ecclesiam, vt in periculo sint
 constantes & expectent liberationem.

P S A L M U S XXXII.

Beati quorum remissæ sunt.

A R G U M E N T U M.

*Quæ vis peccati, quæ sit natura reatus,**Ianua quæ venia, quo referenda modo.**Hic docet & sanctos peccati lege teneri,**Quæ tamen admittant crimina cuncta tegi.*

Hic Psalmus habet doctrinam insignem de iustificatione, quod iusti & beati simus, non alia re, quam si peccata, quæ habemus omnes, non imputetur, tegantur, remittantur, hoc est, non iustificamur operibus aut lege; sed sola fide, quæ apprehendit misericordiam Dei, quam in Christo declaravit, sicut Christus dicit: Qui credit in me, non videbit mortem in æternum. Item: Qui crediderit & baptizatus fuerit, saluus erit.

David erudiens.

*FELIX cui peccata Deus patrata remisit,**Cuius vt involuero crimina tecta latent.**Felix cui Dominus vitium non imputat vllum,**Cuius aperta nihil pectora fraudis habent.**Certe ego cum iam dudum animo oblectante tace-**Net prava admissum mente faterer opus. (rē)**Ossibus exhaustis corpus contabuit ægrum,**Dum gemitu assiduo pectora mæsta fremunt.**Me siquidem tuâ dextrâ premit noctesq; diesq;**Nullus*

Nullus in hoc vltra corpore sanguis inest.
 Sicut ab aestiuis arescit solibus humor,
 Sic mea nil succi membra fouentis habent.
 Propterea commissa palam peccata fatebor,
 Nec mea ceu ducta crimina nube regam.
 Et tibi praecipue statui pater ista fateri,
 Spes veni a misero si qua venire queat.
 Hac ego dum meditor, tu crimina cuncta tulisti,
 Mox per te scelerum gratia facta mihi est.
 Hac super orabunt omnes tua nomina sancti,
 Tempore quo possint commoda ferre preces.
 Quod mala si veniant tanq̄ mare fluctib. vndans,
 Nullum his diluuium, nulla nocebit hyems.
 Tu mihi presidium, tua me protectio seruet,
 Vt tibi seruatus carmina grata canam.
 Firmabo ratione animum tibi, certa docebo
 Signa pedum, qua tu progrediare via.
 Prospiciam tibi vt attento tua lumine seruem
 Omnia, vt ex mutuo stet tua vita meo.
 Ne similes fiat equis brutisue caballis,
 Bruta etenim cum sint hac ratione carent.
 Horum tu breuib. constringes ora lupatis,
 Noluerint forsā si tua iussa sequi.
 Impius arumnas multas patietur, at ille
 Qui didicit Domino fidere, saluus erit.
 In Domino gaudete pij, nam gloria vestra est,
 Qui geritis recta pectora plena fide.

S C H O L I A.

FELIX)

FELIX) Propositio: Beatus est, cui remissa sunt peccata. CERTE EGO) Ratio propositionis, sumra à propria experientia. Non potui esse quieto animo, priusquam crederem remissionem, sicut Paul. Rom. 5. Iustificati fide, pacem habemus apud Deum. HAC SUPER) Alia ratio ab exemplo totius Ecclesiæ: expende autem quid sit sanctos orare remissionem peccatorum. TU MIHI) Adhortatio, ut omnes accipiant misericordiam, & credant remissionem peccatorum, hanc qui non accipiunt, hos comparat brutis. IMPIUS) Epiphonema, cui addit exhortationem ad agendas gratias tam misericordii Deo.

P S A L M U S XXXIII.

Exultate iusti in Domino, rectos.

A R G U M E N T U M.

*Letari iubet, & meritas persolvere grates,
Nomina iustifica qui pietatis amant.
Saluat enim seruatq; suos, nec deserit vnquam,
Quantumuis miseros perfidus hostis agat.*

Est insignis gratiarum actio, in qua commemorat beneficia DEI, quod verbum dat, quod bonos defendit, malos punit, quod omnia condidit mirabiliter, &c. Pertinent autem hæc ad consolandos nos, ut cum sciamus, tam potentem DEUM nos habere, tanto certiozem in ipsam spem ponamus.

CONCIPITE ergo animis noua gaudia, tollite mentes,
Qui colitis pura simplicitate Deum.

H

Quorum

Quorum nam fidei sunt pectora dedita recte,
 Hos pia laudandum laus decet ante Deum.
 Ipsius ad citharam fidibus cantate sonoris,
 Ipsius & laudes musica nabilia sonent.
 Dulcis sonos illi decachordi extendite nervos,
 Dicite carminibus iubila plena nouis.
 Recta etenim semper Deus est, & vera locutus,
 Et quaecumq; facit, facta probanda facit.
 Iudicat, & iusta considerat omnia lance,
 Iusticiae, cunctis aequa ferentis, amans.
 Immensum Domini pietas est nota per orbem,
 Tota suas illi terra fatetur opes.
 Verbo cuncta Deus, caeli quoq; condidit orbis,
 Oris & afflatu sidera puluera sui.
 Inclusas pelagi velut vitre coërcuit undas,
 Cuius adhuc nulli scire profunda dedit.
 Tota Deum metuat proiecta machina terra,
 Hunc timeat quisquis terrea regna colit.
 Quod volet ipse, etenim factum est quo tempore
 Hic si quando volet iussa peracta tenet. (dixit,
 Consilia, auersa qua gentes saepe probarunt,
 Dissipat & fraudi non sinet esse locum.
 Quae statuit Dominus rata sunt, & sine carebunt,
 Consilia in summos non abolenda dies:
 Felicem populum, cui se Deus ipse colendum
 Obtulit, & cuius se dedit esse Deum,
 Felicem populum, quem sic elegit, ut heres
 Ipsius aeternus nominis esse queat.
 Excelsi Dominus de summo cardine caeli

Intento humanas lumine spectat opes.
 Prospicit humano cunctos è semine natos,
 Cuncta sui spectans de regione throni.
 Ipse regit mentes illorum, & pectora firmat,
 Cuncta opera illorum, quæ regit ipse, videt.
 Non iuuat armatum numerosa potentia regem,
 Non redimit fortem vis generosa virum.
 Fallet equus dominum, quem vincere posse puta-
 Immodico quoniam robore fulius erat. (bat,
 Qui Dominum metuunt, hęc respicit ipse, nec vñq̃
 Deserit, hostili nec sinit arte premi.
 Qui pia diuinæ bonitatis munera querunt,
 Horum animas certa sæpe salute beat.
 Hos prædura famis per tempora pascit egentes.
 Ne miseris rapiat mortis auara manur.
 Et nunc ad Dominum directa est nostra voluntas,
 Fortia qui nostræ scuta salutis habet.
 Pectora concipiunt noua gaudia nostra per ipsum,
 Spes rata in ipsius nomine nostra manet.
 Nunc tua nos bonitas diuim pater optime seruet,
 In te sperantes, vt tua turba sumus.

S C H O L I A.

CONCIPIE) Propositio: laudare omnes me-
 cum Dominum, copia ostendit affectum gaudij. RE-
 CTA) Narratio beneficiorum Dei. IMMENSUM)
 Beneficentia. VERBO) Potentia. TOTA) In-
 terferit adhortationem. CONSILIA) Impedit
 consilia tyrannorum. QUÆ STATUIT) Epi-
 phonema. EXCELSI) Pergit in narratione.
 NON IUUAT) Insignis antithesis, qua fiduciam
 H a humano-

humanorum praesidiorum damnat & praedicat timorem Dei. ET NUNC) Redit ad gratiarum actionem. NUNC TUA) Claudit Psalmum precatione.

P S A L M U S XXXIII.
Benedicam Domino in omni
tempore.

A R G U M E N T U M.

*Quod Deus orantium voce exaudiat omni
Tempore, viuendi quae v prima, docet.
Omnes affligi verae pietatis amantes,
Donec in hac vita morbida membra trahant.*

Est idem argumentum cum precedenti Psalmo, quem Dauid composuit, cum periclitaretur apud Abimelech, 1. Samuelis 21. Habet autem intertextas adhortationes suauissimas, & amplissimas consolationes, quod etsi affligantur sancti, tamen DEO curae sint, &c. Est omnino Psalmus pulcherrimus.

Psalmus Dauid, quando mutauit faciem suam
coram Abimelech, qui expulit eum,
& ipse abiit.

*DICITE perpetuas Domino mea carmina lau-
Tam iustum nullo tempore cesset opus. (des:
Nostra Deo laudem nunquam non ora loquentur,
Hic mea non vnquam lingua tacebit iners.
Gloria nostra anima Deus est, hunc ergo loquetur,
Exul,*

Exul, vt hæc spectans gaudia certa ferat.
 Perpetuas Domino mecum nunc dicite laudes,
 Tollamusq; simul nomina magna Dei.
 Sollicito Dominum quærenti pectore faustum,
 Annuit & placidum se dedit ipse mihi.
 Annuit aure mihi placida, mox abstulit omnes
 Terrores animo qui nocuere meo.
 Gaudebunt, quicumq; Deo constanter adherent,
 Nec facies horum, quo pudefiat, erit.
 Exul hic ad Dominum clamans, auditus ab ipso est,
 Quem simul ærumnis omnibus eripuit.
 Qui Dominum metuunt ceu castris circuit illos
 Peruigil, & saluos angelus esse facit.
 Scire libet Dominus quam sit bonitate suauis,
 Huc sensus omnes vertite, scire licet.
 Felicem quicumq; illi confidit, & audet
 Sperare à Domino, qua releuetur, opem.
 Sanctorum ex animo Dominum pia turba timete,
 Nulla ita dispositis copia deesse potest.
 Esurient dites, opulenti rebus egebunt,
 Quærentes Dominum copia diues alet.
 Huc agite ô pueri mea verba audite fideles,
 Pectora vt erudiam vestra timore Dei.
 Qui cupis innocuæ traducere tempora vitæ,
 Pacatâq; bonos mente videre dies,
 Sit tibi cura tuæ, ne deerret ad improba, lingua,
 Oraq; ne possint verba dolosa loqui.
 Quæ bona sunt facito, fuge quæ mala cunq; videntur,
 Maxima qua site commoda pacis habe.

ipse Deus iustos oculis pater aspicit & quis,
 Ipsorumq; pia percipit aure preces.
 Ipse suos vultus intendit in impia agentes,
 De terra ipsorum nomina vt eijciat,
 Ad Dominum fudere preces, audiuit, & vltro
 Auxilium iustis, quod petiere, tulit.
 Corda, prope est Dominus fractis, animosq; iacen-
 Erigit, & miseros ad meliora leuat. (tes
 Multa viro semper veniunt incommoda iusto,
 Hoc duce cuncta tamen per mala saluus erit.
 Omnia sic famuli custodiet ossa fidelis,
 Et ne vel minimum de tot abesse velit.
 Impius aduersa quauis ratione peribit,
 Qui iustum oderunt plurima damna ferent.
 Liberat ipse animas Dominus de morte suorum,
 Quiq; illi fident, hos mala nulla prement.

S C H O L I A.

D I C I T E) Propositio gratiarum actionis. P E R-
 P E T U A S) Hortatur alios quoque ad gratiarum actio-
 nem. A N N U I T) Naratio, in qua exponit causam,
 cur velit Deo gratias agere. G A U D E B U N T) De se
 loquitur David. Q U I D O M I N .) insignis consola-
 tio, quod Angeli sint custodes piorum, 2. Reg. cap. 6.
 S A N C T O R U M) Adhortiones suauissimis consola-
 tionibus ornatae. H U C A G I T E) Docet timorem
 Dei. M U L T A) Iusti affliguntur. O M N I A S I C)
 Sic Christus. Capilli capitis vestri numerati sunt, quã-
 quam videri potest subindicasse resurrectione carnis.

P S A L M U S. XXXV.

Iudica

Iudica Domine nocentes me.

A R G U M E N T U M.

Quam fieri noceant vesana calumnia verbo,
 Carmine in hoc, vatis iusta querela, monet.
 Regnet vt hæc regum sauiſſima peſtis in aulis,
 Saulis ab exemplo condidit iſta tibi.

Est precatio contra eos, qui præter meritum bonos oderunt & calumniantur, & tamen ſimulant pacem & amicitiam. Huiusmodi homines in aulis plerunq; ſunt.

Pſalmus Dauid.

AD TE confugio, tua numina pronus adoro
 Summe parens, animi ſuſcipe vota mei.
 Obruor ærumnis, enertor fraude malorum,
 Auxilium Miſero ni tua aextra ferat.
 Quare age conantes me perdere crimine caſsum,
 Perde ſui technis, & nocuiſſe veta.
 Corripe tela manu, ſcutum cape, tollere in enſem,
 Vt manus hoſtilis te feriente cadat.
 Condita vitrici deprome hoſtilia dextra,
 Hoſtibus vt poſſis obuius ire meis.
 Die anima pater auxilij præſentis egenti,
 Certa ſalus ex me debet adeſſe tibi.
 Deſicient ignominia, pudor obruet ipſos,
 Inſidias vitæ qui poſuere me æ.
 Per ſua collapsi retro male facta redibunt,
 Turba malum capiti quæ meditata meo eſt.

Fiant ut palea quas qualibet aura moratur,
 Et Domini miseros angelus exagitet,
 Ipsorum via sit tenebris obducta profundis,
 Fallat & impressos lubrica facta pedes.
 Ales ab excelsis iuuenis delapsus olympo,
 His aliquo requiem non sinat esse loco.
 Nam neq; tale aliquid, foueam fecere, merenti,
 Occultantem animæ retia tensa meæ.
 Turbetur subito per non prauisa tumultu,
 Intereat laqueo captus ab ipse suos.
 Hic animus vero capiet noua gaudia ab ipso,
 Cuius letifica est plena salute manus.
 Quæ mihi sunt, plenis affectibus intima dicent,
 Summe Deus, similis quis queat esse tibi?
 Qui facis afflictum robusti obtundere vires,
 Atq; hostes inopem vincere posse suos.
 Aduersum testes me producuntur iniqui,
 Qui, quæ non didici dicere facta iubent.
 Pro bonitate mea mihi facta indigna rependunt,
 Aerumnas animæ deliquiumq; meæ.
 Ipse autem quando sibi fata aduersa ferebant,
 Vestitus sacco summa tegente fui.
 Ipse tuli longis ieiunia cruda diebus,
 Et tacitas fudi nocte dieq; preces.
 Non secus ex illis ac si mihi proximus esset,
 Non secus, ac frater forte fuisset, eram,
 Sicut mater erat, natum quæ luget ademptum,
 Pullaq; in arato corpore vestis erat. (quæ,
 Contra ego cum premerer, cum sorte grauarer ini-
 Latantes

Latantes aliquem vix habuere modum.
 Conuenere homines claudi, studioq; maligni
 In me quo timui tempore tale nihil.
 Hi mea discerpunt velut intima viscera, nec dum
 Seuitia finem friuola pestis habet.
 Assentatores, & turba obnoxia ventri,
 Dentibus infrendent in mea clanna suis.
 Quam pater ista diu tandem te ferre iuuabit?
 Quo me deiectum tempore restitues?
 Eripe me tanti de colluione tumultus,
 Esuriens auido ne voret ore leo.
 Per populos tua facta canam, cœtuq; frequenti
 Materiam laudis commemorabo tua.
 Nulla ferant de me noua gaudia, qui sine caussa
 Callidi, vt insontem persequerentur, erant.
 Neue oculo nutante malum mihi deinde minentur
 Qui caussas odij non habuere sui.
 Nam nil pacificum, sed friuola verba loquuntur,
 Verba quibus iustos per loca cuncta premant,
 In me lata vagis deducunt rictibus ora,
 Vah ea dicentes lumina nostra vident.
 Aspicias hæc supreme parens, ne desere mœstum,
 Ne sileas, ne absis longius inde mihi.
 Surge, & in auxilium caussæ expergiscere nostræ,
 Iudicij tu dux optimus huius eris.
 In manibus mea vita tuis, tu discute index,
 Iusticiæ dicar subditus esse tuæ.
 Ne mea læticiæ mala sint noua caussa malignis,
 Et pia ne credant vota peracta sibi.

Neus putent miserum cœtu oppressisse nefando,
 Nec sine materiam cladis habere mea.
 Præmia perfidia, pudor & confusio turbent
 Omnes, ex animo quos mala nostra iuuant.
 Cunctas illorum obscurent mala nomina laudes,
 De me quos nimium gloria falsa leuat.
 Perpetua vero felices laude ferantur,
 Iusticia fautrix turba comesq; mea.
 Hi Domino laudes per secula cuncta loquentur,
 Qui famulo pacem iusserit esse suo,
 Nec mea, summe parens, tua nomina, lingua sile-
 Iusticia memorans inclyta facta tua. (bis

S C H O L I A.

A D T E) Propositio precatationis, quam affectus
 tam copiosam facit E T D O M I N I) Per angelos
 etiam punit Deus. A D V E R S U M) Hic narrat pe-
 riculum. C O N T R A) Sic remuneratur piorum ho-
 minum merita mundus. C O A U D I) Claudos vo-
 cat, sicut 3. Regum cap. 18. Q U A M P A T E R)
 Redit ad precatationem, in qua subiinde repetit inno-
 centiam suam & aduersariorum iniustam crudelita-
 tem. N E C M E A) Gratiarum actio.

P S A L M U S XXXVI.

Dixit iniustus, vt delinquat in
 semetipso, &c.

A R G U M E N T U M.

Qua ratione, quibus possis cognoscere signis
 Hæreticum, & quisquis dogmata falsa serit,

*Tum iustis adhibet solatia: deinde precatur,
Tutus ut à tantis pestibus esse queat.*

Consolatur pios contra furorem impio-
rum, ac belle pingit impios quales sint. In
fine etiam orationem adjicit, ut Deus in
verbo contra impios & ipsorum insidias ac
technas seruet.

Vincenti Psalmus David serui Domini.

*SÆPE graues imo gemitus de pectore duxi,
Quod sit egens meritis impius ante Deum.
Quod non signa Dei præ se ferat vlla timoris,
Per mala blanditus quæ facit ipse sibi.
Donec digna odio quæ perpetrat esse probentur,
Dum sibi plus nimio per sua facta placet.
Friuola vaniloquo mendacia gutture iactat.
Nec fieri melior, nec bonus esse studet.
In proprio semper meditatur iniqua cubili,
Ambulat iniustum, per mala tutus, iter.
At cælum bonitate tua sanctissime plenum est,
Nuncia sint fidei nubila regna tue.
Iusticia rata iussa tuæ, ceu saxeæ, constant
Culmina, ceu montes quos tua dextra tenes.
Immensa tua iudicia assimulantur abyssis,
Tu saluas hominem, tu pecus omne Deus.
Quam pietas preciosa tua est dum semine natos
Humano dextra protegit vmbra tuæ.
Pascens tibi erunt saturi pinguedine multa,
Quam tribuere domus dona opulenta tue.*

Hosti

Hos tu potabis fluvio, quem semper inundat
 Ista voluptatis copia plena tua.
 Te penes est etenim vitæ fons ille salubris,
 Cui scaturit vivis vena perennis aquis.
 Nobis inde tui donatis luminis aura,
 Fas etiam verum cernere lumen erit.
 Dexter & auxilio te cognoscentibus esto,
 Et qui plena pia pectora pacis habent,
 Ne veniat nostræ male suada superbia menti,
 Ne premat infidi me violenta manus.
 Illic prava etenim ceciderunt facta patrans,
 Et, bene quo starent, non habuere locum.

S C H O L I A.

S A E P E) Narratio est, in qua impiorum studia describit. Q U O D N O N) Sunt securi. F R I V O L A) Arrogantes, & in alios contumeliosi. I N P R O) Mendaces. A M B U L A T) Incurrigibiles. P E R M A L A) Intenti ad nocendum. A D C O E L U M) Opponit nunc consolationem, quod Dei auxilium sit infinitum, potens, certum & latum, quo Ecclesiam contra malos tuetur. D E X T E R) Claudat precatione.

P S A L M U S XXXVII.
 Ne æmulare malignantes, neq;

A R G U M E N T U M.

Ut patiente oculo videas florere malignos,
 Raptari affligi, per mala multa pios.

Disce

*Disce pati, superanda omni fortuna ferendo est,
Fide Deo, sordes eluet ille tuas.*

Est ingnis consolatio contra scandalum, quo nonnunquam pij offenduntur, cum vident se quasi à DEO negligi, impios autem felices esse & florere. Hortatur igitur Psal- mus ad patientiam, ne ideo deijciamur de statu animi, aut impiorum exemplo peccemus. Videbis autem creberrimas repeti- tiones adhortationum & consolationum, quibus spiritus ostendit, quam natura si- mus proni ad vindictam Quare opus est, vt hoc patientiæ præceptum assidue incul- cetur.

Psalms David.

S I Q V A sit, vt sunt innumera, tibi visa malorū
improbitas, ira commouere caue.

Ne, quibus est odio virtus, vitiumq; probatur,

Oderis, aut illis detrabe quicquid agent.

Nam modo florentes, cito succidentur vt herbæ,

Quas metit incurua rustica falce manus.

Gramina vt exiguis flaccescunt vsta priuinis,

Sic & iniquorum defluet omnis honor.

Credo Deo, confide Deo spes omnis ab illo

Sit tua, quaq; habitas in regione mane.

Nec te circum agitet totum vagus error in orbem,

Quem dat cunq; Deus, sub lare tutus eris.

Nec tibi defuerit quicquam, modo noueris illi

Credere

Credere, credentem nutriet ipsa fides,
 In Domino oblectare, & in hoc tua gaudia quare,
 Ille quod optaris, conferet omne tibi.
 Illi quicquid ages, & te permitte regendum,
 Sic te non poterit pœnituisse tui.
 Si speraris in hunc, si te commiseris illi,
 Optimus in cunctis dux erit ille tibi.
 Iustitiâ dabit ille tuæ fulgere decorem.
 Sicut quæ rutilo lampades igne micant.
 Virtutis, fideiq; tuæ producet honorem,
 Vt medium clari sideris arua diem.
 Illius expecta quæ sit mens, quæq; voluntas.
 Te melius rebus consulet ille tuis.
 Nec te commoveat via fortunata malorum,
 Vita nec inflati conscelerata viri.
 Ira animæ mors est, iram fuge, mitte furorem,
 Ne male commotus tu quoq; forsân agas.
 Nam cito de diuis extirpabuntur iniqui,
 Fidentum Domino pars bona fortis erit.
 Perbreue tempus adhuc & non erit impius ultra
 Quæretur, nec erit, quo fuit ante, loco.
 Totius exulibus cedit possessio terra,
 Perpetuâq; bonis gaudia pacis erunt.
 Impius insultans iusto mala multa minatur,
 Quem frendens avido roderè dente cupit.
 At Deus irridet ludibria vana mouentem,
 Illius exitium non procul esse videns.
 Impius exacti destrinxit acumina ferri,
 Arcubus imponens tela parata suis.

Vi gladio

Ut gladio interimat iustum, feriatq; sagittis,
 Quorum recta nihil pectora fraudis habent,
 Sed sua confodiat propria præcordia ferro,
 Ante suos arcus spicula fracta cadent,
 Vnius angusta est melior possessio iusti,
 Quam sunt diuitiæ, quas malus omnis habet.
 Brachia frangit enim Dominus robusta malorum,
 At bonus huic fidens hoc duce saluus erit.
 Tempora iustorum Dominus cognouit, & illos
 Hæredes regni deputat esse sui.
 Turbida non illos confundere tempora possunt,
 Non etiam poterit perdere dira fames.
 Tempore quo preciosa malos annona vorabit,
 Affluet, & iustus copia diues erit.
 Floreat, & bona possideat licet omnia terræ
 Impius, in ventos ut lenis umbra fluet.
 Namq; hostes Domini propere, ceu fumus, in au-
 Diffugient, nec ab his pars erit vlla super. (ras
 Impius accumulât quæ nunquam debita solvit,
 Larga manus iusti semper & æqua bonis.
 Illius hæredum numero referuntur amici,
 Ut tepeant lati ditia regna soli.
 E quibus eiciet maledictos partibus omnes,
 Nec sinet eiectæ sortis habere locum.
 Ipse viri iusti vestigia dirigit, illi
 Quæ pede sit iusti semita trita placet,
 Hunc, si forte via cecidit, non abijcit, imo
 Exhibita lapsum subleuat ipse manu.
 Et puer ipse sui quondam, & iuuenilibus annis
Integer

Integer, & nunc me curua senecta premie.
 Nunquam ab eo vidi desertum tempore iustum,
 Ipsi aut aliquo semen egere cibo,
 Assidue miseretur enim, & bona plurima confert,
 Et genus vbertas ipsius alma fouet,
 Desere quæ mala sunt, pate quæ bona semper habe-
 Optima viuendi commoda, semper eris. (bis
 Iusta Deus nam semper amat, nam diligit æquum,
 Nec quoscunq; probat deseruisse potest,
 Perpetuo ipse suos custodit tempore sanctos,
 Cum tota impietas stirpe maligna perit.
 Perpetuo terras habitabit tempore iustus,
 Hic hæres Domini nempe futurus erat.
 Labe carens ex ore stuet sapientia iusti,
 Linguaq; curabit nil nisi vera loqui.
 Illi gerit legem Domini sub corde sepultam,
 ille sub pedibus lubrica nulla via est.
 Impius obseruans iustum, execratur & odit,
 Quemq; odit, vitam huic praripuisse studet.
 Sed Deus è manibus crudelibus eripit ipsum,
 Nec sinit iniusto iudicis ore premi.
 Expecta Dominum, perq; illius impiger omnes
 Quas tibi præscripsit, noueris ire vias.
 Ille bonis adeo te prouebet omnibus auctum,
 Ut tibi terrena possideantur opes,
 Donec ab humanis eradicentur iniqui
 Rebus, & eueniat læta videre tibi.
 Ipse virum vidi florentem rebus iniquum,
 Floret vt in pingui viuuda laurus humo.

Præ rerū

*Præterij, nec erat vir hic amplius occidit, ipsum
Quæsiui, nec erat vel breuis vmbra super.*

Dilige quæ bona sunt, rectum cole, iusta require,

Hæc faciens, alma pace beatus eris.

Sed bona desipiens qui negligit ista peribit,

Vna breuis veniens auferet hora malos.

Iustus à Domino spes pendet & aura salutis,

Ille suis duro tempore robur erit.

Hos Deus eripiet, quando opprimit impius, et cum

Injicient satias impia fata manus,

His mala defensore Deo, non vlla nocebunt,

Semper enim Dominum spem posuere suam.

S C H O L I A.

S I Q U A) Propositio, ne stomacheris quod impij sunt felices. **N A M M O D O**) Ratio propositionis, quia breui peribunt. **C R E D E D E O**) Repetit propositionem affirmatiue. **N E C T E**) Ratio à certa spe auxilij, videtur autem primò munire contra hoc scandalum, quod impij sunt celebres, & opprimunt pios suo splendore **N E C T E C O M.**) Etiam si impij insua impietate sunt felices, tamen noli eos imitari. Sic David agit Deo gratias, quod per Abigail reuocatur, ne occideret Nabalen cum tota familia. **A T D E U S**) Consolatur etiam contra potentiam impiorum, quod non solum non lædent pios, sed sibi ipsi erunt exitio. **V N I U S**) Consolatur etiam contra opes & fortunam impiorum. **F L O R E A T**) Alia consolatio satis bella, Impij etiam si abundant bonis, tamen non uruntur ijs benè, ideo necesse est eos perire. Cur igitur hoc inuides, quod ipsis exitio est? **H U N C S I**) Pij habent remissionem peccatorum

rum. ET PUER) A sua experientia. DESERE) Hortatur præcipue ad constantiam in bono opere, ne defatigemur propter afflictiones nostras, aut imitemur impios. LABE) Consolatur etiam commemoratione spiritualium bonorum, quæ impij non habent, etsi corporalibus bonis abundant. (PSE VIRUM) Ab exemplis Achitophel, Absolon, & similiũ.

P S A L M U S XXXVIII.

Domine ne in furore tuo arguas me.

A R G U M E N T U M.

*Ardet, & incensas magno calet igne medullas,
Dum caro, dum quarit spiritus ager opem.
Conscia mens vitij vere dolet, vt bene speres
Te moneat pietas officiosa Dei.*

Est precario contra peccata & malam conscientiam. Proponit autem insignem doctrinam & exemplum, quod in ipso sensu iræ & iudicij Dei sit retinenda spes misericordiae, & ad orationem confugiendum. Titulus est ad reminiscendum, quoniam & peccat sui & misericordiae Dei reminiscitur.

Psalmus Dauid ad reminiscendum.

*QUAMVIS immodica vitiorum mole grauatum,
Hoc venia dignum vix queat esse caput:
Ne tamen ô magni Deus autor & arbiter orbis,
Ne precor irata corripe tela manu.
Ne tuº omne nefas, iustus furor opprimat, ausum,
Crimina*

Crimina ne pœna vindice nostra preme.
 Nam quæ tu irata misisti spicula dextra,
 Ossibus hæserunt intus adacta meis.
 Illa etiam, qua me tua magna potentia punit,
 Per mala iam dudum cognita plaga mihi est.
 Nulla meo pars est in corpore sana, quod iræ
 Non possum trepidans fulmina ferre tuæ.
 Membris nulla quies, nulla est pax ossibus agris,
 Tam me flagitijs vita onerata grauat.
 Sarcina nam caput hoc suppressit iniqua malorū.
 Iamq; sua totum mole laborat onus.
 Plage cicatricum computruit alta mearum,
 Quæ sunt stultitia vulnera facta mea.
 Tristibus immodicè curis affligor in horas,
 Nec mihi lota dies, nec mihi grata venit.
 Intima consumptis arefcunt ossa medullis,
 In tota est sanum carne videre nihil.
 Heu quam sum nimio contritus membra dolore,
 Dum requies animo non venit vlla meo.
 Ipse vides mea vota pater, mea pectora nosti,
 Nec gemitus ratio te latet vlla mei.
 Lugubre contremuit cor, in imo pectore virtus
 Omnis abit, vires interièrere meæ.
 Languida sublato caligant lumina visu,
 Et pro luce, graui nocte sepulta iacent.
 Longe aberant à me, quando affligebar, amici,
 Et plagæ stabant è regione meæ,
 Interea misero laqueos & retia tendunt,
 Insidias capiti, qui posuère, meo.

Et qui me oppressum cupiunt, mendacia texunt;
 Quorum animi nullo tempore fraude vacant.
 Ipse viro surdo similis, cui nulla per aurem
 Vox eat, & presso gutture mutus oram.
 Tanquam surdus ero qui nesciat auribus vii,
 Et qui non habeat quod queat ore loqui.
 In te spero equidem, mea spes tibi semper adhaesit,
 Quae sine te non est vlla relicta mihi.
 Pro me summe pater tu respondebis, & hosti
 Eripies vires, consiliumq; meo.
 Nam metuo ne forte meis latentur iniqui
 Cladibus, & de me gaudia plena ferant.
 Quod si forte loco mihi pes titubauerit, hinc, quae
 Magnifice de me verba loquantur, erunt.
 Nam dura vt paterer sum factus & omnia ferre,
 Et meus est omni parte dolore dolor.
 Confiteor siquidem vitae delicta nocentis,
 Factaq; sollicitum me scelerata premunt.
 Sed viuunt, magnisq; mei sunt viribus hostes,
 Quiq; odio immeritum me petiere, valent.
 Qui benefacta malis pensant mea, sponde resistunt;
 Quod nisi quae fuerint optima nulla sequar.
 Ne me quae so igitur pater optime desere, neue
 Longius hinc absis quam mea caussa feret.
 Auxilium propera, fer opem cito, redde salutem,
 Mi Deus, o miserum spes rata, certa salus.

S C H O L I A.

QUAMVIS) Propositio precatiois. NA^m
 QUAE) Narratio, in qua commemorat afflictiones
 suas,

suas, ac graphicè depingit tentationes peccati seu conscientiaē. SARCINA) Intus pauores. INTEREA) Foris pugna. IN TE) Repetit propositionem. NAM DURA) Vide conditionem piorum, sic Paulus: Quos prædestinauit, eos etiam prædestinuit conformes fieri imagini filij Dei.

P S A L M U S XXXIX.

Dixi, custodiam vias meas, vt.

A R G U M E N T U M.

Dum videt iniustos rebus florere secundis,

Iustos indigna conditione premi.

Vincla suæ petit apponi retinacia lingue,

Ne blasphemata queat qualiacunq; loqui.

Proponit duplex scandalum, suam calamitatem, & impiorum felicitatem, ac se confirmat contra vtrumq;. Deinde orat, vt primum Deus à tali securitate, qualis in impijs est, eum seruet. Deinde vt liberet à peccatis & peccatorum pœnis. Nomen Iethitun in titulo, est nomen cantoris, i. Paral. 25. Putant igitur ab eo decantatum esse hunc Psalmum.

Vincenti Psalmus David ipsi Iethitun.

IAMDVDVM statui tota vt ratione cauerem,

Ne mea lingua nefas ederet ausa loqui.

Garrula mordaci constringam guttura freno,

Impius obseruans dum mea verba notat.

Conticui, & ne vera quidem, nec recta loquebar,

Verum ea caussa mihi plena doloris erit.
 Incaluerè mei penitissima viscera cordis,
 Dum meditor sensus flamma fuere mei.
 Lingua stupens igitur velut hæc in verba soluta
 Et quæ nulla prius vox, modo multa fuit. (est,
 Da mihi nosse meæ quæ sint flata tempora vitæ,
 Et quando vltima sint fata futura mihi.
 Colligere vt possim quid in hoc mihi desit agentis
 Corpore, quando illo, deficiente cadam.
 Ipse meos, annos angusto sine coërces,
 Mensuram hos palmi dixeris esse dies.
 Hoc breue, te coram momenti est nullius æuum :
 Vix est quod totum viuatur vna dies.
 Heu mihi quæ sunt vana, hominũ spes, vota, labores
 Quam stultus est fallax, quam nihil omnis homo,
 Nam quod agat? veluti vmbra vagatur, obambulat,
 Motibus insanis omnia miscet agens. (errat,
 Congregat, ignarus cui congreget, omnia raptum,
 Congestas alijs inde relinquit opes.
 Nunc tamen ô genitor quid me expectare iubebis?
 Tota est in manibus spes mea fixa tuis.
 Eripe me vitijs, & habentia crimina vitæ,
 Ludibrium stultis ne, precor, esse sine.
 Tota meæ virtus obmutuit arida lingua,
 Nec potui quicquam, te prohibente, loqui.
 Verte tuas à me plagas, tua verbera differ,
 Exanimum dextræ me facit ira tuæ.
 Cuius tu delicta, manu ceteri vindice, punis,
 Huic subito formæ defluit omnis honor.

Huic membra assidua pereunt parentia tæbe,
 Ce u vestes tinea comminuisse solent.
 Tam nihili, tam vanus homo est, quicunq; sub isto
 Corpore mortali nunc agit, egit, aget.
 Exaudi quas fundo preces, attende querelis,
 Neue tace, lacrimis sed moueare meis.
 Sim licet ante tuos peregrinus & aduena vultus,
 Sicut erant, qui me progenere, pares.
 Assere me, vires si forte resumere possim,
 Quam prius hinc abeam, nullus & esse queam.

S C H O L I A.

T A M D U D U M) Narratio : Impij sunt fortunati & securi, sed non offendar. C O N T I C U I) Contra, ego sum afflictus. D A M I N I) Prima pars precationis, prohibe, ne ita securus viuam, sicut impij, qui nullam aliam vitam sperant. H B U M I N I) Hoc impij non credunt. E R I P E M E) Altera pars precationis, contra peccata & tentationes conscientia. C U I U S T U) Vera contritio. T A M N I H I L I) Epiphonema. E X A U D I) Patheticum. S I M L I C E T) Repetit precationem.

P S A L M U S XL.

Expectans expectaui Dominum.

A R G U M E N T U M.

Vox est terribilem Christi patientis agona,
 Huius enim vates hic gerit ipse typum.
 Hinc quicunq; suis quaerunt solatia curis,
 Praclarum exemplum, quod meditentur, habet.

soluta
 (est,
 te,

nti

um:

abores
 homo,
 bulat,
 errat,
 tum,

bebis

Huic

Pertinet Psalmus ad personam Christi, initio habet gratiarum actionem pro liberatione, deinde prophetiam de abrogatione legis, & inuulgatione Euangelij ac Christi beneficio, quod impleuerit legem, & sua merita per Euangelion Ecclesie offerat & donet. Postremo precatio Christi est addita, portantis peccata mundi, & pro ijs in suo corpore satisficientis.

Vincenti Psalmus David.

ANXIVS expectans noctesq; diesq; morabar,
 Numina presentis plena favore Dei.
 Vidit, & afflictum miseratus ab arce paterna,
 Noluit has nullum pondus habere preces.
 Audijt & querula clamorem vocis anhelum,
 Et properam misero ferre parabat opem.
 Idem me ille lacus traxit de sorte profundi,
 Qua grauis assiduo perstrepit vnda sono.
 Eruiit e cœno graue olenti, stercore fœdo,
 Restituitq; meos in loca firma pedes.
 Ille meum direxit iter gressumq; regebat,
 Ne caderem, dubia nescius ire via.
 Condidit ille noui mihi carminis argumentum,
 In laudem nostri, non triuiuale, Dei.
 Talia complures meditati facta videbunt,
 Et metuent, & spe pectora plena ferent,
 Felicem qui corde Deo confidit, & audet
 Spes omnes Domino credere velle suas.
 Quem fugit insano tumefacta superbia fastu,

Et quos

Et quos mendaces friuola lingua facit.

Multa & magna quidem tua summa potentia no-

Præstitit, & pietas hæc tua sine caret. (bis

Erga nos tua magna fides, tua summa voluntas,

Nullius exemplum, quo referatur, habet.

Quæ si cuncta volens tua facta expromere coner,

Omnia vanus erit velle referre labor.

Victima nulla tibi cordi est, libamina nulla,

Nulla holocausta tibi, nulla piacula placen.

Surdam dextra mihi tantum tua vellicat aurem,

Et mea nunc verbo est auris aperta tuo.

Ergo age dicebam veniam nunc ipse profecto,

Scripta liber de me quæ fateatur habet.

Scilicet ut faciam quæ tu rectissima ducas,

Summa voluntatis debuit esse meæ.

Visceribus siquidem tua lex est indita nostris,

Cordis & in medio viua reposta mei.

Iusticiæ in magno referam tua nomina cætu,

Tu nosti, quoniam non taciturus eram.

Iusticiæ mihi nota tuæ, non fama sepulta est,

Non mihi nec pietas, nec tua recta salus.

Non summum tacuisse tuæ bonitatis honorem,

In magno populis agmine visus eram.

Tu genitor supreme tui miserebere serui.

Tu custos misero, ne capiatur, eris.

Nam mala me pessum, numero sine, multa dederunt

Et mea me nimium pessima causa premit.

Obruor inuisa scelerum ceu nube meorum,

Ut nullam videant lumina nostra diem.

Et capitis potero citius numerare capillos,
 Quam mala, qua me nunc nocte dieq; premunt.
 Languida confusi liquerunt pectora sensus,
 Attoniti virtus mortuo cordis abit.
 Eripe me his inuicte malis, hac mole laborum.
 Exue, ferre citam, neue moreris, opem.
 Occupet illorum pudor & confusio vultus,
 Qui vitam cupiunt eripuisse mihi.
 Res horum retro ruat, in peiusq; feratur,
 Qui mihi sunt hostes, & mala multa volunt.
 Vasta sit illorum strages, turbentur & errent,
 Qui dicunt mihi: Sic accipiendus eras.
 Gaudia suscipiant animis, latiq; triumphent,
 Qui tua quarentes numina sancta colunt,
 Quiq; probant, quas & quantas operere salutes,
 Hi tua magnifica nomina laude ferant.
 Ipse equidem sum pauper, egens, abiectus & exul.
 Sis precor auxilio, nam potes esse, mihi.
 Te sine nulla salus, sine te mihi nemo redemptor,
 Mi Deus optatam ne remoreris opem.

S C H O L I A.

A N X I U S) Gatiarum actio, in qua commemorat
 beneficium Dei. I D E M M E) Hic lacus est passio
 & onus peccatorum mundi. I L L E M E U M) Vult
 considerari suum exemplum. F E L I C E M) Epi-
 phonema. Q U E M F U G I T) Accusat synagogam,
 & dignitate suorum operum nisos. E T Q U O S)
 Prophetia. V I C T I M A) Abrogatio cultuum legis.
 S U R D A M) Nouos cultus, amplecti verbum. S C R I-
 B E R E) Christus implet legem. I U S T I C I A E)
 Hanc

Hanc impletionem legis Euangelion prædicat. & nobis offert. TU GENITOR) Precatio. NAM MALA) Ratio. OBRUOR) Sua vocat peccata, quia ea à nobis in Christū sunt translata, & per Christum expiata. OCCUPET) Maledicit synagogæ. GAUDIUM) Benedicit Ecclesiæ fidelium. SISPREGOR) Repetit precationem.

P S A L M U S. XLI.

Beatus qui intelligit erga egenum.

A R G U M E N T U M.

*Hic quoq; vox eodem, queritur se fraude suorum,
Unius infanda prodicione capi.
Anxius hinc subita duræ formidine mortis,
Orat vt hanc causam iudicet ipse Deus.*

Pertinet hic quoque Psalmus ad personam Christi orantis pro liberatione contra consilia synagogæ. Habet autem manifestam prophetiam de resurrectione Christi. Et hic iterum fatetur se peccatorem, quia se in nostrum locum constituit, & pro peccatis nostris satisfecit. Citatur Ioan. 13. cap. de Christo. Non igitur debet ad Dauidem transferri, sicut imperiti Iudæi delirant.

Vincenti Psalmus David.

*FELIX ille, virum duris qui in rebus egentem
Sustinet, & meritis officijsq; leuat.
Illum si qua graui mala fors afflauerit auro,*

Et rota

Et rota fortunæ denia perdiderit.
 Illum restituet Dominus, memor omnibus ipsius.
 Pauperibus clausas non habuisse manus.
 Huic Dominus tribuet longæque tempora vita,
 Terrenas illo dante tenebit opes.
 Illius haud vnquam dominabitur hostis auarus,
 Omnia sed viuis per mala victor erit.
 Ille ubi decumbens premet ægra cubilia lectu,
 Confestim Domini restituetur ope.
 Tu Deus huic vires sic & sua robora reddis,
 Vt stratum ipse suum, quo volet, omne ferat.
 Hinc ego sæpe meo gemitum de pectore ducens,
 Heu miserere, inquam, qui potes ista, mei.
 Redde animæ requiem speranti, redde salutem,
 Quæ peccasse tibi fassa, precatur opem.
 Qui me odere palam de me sic sæpe loquuntur:
 Quando erit vt possit perditus iste mori?
 Quando erit vt viuos inter sua nomina perdat?
 Nec sit posteritas ipsius vlla memor?
 Et siue introeant, siue egrediantur ad auras
 Semper amant de me verba scelestæ loqui.
 In mea concursant inimici damna, minantes
 Consilijs miserum perdere posse suis.
 De me sæpe truces hostili more loquuntur,
 Surgere iam deinceps, qui iacet, iste nequit.
 Ille etiam, quem toro animo constanter amabam,
 Qui mihi plus alijs visus amicus erat:
 Cui mensæ socium tribui communis honorem,
 Ille tulit patres deseruisse meas.

Ille

Ille mihi insidias posuit, quibus implicer, vt sit,
 Quæ premat innocuum, noxia pœna, caput.
 At tu nunc miserere animi mala tanta ferentis,
 Qui solus miserum restituisse potes.
 Restitue ergo precor, spem redde salutis ademptæ,
 Hostibus vt possim reddere iusta meis.
 Hoc erit exemplo, quod adhuc tuearis inermem,
 Si nihil insultet qui fuit ante minax.
 Quod si simplicitas meruit mea, tolle iacentem,
 Perpetuo & vultus me statue ante tuos.
 Laudibus æternos Deus Israël in annos.
 Innumeris merito concelebrandus erit.

S C H O L I A.

FELIX ILLE) Adhortatio est, qua munit animos
 contra scandalum infirmitatis & crucis, est enim pla-
 ne idem cum illo Christi: Beatus qui in me non of-
 fenditur. Hic autem explicat, quid sit beatum dici.
 HINC EGO) Precatio. QUI ME) Ratio, in
 qua commemorat afflictiones animæ & corporis. IN
 MEA) Phariseorum consilia contra Christum. IL-
 LE ETIAM) Iudæ proditoris scelus. AT TU)
 Repetit precationem. TOLLE IACENTEM) Re-
 surrectio significatur. Nam sicut indicatiua ista, tu tol-
 lis iacentem & collocabis me ante faciem tuam.

P S A L M U S XLII.

Quemadmodum desiderat ceruus.

A R G U M E N T U M.

Quo

*Quo desiderio Dominum suspiret. & intus
Ardeat, hinc cerui sumta figura docet.
Tristitia spectris tenebrosa afflictus in hora,
Solariverbo viuificante cupit.*

Est precatio contra tristitiam spiritus, quæ tum solet oriri, cum pijs antea satis afflictis, etiam insultant impij, tanquam à Deo desertis, sicut Iudæi Christo in cruce. Oratur igitur, ut Deus faciem suam ostendat, & contra hanc tristitiam verbo suo soletur, habet autem additas suaves consolationes.

Vincenti erudiens canticum filiorum Corah.

*VTVAGVS absentes aspirat ceruus ad undas,
Ut cursu nimio languida membra leuet.
Omnibus impatiensq; iugis & vallibus errat,
Arida ut inuento pectora fonte riget.
Sic sitit hic animus viuum, sua gaudia, fontem:
Sic mea viuendum mens sitit ægra Deum.
Quando erit ut veniam, & vultus ferar ante be-
Ante creatoris numina sancta Dei? (atos?
Quæ manant lacrimæ mihi nocte dieq; profusa,
Sæpe meo fiunt lentus in ore cibus.
Dum mihi non cessant sic insultare superbi,
Nunc Deus ille tuus, qui medeatur vbi est?
Hæc mecum reputans, anima velut exuor ipsa,
Qui tunc in curas effluit ægra meas.
Quam vellem ex animo, cætu comitante bonorum,
Limina*

Limina diuinæ læta subire domus ?

Quam cuperem lætas audire & reddere voces ?

Quæ celebri plausu carmina læta canant.

Quam turbæ comes esse velim festiua ferentis

Iubila, quæ soli est turba dicata Deo.

Cur sic mœsta iacens anima ô mea ? corda tumultu

Quid mea con turbas anxia facta nouo ?

Quin potius confide Deo, namq; ille salutem

Reddet, & hoc grates nomine rursus agam.

Quam sit nunc deiecta animi vis anxia nostri,

Omnia qui genitor conspicis, ipse vides.

Propterea memor ipse tui, tua nomina votis

Suspiro patriæ de regione mea.

Quam rapidus multa fecundat Iordanis vnda,

Quæ colles Hermon despicit exiguos.

Vasta vorago alia ex alia velut edita fertur,

Murmura dum fluctus insonuere tui.

Sed me ceu toto grassantibus aère nimbis,

Tempestatis agens obruit vnda tuæ.

Nulla dies pietate Dei vacat, ipsius ergo

In laudes omni carmina nocte canam.

Illum omnes iustis precibus venerabor in horas,

Qui Deus est vitæ præsidiumq; meæ.

Conquerar, ô nostræ rupes & petra salutis,

Mi pater oblitus cur potes esse mei ?

Tristior & solito cur sum deiectior, hostis

Dum miserum, dextram te retrabente, premit ?

Ossa penetranti ceu vulnerer intima ferro,

Sic audita dolent auribus ista meis.

Dum

*Dum mihi non cessat malè sanus dicere liuor ?
 Nunc Deus ille tuæ cura salutis vbi est ?
 Cur nunc deprimeris nuper generosa animi vis ?
 Quæ te sic tristem deprimit anxietas ?
 Perfer & obdura Domino confisus, ab illo
 Iam veniet certe reddita sine salus,
 Namq; ille est iterum grata mihi mente canendus;
 Qui Deus est vita presidiumq; meæ.*

S C H O L I A.

VT VAGUS) Aptissima similitudine pingit effectum suum, Narrat enim tentationes, & postea petit liberationem. CURSIC) Erigit se spe misericordie diuinæ. QUAM RAPID.) Descriptio Iudæ. VASTAVO.) Vicissitudines afflictionum. CUR NUNC) Consolatio.

P S A L M. XLIII.

Iudica me Deus, & iudica causam.

A R G U M E N T U M.

*Proxima quam series hanc rem quoq; tractat eant
 Vix etiam verbis dissona, Musa breuis. dem,
 Optat adire domum Domini duce lumine verbi,
 Quo bene solari pectora mæsta queat.*

Est precatio, plane eodem argumento cum superiore. Ac fieri potest, quod in exilio, cum ab vrbe & templo abesset propter Absolonam, hi Psalmi à Dauide decantati sint.

ASSERERE

ASSERE me, caussamq; meam rege, maxime rerū

Quæ sine te nullum pondus habere potest,

Eripe me, vitamq; meam, de gente profana,

Longe abeat quisquis nomina fraudis amat.

Robore tu siquidem, tu me virtutibus auges,

Cur, quod viuificas ipse, repellis opus?

Cur mea tabificus consumit pectora mæror?

Dum miserum tantis cladibus hostis agit?

Me tua vera fides, & lux purissima ducant

Ad sedem, & montis culmina sancta tui.

Ingrediar, supplex q; tuam prouolnar ad aram,

Læticia constans, ò Deus aura mee,

Ingrediar, laudesq; tuas, tua nomina dicam,

Anguta resonans carmina multa lyra.

Quid luges, fractusq; iaces anime optime quōdam,

Quid mea conturbas pectora mille modis?

Erigere ad Dominum, qui te tibi reddet, vt illi,

Quas iterum grates debeo letus agam,

S C H O L I A.

ASSERE) Precatio. METVA) Verbum vocat lucem & veritatem, quia consolatur & docet.

ERIGERE) Consolatio.

P S A L M U S XLIII.

Deus auribus nostris audiuius.

A R G U M E N T U M.

Totius hæc populi credentis iusta querela est,

Se nimis indigna conditione premi;

*Spiritus aduersus carnem gemit ager, ab illa,
Sape etiam sanctis esse pericula solent.*

Est precatio Ecclesie contra furorem tyrannorum persequentium eam, ad hunc enim modum citat hunc Psalmum Paulus Rom. 3. Ac recte hodie oratur non tantum contra eos, qui verbum oderunt & persequuntur, sed contra Turcam quoque. Initio habet commemorationem prateritarum liberationum, deinde subiicit querelam de dissimili sui temporis fortuna, ac orat, vt propter verbi honorem velit iuuare.

Vincenti erudiens canticum filiorum Corah.

CONDITOR omnipotens, magni Deus arbiter ætæ
 Qui sine principio, qui sine fine manes:
 Fama vetus nostras de te peruenit ad aures,
 Quam nobis nostri praeinuere patres,
 Qualia ab antiquis patris facta diebus,
 In quibus ipsorum cognita vita fuit.
 Tu pater eiectis stabilisti gentibus ipsos,
 Vertisti valida barbara regna manu.
 Nam sibi nec gladio patriam peperere cruento,
 Laus nec in ipsorum viribus vlla fuit.
 Quin poti⁹ tua dextera potens, tua maxima virtus
 Hoc dedit, hinc illis gloria parta fuit.
 Victores venere tui sub lachryma vultus,
 Namq; oculis illis complacere tuis,
 Tu siqui-

Tu siquidem rex ille Deus, quo dante salutem
 Accipiunt gentes, quas Iacobus habet.
 Te duce denictos bello delebimus hostes,
 Sub pedibus nostris castra inimica cadent.
 Per tua sternemus numerosas nomina gentes,
 Qua sese audebunt opposuisse tibi.
 Nulla meo siquidem mihi spes affulsit ab arcu,
 Nec gladio, tanquam vindice tutus eram.
 Quin potius, duce te, nostros superauimus hostes,
 Quos putet inuictas non habuisse manus.
 Ergo tuas omni peragemus tempore 'audes,
 Qua te non celebrat, non erit vlla dies.
 Cur tamen abiectos nunc deseris optime vindex?
 Sic nostri in dubijs immemor esse potes?
 Non vires iterum praestas, non robur in hostem,
 Prælia nostra tua deseruere manus.
 Terga coegisti seuo dare turpiter hosti,
 Qualibus heu facti præda pudenda sumus.
 Mactandis similes omnibus nos esse volebas,
 Ludibrio sparsos gentibus esse iubes,
 Indignis venam nulla pro mercede dedisti,
 Auctio de nobis nulla parata fuit.
 Ludibrio nos omnis habet v cinix turpi,
 Proxima gens in nos probra nefanda iacit.
 Nostra profanata subsannant nomina gentes,
 Per populos facti fabula foeda sumus.
 Turba sumus populis ignominiosa propinquis,
 Nostra verecundus contegit ora pudor.
 Propterea quod probra serunt, & iurgia miscent,
 Vindictam

Vindictam è nobis qui sibi cunq; petunt.
 Cuncta hæc perpetimur, nec te obliuiscimur vnquã,
 Nec tua de nobis fœdera crimen habent,
 Non est versa retro nostri meditatio cordis,
 Nec nisi quam dederas, nouimus ire via.
 In loca contritos repulisti fœda draconum,
 Luce carens nostrum circuit vmbra caput.
 Si nos vlla Dei capiant obliuia nostri,
 Demus & aeterno thura, precesq; Deo.
 Num Deus inquireat super hoc, & puniat ansos,
 Omnia qui nostri cordis operata videt.
 Aerumnas siquidem patimur te propter atroces,
 Cladibus assiduè tradita turba sumus.
 Sicut oues, crudi quas ad concepta macelli,
 Carnificis maculat sanguinolenta manus.
 Quin exurge pater, quin expergiscere tandem,
 Cur ceu perpetua stertere nocte voles?
 Perpetuo ne nos affligi hostilibus armis,
 Nec miseris pressos cladibus esse sine.
 Cur faciem auertis? quid adhuc tua lumina cõdũ?
 Nec te tristitia, nec mala nostra mouent?
 Nostra quidem depressa animæ vis languida mar-
 Mersa q; ceu fœdo puluere vita iacet. (cet.)
 Surge fer auxilium deiectis, assere victos?
 Si, quod es, id vere diceris esse, pius.

S C H O L I A.

CONDITOR) Narratio, in qua commemorat be-
 neficia Dei veteribus temporibus edita. Facit autem
 id dupli-

id duplicem ob causam, ut ad orandum sit fortior, & magis vrgeat Deum. **TE DUCE**) Hæc tua beneficia nos quoque in similem spem vocant. **CUR TAMEN**) Narationi (ubijcit querelam, sed nihil tale nobiscum facit. **MACTANDIS**) Commemorat præfentes calamitates. **INDIGNIS**) Hoc est gentes non vicissim dant pœnas suæ crudelitatis. **LUDIBRIO**) Aspergit semina argumentorum, orationi secururæ accommoda. **CUNCTA HÆC**) Amplificatio indignitatis, retinemus cultum & verbum tuum, & tamen non adiuvas nos. **SICUT OVES**) Propter te occidimur tota die. **QUIN EXURGE**) Precatio.

P S A L M. U S. XLV.

Eructavit cor meum verbum bo.

A R G U M E N T U M.

*Præcinit hic regnaturum super omnia Christum,
Cuius in hoc Solomon carmine signa gerit.
Hic velut è thalamo venienti Ecclesia Christo
Iungitur, & sponso dat pia sponsa manus.*

Est prophetia de regno Christi, quem pingit tanquam sponsum habentem sponsam Ecclesiam ex reliquijs Iudæorum, ad quam accedunt gentes. Manifesti hi loci sunt, regnum Christi consistere in verbo, nam labia prædicat & sceptrum: Item synagogam abolendam, quod ad cultus legis attinet, & gentes vocandas: Item, quod Christus sit Deus, quia præcipit eum adorandum esse. Titulus significat esse epitha-

thalamion de sponso Christo, cui dedit nomen, de lilijs, sic enim solent Iudaei.

Vincenti canticum amorum erudiens, filiorum Corah de filijs.

PER noua fert animus laudandum dicere regni
 Carmina, quae è nostro pectore didat amor. (tur
 Nunc mea, quae meditor, tam prompte lingua loque-
 Quam solet accelerans ducere scriba manam,
 O praelate alijs, o formosissime rerum,
 Quam diffusa tuo gratia ab ore fluit &
 Innumeris igitur tua pectora dotibus auget
 Ipse, tua ductus laudis amore, Deus.
 Cinge tuum gladio femur, orte potentibus heros,
 Ut tua praeiteat gloria laude noua.
 Cuncta tuo decori contingant prospera, tanto
 Ornatus fidei lumine, dexter ades.
 Iusticia, veroque & mansuetudine cinctus,
 Ceu proprijs victor curibus inuehitor.
 Quae tu cum facies, tua te miranda docebit
 Dextera, quae populus facta stupenda dabis.
 Omnia dura tua possunt penetrare sagittae,
 Haec ferient hostis corda superba tui,
 Regna potens armis victricibus omnia sternes,
 Turba inimicorum sub tua tela cadent.
 Stabit in aeternum tua, mi Deus, inclyta sedes,
 Recta manent regni sceptrae ferenda tui,
 Iusticiae quia semper amans, reliquus fuisti,
 Odisti iniustum, qui sequerentur, opus.

Te Deus

Te Deus vnguentis voluit redolentibus vinctum,
 Plus quam de socijs quemlibet esse tuis.
 Latifcos omnia spirat tua vestis odores,
 Quales de liquido cortice myrrha fluens.
 Quales vel casia melle, vel iam noua stacte,
 Cuius ab expressa gutta parente fluit.
 Sic ubi te profers, & eburna palatia linquis,
 Lumine sunt vultus omnia leta tui.
 In quibus oblectant te nata sanguine regum,
 Dum tibi magnificè supererit omnis honor.
 Astitit ad dextram coniux tibi regia, cuius
 Ex auro mundus principe totus erat.
 Ausculta, atq; aurem praebe mihi recta monenti,
 Filia, & haec animo verba reponere tuo:
 Excidat ex animo stirpis tibi tota paterna,
 Ultra nec populi cura sit vlla tua.
 Sic etenim regi forma praestante placebis,
 Quem tuus agnatis ignibus vret amor.
 Ille etenim Dominus tuus est, quem semper adores,
 Et cui iusto animo supplica vota feras.
 Quas opulenta Tyrus cunq; est habitura puellas,
 Ante tuos ponent munera multa pedes.
 Ante tuos stabunt vultus, qui plurima possunt
 De populo, & soluent debita vota tibi,
 Hec regina feret varios induta colores,
 Culta quoq; interior filia regis erit.
 Ducenda ad regem Phrygijs in vestibus ibis,
 Aurea cui varium sibula nectat opus.
 Innupta comites aderunt, & pone sequentur,

Harum ô rex, teniet proxima quæq; tibi.
 Carminibusq; & læticia ducentur ouantes,
 Intra magnificæ regis tecta domus.
 Pro patribus regina tuis tibi diua relictis,
 Infinita tua nomina prolis erunt.
 Inde tuo statues reges de sanguine natos,
 Qui tibi terrarum regis sceptrâ ferant.
 Ipse tuas laudes totum celebrabo per orbem,
 Donec summa aliquod secula tempus erunt.
 Ergo tibi omnigenæ dicent præconia gentes,
 Donec in hoc ibunt limite solis equi.

S C H O L I A.

PER NOVA) Propositio seu argumentum Psalmi
 de Messia seu Christo canam. OPRABLATE)
 Descriptio regis, habeat autem hæc omnia iucundis-
 simam allegoriam regni Christi. CINGE) Arma
 CUNCTA) Successus. OMNIA DURA) Vis ver-
 bi. IUSTICIÆ) Admiratio iuris. TE DE-
 US) Dona & virtutes. SICUBI) Arces. INQUI-
 BUS) Familia. ASTITIT) Sponsa Ecclesia.
 AUSCULTA) Adhortatio, ut omnia lege & Mose
 Christum amplectatur synagoga. Hæc manifeste si-
 gnificant abrogationem legis. ILLE ET ENIM)
 Christus Deus. QVASOPULENTA) Vocatio
 gentium ad fidem Christi. HAEC REGINA)
 Filiam exponunt Ecclesiam gentium, natam ex syna-
 goga reliquijs, hanc dicit interne ornatam esse, quia
 gentium Ecclesia non habet istam speciem cultuum
 externam, quam habuit synagoga, sed cultus eius est
 fides & oratio, quæ interna & cordis sunt. PRO
 PATRIB.) Patres impij Iudæi Christum repudiant.
 INDE)

INDEX) Doctores in gentium Ecclesia. ERGO) Eu-
angelij fructus.

P S A L M U S XLVI.

Deus nostrum refugium & virtus.

A R G U M E N T U M.

*Cum variis totum circundaret hostis Iudam,
Ipse Deo tutus prospiciente fuit.
Et nos in media tuti statione latronum,
Hac Domino grates lege referre decet.*

Est consolatio & gratiarum actio pro be-
neficijs Dei, seruantis mirabiliter suam Ec-
clesiam contra omnes Sathanæ & mundi
impetus. In fine grauiter hortatur ad hæc
opera Dei cognoscenda, & ad gratiarum a-
ctionem.

Vincenti canticum filiorum Corah
de Iuuenta.

*ROBUR, & auxilium est nobis Deus ipse repertus
Per mala quæ passi pernicioſa ſumus.
Non igitur formido iterum nos vlla tenebit,
Terra licet proprio cedat abacta loco.
Alta licet magni voluantur in æquora montes,
Senior irati fluctuet vnda maris.
Omne licet ſubitis cumuletur fluctibus æquor,
Culmina præ cuius ſumma furore tremant.
Qui iuſto veniunt modici de flumine riui,
Sacra Deo dulci mœnia rore leuant.*

Flumina latificant habitacula sacra tonanti,
 In quibus ipse sedens interiora tenet.
 Viribus iccirco non deturbabitur ullis,
 Nam Deus ipsius mane tuetur opes.
 Multa fremunt gentes, regna incuruat a tremiscit,
 Ipsius ad vocem tabuit omne solam.
 Auxilio nobis Deus est fortissimus omni
 Tempore qui Deus est magne Iacobe tibi.
 Huc agite, ite, Dei spectantes facta per orbem,
 Tam cito qui totum tam loca vasta dedit.
 Hic si quando volet, bellum de gentibus aufert,
 Usq; sub extremas, vltima regna, plagas.
 Præualidos arcus, & acutas conterit hastas,
 Currus, & celeres concremat igne rotas.
 Desinite, & solum esse Deum me discite, cunctis
 Gentibus & cunctis terribilem populis.
 Causa Deo curæ nostra est, virtute potenti,
 Auxilio nobis est Deus omnipotens.

S C H O L I A.

ROBR. ET) Lata vox exultantis cordis ob præsentiam Dei. Est autem enthymema, primo minor, post conclusionem ponit. ALTA LICET) Amplificatio periculorum, quæ ad amplificationem auxilij facit. MULTA FREMUNT) Contra Gentes, quæ Deum huic non habent, etiamsi multum concur, peribunt. HVC AGITE) Exhortatio, vt Ecclesia agnoscat hanc Dei benignitatem. CAUSSA) Epiphonema.

P S A L M U S XLVII.

Omnes

Omnes populi plaudite manib.

ARGUMENTUM.

*Qua sit ouans pompa rex ascensurus in altum
Christus, & in cælum compositurus iter.
Hic rex non armis, verbo tamen omnia vincet,
Ut veterem strarunt Hierichunta tubæ.*

Est prophetia de regno Christi per Euangelion constituendo. Ac meminit cultus noui testamenti, vt Deum per prædicationem verbi laudent, quod verbum etiam principes gentium sint implexuri, & futuri populus Dei Abraham. Quare manifestus hic error Iudæorum deprehenditur, qui de arca in domū Domini deportata exponunt.

Vincenti Psalmus filiorum Corah.

*EDITE festiuo populi noua gaudia plausi,
Lataq; gratifica iubila voce sonent.
Regnat enim Dominus sublimis, & omnia terrens
Qua terrarum aliquid sidera cunq; vident,
Subiecit populos nobis non ante fideles,
Sub pedibus nostris plurima regna dedit.
Hæredes regni statuit nos gloria magni
Qui domus Isacida, cuius amicus erat.
Carminè iubileo Deus est euectus in altum,
In sua terribilis nubila voce tubæ.
Dicite nunc pæana Deo, nunc dicite laudes,
Ferte Deo regi carmina ferte Deo.*

[Rex

Rex etenim Deus est terra, omnia regna gubernās,
 Huic canite excultos, quo decet ore, modos.
 Imperium Deus in gentes rex obtinet, idem,
 Qui Deus in sancta sedis honore sedet,
 Summisere Deo terræ sua regna tyranni,
 Magnanimum Thariden quem coluisse ferunt.
 Nam super & proceres, et maxima nomina terræ
 Altior, haud vlli sceptrā tenenda tenet.

S C H O L I A.

EDITE) Propositio, Gaudete. REGNAT)
 Narratio, qua exponit causam Propositionis, quod
 Christus in mundo per Euangelion potenter regnet.
 HUIC CANITE) Hebraice est, Psallite sapienter.
 Sicut Paulus iubet recte secari verbum Dei. THARI-
 DEN) Abraham filius Thare, Genesis XI.

P S A L M U S XLVIII.

Magnus Dominus & laudabilis.

A R G U M E N T U M.

Seruarat Solymas cinctas hostilibus armis,
 Et bellum à cara repulit vrbe Deus,
 Nos quoq; seruabit, quos cinxit iniqua tyrannis,
 Si simus, quales nos decet esse, p̄y.

Est plane idem argumentum cum Psal-
 mo quadragesimo sexto. Commemorat
 enim beneficia, quæ Deus præstitit suo po-
 pulo, cum Hierosolymam seu Ecclesiam &
 cultum, suum defendit & seruauit contra
 hostium

hostium varios impetus. Hæc exempla nos quoque consolantur, futurum, vt Ecclesiam suam seruet Deus.

Canticum Psalmi filiorum Corah.

MAGNVS & eximio Dominus cumulandus ho-
Qua sita sunt nostro mœnia sacra Deo. (nore est,
Pulcra situ regio, rupes per amœna Sionis,
Ille decus terra totius esse potest.
Cuius Parrhasia, quod sidera prospicit, vrse,
Sacra, latus, magni mœnia regu habet.
Cuius in eximijs notus Deus adibus aula,
Tecta salutifera protegit ista manu.
Conuenere simul reges, atq; ista videntes,
In non proposita præterière via.
Talia mirati, postquam tam magna fuerunt,
Ipforum pavidus perculit ossa stupor.
Perculsi, stupuere metu, sensere dolores,
Quales parturiens ferre puella solet.
Tu vada sulcantes Neptuni cœrula naues,
Conteris imbriferi saepe fragore Noti.
Omnia quæ nostris audiuimus auribus olim,
Hec & in hac oculis vidimus vrbe Dei.
Hec & in vrbe Dei sancta conspeximus ipsi,
Hanc & in æternos dirigit ipse dies.
Te Deus expetimus, tibi, clementissime, soli,
In medio templi soluimus ora tui.
Vt tua maiestas, sic & tua cognita laus est,
Finem vbicunq; aliquem maximus orbis habet.
Iusticiam

Iusticiam dextrâ, ceu cornu diuite, spargis,

Nam, quæcunq; facis, non nisi iusta facis.

Exultet, lætæq; Sion se vertice tollat,

Iusticia exultat latus Iuda tua.

Cingite circum ipsam cœtu veniente Siona,

Et numero turres illius erigite.

Ipsius attento cognoscite pectore muros,

Quam sint & celsæ testæ superba domus,

Omnia vt hæc memori fama referantur, & olim

Possit posteritas hic & ubiq; loqui.

Quod fuerit nobis Deus hic, & solus, & omni

Tempore, quod sit adhuc noster & ipse Deus.

Hic nos à primis seros deducet ad annos,

Qualiter insitui prima iuuenta solet.

S C H O L I A.

MAGNVS) Gratiarum actio, cui inseruit descri-
ptionem loci. CONVENERE) Commemorat be-
nefium liberationis. TVVADA) Collatio cum
veterib. miraculis. TE DEVS) Redit ad gratia-
rum actionem. EXVLTEB) Exhortatio, subiecta
gratiarum actioni, in qua hortatur non solum ad gra-
tiarum actionem erga Deum, sed vt singuli pro suo
modo Ecclesiam adiuvent. Nam quidam hunc lo-
cum sic reddunt: Sollicite custodite muros eius, &
exaltate palatia eius. Sed alij eo referunt, vt cogno-
scent Dei præsentiam sic euehenti Hierusalem, &
pro eo gratias agant.

P S A L M U S XLIX.

Audite

Audite hæc omnes gentes, aurib;

ARGUMENTUM.

Degeneres luxus, & opum perstringit auaros,

Numina qui Pluti nil nisi cæca colant.

Ergo, Deo soli confidere, summa bonorum est,

Spes in diuitijs ponere, summa mali.

Est idem argumentum cum Psalmo trigesimo septimo. Consolatur enim contra scandalum hoc, quod impij florent, pij autem affliguntur. Habet Psalmus certum locum de resurrectione piorum ad vitam æternam.

Vincenti Psalmi filiorum Corah.

PERCIPITE hæc omnes animis atq; aurib; æquis,

Quicunq; incolitis terrea regna viri.

Tam de plebe satis, quam nobilitate superbi,

Seu vos paupertas, seu comitantur opes.

Verba loquar vobis, animo à sapiente profecta,

Nec fatui cordis, qua meditabor, erunt.

Abdita deductis anigmata versibus edam,

Scitaq; non vano pectore verba loquar.

Cur metuam fato rerum deprehensus iniquo?

Si mea turbinibus fluctuet icla ratis.

Sunt qui diuitijs nimijs nitantur, & audent;

Credere perpetuas, quas venerantur, opes.

Cum tamen hinc auro si arrem non liberet vllus,

Nec precij quisquam placet honore Deum.

Et nimis est anima preciosa redemptio, vt ipsum

Perficere

Perficere haud vlllo tempore possit homo,
 Complures etiam si viuere detur in annos,
 Nec videat viuo facta sepulcra sibi.
 Interitu pereunt sapiens & stultus eodem,
 Nec referet posito funere praestet vter.
 Omnia ad ista manus rapient heredis auaræ,
 Quæ bona viuentes constituere sibi.
 Nec quicquid referent secum, sed cuncta relinquent,
 Atq; inopes Stygij principis arua petent.
 Stent licet immenso fundata palatia cultu,
 Ducturæ finem non videantur opes.
 Magnificas habitent ades, & magna relinquant
 Nomina, posteritas quæ meminisse queat.
 At non mortales hac in ditione manebunt,
 Sed simili bruttis conditione cadent.
 Stultitia illorum talis via, talibus actis
 A sera iuueniunt posteritate decus.
 Sicut oves nigri recubant ad limina Diti,
 Commoda carniuoræ pabula mortis erunt.
 At iusti reprobæ ducent de gente triumphos,
 Quam subito exorta tempora lucis erunt.
 Illorum decus, & virtus, & forma peribunt,
 Et domus inferni regia Diti erit.
 Me vero accipiet Deus, & solabiur agrum,
 Nec fera Persephones regna videre sinet.
 Ne mireris, opes si quem cumulasse videbis,
 Cui velut ex pleno gloria fonte fluat.
 Nam sicum moriens nil auferet, aëre cassum,
 Gloria tantarum nulla sequetur opum.

Huius

Huius enim tantum vitæ quasita voluptas
 Ipsius est animo grata & amica quies,
 Tu quoq; si requie tete oblectaueris ista,
 Hoc isti fatuo nomine gratus eris.
 Scilicet ipsius vt patrum mala facta sequaris,
 In quibus est verum luminis esse nihil.
 Quisquis laude fuit præstans, & honoribus au-
 dona nec apposita talia mente tulit: (Ctus,
 Per similes pecori est, & egenti pectore bruto,
 Quæ manus exitio mortis auara dedit.

S C H O L I A.

PERCIPITE) Exordium, in quo facit attentos
 auditores. CVR METVAM) Propositio: Nihil
 moueor felicitate meorum aduersariorum & meis
 calamitatibus. Subijcit autem rationem, quia quan-
 tumuis isti abundant opibus, tamen morientur tan-
 dem. NEC QVIC.) Aliud incommodum impio-
 rum, quod opes non secum auferent. STENT LI-
 C E) Repetit primam rationem. SIC VT OUES)
 Tertia ratio: Impij in morte manebunt. AT IV-
 S TI) Nunc antithesin addit, quod pij afflictis libera-
 buntur, primo ab istis afflictionibus. NEC FERA)
 Secundo, etiam contra mortem habebunt præsidia,
 nam loquitur de resurrectione ad vitam æternam.
 QVIS QVIS) Epiphonema. Opes etiam exitio sunt,
 nisi accedat animus pius & Dei timens.

P S A L M U S. L.

Deus deorum Dominus locutus.

A R G U M E N T U M.

L

Quæ sacra

*Quæ sacra vera Deo placeant, quis cultus, vt om̄
Impia. prætextu religionis agant. (nes
Reddere vota Deo non ista monastica, verum,
Quæ sint sola Deo persoluenda, docet.*

Est prophetia de inuulgando Euangelio
& abolenda lege, cum sacrificijs & omnibus
cultibus. Habet autem grauissimas adhor-
tationes & comminationes, vt posthabita
lege & iusticia legis, misericordiam ample-
ctantur in Christo exhibitam. Quod ad titu-
lum attinet, Asaph vn us ex cantoribus fuit
2. Paralipon. cap. 15. & 16.

Psalmus Asaph.

*REX superum princeps fortissimus ille deorum,
Incipiet tandem verba tremenda loqui :
Cuncta vt conueniant terrarum regna vocabit,
Regia qua fines vtraq; solis habet.
Magnifica clara fulgebit ab arce Sionis,
Et decor, & facies, & noua forma Dei.
Et virtute potens, & maiestate verendus
Adueniet, deinceps nec taciturus erit.
Omnia vastatrix ante ipsum flamma cremabit,
Ipse etiam valido turbine cinctus erit.
Excelso è solio cælum, terrasq; vocabit,
Vt populi causam iudicet ipse sui,
Conueniat quicumq; colunt mea fœdera sancti,
Plusquam sacrificæ conditionis opus.
Ipsius ingentes cœli præconia dicent,*

Vt nihil

Vt nihil hoc gentes iustius esse sciant.

Huc age, verte tuas, mea gens, dum colloquor, au-

Quæ loquar Israel, percipe verba, tibi, (res

Contestabor enim tecum Deus ipse deorum,

Quod tibi, quod nunc sum, sic Deus esse ferar.

Non sacra arguerim, quæ tot mihi dona per aras

Sanguine fumantes, exhibuisse soles.

Nam tua me coram toties holocausta feruntur,

Querum nec ratio est vlla probanda mihi,

Ne mihi mactari vibrantes cornua tauros,

Sanguinis hircorum nausea facta mihi est.

Omnia enim totis mea sunt animalia siluis,

Pastaq; per montes millia cuncta gregum.

Omnes cognoui volucres per inane volantes,

Omnis & agrestis bestia nota mihi est.

Quod si me queat vlla fames apprehendere, tecum

Nil opus indicio nominis huius erit.

Nam mihi multiplicis, deseruit machina mundi,

Quicquid & hac extra, quicquid & intus ha-

Nunquid carne aliqua taurovū vescar opima? (bet

Pocula ne hircorum sanguine plena bibam?

Sacrifica Domino merita præconio laudis,

Ne voti possis immemor esse tui.

Hæc faciens, in rebus operum me tristibus ora,

Ipse feram, quo me magnificare queas.

Non ita cum reprobis Deus, ad quos ista loquetur;

Impie cur profers fœderis acta mei?

Quid de lege mea declinatas ore profano?

Non hoc officij debuit esse tui.

Cum tamen & mores, & leges oderis aquas,
 Et verbi officium negligis omne mei.
 Fœdera sacrilegis cum furibus ista subisti,
 Crimine adulterij perdita vita tua est.
 Ore loquebaris spurcissima verba pudendo,
 Lingua tua immodica pradita fraude fuit.
 Aduersus fratrem frater mala multa locutus,
 Cui quacunq; potes parte nocere, noces.
 Talia cuncta videns tacui, cum forte putares
 Me similem fieri posse profane tibi.
 Sed te iusta manet pro tali pœna reatu,
 Ante oculos statuam præmia digna tuos.
 Talia nunc saltem cognoscite verba profani,
 Qui vestri oblitum creditis esse Deum.
 Ne forte iratus rapiam cum nulla super sit
 Certa salus, vobis nec ferat vllus opem.
 A quocunq; mihi maclabitur hostia laudis,
 Huic mea magnifice est gloria culta satis.
 Atq; hæc ipsa via est per quam vestigia ducam
 Illius, vt saluus possit adesse, Deo.

S C H O L I A.

RES SUPERVM) Facit attentos Deus, loquetur,
 ergo accipite verbum eius. M A G N I F I C A) Desi-
 nit locum: Id verbum ex Hierusalem orietur, non ex
 Sinai & deserto, sicut lex, V T P O P V L I) Vt libe-
 ret a morte & peccato. C O N V E N I A N T) Ad-
 hortatio, vt verbum Euangelij & gratuitam miseri-
 cordiam pluris faciant, quam legem & Mosen Ipe-
 s i v s) Id est, vbique, prædicabitur iusticia fidei.
 H V C A G E) Obiurgatio synagoga vrgentis, &
 mordicus

mordicus retinentis sacrificia & legem, contra ver-
 bum gratiæ. **QVORVM**) Manifestæ sententiæ de ab-
 rogatione legis, & contra propria merita & iusticiam
 operum coram Deo, nam sacrificia non vult sine fi-
 ducia misericordiæ in Christo. **SACRIFICA**) Hic ex-
 ponit quos cultus vere requirat. Nam sacrificia cer-
 ti temporis erant, & pertinebant ad externam Reip.
 formam, in hoc populo redinendam, donec noscere-
 tur Christus. **NE VOTI**) Sic habemus votum Baptis-
 mi vnicum, ac nota, quod inter cultus numerat inuo-
 cationem, ea quoque testatur, sicut gratiarum actio,
 gratuitam misericordiam, non dignitatem aut meri-
 tum nostrum, **CVM TAMEN**) Antithesis. Qui hunc
 cultum non præstant, hi, etsi habent verbum meum,
 etsi vocantur populus meus & filij Abrahæ, tamen
 non agnoscam. Atque hic addit grauissimam insecta-
 tionem Iudæorum similem illi Roman. 2. Tu qui Iu-
 dæus es. **A QVOCVNQVE**) Epilogus, qui summam
 Psalmi complectitur, Qui sacrificat laudem, non ho-
 stias, ille honorat me, & hæc via est ordinata, qua o-
 stendo salutem Domini.

P S A L M U S LI.

Miserere mei Deus secundum.

A R G U M E N T U M.

*Quæ sit origo mali, quæ vis, quæ damna parentum,
 Intulerint stulta poma resecta manu:
 Ad veniam reditus pateat quis, & vnde paratur,
 Pectoris hic pura simplicitate docet.*

Insignis oratio pro remissione peccatorum.
 Confirmat autem superiorem Psalmum,

nam cum rogat remissionem peccatorum, significat eam gratuitam & solus misericordiae Dei esse. Idem significat cum promittit sacrificium laudis: grauissimè autem docet de magnitudine & caussa peccati, ac nostra infirmitate contra peccatum.

Vincenti Psalmus David, cum venisset ad eum Nathan propheta, postquam ingressus fuerat ad Bethlebam.

*SVMME pater, qui sceptrā tenes altissima rerum,
Cuius & hoc tantum dextera claudit opus.
Cuius magna preces clementia nullius vnquam
Reppulit, haud falsa voce rogantis opem.
Respice me nimia peccati mole grauatam
Mole, sed immensum pondus habente, premi.
Et nunc illa tua subeat miseratio menti,
Qua tibi fidentes saepe leuare soles.
Nunc opus esse tuum misereri quae somemento.
Quando hic, heu nimium, quod misereris, habes.
Nam miser agnosco patratae crimina culpa,
Quae cruciant animum nocte dieq; meum.
Quicquid id est, tibi peccatum est, mitissime, soli,
Ah pudet, & certe quale sit ipse vides.
Cur ego sustinui tales offendere vultus?
Qualibus est verum mitius esse nihil.
Cur tua non veritus praesentia numina? cur te
Peccator toties aspiciente fui?
Scilicet vt constet, vel iniquo iudice, verum,
Quicquid adhuc vsquam lingua locuta tua est.
Vt vincas*

Ut vincas quicumq; in se confidit, & audet
 Te, velut intenta lite, mouere reum.
 Nam peruersa hominum ratio te iudicat, & se
 Damnamam macula credit habere nihil.
 Ergo age se miserum miserere fatentis, & agrum
 Quos, nisi tu, morbis nemo leuare queat.
 Namq; quid addubites? totum me facta malorum
 Vita relegatum corporis huius habet. (adhasit
 Nec nouus hic dolor est, primum hoc mihi virus
 Tempore, quo matris iam rude pondus eram.
 Usq; adeo nihil est in me quod dicere possis,
 Natura vitium non rapuisse mea.
 Sed quia tu verax, quia veri es amator & equi,
 Illius & merito nomen & huius habes,
 Nota mihi pietate tua sapientia facta est,
 Abdita que semper corda superba latet.
 Me pater Hyssopi si dulci asperseris herba,
 Sicut lustrali flumine mundus ero.
 Lauaris heu nimia fœdam putredine mentem.
 Iam mihi qui certet cum niue candor erit.
 Quod si forte meas dignabere vocibus aures,
 Delicias animi que peperisse queant.
 Iam contrita nouo reparaueris ossa vigore,
 Nullus in hoc iterum pectore languor erit.
 Nunc auerte tuos illos, quibus omnia vultus,
 Cernis, & aut recreas, aut velut igne quatis.
 Nunc illos auerte, precor, ne crimina cernant,
 Ne videant anima, vulnera tanta mea.
 Interea refouens mea vulnera, deme quod in me

Congestum sceleris pefidus hostis habet.
 Mortifera immundi contagia pectoris aufer,
 Et puri dotes cordis habere iube.
 Rectus in hoc habitet mihi corpore spiritus, illum
 Tu pater à veteri conditione noua.
 Heu mihi, si facie miserum auersante repellas,
 Nec liceat vultus ante stetisse tuos.
 Quod te ne facias, per te precor, altera non est,
 Quæ faciat nostras caussa, valere preces.
 Sed neq; me fugiat fotor tuus ille bonorum,
 Qui nisi cum sanctis spiritus esse nequit.
 Quo sine nulla salus anima, sua crimina fassa,
 Quo si destituar munere, nullus ero.
 Eia age, securæ ne subtrabe gaudia mentis,
 Saluificumq; tuæ redde salutis opus.
 Spiritus assit agens, & liber in omnia mecum,
 Hoc me perpetuum robur habere sine.
 Hoc doctore vias per me sciat impius omnes,
 Per quas iusticia est summa petenda tuæ.
 Tunc sua peccator noscens malefacta superbus,
 A te nunc humili voce rogabit opem,
 O mihi qui solus Deus es saluator, & idem
 In manibus nostræ iura salutis habes :
 Erue me merite de pœna mortis, & vltra
 Sanguinis effusi ne reus esse ferar.
 Sic mea, iusticiamq; tuam, laudesq; sonabit,
 Quamuis nulla satis lingua referre queat,
 Tu dabis eloquio venam meliore fluentem
 Laxato grauius tu dabis ore loqui.

Ut tua per cunctas præconia dicere gentes,
 Ut possim laudis nuncius esse tuæ.
 Nam neq; thure dato positas placaris ad aras,
 Victima nec structo te mouet vlla rogo.
 Te tamen hoc ipso veneratus honore fuisset,
 Si velles ista religione coli,
 Nunc tibi nulla magis cordi sunt sacra, nec vllum
 Gratius est anima se cruciante sacrum.
 Nec tu despicias afflictæ munera cordis,
 Commoda quod sine te nulla quietis habet.
 Nunc age siderei summo de vertice cæli,
 Placata miseram fronte Siona ride.
 Ut laceras iterum Solymas sua mœnia cingat,
 Ne tibi delectæ concidat vrbs honor.
 Tunc tibi sacra pio pro munere iusta dabuntur,
 Quæ tu sola probas, quæ tibi sola placent,
 Tunc tibi gaudebunt pingues holocausta per aras,
 Et vitulos templis imposuisse tuis.

S G H O L I A.

S V M M E P A T E R) Nota, solam misericordiam
 Dei sibi proponit, propter quam orat. R E S P I C E)
 Propositio. N A M M I S E R) Ratio, non à sua di-
 gnitate aut meritis, sed ab indignitate: miserere, quia
 peccauit. N E C N O V V S) Peccatum nobis ingene-
 rat. S E D Q V I A) Secunda ratio, tuum verbum
 promittit misericordiam, ergo miserere, nam veritas
 & sapientia sunt fiducia misericordiæ, & cognitio
 misericordiæ Dei gratiæ per Christum. I A M)
 Urget petitionem, & amplificat: latifica cor, remitte
 peccatum, da purum cor, da spiritum certum &
 nouum

nouum, &c. R E C T V S) Rectum vocat pure innitentem misericordiae Dei. H O C D O C T O R E) Gratiarum actio, quam facit duplicem quod misericordiam Dei praedicare & de ea etiã alios docere velit. O M I H I) Redit ad precationem. N A M N E Q V A) Antithesis. Praedicabo misericordiam tuam, nam alia sacra seu cultus non curas. N V N C A G E) Oratiam pro tota Ecclesia, vt eam Deus in cognitione peccati, & fiducia misericordiae seruet, haec enim sacra Deo sola grata esse.

P S A L M U S L I I.

Quid gloriaris in malicia.

A R G U M E N T U M.

*Prodidit infontem pastor Dauid a Doëgus,
Sed frustra, quoniam stant rata iussa Dei.
Sic hodie infamant oracula sancta profani,
Sed frustra, quoniam qui dedit, ista tenet.*

Habet hic Psalmus grauisissimam insectationem & comminationem contra tyrannos & Ecclesiae hostes. Consolatur autem pios quoque, quod Dens eos sit seruaturus. Historia, quam titulus allegat, est 1. Samuelis cap. 21.

Vincenti Psalmus David erudiens, cum venisset Doëg Aedumæus, & annunciaffet Saul, atque dixisset ei: Venit Dauid ad domum Abimelech.

IMPROBE crudeli quid in impietate superbis?

Fortia

Fortia qui multum iura potentis habes?
 Confisus bonitate Dei quid talia iactas?
 Quorum lux veniam non feret vlla tibi.
 Perniciem tua lingua nocens meditatur, acutum
 Ceu ferrum, veri nescia, fraudis amans.
 Pessima quaq; bonis praefers, mendacia veris,
 Nec tibi iusticia est, nec tibi nota fides.
 Quare etiam te lingua nocens Deus atteret, vt iam
 Non videare aliquo posse manere loco.
 Eruet ab radice tuae fata robora stirpis,
 Et super in viuis nec tibi nomen erit.
 Talia deinde p̄i spectantes facta stupebunt,
 Cumq; leui risu talia verba dabunt:
 Ecce virum spreuisse Dei vim roboris ausum.
 Sed confisum opibus, diuitijsq; suis.
 Quiq; videbatur sibi plurima posse, quod esset
 Perniciei sola dexteritate potens.
 Ipse autem similis viridanti semper oliuae,
 Qua sit diuina pars quotacunq; domus.
 Perpetua in bonitate Dei spes semper habebor,
 Nec mihi spes istas finiet vlla dies.
 Perpetuo meritas referam tibi tempore grates,
 Nam mihi tu magni muneris autor eras.
 Tutior inde tui degam sub nominis vmbra,
 Quod quisquis bonus est, laudat, honorat, amat.

S C H O L I A.

IMPROBE) Insectatio. QVARE) Comminatio.
 TALIA) Consolatio bonorum. IPSE AVTEM)
 Insignis collatio. PERPETVO) Gratiarum actio.

P S A L M U S. LIII.

Dixit insipiens in corde suo, non
est Deus, &c.

A R G U M E N T U M.

*Absq; fide quæcunq; facis, facis omnia frustra,
Quantumuis bona sint, quæ facis absq; fide.
Hæc toties tibi psalmographi vox magna reclamât
Nec tamen hæc audis Romule surde, caue.*

Quod ad argumentum attinet, est plane
idem Psalmus cum decimoquarto. Habet
autem titulum alium, nec sane inter inter-
pretes de eo conuenit. Quidam existimant
uocabulum almahelath significare, quod in
choro alternis sit decantatus, sed Abenezra
putat esse initium carminis, secundum cuius
numeros hunc Psalmum cecinerunt.
Alij instrumenti nomen esse putant.

Vincenti canticum David erudiens
in Mahelath,

*USQVE adeo quosdam rabies agit impia, ut au-
dicere, qui videat, non super esse Deum. (sint
Execrabilibus perierunt cladibus omnes,
Prodiga quos miseri vita laboris habet.
Omnipotens humiles prospexit ab æthere terras,
Humanumq; sua vidit ab arce genus.
Ex tot an inueniat sapientem millibus vnum,
Qui curet superos, & putet esse Deum.*

At re-

At retro stolidis abierunt passibus omnes,

Pestis enim miseris omnibus vna fuit.

Non fuit ex illis quem posses dicere iustum,

Qui bene dixisset, non fuit vnus homo.

Num sapient aliquando mali, qui sanguine viuunt,

Et populi comedunt corpus & ossa mei?

Dummodo quod rodant ventri non desit alendo,

Turba creatorem negligit ista suum.

Hic vbi non opus est trepidat, vbi nulla necesse est

Esse pericula animæ, certa pericula putant,

Ossa etenim Dominus dispergit iniqua ferentum

Munera, quæ veræ nil pietatis habent.

Hos pudor offendet, Dominus quos damnat & odit,

A quibus auersa est luminis aura Dei.

Quis genus Israël saluum dabit, atq; reducet

Dispersos populos, ad tua templa Sion?

Cum Deus exilium conuerterit ipse suorum,

Læticia fient omnia plena noua.

Tunc genus Israël gaudebit, & ocia ducent,

Qui de stirpe tuæ sunt Iacobe domus.

S C H O L I A.

V S QV E A D E O) Grauis humanæ naturæ infirmitas. A T R E T R O) Hoc est, humana natura, si sit sine Spiritu sancto, nec timet Deum, nec fidei Deo, nec velle aut cupere potest, quæ Deus vult & cupit. N O N F V I T) Præcipue accusat doctores legis. O S S A) Minatur impijs doctoribus quod per sanam doctrinam his naturæ malis non medentur. C V M D E V S) Consolatio. Christus cum venerit per Euangelion suum, medicinam faciet.

Deus in nomine tuo saluum me.

A R G U M E N T U M.

*Prodiderant miserum Sauli Dauid a Siphitæ,
sed frustra, probitas vindice tuta Deo est.
Hos petit vlcisci, quæ nunc, & quanta Siphitæ,
Tot mala committunt, puniat ista Deus.*

Historia, quam titulus ostendit, est I. Samuelis xxiii. & xxvii. Est autem oratio, vt liberet eum Deus à periculo, in quod per prodicionem coniectus erat: ac habet insignes consolationes, quæ in similibus periculis nos erigunt, futurum vt liberemur, & hostes Ecclesia pereant.

Vincenti in melodijs erudiens Psalmus Dauid, cum venirent Zephej, & dicerent Saul: Nonne Dauid abscondit se apud nos?

OMNIPOTENS pro laude tui me nominis agrum

Conserua, & misero, nam potes, affer opem.

Afferre me virtute tua, dextrag, potenti,

Et timidus audi, percipe, sume preces.

Quando alienigenæ querunt me perdere gentes,

Qua tua non vlla numina parte colunt.

En Deus auxilio subiit mihi, sustinet idem,

Ne pereant anima robor a tota meæ.

Hostibus ille meis, in me v. alafacta, rependet,

Et solida perdet pectora vana fide.

*Tunc tibi grata feram munuscula mente benigna
 Nominis & laudes de bonitate tui.
 Tu quia de cunctis me cladibus eruis, vt iam
 Risum deuicto prorsus ab hoste feram.*

S C H O L I A.

OMNIPOTENS) Propositio. Orat autem in fiducia nominis & potentia Dei. QVANDO) Nar- rat periculum. ENDEVS) Consolatio. Deus ex- audiuit me. TVNC TIBI) Gratiarum actio:

P S A L M U S LV

Exaudi Deus orationem meam.

A R G U M E N T U M.

*Ore aliud praefert, aliud sub pectore condit,
 Quorundam leuium callida vafricies.
 Has agit at pestes, hos execratur, at horum
 Quod rogo myriadas tempora nostra ferunt?*

Est oratio in persona Christi contra sy- nagogam & proditorem Iudam. Recte au- tem vsurpatur contra falsos fratres, qui Ec- clesiae plurimum eo ipso nocent, quod cum eam extreme oderint, tamen odium illud tegunt simulatis officijs.

Vincenti in melodijs erudiens canti- cum Dauid.

*QVI tua supplicibus venerantes numina votis,
 Audis aetherea mitis ab arce pater:
 Supplicis exaudi te verba rogantia serui.*

Nunc

Tunc

Nunc animum moueat mœsta querela tuam.
 Aspice quam gemitu fundam lamenta profuso,
 In veras lacrymas quam tibi totus eam.
 Vsq; adeo insultant hostes vrgente tumultu,
 Sic furit in clades impia turba meas. (me
 Nam mihi crimen atrox querunt obtrudere, nec
 Pro genuino odio viuere posse ferunt.
 Intima concussi tremuerunt viscera cordis,
 Et mea, ne moriar, concutit ossa timor.
 Nunc animum metus, & saeuus circumuenit horror,
 Nunc meâ lethalis pectora terror habet.
 O mihi nunc volucres aliquis conuictet alas,
 Qualibus in ventos ire columba solet.
 Protinus euadam, qua me non vlla sequentes,
 Deferat humano semita trita pede.
 In deserta abeam sauarum lustra ferarum,
 Grata domus profugo tristis eremus erit.
 Ocyus effugerem, si forte euadere possim,
 Has tempestatis me ferientis aquas.
 Scinde age, & in fames istorum conterere linguas,
 Vrbs quia flagitijs dissidet ipsa sibi,
 Qualibus illa dies noctesq; repleta laborat,
 Et labor, & tota regnat in vrbe dolor.
 In medio dolus, & vanæ mendacia lingua,
 Omnis in humana fraude platea scatet.
 Quod si structa mihi sit ab hoste calumnia, forsitan
 Quæ non commerui caimina, ferre queam.
 Si mihi se extulerit supra caput impius osor,
 Vitarem celeri iussa superba fuga.

At in

At t
 O
 Tu fu
 Re
 Quo a
 Vr
 Mors
 A
 Nan
 Fa
 Ipse
 ill
 Man
 Ef
 Aud
 (C
 Is m
 Q
 Aud
 So
 Null
 Q
 Inie
 P
 Buty
 S
 Leni
 It
 Res,

At tu fide comes, duris mihi cognite rebus,
 Orarum nostræ pignus amicitia.
 Tu fidei mecum sancta secreta subisti,
 Religio nostri pectoris vna fuit.
 Quo cum sancta domus diuinæ limina adibam,
 Vnaq; læticiæ causa duobus erat.
 Mors audas violenta manus extendat in ipsos,
 Ad Stygias viui destituantur aquas.
 Nam domus ipsorum vitij est plena nefanda,
 Factio in ipsorum sede maligna sedet.
 Ipse Deo mea fata querar: mea tristia dicam,
 Ille, vt ferre potest, sic feret vnus opem.
 Mane querar, seræ lugebo ad tempora lucis,
 Effugient medium nec mea vota diem.
 Audiet, & gemitus, & verba rogantia promissis,
 (Certa fides causæ est) auribus accipiet.
 Is mihi pacificam prestabit ab hoste quietem,
 Qui mihi tot studuit noxius esse modis.
 Audiet, & studia aduersi mala deprimet hostis,
 Solus in immota conditione manens.
 Nulla quidem spes est mutari posse malignos,
 Qui Dominum toties irreuerenter habent.
 Iniecere manus in amantes fœdera pacis,
 Pacta profanarunt relligiosa Dei:
 Butyro ore ferunt pacis, quod mollius esset,
 Sæua tamen tacito pectore bella mouent,
 Lenia verba oleo quouis magis ore loquuntur,
 Illa tamen gladij fortis acumen habent,
 Res, curasq; tuas Domino committe potenti.

*Istua, teq; ipsum, cuncta tenere potest.
 Ipse loco faciet stabili consistere iustum,
 Et bona latificæ pacis habere dabit.
 Tu pater effuso gaudentes sanguine, tandem
 In mortis foueam precipitanter ages.
 Dimidia non illi attingent tempora vitæ,
 Sed mihi spes in te fixa, tenaxq; manet.*

S C H O L I A.

SUPPLICIS) Propositio precatiois. V s e v e
 A D E O) Narrat periculum & afflictiones, quas patitur.
 O M I H I) Votum, quod eleganter pingit affectum
 animi conclusi malis. S C I N D E) Imprecatio
 contra hostes, vt consilia eorum impediuntur.
 Q V O D S I) Amplificatio calamitatis, patior hæc à
 populo meo, & à discipulo communi ministerio mecum
 coniuncto. M O R S) Imprecatio. I P S E)
 Consolatio. N V L L A) Addit in fine infectionem
 hostium, & comminationem. R E S) Insignis doctrina
 in omnibus periculis & tentationibus utilis.

P S A L M U S LVI.

Miserere mei Deus, quoniam con.

A R G U M E N T U M.

*Sceptra Palæstini cum quæreret aduena regis,
 Exulladhuc querula concinit ista cheley.
 Hac nos voce graues contra licet ire tyrannos,
 Qui verbum Domini qualibet arte premunt.*

Est oratio pro liberatione ex periculo, in
 quo

quo fuit, cum exularet, 1. Samuel. xx. Vocat autem Dauid se mutam columbam, quæ tantum gemitu ostendit dolorem suum: Nã inter exteros non fuit ei tutum loqui.

Vincenti aureum ornamentum Dauid de columba muta, inter alienigenas, cum apprehenderent eum Philistæi in Gath.

S V M M E parens rerum, miserũ me respice, cuius
Pectora crudeli pressa sub hoste iacent.

Fortiter insistant, nunquam me affligere cessat,

Qui calcant animæ colla subacta meæ.

Quoq; magis doleam, plures grassantur in vnum,

Qui capiti intentant tela cruenta meo.

At mea dum nimio sunt corda subacta timori,

Spes opis, & veniæ tu mihi certa venis.

In verbo Domini mihi gloria vera manebit,

Uni fixa Deo, spes mea semper erit.

Qui mihi donec erit, sicut non fracta manebat,

Non hominum metuam prælia, robur, opes.

Artibus assiduis meæ verba euertere tentat,

Nil nisi conantur posse nocere mihi.

Insidijs coeunt meæ dum vestigia seruent,

Vt vitæ abrumpant languida fila meæ.

Servantur quod iniqua parrent, quos ipse sub imas

Inferni iratus præcipitabis aquas.

Fac libeat numerare fugas, quas passus oberro,

In vacuo lacrimas codice scribe meas.

Illarum numerus tibi iam constabit, & harum

Qui mihi quam vellem nunc quoq; maior adesi
 Tunc hostes mihi terga dabūt, cum te ipse vocabo;
 Tunc mihi, cognoscam, quod Deus esse velis.
 Laus mea sermo Dei, Domini mea gloria verbum;
 Hac spe non metuam quid mihi faxit homo.
 Ad te vota Deus mihi sunt concepta, quod isthæc
 Laudibus æternis omnia plena feram.
 Tu quia crudeli servasti à morte redemptum,
 Ne caderent nostri per loca fluxa pedes.
 Ut mihi & ante Deum liceat defigere gressus;
 In qua viuentum gloria luce sita est.

S C H O L I A.

SVMME) Propositio precatōnis. FORTITER)
 Narratio periculorum. INVERBO) Consolor me,
 quod non mea cupiditate, sed Deo vocante rex sum.
 FACILIBER) Repetit precatōnem. INVAD
 CVO) Insignis consolatio, quod Deus suorum lacri-
 mas numeret, ergo nō erūt impij perpetuo impunes.

P S A L M U S LVII.

Miserere mei Deus, miserere mei.

A R G U M E N T U M.

speluncæ latebris cum delitisset Odolla,
 Iniusta queritur & ratione peti.
 Sic male qui regum nos insectantur in aulis,
 Vlciisci his lacrimis possumus ante Deum.
 Est oratio non dissimilis præcedenti in
 alio

alio periculo Dauidis, quod est 1. Samue, 21.
& 24.

Vincenti aureum ornamentum David, ne pe-
raret, cum fugeret à facie Saul
in speluncam.

RESPICE fidentem tibi, mi Deus, esto benignus
Cui sine te non est qui ferat vllus opem.
Cuius & alarum defendi spero sub umbra,
Donec fors abeat clads acerba mea,
Ante tuos vultus queror ô altissime rerum,
Qui mea restituis pristina dona mihi.
Mittit opem, cæloq; videns opprobria tollit,
Quæ mihi, me perimens, intulit hostis atrox.
Mittit opem, fidei memor. & pietatis auitæ,
Quæ sua naturæ munera solus habet.
Inter anhelantes iaceo ceu præda leones,
Præda voraturis dilanianda feris,
Omnes humano geniti de sanguine, flammis
Assimiles, dentes ceu fera tela gerunt.
Mobilibus linguas gladijs conferre licebit,
Vulnere tam feriunt, quos voluere, graui.
Exaltare Deus super alta volumina cæli,
Laus tua terrarum transeat alta plagas.
Tensa meis pedibus componunt retia quorum
Fraude per insidias, me violare queant.
Qua graditurus eram foueam fodere, sed ipsi
Sunt capti proprio, quem statuere, specu.
Corda parata Deus mea sunt, mea prompta volun-
tati in alio

*Nunc exurge, mea decus & pars maxima vitæ,
 O lyra, psalmographi gloria magna tui.
 Exurgam matura noui sub lumina solis,
 Tempore quo surget diua pudoricolor.
 Per populos tua facta canã, per regna. per vrbes,
 Nec laudem tellus nesciet vlla tuam.
 Nam tua stelliferum bonitas transcendit olympũ,
 Subdita sunt fidei nubila regna tue.
 Exaltare Deus super alta volumina cœli,
 Laus tua terrarum transeat alta plagas.*

S C H O L I A .

RESPICE) Propositio. MITTIT) Consolatur
 se præteritis beneficijs. OMNES) Narratio periculi,
 quod satis tragice pingit aptis similitudinibus. Vt
 PSALLAM) Gratiarum actio pro liberatione,

P S A L M U S LVIII.

Si vere utiq; iusticiam loquimini.

A R G U M E N T U M .

*Errorem quicumq; audez defendere apertum,
 Et nunquam iustus desinit esse minax:
 Torrenti similem vano, fractæq; sagitta,
 Et flammæ impositis sentibus, esse docet.*

Titulus ostendit esse idem argumentum
 cum superioribus Psalmis. Orat enim con-
 tra Saulem & eos, qui ipsum incitabant con-
 tra Dauidem, tanquam contra seditiosum.
 Habeo

Habet hic Psalmus tres partes: Narrationem, obiurgationem, vehementem aduersariorum, imprecationem, & consolationem.

Vincenti aureum ornamentum Davidis, ne periret.

*N*VM precor, o geniti mortali e stirpe, iuuabit
 Vos quoq; tandem aliquo tempore iusta loqui?
 Nil minus, imo animis versatis iniqua malignis,
 Designant vestra friuola facta manus,
 Defluxere mali, retro pessumq; abierunt,
 A primo vite tempore quisq; sue.
 Defluxere retro mendacia vana loquentes,
 A primo exortus tempore quisq; sui.
 Horum persimilis furor est serpentibus atris,
 Tale sub infido pectore virus habent.
 Corda venenatum referentes aspida flecto,
 Qui clausas aures, ne capiatur, habet.
 Incantatoris ne voces audiat, aures
 Obstruit, instantis ne cadat arte magi.
 Illorum dentes, pater, excute, frange molares,
 Quæ bona carniuori rodere cuncta solent.
 Maxillas auidas fauorum frange leonum,
 Restia cur miseris dira trucidet oues?
 Liquantur velut vnda fluens, sua spicula tendant,
 Nec tamen attingant, quem voluere, scopum.
 Cornua tollentis limacis more liquecant,
 Quæ breue cæu gemino pollice tendat iter.
 Sicut abortiuam perant, quod lumina solis

Nescit, & visum corrui ante diem.
 Quam prius in rhamnium spinæ consurgere vestra
 Possint, de medio has auferet ira grauis.
 Vernantes, & adhuc in primo flore comantes
 Deripiet rapidi turbinis ira rubus.
 At pius ista videns vindictæ præmia iustæ,
 Gaudia prostrato victor ab hoste feret
 Ille suas plantas reprobrorum in sanguine stinget,
 Quamq; aliqui cupiant, ultio maior erit.
 Tunc dicent homines, sua sunt rata præmia in flo,
 Certe & adhuc iudex regnat in orbe Deus.

S G H O L I A.

NUNC PRECOR) Vehemens obiurgatio, quod
 factis criminibus incitarent Saulẽ. DEFLUXE
 RE) Hoc est, peruersi sunt, discesserunt à Deo, &
 verbo eius. HORVM) Illustris similitudo. ILLORVM)
 Imprecatio. LINQUANTVR) Bellæ simili
 tudines. ATPIVS) Consolatio.

P S A L M U S L I X.

Eripe me de inimicis meis Deus.

A R G U M E N T U M.

Historiam spectas? Saulis notat ipse furorem,
 Mystica vox Christi rectius esse potest.
 Iudæos Christo infidos fore semper, & horum
 Spargendum toto semen in orbe canit,

Argumentum ostendit titulus, & historia
 extat

extat i. Reg. 19. Orat enim contra Saulem & eius complices, ne possint innocenti nocere. Quidam transferunt hanc orationem in personam Christi, orantis contra impiam synagogam, ac sane similis euentus secutus est Davidis & Christi hostes, vtrique enim perierunt. Est vehementissima oratio, ideo habet tot repetitiones.

Vincenti aureum ornamentum Davidis, ne periret, cum Saul misisset, vt custodirent domum, & ipsum intercherent.

CF M. sint qui studeant vnum me perdere multi.

Mi Deus, illorum destrue consilia.

Eripe me hac de clade malorum, & ab hostib. istis,

Qui mihi nescio quo, damna furore parant,

Ne noceant, fuso qui tantum sanguine gaudent,

Et quibus hoc tantum displicet, esse bonus.

Insidias mihi namq; parant, quib. occuper, & sunt

Contra me fortes in statione viri.

Non quia peccarim quicquam quod laeserit ipsos,

Sed quoniam culpa pectora nostra vacent.

Tale nihil merui, quo me peruertere tentat,

Inq; meam properant currere perniciem.

Surge age in occursum venias mihi, & aspice quã-

Molibus oppugnent, insidijsq; petant. (tis

Nunc tu exercituum Deus inuictissime, regna

Orbis terrarum visere cuncta velis.

Tu Deus Israël ne sis pius omnibus istis,

Qui, nisi qua mala sunt, nulla probare queunt.
 Vespertina retro fugiant sub tempora lucis,
 Mutua deblaterent murmura more cauum.
 Urbis eant magna vicos & mœnia circum,
 Nec profugis aliqua detur in vrbe locus.
 Ceu gladijs, etenim labijs ita verba loquuntur,
 Hac qui dicentes, audiat ecquis erit?
 Atqui ludibrio tibi erunt, tu deniq; gentes
 Despicies, tellus quas vaga cunq; tenet.
 Quod si forte meis sit maior viribus hostis,
 Tu mihi prasidium, tu mihi ductor eris.
 Summa Dei pietas me preuenit, hoc duce vidi
 Cernere denicto quicquid in hoste libet.
 Nec subito extinguas populum, ne obliuia ducant,
 Quam tua sit pœnas sumere dextra potens.
 Quin disperge vagos, errent sine maxime rector,
 Quo duce me terror nullius hostis habet.
 Nil nisi iniqua docent, nisi tantum vana loquuntur,
 Nec sua mutari facta superba volunt.
 Tantum crebra suis iactant maledicta propinquis,
 Concio fallentes necere docta dolos.
 Perge age, perde tui reprobos feruoris in aslu,
 Ne mala fex aliquo digna sit ista loco.
 Vt Dominum videant Israëlidos ora,
 Pœcetera terræ totius, esse Deum.
 Vespere retro abeant humiles, & in vrbe vagetur,
 Et tanquam, iaciant murmura rauca, canes.
 Discursent epulas vltro citroq; petentes,
 Nec miseram possint exacerbare famem.

Tunc

*Tunc se digna ferent vacui ieiunia ventres,
 Proq; cibo miseri murmura vana ferent,
 At mihi carmen erit tua magna potentia, dicam
 Maxima virtutis nomina mane tua.
 Quo velut arce salus mea custodita quieuit,
 Quo mea quassa malis tempora vita fuit.
 Perperuo tua facta canam, laudesq; tacebunt,
 Da liceat per te, tempora nulla tuas.
 Tu siquidem mihi sola salus, te venit ab ipso,
 Si qua habet hæc pietas pectora, si qua fides.*

S C H O L I A.

CUM SINT) Propositio precatiois. INSIDI-
 AS) Narrat periculum. SVRGE) Repetit propo-
 sitionem, & eam varie auget, nunc incusando aduer-
 sarios, nunc imprecando mala. VESPERE) Hoc
 accidit extincto Saule. Nam regnum familiae Saule
 receptum est, & tota posteritas eius extincta. PERPE-
 TVO) Gratiarum actio.

P S A L M U S LX.

Domine repulisti nos, & destruxisti,

A R G U M E N T U M.

*Quod bona pax, quod religio heet inclyta regnum,
 Publica res quod tot floreat aucta bonis:
 Pectore & ore refert grates, nos ista canemus
 Carmina, pro salua religione, Deo.*

Historia, cuius titulus meminit, est, I. Para-
 lipom.

lipome. 18. & 2. Reg. 8. Est autem Psalmus gratiarum actio, quod DEVS regnum sub Saule afflictum, multis victorijs, præsertim verbo & cultu suo, iterum restituit & lornauit, Quare in titulo, regnum tam belle ex-cultum, rosæ nomine apellat.

Vincenti aureum ornamentum David, de rosa testi-monij, ad erudiendum, cum belligeraretur contra Mesopotamiam & Syros de Zoba, cum Ioab reuersus percussisset Edom in valle Salis duodecim millia.

*QVI velut abiectos nos, & male grata parenti
Pignora, reppuleras à bonitate tua.
Qui nobis iratus eras pater inclyte diuûm,
Qui tam dispersos passus es esse diu.
Redde tuam nobis pietatem, redde salutem,
Quæ sine te nobis nuper adempta fuit.
Maxima qui stabilis mouisti pondera terræ,
Cuius erat manibus pars bona fracta tuis.
Restitue afflicte languentia viscera molis,
Qua iacet heu nimium viribus icta tuis,
Sape tuo clades populo, & fera bella tulisti,
Quæ dederas nobis vna pauoris erant.
At noua te veritis rursus vexilla dedisti,
Quæ sibi non vana parta tulere fide.
Vt nunc ergo tibi cari seruentur amici,
Vi dextra nobis auxiliare tuæ.
Ex adyto Deus est diuina voce locutus,*

Quæ

Quæ mihi læticiæ vox noua signa dedit.
Nunc Sichime diuisa caput mihi subdet, et omnem
Vallem Suchotis metiar arte noua.
Noster erit Galaad, possessio nostra Manasses;
Mox Ephraim sceptri pars erit ipse mei.
Dux & doctor erit mihi ad omnia fortis Iudas;
Subditus imperij nomine Moab erit.
Ipsa tributa dabit palmarum diues Idume;
Nostra Palaestina regia gentis erit.
Sed quis erit, qui me munitam duces in urbem?
Ecquis Idumææ ducet ad arua plagæ?
Tunc pater, qui nos sic auersaris egenos?
Nec comes armatis in fera bella venis?
Auxilium dubijs in rebus egentibus asser;
Humanum auxilium nil rationis habet.
Diuino auxilio freti rem deinde geremus;
Inijciet nostris hostibus ille fugam.

S C H O L I A.

QVI VELVT) Querimonjâ de præteritis cala-
 mitatibus publicis, cui addit precationem. A T
 N O V A) Gratiarum actio, in qua commemorat præ-
 sentia beneficia. Signum seu vexillum, arcam sœ-
 deris appellat, quæ sub Saule neglecta fuerat, r. Pa-
 ralip. 13. A T) Arca restituta. E X A D I T O) Ver-
 bum redditum. N V N C) Victoriæ: I P S A T R I -
 B V T A) Ad gratiarum actionem pertinet, quod caus-
 sam victoriarum ostendit. Hæc omni; inquit, ha-
 beo, non mea virtute, sed ope Dei mei. A V X I L I -
 Y M) Precatio;

P S A L M U S. LXI.

Exaudi Deus deprecationem.

A R G U M E N T U M.

Orat ut à populo ipse suo Deus arceat hostes,
 Ut regem meritis augeat atq; fide.
 Publica diffidijs ne res laceretur, & erret
 Ipsius à vera religione fides.

Est precatio pro rege & regno, ut & cul-
 tum DEI retineat, & regnum nullis nouis
 mutationibus perturbetur.

Vincenti in melodijs David.

SVMME Deus, qui templa tenes flammãtia cœli,
 Esse tamen præsens hic & vbiq; potes.
 Audi quos gemitus imo de pectore fundo,
 Inclina ad timidæ corda benigna preces.
 Clamor ab extremis terrarum finibus hic est
 Editus, ad sedis limina celsa tua.
 Anxia dum nimia formidine corda tremiscunt,
 Dum mea terribilis circuit ossa pavor.
 Ardua ad æthereæ deduc me culmina rupis,
 Scandere non alia quam ratione queam
 Spes quia nõ alia est nisi tu mibi, quo duce semper
 Ceu turri infesto tutus ab hoste fui.
 Ingrediar tua perpetuo tentoria, fidam,
 Dum me magna humeri contegat umbra tui.
 Tu Deus auãisti meã vota, & posteritatem

His tri-

His tribuas, qui te tempus in omne timent.
Tu dabis in terram longævum vivere regem,
Vt sans ex anno quolibet annus eat.
Ille Deo coram per secula cuncta sedebit,
Fac pietas ipsum dirigat atq; fides.
Sic tua cantando celeberrima nomina reddam,
Vt mea perpetuo tempore vota feram.

S C H O L I A.

S Y M M E) Precatio. I N G R E D I A R) Sic vocat
 locum cultus, S I C T V A) Hic exponit, quid scri-
 ptura appeller vota, laudare, scilicet Dominum.

P S A L M U S LXII.

Nonne Deo subiecta erit anima.

A R G U M E N T U M.

Vis varios dubia casus euadere vita?
Vis bene munitus vivere? fide Deo.
Fallitur, humanis si quis confidere rebus,
Nititur, vt psalmis mystica scripta docent.

Habet Psalmus duas partes: Prior infi-
 gnem consolationem & exemplum habet,
 quod imitemur in periculis, ne finamus no-
 bis excuti fiduciam, & spē opis diuinæ. Alte-
 ra habet adhortationem, vt abiecta fiducia
 carnalium præsidiorum, quæ incerta, imo ni-
 hil sunt, veram fiduciam amplectamur, quā
 Dei

Dei omnipotentia & bonitas omnibus promittit. Videtur autem peculiariter notare potentes aulicos, qui dementati praesenti fortuna, sine vlllo metu ea abutuntur ad opprimendos bonos.

Vincenti pro Idichum Pfalmus David.

ET merito, quid enim non hunc tranquilla moretur
 A quo anima haec propria iura salutis habet?
 Ceu taciturna sedens hunc respicit, hunc expectat,
 Qui mihi seruator, qui mihi certa salus,
 Sortes ipse meas velut arx munita iucetur,
 Propter & hoc lapsu nec grauiore cadam.
 Quo tandem vsq; viro vos non pudet esse molestos?
 Cuius adhuc omnes queritis exitium.
 Ceu murum fragilem, ceu vulsi fragmina septi,
 Quae vix relliquias iam tenuere suas.
 Deicere hunc vero labor est hic maximus illis,
 Et velut ex alto trudere ad ima loco.
 Illis sola placent mendacia, laudibus ora
 Plena ferunt, odij pectora virus habent.
 Ipse vbiq; expectabo Deum, tacitusq; morabor,
 Nam mea nunc ista pendet ab arce salus,
 Certa salus Deus est mihi, robur, & ardua rupes,
 Consistam, lapsu ne grauiore cadam.
 In Domino mea certa salus, mea gloria certa est,
 Petra inuicta valens, spes mea sola Deus.
 Erigite ad Dominum spes vestras, fidite in illo,
 O populi quotquot maximus orbis habet.

Hoc coram vestros animos effundite, & alti
 Pectoris affectus, spes rata nostra Deus.
 Vana est vita hominum, vana ludibria gentes,
 Et nil quo valeant vtilitatis habent.
 Si rutina dubio ponantur in orbe bilancis,
 Tum genus hoc leuius, quam nihil esset, erit.
 Non animos fallat quæcunq; iniuria vestros,
 Quos sibi vis adigit fidere, fallit opum.
 Omnia sectari vanissima parcite rerum,
 Nec vos commoueat diuitis aura lucri.
 Si fluxu rerum vos copia diues inundet,
 Diuitias prono parcite corde sequi.
 Vox audita mihi saepe est diuina loquentis,
 Virtutem summi roboris esse Deo.
 Et tibi semper adest pietas, qui digna rependis
 Pro factis, genitor munera cuiq; suis.

S C H O L I A.

ET MERITO) Consolatio, Ego me consolor fiducia diuini auxilii contra hostes meos tam potentes. QUO TANDEM) Obiurgat eos propter studium nocendi. DEICERE) Aulica vita. IPSE UTI-QUE) Redit ad consolationem. ERIGITE) Hortatur alios quoque ad similem fiduciam in Deum. VANA EST) Antithesis, sicut spes in Deum certa est, ita fiducia carnalium praesidiorum fallit. VOX) Epiphonema grauissimum.

P S A L M U S LXIII.

Deus Deus meus ad te de mane.

N

ARGU-

Hoc

A R G U M E N T U M.

*Explicat immodicos afflicti pectoris astus,
Nempe Dei verbo se cupientis ali.
Sic Saulem fugiens per inhospita tristis eremi,
Tam querula vates voce rogabat opem.*

Totus Psalmus est querimonia, quod ab-
sit à populo & cultu Dei in Hierusa'em, ac
comparat eleganter terram destitutã ver-
bo & cultu Dei, loco deserto, & carẽti aquis.
In fine accusat aduersarios, ac minatur eis,
qui huius mali caussa erant. Recte oratur
ab iis, qui per tyrannos impediuntur, quo-
minus possint verbum Dei habere.

Psalmus David, cum esset in deser-
to Iudæ.

OMNIPOTENS, rerũ sator vnice, conditor orbis
*Quem nisi te venerer? quis Deus esse queat?
 Te sequar in primis, ipsum te ante omnia quarã,
 Sive eas in tenebras, sive erit orta dies.
 Te velut agra siti mea mens desiderat, ad te
 Est mea suspirans languida facta caro.
 Donec in his lateo terris arentis eremi,
 Quas neq; fons aliquis, nec riget imber aqua.
 Sic velut in templo te contemplabar, vt essem
 Virtutem atq; tuas cernere dignus opes.
 Namq; tuam duco bonitatem hac luce priorem,
 Ergo canam laudes pectore & ore tuas.*

Te mea

Te mea lingua canet, dum spiritus hos reget ar-
 Extollam palmas laudis amore tuae. (tas.
 Exaria hanc animam precor, vt pinguedine mul-
 Ve mea sit laudi lingua soluta tuae.
 Nocte memor de te somno fugiente loquebar,
 Luce vigil de te lingua locuta mea est.
 Tu mihi Saluator, tua me regat alma voluntas,
 Me totum auxilii proteget vmbra tui.
 Te mea suspirat, tibi mens mea semper adhaeret,
 Me tua perpetua dextera fulcit ope.
 Illi autem insidias quaerunt me, vt perdere possint,
 Sub terram viui praecipitanter eant.
 In gladios recident, & amara morte peribunt,
 Atq; auidis fient praeda parata lupis.
 Rex pietate Dei fretus gaudebit in ipsa,
 Illius adiurans nomina letus erit.
 Os Deus obstruxit mendacia verba loquentum,
 Vanus adulator desit esse loquax.

S C H O L I A.

OMNIPOTENS) Querimonia. TE SEQUAR) Cu-
 pio esse Hierosolymis, vbi est cultus tuus, vbi praedi-
 catur verbum tuum, & oratur. NAMQUE TUAM)
 Haec videntur magis esse optatiua, vtinam in tem-
 plo tuo te benedicam, & tollam manus meas. TU
 MIHI) Pathos consolatur se. ILLI AUTEM) Minatur
 aduersariis. REX) Restituar regno, quantumuis
 nunc miser & exul.

P S A L M U S LXIV.

Exaudi Deus orationem meam.

A R G U M E N T U M.

*Perfidiam expertus, tum facta inimica, suorum
Saulitarum, humili voce precatur opem.
Sic & nos orare decet constanter in hostes,
Qui nusquam nobis non inimica struant.*

Est elegans oratio, instituta contra viru-
lenta consilia hostium, quos pii & Ecclesia
semper in mundo habent.

Vincenti Psalmus David.

*AUDI summe patres mea verba, hanc percipe vo-
Qua queror insidias hostis adest mihi. (cem
Cuius ad insultus tantos mea pectora muni,
Ne mea mens trepido victa timore cadat,
Ne me corripiat depresum turba malorum,
Fac aliquo tutum posse latere loco.
Qui tanquam gladios, linguas acuerè dolosas,
Quorum sunt gravibus tela parata dolis.
Ut vel ab insidiis feriant, quem perdere quærunth
Qui neq; peccatum, qui neq; crimen habet.
Lethiferas iaciunt neruo stridente sagittas,
Et capiti intentant absq; timore meo.
Consilia inter sese agitant obnoxia fraudi,
Et nisi perfidie non habitura locum.
Nam mihi componunt laqueos, & retia neclunt,
Quæ nullos hominum posse videre putant.*

Insi diat

Insidias toto meditantur pectore, quantum
 Fraudibus inuentis quisq; valere potest.
 Sed Deus & celeres in noxia corda sagittas]
 Diriget & subito vulnere percutiet.
 Ipsis exitium sua frivola lingua paravit.
 Omnibus vt fierent risus & opprobrium.
 Omnes ista homines spectantes facta stupebunt.]
 Iam non immemores hoc opus esse Dei.
 At qui iustus erit Domino confidet, & ipsi
 Nuens perpetuo tempore latus erit.
 Et quorum directa Deo sunt pectora, viuent.]
 Hac his perpetua gloria laudis erit.

S C H O L I A.

AUDI) Propositio. QUI TANQ.) Narratio. in
 qua commemorat periculum, & egregie pingit ad-
 uersarios. SED DEUS) Comminatio. Malum con-
 siliium erit consultori pessimum. AT QUI) Consola-
 tio piorum.

P S A L M U S LXV.

Te decet hymnus Deus in Sion.

A R G U M E N T U M.

Qui populo sua verba suo dedit, ipse tuetur,
 Dat pacem, & frugum tempora larga Deus.
 Quas quotus agnoscit, quibus auget, dotib. annis?
 Quas canit hic, satis his nullus Homerus erit.

Est suauissimus Psalmus: primi versus ha-
 N 3 bent

bent gratiarum actionem, Deinde orat pro remissione peccatorum, pro conseruatione verbi, & pro exauditione. Postremo commemorat beneficia Dei politica, quod donet pacem, & benedicat agro, ita vt totus annus sit quasi corona ex beneficijs Dei connexa. Quidam Psalmum hunc allegorice accipiunt de regno Christi & nouo Testamento, propter duos versūs: Omnis caro ad te venit, &c. Tu es spes omnium finium terræ, & eorum qui remoti degant in Insulis. Non enim huiusmodi prophetiæ rara sunt, inuolutæ allegorijs.

Vincenti canticum & Psalmus David.

NOS tua, mundi opifex, cœlestia iussa manentes,
Spectamus tacito pectore quicquid agis.
 Interea ferimus tibi debita munera laudum,
Quem decet in sancta laude Sionæ coli.
 Nos tibi vota pio persoluimus omnia ritu,
Et querulas pleno fundimus ore preces.
 Et quoniam precibus sacras placaris ad aras,
Ad tua templa pater confluet omnis homo.
 Nos tibi plus nimio deliquimus, eia age sasso,
Respice, da veniam, pande salutis iter.
 Felicem, quem tu delegeris, & tibi carum
Feceris, vt tecum limina sancta colat.
 Ille domus bonitate tuæ satiabitur, idem
Ibit ouans templi de dititione tui.
 Iusticia nobis respondens mira fideli,

O Deus, ô mea spes, gloria, vita, salus.
 Spes hominum, quicunq; habitant regna vltima
 Et procul in vasto littora sparsa mari. (terra,
 Qui validos magno fundauit robore montes,
 Virtutis propria viribus omnipotens.
 Qui fera latisoni compefcit murmura ponti,
 Et fremitus vasti quos iacit vnda maris.
 Qui premit insanos populo frendente tumultus,
 Agmina qui nutu seditiosa fugat.
 Vt timeant quicunq; habitant extrema locorum,
 Dum tua mirantes signa stupenda vident.
 Te duce lata via est loca per quacunq; mecantura.
 Siue aurora rubes, Hespere siue siue cadis.
 Climata latiuaga tu respicis omnia terra,
 Quam iugi irriguam fonte vitere facis,
 Quam facis omnigena rerum ditione beatam,
 Dulce tuum variis flumen abundat aquis.
 Sic lata segetes, sic pingua culta virescunt,
 Per te sic fructus parturit omnis ager.
 Frugiferos riguo potas aspergine sulcos,
 Gleba tuo cultu nulla iacebit iners.
 Imbribus humectans arenia viscera terra,
 Per te larga suas copia fundit opes.
 Quadrifidum variis locupletas dotibus annum,
 Quas datus è plenis nubibus humor alit.
 Sic tua distillant pingues vestigia succos,
 Et toties pedibus semita vrita tuis.
 Deserti loca, dura prius, cultissima fient,
 Frucliferi montes iam sua dona ferent.

*Innumeri per prata greges viridantia pascent,
 Obsita planities frugibus omnis erit.
 Tunc iucunda nouo sustollent iubila plausu,
 Tunc tibi mortales carmina leta canent.*

S G H O L I A.

Nos TVA) Gratiarum actio. Nos TIBI)
 Oratio pro remissione peccatorum. IUSTICIJA)
 Verbum respondendi recte hic exponitur, pro exau-
 dite, vt sit sententia, Responde nobis: seu exaudi nos
 secundum admirabilem iustitiam tuam. QUI VA)
 LIDO S) Gratiarum actio pro pace: CLIMATA)
 Pro commoda tempestate. QUADRIEIDUM)
 Psalmus vtitur verbo, coronas, vt significet istam
 continuam varietatem, quod singuli menses nouos
 suos fructus terra marique habeant per vices.

P S A L M U S LXVI.

Iubilate Deo omnis terra, Psallite.

A R G U M E N T U M.

*Sape suo populo, media iam mortis in hora
 Affuit, auxilio non remorante, Deus.
 Sic & adhuc à morte suos, & ab artibus hostis
 Seruat, vt exemplis omnia plena docent,*

Est gratiarum actio, quod Deus populum
 & Ecclesiam suam, etsi affligi finit, tamen
 non deserat, sed suo tempore potenti manu
 liberet, sicut in mari rubro liberauit à ty-
 ranno Pharaone.

Laticia

LÆTICIAE noua signa Deo date, tollite plausus,
 Qui varie cultam cunq; tenetis humum.
 Ipsius assiduo celebrantes nomina cantu,
 Gratifica soli psallite voce Deo.
 Dicite terribili meritas super omnia laudes,
 Dicite terribilis facta stupenda Dei.
 Hostes vana tui præsument omnia, nec sunt
 Robora cuncta hominum viribus aqua tuis.
 Omnia te magna venerentur climata terra,
 Laude tui resonet nominis omne solum,
 Huc agite, ô cuncta spectatum accurrite gentes,
 Quæ Deus in cunctis quantaq; rebus agat.
 Humida qui magni desiccet marmora ponti,
 Mobile qui certum per mare sternit iter.
 Hic facit vt siccis pedibus maria alta terantur,
 Innumera hinc nostrum gaudia pectus habent.
 Illius est nullum sortita potentia finem,
 Ille videt quicquid maximus orbis habet.
 Ille humiles alto prospectat ab æthere terras,
 Surgere qui possit nemo rebellis erit.
 Nostro grata Deo populi date munera laudum,
 Gratifica soli psallite voce Deo.
 Ille anima vitam nostræ dedit, ille tuetur,
 Ne titubent, nostros sustinet ille pedes.
 Sicut ad examen nos, nostraq; facta probasti,
 Qualiter artifices æra probare solent.
 Impuleris licet inclusos nos sicut in arcem.
 Nostra licet multa corpora mole graues.
 In capita impositos tulimus quos ipse iubebas,

Per medias flammās iuimus, & per aquas.
 Tu tamen in multa terram nos dote beatam.
 Eductos, placida viuere pace iubes.
 Ergo tui ingrediar sanctissima limina templi,
 Votaq; persoluam persoluenda tibi.
 Quorum me damnant labiorum verba meorum,
 Tempore quo rebus fors fuit atra meis.
 Pinguis persoluam sacras holocausta per aras,
 Cade tibi agnorum multa rubebit humus.
 Præterea faciam vitulis & bobus opimis,
 Ut cadat ante aras hostia multa tuas.
 Huc Domini quoscunq; tenet timor vllus adest,
 Vestraq; sit verbis auris aperta meis.
 Narrabo quæcunq; Deus mihi fecerit, & quæ
 Sint ab eo vitæ dona tributa mea.
 Voce mea quoties ipsum in mea vota vocaui,
 Visus erat toties maximus esse mihi.
 Si tamen inueniar mihi conscius esse malorum,
 Amplius haud nostras audiet ille preces.
 Nunc tamen exaudi miserum me, & verba præ
 Respice, nec famuli reiice vota tui. (cantu.)
 Gloria sum me tibi, tibi laus, Deus optime, soli,
 Qui vacuas nostras non sinis esse preces.
 Qui miserum pietate tua dignaris, & auges,
 Verba nec auerso lumine nostra vides.

S C H O L I A.

LARTICIAE) Exordium, in quo hortatur ad gra-
 tiarum actionem. DIGITE) Narratio, in qua com-
 memorat

memorat beneficia Dei, propter quæ sit laudandus. HUMIDA) Commemorat liberationem, factam in mari rubro, cum qua confert sui temporis singularia beneficia. ILLE ANIMAE) Etiam pericula amplificat, ut tanto ad gratiarum actionem sint excitatiores. PER MEDIAS) Sic vocat figurate extrema pericula. ER GO) Redir ad gratiarum actionem. PINGUIA) Publicis beneficiis subiicit suum exemplum, quomodo varie sit adiutus à Deo & liberatus.

P S A L M U S LXVII.

Deus misereatur nostri, & bened.

A R G U M E N T U M.

Imperium Christi vates canit esse futurum.

Quod comitabuntur, gratia, pax & amor.

Vocem Evangelii procul in gentes abituram,

Non modo Iudææ regna per arcta domus.

Est precatio pro verbo Evangelii: In eo enim vere ostenditur nobis facies Dei, hoc est, Christus, & ipsa Dei misericordia. Habet autem manifestam prophetiam, quod gentes sint populus Dei futuræ, & pars regni Christi. Neq; enim eas inuitat ad circumcisionem aut legem, sed simpliciter ad fidem & gratiarum actionem.

SIT PIUS & faueat nobis Deus, annuat idem,

Lumina nos vultus posse videre sui.

Ipsius ut totum sic semita nota per orbem,

Quamq;

Quamq; sit in cunctis gentibus alta salus,
 Omnes te populi laudent, tibi seruiat orbis,
 Omnia sint laudis climata plena tuae.
 Omnes exultent populi, tibi iubila dicant,
 Terrarum iudex tu quia iustus eras.
 Iusticia quit cuncta regas, modereris & orbem,
 Et quicumq; in eo qua loca cunq; colunt.
 Omnes te populi laudent, tibi seruiat orbis,
 Omnia sint laudis climata plena tuae.
 Sit pius, & faueat nobis Deus, vt sua tellus
 Largiflua vberibus semina fundat agris.
 Exhibeat nobis solita pietatis honorem,
 Quem nostrum merito dicimus esse Deum,
 Omnia sic ipsum terrarum extrema timebunt,
 Quem stupet, & mundi machina tota tremat.

S C H O L I A.

SIT PIUS) Orat pro fructu verbi. TERRARUM
 IUDEX) Iudicare & regere, est verbo arguere pecca-
 ta, & promittere remissionem peccatorum, ac sic li-
 berare ab hostibus, morte, peccato, &c.

P S A L M U S LXVIII.

Exurgat Deus, & dissipentur ini.

A R G U M E N T U M.

Quam latè Regis pateant Ecclesia, fines.
 Imperii, & quam sint magna trophæa, tui.
 Quæ tibi Rex sanctus sit munera sancta daturus.
 Hæc te Psalmographi carmina sancta docent.
 Est. in.

Est insignis prophetia de regno Christi & Christo, in qua bellè describit regem seu caput regni, Christum, quod resurrecturus sit, ascensurus ad cœlos, daturus Spiritum & dona Spiritus, scilicet apostolos & prophetas, qui per verbum Sathanam conculcaturi, & Christo regnum paraturi sint. Addidit etiam de synagogæ interitu, & abrogatione legis ac cultuum eius. Ac hortatur ad gratiarum actionem & diligentem orationem, ut Deus hæc dona conseruet.

Vincenti Palmus & canticum Dauid.

DEXTRA vbi cōsurgens se mouerit alta tonātū,
 Mox capiat celerem turba inimica fugam.
 Agmina mox fugiant retrò dispersa malorum,
 Nec sacri vultus fulmina tanta ferant.
 Vt faciles vacuum sparguntur in aëra fumi,
 Sic disperse hostes conditor alme tuos.
 Fusilis oppositos ut cera liquefeit ad ignes,
 Sic pereat peccans impius ante Deum.
 Delitius at plena habeant sua gaudia iusti,
 Ante Deum iusti gaudia certa ferant.
 Grata Deo iussis diffundite carmina linguis,
 Ipsius ut sacrum nomen ad astra ferant.
 Exequate viam venienti è sedibus altis,
 Qui placidos infert in sua regna pedes.
 Sicut enim Dominus vgrè est, ita iure vocatur,
 Læticia nobis caussa sit ante Deum.

Qui

Qui viduas curat, carisq; parentibus orbos,
 Ipse habitat sedis templa beata sua.
 Ipse domos steriles fecundis foetibus implet,
 Vincitorum, domito carcere, vincla leuans.
 Hunc qui despiciunt, huic qui parere recusant,
 His habitanda dabunt arida rura locum.
 Cum Deus ante tuum populum gradereris, & o-
 Vasta per agrares, quicquid eremus habet. (nunc
 Omnia tunc magne tremuerunt viscera terræ,
 Tunc subitis aër imbribus vdis erat.
 Nam Deus ille aderat, cuius presentia rupis
 Sinaidos celsa legit in arce locum.
 Qui Deus Israël, ut est, sic iure vocatur,
 Cuius ad aspectum cuncta creata tremunt.
 Languida facta tua est genitor possessio, & aret,
 Mitte salutare, quæ medeantur, aquas.
 Vt tua fructiferas habitent animalia terras,
 Pisce tua miseros dexteritatis ope.
 Ipse suum verbum Dominus dabit, omnia fient
 Regna Euangelii lumine plena noui.
 Ipsi inter sese reges, quibus agmina parent
 Bellica, amicitie fœdera percutient.
 Post hæc ipsa domus habitatrix inclitya magna
 Equa lance nouas ankumerabit opes.
 Cum tamen extremas inter recubabitur oras,
 Et loca qua limes claudit vtrinq; suus.
 Tunc erit argento celeris tincta ala columbæ,
 Aurea tunc placidæ penna volucris erit.
 Hanc super omnipotens cum reges proferet, ora
 Vel sub

Vel sub nocte, feret candidiora niue.
 Mons Domini mulca rerum vbertate redundans,
 Altus & eximia fertilitate potens.
 Vestra quid erigitis præcelsi culmina montes?
 Ante alios ipsi mons placet iste Deo.
 Hoc in monte d. mum sibi legit, vt esset in illa
 Perpetuo, nec enim desinit esse Deus,
 Quis Deus inuehitur, quot nam sint millia currus?
 Aut quot myriades, quis numerare queat?
 Ipsis inuehitur Deus in loca sacra profectus,
 Qua ceu Sinaidos culmina rupis habent.
 Ascendisti etenim Deus hinc euectus in altum,
 Captiuos tecum victor ab hoste vehens.
 Pro populis etiam tibi sunt data dona receptis,
 His etiam qui te non habuere Deum.
 Vt tua perpetuū maneat domus inclita in æuum,
 Vt tua in hoc maneant nomina sancta loco,
 Perpetuo Domini celebremus tempore laudes,
 Quæ nobis adhibet frena salutis erunt.
 Nam Deus hic nobis Deus est vita atq; salutis,
 Et Dominus per quem mors quoq; victa fugit.
 Vulneribus tamen affliget caput hostis acerbis,
 Qui male suscepta nescit abire via.
 Rursus ab vberibus referam, Deus inquit, opimū
 Ex rapida vasti concauitate maris.
 Vt tuus hostili rubeat pes sanguine tinctus,
 Et canibus fiat sanguis vt esca tuis.
 Quanta tui fuerit Deus excellentia gressus,
 Vidimus, ô regum maxime, summe Deum.

Præce-

Præcedunt placida tibi carmina voce canentes,
 Post hos qui manibus musica pleetra mouent,
 Tympana quos inter pulsantes rauca puella,
 Dulcia multiplici iubila voce canunt.
 Tota Deo resonet meritas Ecclesia laudes,
 Fontis vbi Israël nobilis vnda fluit.
 Illic Benamine puer dominaberis illis,
 Neq; tua proceres fortis Iuda tribu.
 Et qui magnanimi Sebulonis sceptrâ gubernant,
 Naphthalidos qui sunt de dititione domus.
 Te tuus ingenti Deus auctum robore fecit,
 Fac Deus in nobis, quod facis, esse ratum.
 Propter clara tui Solymorum nomina templi,
 Constituent reges munera multa tibi.
 Argue condensa residens in arundine monstrum,
 Præualidos terræ dissiice pelle faga.
 Qui valide trucibus non cedunt robore tauris,
 Qui tanquam vituli luxuriare solent.
 Qui sibi diuitias summum posuere beatum,
 Gentes perde, quibus bella nefanda placent.
 Egypti proceres venient, tua nomina reges
 Aethiopum multa religione colent.
 Ferte Deo reges terrarum cantica laudum,
 Omnia terrarum psallite regna Deo.
 Qui cælo Dominus primaeva ab origine rerum
 Insidet, huc, illuc, per sua regna, volans.
 Emittere vocem, cum voce tonitrua mittet,
 Fortia diuinæ fulmina vocis erunt.
 Illius aeterno summum date robur honori,
Illius

Illius Israël gloria scepera regit.

Illius in cunctas gentes est summa potestas,

Qui facit in sanctis facta stupenda suis.

Hic super Israël Deus est, hic robora mittet

Multa suo populo. Laus tibi summe Deus.

S C H O L I A.

DEXTRA) Patheticum exordium, in quo male precatur synagoga & hostibus Evangelii, econtra precatur bene Ecclesie credentium. GRATA) Propositio. EXAEQUATE) Molliter vehetur, non sicut in Sinai. SICUT) Narratio, in qua primum describitur ex factis caput regni Christum, ac non obscure eum Deum esse predicat, siquidem divina opera ei attribuit. CUM DEUS) Secundo describit adventum eius. Facit autem insignem collationem legis in Sinai, & Evangelii in Sion vulgati. LANGUIDA (In) dicatiua debebant esse. Nunc non venis cum tali tempestate, sed gratam Evangelii pluuiam mittis. IPSE) Hic exponit pluuiam, debebant autem presentia esse, non futura. IPSE INTER) Reges sunt apostoli, seruiantes Ecclesie. CUM TAMEN) Quia Ecclesia per verbum militat contra mundum & Satanam, comparat eam exercitui castra metanti in aperto campo, ubi arma fulgent, sicut pennae columbarum in Sole. HANC SUPER) Sententia est: Si Dominus huic exercitui, id est, Ecclesie, dat suos duces, id est, apostolos, tunc, etiam si nox, id est, afflictio sit, tamen habebunt lucem & solatium suum. VESTRA) Addit collationem, & Ecclesiam sic instructam verbo, praefert potentiae & opibus mundi. QUIS DEUS) Sicut antea comparauit reuelationem Evangelii cum reuelatione legis in Sinai: Ita propter

propter maiestatem hic etiam comparat cum ea ascensionem Christi ad cœlos, cuius fructus numerat, deuictum Sathanam ac mortem, & ministerium Euangelii cum dono Spiritus sancti. **PERPETUO**) Pathos. **VULNERIB.**) Prophetia de synagoga abiecta, propter inobedientiam erga Euangelium. **RURsus**) Quidam malunt hic proprium vocabulum: Dixit Dominus, restituam ex Balan, vt sit sententia, Loco abiectæ synagogæ, gentes assumam. Nam Balan fuit in finibus Iudææ. Non volo contentus esse finibus terræ Canaan. Alii appellatiue reddunt, ex pingui- bus restituam, id est, ex synagoga reliquias saluabo. **QUANTA**) Hic inserit descriptionem pompæ, quæ iterum pingit Ecclesiam, qualis sit, ibi enim gratias agunt & laudant Deum omnes. Quidam in ministerio sunt ad docendum, consolandum, excitandum. **BENIAM. PUER**) Paulus. **DEQUE TUA**) Iacobus, Iudas **ET QUI**) Petrus, Andreas, Philippus. **FAC DEUS**) Oratio pro Ecclesia. **CONSTIT.**) Gentes. **ARGUE**) Orat contra synagogam. **ÆGYPTI**) Vocatio gentium. **FERTE**) Gratiarum actio. **EMITTENS**) Prædicatio Euangelii.

PSALMUS LXIX.

Saluum fac me Deus, quoniam.

A R G U M E N T U M.

*Ceu Christus metuens obeundæ vulnera mortis,
Vatidico Psalter hæc pius ore canit.
Qua de morte locus non est expressior alter,
Vt prædicta satis fel & aeta docent.*

Est ora-

Est oratio CHRISTI in cruce & doloribus mortis positi, propter nostra peccata. Orat autem liberationem propter totam Ecclesiam, sicut dicit: Non confundantur propter me hi, qui te expectant, &c. Synagogam autem execratur & abiicit. Quia autem singularis prophetia est, fecit titulum Psalmi de liliis & rosis.

Vincenti de liliis David.

*O DEVS, huc saluator ades damna ultima passo,
 Omnibus auxilio qui potes esse, veni.
 Serva me miserum, quem subruit unda malorum,
 Tam gravis, ut vitæ certa pericla ferat.
 Immersus jaceo cœni sub mole profundi,
 Non aliquem fundum tristis abyssus habet.
 Deveni immensum pelagi prouectus in altum,
 Serva meum feriens obruit vnda caput.
 Dum queror, assiduo fissis clamore fatigor.
 Vix aliquid possunt guttura rancia loqui.
 Lumina deslituunt ad te spectantia, donec
 Auxilium expectant, unde venire solet.
 Plures sunt etenim, qui me execrantur inique,
 Silua pilos capitis quam gerat alta mei.
 Qui mihi sunt hostes, non vlllo crimine laesi,
 Horam est facta potens in mea damna manus.
 Quam nunquam eripui ceu pradam solvere co-
 Falsaq; delicti pœna erat ista mei* (gunt
 O 2 Stulti-

Stulticia tu cuncta mea discrimina nosti,
 Et mea facta oculos non latuere tuos.
 Ne sine confundi, ne quis pudor occupet illos,
 Me propter, qui te spem posuere suam.
 Arbitrator armorum Deus Israël & auctor,
 Ne sine confundi, qui tua iussa manent.
 Te propter siquidem sum multa opprobria passus
 Et mea diffamias contegit ora pudor.
 Iudicor esse meis alienus fratribus, & nec
 Ut faciem nossent, sustinere meam.
 Sacra domus miranda tuae quia semper amabam
 Hic ego zelotes, & sine fine fui.
 Quaeque in te iaciunt hostes opprobria, duxi
 In me iacta, animo nec patiente tuli.
 Arida miscebam multo ieiunia fletu,
 Atque haec est probro res quoque versa mihi,
 Cum mea contegerem deformi corpora sacco,
 Fabula mox, de qua colloquerentur, eram.
 Vana loquebantur de me quam plurima cœtus,
 Qui loca portarum publica adire solent.
 Ebria quique olidis depotant vina tabernis,
 De me fingentes carmina sœda canunt.
 Verum ego continuis precibus tibi vota ferebam
 Tempore, quo rebar posse placere tibi.
 Pro pietate tua fer opem non digna ferenti
 Mi Deus, & querulas accipe quaeso preces.
 Eripe me obsceni de vaslo gurgite limi,
 Ne miser urgentes obruar inter aquas.
 Liber ut osorum laqueos contemnere possim,
 Ne ferat

Ne ferat exitium dira vorago mihi.
 Ne me latifluis tempestas obruat undis,
 Ne caput infaustum sorbeat alta palus,
 Ne super inclusum puteus claudatur abyssi.
 Et premat inferno corpore marsa lacu.
 Exaudi quia summa tua est bonitas q̄; s̄idesq̄;
 Respice me, pietas nam tua sine caret.
 Ne vultus auerte tuos à voce precantis.
 Namq; mea est multis anxia vita malis.
 Exaudi, fer opem cito, dum premit hostis & irget.
 Nunc animam vindex asserere ab hoste meam.
 Ipsa inimicorum moueant te opprobria, vt isto
 Me conseruatum conditione velis.
 Tu probra, quæ patior, mea tu omnia scādala no-
 Quæ mihi turba nocens fecerit, ipse vides. (sti
 Tot mihi probrosa perfringunt pectora voces,
 Quæ mihi præcipui causa doloris erant.
 Talia quærebam miserantem incommoda rerum,
 Quem mea mouissent vulnera, nullus erat.
 Circumspectabam, qui solaretur egenum,
 Hoc quoq; qui vellet sumere, nemo fuit.
 Quin mihi quam dederant famis egro in tempore
 Mistra venenatis fellibus esca fuit. (dura
 Et mea mordaci turbarunt pocula aceto,
 Arerent nimia cum mea labra siti.
 In laqueos cibus ipsorum vertatur, vt inde
 Scandala te pœnas retribuente ferant.
 Lumina ne videant ipsorum nube tegantur
 Perpetua, lambis illa fracta trabant.

Flumina tota tui super hos effunde furoris,
 Conterat arreptos pectoris ira tui.
 Horum omni careant deserta palatia cultu,
 Dignetur vacuas nemo habitare domos.
 A te percussum quia plus affligere querunt,
 Vulneribusq; tuis addere plura student.
 Fac precor, adiciant sceleri scelus, vt sacra nun-
 iusticie possint tecta subire tuae, (quam
 Non sint in numero meritorum premia vite,
 Scriptaq; cum iustis nomina nulla ferant.
 Exul ego, & nimius turbat cui pectora mœror,
 Virtutis videam dona beata tuae.
 Ipse Deo dicam noua carmina, & esse fatebor,
 Qui sit magnifico dignus honore coli.
 Omnibus & vitulis, & bobus cornibus auctis,
 Officium Domino gratius illud erit.
 Ista vident humiles, & toto pectore gaudent,
 Perpetuo viuent pectore nixa Deo.
 Nam Deus auxilio iuuat, atq; exaudit egentes,
 Captiuis solitus dexter adesse suis.
 Illū laude ferant cœlū, mare, sidera, tellus, (bent,
 Quicquid et hac extra est, quicquid & intus ha-
 Nam Deus ætherea saluabit ab arce Sionem,
 Vrbes restituet fortis Iuda tuas.
 Rursus & his habitent homines, & iugera terra
 Hæredum proprio pinguia iure colant.
 Atq; ea posteritas per secula longa tenebit,
 Horum, quos Dominus inuuit amare Deum.

S C H O L I A.

O DEUS) Precatio seu propofitio. I M M E R S U S) Narratio, in qua commemorat afflictiones. Q U A M N U N Q) Hic noſtra peccata Chriſtus in ſe transfert. N E S I N E) Reperit precationem, T E P R O P T E R) Ratio, ex cauſſa calamitatis ducta, Dum tuæ voluntati obſequor, & gloriam tuam affero, in hæc mala incidi, ergo inuua. V A N A) Hi ſunt Scribæ, Phariſæi, Pontifices. P R O P I E T A T E) Subinde inter narrandum ad precationem redit. E X A U D I) Hunc modum orandi omnes pii ſequuntur, vt propter miſericordiam & bonitatem Dei ſe exaudiri, letant. I N L A Q U E O S) Poſt expoſitam calamitatem vertitur ad ſynagogam, & extrema mala ei imprecatur, ſpiritualia & corporalia, vt ſint ſine verbo & cultu, ſine poſteritate, & ſomni genere malorum exerceantur. E X U L E G O) Redir ad precationem, & addit gratiarum actionem, cultum ſcilicet noui teſtamenti, abrogatis cultibus legis. N A M D E U S) Eccleſiæ credentis in Chriſtum promiſſio.

P S A L M U S L X X .

Deus in adiutorium meum inten.

A R G U M E N T U M .

*Orat ab inſidiis defendi poſſe malorum,
 Qui tot, & infeſti ſunt ſine fine bonis.
 Tota ardens odiis, quia turba Cainica, noſtram
 In cladem & vitam nocte dieq; furit.*

Est plane idem argumentum cum præcedenti Psalmo. Orat enim contra synagogam infidelem, & pro Ecclesia.

VT, QVIBVS inuoluor clades euadere possim.

Tu mihi festinam, mi Deus, affer opem.

Alorum infamis turbet confusio vultus,

Insidias vitæ qui posuere mee.

Retro abeant, velox ignominia opprimat omnes,

Qui nisi nil optant plurima damna mihi.

Retro abeant, pudor occupet inuidiosus euntes,

Qui mihi succlamant: hoc erat illud, habet.

Iubila letantes animos testantia fundent,

Quorum sunt soli dedita corda tibi.

Hi verba assiduis gratantia vocibus edent,

Gloria, laus, & honor, sit tibi summe Deus.

Et nunc exilio, non paupertate maligna

Pressus in hostiles sum data præda manus.

Festinam Deus affer opem, ne forte moreris,

Tu mihi nam Deus es, tu mihi certa salus.

P S A L M U S LXXI.

In te Domine speraui non confun.

A R G U M E N T U M.

Rebus in afflictis Dominum sibi adesse precatur.

Et quam non habeat, ferre salutis opem.

Hæc tamen ipsa potest Ecclesia voce precari

Præcipue hoc ipso tempore pene senex.

Caret

Caret Psalmus titulo, fortasse quod sit oratio totius Ecclesiae omnium temporum, pro conseruatione verbi, & liberatione à tyrannis & persecutoribus, quos Ecclesia semper passia est, maxime autem in postremis temporibus, quæ sunt veræ Ecclesiae seminum, propterea quod spiritus & alia dona sunt ratiore, quam fuere in primitiua Ecclesia, & sub prophetis.

O PATER, ô hominum, diuûmq; aterna potestas,

Fidere cui possim te sine nulla via est.

Denigret ne fœda meam confusio vitam,

Eripe ab hostili, per tua iura, manu.

Audi humiles inclinata, precor, aure querelas,

Et famuli serua pecciora fessa tui.

Tu mihi ceu rupes fortissima, cuius in arcem

Confugere & muro tutior esse queam.

Nunc quoq; seruari tibi me spes optima venit,

O arx presidii non capienda mei.

Eripe me manibus patrantis pestima turba,

Ne forte in laqueos impius hostis agat.

Te moror, in te vna summa expectatio nostra est,

Donec ad hos venit prima iuuenta dies.

In te nitor adhuc ab eo quo tempore primum

Aluus, me puero, matris aperta fuit.

Te duce me genitrix vitalibus edidis auris,

Ergo agor ingenti laudis amore tuae.

Prodigio similem multi me sepe vocabant,

In te nixa tamen spes mihi fortis erat.

Laude tua mea lingua loquax atq; ora reddent,
 Nulla dies careat laudis honore tuæ.
 Cum mea subrepens tardabit membra senectus.
 Ne rogo proiectum deseruisse velis.
 Cum mihi decrescant effæto in corpore vires,
 Tunc ego sim curæ pars quotacunq; tuæ.
 Consultant siquidem de me, qui sepe minantur
 Insidias structas in caput esse meum.
 Non secus, ac si tu me abieceris, omnia tentant,
 Dum possint aliqua parte nocere mihi.
 Horum aliquis, non ergo sequi conabimur, inquit,
 Quem nemo eripiat, vincere posse leue est.
 Huc ades auxilio, fer opem, ne forte moreris,
 Viribus hostiles destituantur opes.
 Omnibus opprobrio fiant, & fabula vulgo,
 Qui mala non merito tot scelerata struunt.
 Ipse animam tolerans patienter ad omnia sistam,
 Et semper tecum laus tua maior erit.
 Iusticiæ decus omne tuæ mea lingua loquetur,
 Et sine quæ numero dona salutis habes.
 Incipiam narrare Dei quam magna potestas,
 Quanta sit haud vllam vis habitura parem.
 Quam tibi fidentes animo sis iustus in omnes,
 Non meus hic animus desinet esse memor.
 Doctior excessi per te iuuenilibus annis,
 Et tua tempus ad hoc facta stupenda loquor.
 Quin mea cum senium cana niue tempora sparget,
 Tunc me neglectum, ne patiare, rogo.
 Donec venturis memores si tua robor a seclis,

Notaq;

Notaq; sit dextra vis generosa tua.
 Iusticia excelsi tua sidera pulsat olympi,
 Magne parem possit quis reperire tibi?
 Quin tot & arumnis, qui me & tot cladib. offers,
 Rursus & in vitam mortua membra leuas.
 Atq; iterum ex ima reuocatum reddis abysso,
 Et facis ostenso sole videre diem.
 Extollisq; iterum, & magnum facis esse videri,
 Solatus placida tristitia corda manu.
 Ergo ego nunc laudum praeconiis magna tuarum,
 Pectine cum fidibus non reticente cano.
 Te citharae, te nostra canent psalteria, magne
 O Israelis maxime gentis honor.
 Laudibus ipsa tuis gestit mea lingua canendis,
 Et qua debetur, vita redempta tibi.
 Iusticia mea corda tua meditantur honorem,
 Nec sine laude tua praeterit vlla dies.
 Ut pudefacti omnes referant sua scandala secum,
 Qui bene nil, de me quod meditentur, habent.

S C H O L I A.

O PATER) Prior pars Psalmi nihil est nisi pre-
 catio, quam varie pro affectu mentis exponit, inter-
 textis alicubi eausis, &c. T E M O R O R) Insignes
 voces fidei. P R O D I G I O) Ecclesia in mundo ceu
 prodigium. C U M M E A) Senectus est Ecclesia vlti-
 morum temporum. C O N S U L T A N T) Pericula
 Ecclesiae tyrannis. H U C A D E S) Imprecatio con-
 tra hostes Ecclesiae. I N C I P I A M) Altera pars Psalmi,
 gratiarum actio, in qua ostendit cultum noui tes-
 tamenti, praedicationem scilicet misericordiae Dei.

D O N E C)

D O N E C) Ecclesia duratura vsq; ad finem mundi.
Q U I N T O T) Vide Ecclesie formam, ista perpetua
 sunt vices, affligi, & iterum liberari.

P S A L M U S LXXII.

Deus iudicium tuum regi da, &c.

A R G U M E N T U M.

*Christidos hic etiam fidei regnum esse futurum
 Spargendum toto quod sit in orbe, canit.
 Tollendum veterem, Mosæa piacula, cultum,
 Dogmata sic ritus instituenda noui.*

Est insignis propheta de regno Christi,
 & ipso Christo, quod sit Deus: quia dicit:
 Timebunt eum, quam diu Sol & Luna erit.
 Item: Omnes reges adorabunt eum, quod
 in regno eius condonabuntur peccata. In-
 undabit iusticia, & afflicti liberabuntur. Hæc
 beneficia magnifice prædicat. Dicit quoq;
 de cruce, quod qui in tali regno sunt, isti pa-
 tientur suos hostes, & occidentur. Sed con-
 solatur hic quoq; preciosam talem mortem,
 non ignominiosam aut malam esse in con-
 spectu Christi. In fine addit de cultu Eccle-
 sia, de prædicatione beneficii Christi.

Solomonis.

*QVI virtute tua rerum moderaris habenas,
 Iusticiaq; regis: huic quid, vbiq; regis.*

Quæ

Quæ tua sunt permitte tuo moderamina regi,
 Iusticiam natum regis habere sine.
 Legibus ut populum proprium tibi iudicet æquis,
 Præsit & exulibus cum bonitate tuis.
 Extollant populo pacis noua fœdera montes,
 Colles iusticiæ dona beata ferant.
 Consulet exulibus, reget arbiter æquus egentes,
 Amplius haud ullis fraudibus hostis aget.
 Vindice namq; cadet destructa calumnia ab illo,
 Amplius artificem non habitura suum.
 Omnes te metuent gentes dum lumina Solis,
 Cornua dum luna se variantis erunt.
 Sicut in expositum vellus cælo editus imber
 Defluet, ut pluuiæ quæ loca sicca rigant.
 Ipsius vnanimis florebut tempore iusti,
 Illa salutiferæ tempora pacis erunt.
 Pax erit hæc iustis totum diuturna per orbem,
 Donec erunt lunæ cornua nulla super.
 Littoribus regno contraria littora iunget,
 Orbita qua terra, qua patet vnda maris.
 Hinc vbi felices fœcundat Iordanis agros
 Terrarum ad fines proferet imperium.
 Accola latinagæ ante ipsum procumbet eremi,
 Turba inimica dabunt oscula pulueribus.
 Littora cuncta maris, maris intima regna tenen-
 Innumeri reges munera multa dabunt. (tes,
 Fortunati Arabum reges, regesq; Sabæi,
 Debita de patria gente tributa ferent.
 Hunc & adorabunt reges, & seruiet illi

Quit-

Quicquid ubiq; hominum maxima terra creat.
 Eruct ille inopes depressos mole laborum;
 Et quibus auxilii spes rata nulla fuit.
 Exulis atq; inopis miserebitur, ipse salutem
 Conferet. & miseris auxiliator erit.
 Illorum insontes animas à fraude maligna
 Ducet & expositos non sinet esse dolis.
 Ipsorum innocuo fusus de corpore sanguis,
 Ante ipsum precii nobilis instar erit.
 Viuet, & ex Arabum feret aurea munera gazis,
 Perpetuo querulas audiet ipse preces.
 Copia nascetur frumenti in montibus altis,
 Illius, vt Libani, concutientur opes.
 Illius incipiet florere per oppida fructus,
 Vt noua que primo gramina vere virent.
 Illius aeternum manet indelebile nomen,
 Sole sub aeternum hoc nobile nomen erit.
 Hoc gentes nomen se longe extendit in omnes,
 Perpetuo hoc totum tempore nomen erit.
 Cuncta per hoc nomen felicia secula fient,
 Hoc gentes omnes nomen honore colent.
 Dignus es aeterno Deus Israëlis honore.
 Qui, quaecunq; facis, facta stupenda facis.
 Ipsius aeterno nomen celebretur honore,
 Ipsius est omni gloria digna loco.

S C H O L I A.

QUAE TUA) Ordinar prophetiam à voto,
 vocat autem Christum regem, & filium regis Dauid,
 dis, pro

dis propter promissionem. CONSULET (Iam descri-
bit regnum, quod sit futurum æternum regnum &
in quo sit remissio peccatorum & gratia. SICUT
IN) Alludit ad historiam Gideonis, Iudicum 6. AC-
COLA) Vocatio gentium. HUNC) Gentes non cir-
cumcidentur, non alia legis opera facient. Hoc fa-
cient, adorabunt & seruient ei, Psalm. 2. ERUNT)
Regnum gratiæ. ANTE IPSUM) Ecclesia occiditur.
PERPETUO QUER.) Hoc insigne est, quod audit o-
rantes. FLORERE) Comparat Ecclesiæ incrementa
fecundo agro. HOC GENTES) Alludit ad promissio-
nem, Benedicentur in eo omnes gentes. IESUS) E-
piphomena.

FINIUNT ORATIONES
Davidis filii Isai.

P S A L M U S LXXIII.

Quam bonus Israel iis, qui recto.

A R G U M E N T U M.

*Erudit aduersus Pharisei scandala mundi,
Quæ mentes hominum sæpe mouere solent.
Cum videant florere malos, & crescere rebus,
Cladibus afflictos omnibus esse pios.*

Est idem argumētum cum Psalmo trice-
simo septimo. Cōtinet enim insignē doctri-
nam, ne scandalo istō cōmuni offendamur,
quod pii affliguntur in hac vita, impii au-
tem flo-

tem florent, & felices sunt: sed vt nos sole-
mur verbo in nostris calamitatibus, & ex-
pectemus in patientia vindictam, quam
Deus suo tempore de impiis sumet.

Psalmus Asaph.

*QUI nisi quod rectum faciunt nihil, & sub aperto
Pectore nil fictæ simplicitatis habent:
Hos amat, his bonus est Deus, hos virtutibus au-
Quo genus et vitâ cunq; sub axe trahunt. (get,
Ipse quidem pedibus titubassem pene vacillans,
Et via, qua stabam, lubrica facta fuit.
Namq; videns stolidos animo indignante ferebam
Impia tam pulcra nomina pace frui.
Nam nec atrox dura mortis metus imminet illis,
Nec stabiles! forti fors rotat vlla manu.
Sicut enim scopulis obeuntibus insita turris,
Illorum nulla vi quatiuntur opes.
Non hos, vt reliquos homines, dea luminis expert
Deiicit aut fugiens terga videre iubet,
Non hos arumnaq; graues, duriq; labores,
Non hos pauperie tristia fata premunt.
Illorum ergo suas immensa superbia laudes
Inuenit, & tales friuola cuncta decent.
Diuitiis tumidi primos venantur honores,
Et sibi quæ libeant cuncta licere putant.
Iam quoq; turpis inest stolido iactantia fastu,
Vt lingua nequeant pogere frena sua.
Omnia contemnunt, præter sua facta, suoq;
Omnia*

Omnia iudicio discutienda putant,
 Omnia sicut agunt, sic & violenta loquuntur,
 Sape etiam superos lingua superba petit.
 Vaniloquo summum tetigerunt gutture cœlum.
 Garrula per totam lingua vagatur humum.
 Talibus accedunt igitur pars maxima vulgi,
 Quos apud aptatis exatiantur aquis.
 Dicere nec metuant: q̄s enim sciat hæc Deus: an sit
 Mens aliqua excelsi, quæ sciat ista, Dei?
 Hæc est illa sue contemrix turba salutis,
 Hæc est illa suo gens malefida Deo.
 Hos fortuna fauens in sede locauit honorum,
 His & opes parent, & fauor omnis adest.
 Ergo ego sum frustra cur crimine purus ab omni?
 Quid iuuat incestas non habuisse manus?
 Cur ego continuo tot sum mala passus? & in me
 Tam cito plagarum seuiit omne genus?
 Certe ego, nam fateor, cernēs bona fata malorum,
 Talia dicentes pene secutus eram.
 Sed ne sic genus electum spreuisse viderer,
 Nullaq; pars populi dicerer esse tui.
 Sollicito varios voluebam pectore motus,
 Si caperent sensus talia facta mei.
 Sed mihi difficiles tulit hæc agitatio curas,
 Et labor inquirens irritus ista fuit.
 Donec operta Dei mysteria mente subirem,
 Exitus istorum quis foret, inde notans.
 Tu siquidem illorum vestigia lubrica penis,
 Et velut immisso turbine sternis humi.

Quam cito prætereunt, quam desolantur in horâ,
 Quam pereunt subito, deficiantq; metu.
 Vt vaga monstifera vanescunt somnia noctis,
 Lamina cum fugiens deserit arcta sopor:
 Sic Deus istorum laruas & inania tolles
 Monstra, nec in vivis amplius esse sines.
 Sed nunc triste mihi est cor ac erbo vulnere fixum,
 Inguinaq; expunctis renibus agra dolent.
 Stultus enim insipiens, & acuti pectoris expers
 Ipse fui, & vultus ut pecus ante tuos.
 Sed tamen à te abii nunquam, tibi semper adhæsî,
 Neve aliò recidam, me tua dextra tenet.
 Consilii directâ tui me semita ducit,
 Assumptumq; novo prorsus honore beas.
 Concilio intuleris superûm, cæloq; locaris,
 Quem sequar in cælo, te sine, nullus erit.
 Reddideris terra, terras donaueris omnes,
 Quem sequar in terris, te sine, nullus erit.
 Nunc mea defectis caro viribus agra fatiscit,
 Nec sua consuetum pectora robur habet,
 Robur & auxilium Deus est mihi pectoris huius,
 Hac ego perpetuo parte beatus ero.
 Nam quicumq; abeunt à te, longeq; recedunt,
 Illorum tenebris obruta vita perit.
 Qui te cunq; negant, & qui tua signa relinquunt,
 Confusos propriis sensibus esse facis.
 Sed mihi con-tuens Domino est hæsisse voluptas,
 Et soli vtilitas fidere magna Deo.
 Vt tua per cunctas narrem miracula gentes,

Deus & laudis nomina summa tua.

S C H O L I A.

QUI NISI) Propositio. Deus etsi affligi suos finit, tamen eos non deserit. Prius autem quam hanc propositionem probat, instituit narrationem, in qua exponit scandalum de impiorum successu, quo sententia ista à propheta proposita videtur everti. ERGO ERGO) Occupatio, quæ eleganter pingit scandalum. Animi enim, cum per impatientiam franguntur, & vident suam calamitatem, malorum autem successum, sollicitantur ad impietatem, & sentiunt se Deo non esse curæ. SED NUNC) Hic se erigit contra scandalum, ac proponit illustrem sententiam de tota Ecclesia, quæ etiam afflicta est, & varie patitur. Qui inquit, ex eventu huius vitæ volet iudicare, is necesse est damnet omnes filios Dei, & totam Ecclesiam, quia enim affliguntur, videntur à Deo deserti. Sed falsum est iudicium hoc, quod ex eventu seu specie externa sumitur. SED MIHI) Ratio, ex hoc scandalo non potest se expedire, Sed verbum Dei ostendit, futurum, ut & pii tandem liberentur, & impii pereant. Argue hic incipit propositionem probare, quod pii Deo curæ sunt, siquidem liberantur, & impii peceunt. SIC DEUS) Insignis comparatio. SED NUNC) Antequam experiuntur hæc, pii varie tentantur. CONTRARI) Insignes consolationes contra hoc scandalum, quod etsi pii afflicti sint, tamen in hoc sunt vere domini mundi, quod habent Deum amicum & defensorem: Ergo vera est propositio: Bonus est Deus Israel his, qui recto sunt corde, &c. NAM QUICUNQ.) Antithesis.

P S A L M U S LXXIV.

Vt quid Deus repulisti in finem?

A R G U M E N T U M.

*Contra hostem, qui templa Dei vertebat, & urbem
Chaldaeam dicas Antiochumue licet.*

*His precibus nos crudeles vitemur in hostes,
Præcipue larvas impia Roma tuas.*

Est prophetica oratio, pro populo Dei & templo seu cultu contra gentes, quæ populum captivum abducturæ, & templum profanaturæ erant, sicut per Chaldaeos, & postea per Antiochum factum est.

Erudiens canticum Asaph.

SVMME parens rerum, quid nos ita clade repulsi?

Asidua, perimi, destituiq; sinis?

Perpetuone tuæ furor in nos saniet iræ?

Cum simus fidei credita turba tuæ.

Pascua non alio tua qui pastore tenemus,

Grex tuus, & vultus pasimur ante tuos.

Respice queso tui memor ad discrimina cætus,

Quem tu sic proprie iusseris esse tuum.

Quos velut heredum statuisti in sorte redemptos,

Per loca quæ celsi culta sionis amas.

Conculca pedibus diros atrocibus hostes,

Contere, & ex alto deice ad ima loco.

Cuncta profanarunt magni sacraria templi.

Rugili

Rugiit ante aras impia turba tuas.
 Constituere tuas victricia signa per vrbes,
 Altaq; sacrilega rapta trophæa manu.
 Non secus ac dense cadentes robor a sylua,
 Frondea lignifera brachia falce metunt.
 Illi sculpturas omnes, tabulataq; ferro,
 Deiciunt sacra tam preciosa domus.
 Sacra tua absumunt victricibus omnia flammis,
 Limina conspurcant nominis alta tui.
 Constituere animo secum semel omnia raptim,
 Perdere, & in prædam vertere nostra suam.
 Hi cunctas rapidis consumunt ignibus vrbes,
 In quibus officus sunt loca sacra tuis.
 Edita signa olim non amplius vlla videmus,
 Amplius est nobis nemo propheta super.
 Non super est aliquis qui verum dicere possit,
 Qui, quæ nos deceant, recta videre queat.
 Quo tamen vsq; isthæc conuicia fæda feremus?
 Quamue erit ista diu pestis inulta tibi?
 Tempore quam longo tibi blasphemabit iniquus?
 Qui tua spurcidica nomina voce notat.
 Cur manus auersa est nobis tua, quidue remota
 Et placido nobis est tua dextra sinu?
 Sed tamen ipse mihi Deus es pater, arbiter & rex
 Ex quo sunt vita tempora cæpta mea.
 Qui vaga quisquid habent terrarum regna salutis,
 Hoc opus omne tuum est, hoc tua dextra facit.
 Tu virtute tua findis vada cerula ponti,
 Te victore Draco concidit inter aquas.

Tu capita elidis magnorum grandia cete,
 Vitis cremicolis vade sit, atq; cibus.
 Tu liquidos rumpis fontes, tu flumina siccas,
 Est tua clara dies, nox tenebrosa tua est.
 Tu lucem statuis, tu magni lumina solis
 Sub noctem condi, mane redire iubes.
 Omnes tu certo concludis limite fines,
 Quos mare, quos terra, quos habet aura leuis.
 Tu facis aestiui torrentia tempora solis,
 Seruit & hiberni sideris hora tibi.
 Ergo age crudelis reminiscere probra tyranni,
 In tua que demens nomina turba iacit.
 Ne dederis lanianda feris tua viscera, neue
 Bestia consumat turturis ossa tua.
 Neue tui prorsus populi obliuiscere catus,
 Qui vel in exilio gens tibi fida sumus.
 Respice nobiscum, quod quondam fœdus inisti,
 Nam loca deuastans cuncta tyrannis habet.
 Passæ extrema domus, desolataq; ruinis,
 Vastata speciem nunc regionis habent.
 Ne patiare inopem confundi, nam tua laus est
 Exulibus grato semper in ore tuis.
 Surge pater, caussamq; tuam defende, memento
 Opprobrii, quo te despicit hostis iners.
 Ne, precor hostilem Deus obliuiscere vocem,
 Qua malus insultat nocte dieq; tibi.
 Nam magis atq; magis seui accreuere tumultus,
 Nec finem hostilis fastus habere potest.

S C H O L I A.

SUMME) Propositio. PASCHA) Amplificat propositionem: Sumus tuus populus, apud nos est domus tua. CUNCTA) Narratio, in qua exponit calamitatem. EDITA) Signa populi Dei sunt prophetæ, & verbum, id in illis turbis etiam interiisse cõqueritur. QUOTAMEN) Hic redit ad precationem. CUR MANUS) Subiicit querimoniam longam commemoracionem veterum beneficiorum & omnipotentiam Dei, ut se excitet hoc modo ad spem auxilii, firmius retinendam. TU VIR T.) Miraculum in mari rubro contra Aegyptios, quorum spoliis populus locupletatus est. ERGO AGE) Hic se excitat ad fortius orandum, & addit rationes, tua gloria periclitatur in nostra calamitate, sumus enim populus tuus, cui promissisti tuam opem, &c. RESPICE) Hoc in oratione aptissimum est, vrgere promissiones Dei.

P S A L M U S L X X V.

Confitebimur tibi Deus, confir.

A R G U M E N T U M.

Nos solatur agens in hypocrisis arma malorum,
 Qui sua, quæ iactant, dogmata verè putant.
 Edocet esse Deum qui verè iudicet omnem
 Perfidiam, quæ nos ladere cunq; potest.

Hunc Psalmum recte exponunt in persona Christi, ut sit prophetia de regno Christi, indicante per verbum in mundo, & seruante Ecclesiam suam. Synagogam autem

autem cum omnibus Euangelii hostibus
perdente. Atque hanc sententiam confir-
mat secundus & ultimus versus: Secundum
æquitatem iudicabo, & : Confringam om-
nia cornua impiorum. Hæc solus Christus
per verbum Euangelii facit.

Vincenti Palmus & canticum Asaph,
ne periret.

*L*AUDIBVS offerimus meritis te maxime rerū,
Laudimus offerimus te Deus alme tuis.
Et quoniam nostris prope sunt tua nomina votis,
Narrantur dextra facta stupenda tuae.
Tunc ubi tempus erit placidū mihi, tunc ego vero
Iudicio cunctis munera iusta feram.
Terra liquefacta est, & terra regna colentes,
Ipse suis stabilem sedibus esse dedi.
Sape ego dicebam stultis iam vana secuti,
Stulticiam vobis ponere tempus erat,
Et quos impietas perdit sua, ponite fastus.
In vestrum veniant cornua nulla caput.
Cornua ne nimium vobis excelsa leuantur,
Desinite audacter verba superba loqui.
Nam virtus, quæ vera homines extollere posset,
Non venit ex ortu frugifer Eure tuo.
Non etiam tepido vitalis ab orbe Fauoni,
Sed neq; de vastis, solinagiq; locis.
Sed Deus est iudex, qui, cum libet, abiicit illum
Ad Styga, cum volet, hunc in loca celsa leuat,
Sustinet ille manu plenum cratera lyao.

Nulla

Nulla meraca magis vina fuisse ferunt.
 Ex illo cuicumq; volet sua vina propinat,
 Illius at feces impia turba biber.
 Ipsi autem aeternas persoluant carmina laudes
 Illi, qui Deus est magne Iacobe tibi.
 Omnia confringam reproborum cornua, vt ex hoc
 Cornua iustorum surgere celsa queant.

S C H O L I A.

LAUDIBUS) Orditur à gratiatumactione. TER-
 RA) Narratio de inuulgato in mundum Euangelio.
 SAEPE EGO) Obiurgat securam synagogam & ty-
 rannos. CORNUA) Rectius est, vt hæc exponantur
 recitatiue: Nolite loqui collo præfracto, quod neq;
 ab ortu, neque ab occidente, nec à deserto malum
 imminet. Quin hoc credite, Deum esse iudicem, nec
 perpetuo passurum vestram securitatem. EX ILLA)
 Ecclesia etiam affligitur, sed impii in afflictione per-
 eunt.

P S A L M U S LXXVI.

Notus in Iudæa Deus in Israel.

A R G U M E N T U M.

Conseruata canit Solymaa mœnia gentis,
 Quamuis innumero milite cincta forent.
 Sic etiam ipsius est defensa Ecclesia dextra,
 Hæresium licet banc cingat iniqua manus.

Est gratiarū actio pro duplici dono Dei,
 quod dat Ecclesiæ & populo suo verbum &
 P 5 pacem,

pacem, dum defendit contra vim tyrannorum.

Vincenti in melodiis Psalmus & canticum Afaph.

NOTVS Iudai Deus in regionibus orbis,
Semper in Israël nobile nomen habet.
In Solymis namq; ipse sibi tentoria fixit,
Huic domus est rupes, quam colit alta Sion.
Illic horribiles clypeos, arcusq; rebelles
Fregit, & irata bellica tela manu.
Terribiles aliis reges tua gloria vincit,
Prædatrix cedit subdita turba tibi.
Omnia terrarum cedunt altissime regum
Nomina, non secus ac præda relicta tibi,
Succubère tibi quantumuis ante feroces,
Non secus ac somno, languida membra, graues.
Dura prius fortes committere bella suèti,
Mox tibi victrices supposuère manus.
Dixeris ira aliquid commotior, ilicet ibunt
Voce tua in nihilum currus, & acer equus.
Quis tua sustineat metuendi fulmina vultus,
Cum tua terribiles traxerit ira minas?
De summo in tonuit tua vox iustissima cælo,
Territa conticuit numine terra tuo.
Quando ad iudicium Deus exurgebat, vt ipso,
Quo voluit miseris tempore ferret opem.
Namq; quod humanis mouere affectibus ira,
Debetur merito gratia multa tibi.
Verum quæ reliqua est, & vindex ira malorum,
Nos

Non habet exacti temporis illa modum,
 Si qua Deo forsitan vouisti, reddite vota,
 Soluite terribili munera iusta Deo,
 Qui magnos animos adimit, viresq; superbis,
 Quem regum terra maxima sceptrâ timent.

S C H O L I A.

NOTUS) Primum beneficium, donum verbi & cultus Dei. ILLIC HORRIB.) Alterum donum, pax & defensio contra iniuriam hostium. DIXERIS) Elegans, & vere prophetica amplificatio: Vno verbo fugas iratum hostem. SI QUA) Epiphonema, quo hortatur totam Ecclesiam ad gratiarum actionem.

P S A L M U S LXXVII.

Voce mea ad Dominum clamaui.

A R G U M E N T U M.

Cum subit ira Dei mentem sua vulnera fassam,
 Talia sic trepidans, signa pauoris agit.
 Hec tamen ipse pios solatur imagine vates,
 Vt toto incipiant fidere corde Deo.

Est doctrina & consolatio insignis, quomodo animi tristibus cogitationibus & aliis incommodis oppressi, se debeant erigere, vt primum orent, deinde se erigant recordatione mirabilium operum Dei. Hoc qui non faciunt, & solícite oculos in præsentia incommoda defigunt, dolorem frustra dolori addunt.

Iuxta

Iuxta Idithum Afaph Psalmus.

ANTE Deum supplex lacrimosa voce precabor,
 Aversus precibus non erit ille meis.
 Tempore fortuna quo me insectante premebar,
 Quem peterem, porius proximus, ille fuit.
 Noste manum tota nunquam tibi tendere cesso,
 Nec mea fert aliqua dextra quiete frui.
 Non est hac anima qui vulnera curat egentis,
 Consolatrices nam fugit ipsa manus.
 Sensibus attonitis & tota mente tremisco,
 Cum subeunt animo facta stupenda Dei.
 Spiritus exangui sub pectore deficit æger,
 Conatus quoties sum tibi pauca loqui.
 Non finis in dulcem solui mea lumina somnum,
 Non potis est aliquid territa lingua loqui,
 Prisca reuoluebam repetito tempora sensu,
 Quiq; tot annorum prateriére dies.
 Nocte meos repeto memori sub pectore cantus,
 Cumq; meo tacitus plurima corde loquor.
 Ergone nos Dominus per secula cuncta relinquet?
 Ergone non ultra mitis & æquus erit?
 Nunquid in æternum pietas defecit ab ipso?
 Nunquid promissi non stat, ut ante, suis?
 Anne sit oblitus misereri nunquid ab ira
 Amplius immensa, nil pietatis habet?
 Hæc meditans mecum dicebam sæpe, sed hæc est
 Conditio carnis, quam queror, ægra mea.
 Hæc est diuina voluens mutatio dextra,

Omnia

Omnia quæ vicibus temperat ipsa suis.
 Ergo memor tua facta Deus mirabor ab annis
 Antiquis, quorum gloria magna tua est.
 Omnia per manuum meditabor facta tuarum,
 Virtutesq; tuas hic & ubiq; loquar.
 In sancto posuere tuæ vestigia plantæ,
 Quis tibi pars propriis viribus esse queat?
 Tu Deus es, qui summa facis miracula solus,
 Per quæ te notum gentibus esse facis.
 Tu virtute tua fortis, tu robore dextre;
 Soluisti populi vincula dura tui.
 Vincula Deus rupit quondam durissima natis.
 Nempe & Iosephi, nempe Iacobe tuis.
 Territa conspexere Deus te flumina aquarum,
 Te præsentem tremens omnis abyssus erat.
 Fuderunt pluias grâvidæ, ceu flumina, nubes,
 Continuis tellus imbribus vda fuit.
 Horrida collisa mouere tonitrua nubes,
 Rupere aërias fulgura crebra plagas.
 Vox tonituum metuenda tui circumvolat orbem,
 Quem videt æthereæ machina tota domus.
 Illustrant humiles tua flammea fulgura terras,
 Contremuit tellus mota timore tui.
 Tu Deus immensi transis vada cœrula ponti,
 Tu pedibus calcas flumina magna tuis.
 Nec tamen vlla pedum vestigia visa tuorum,
 Nulla vis superant signa relicta tuæ.
 Sicut oves per Aaronem, Mosenq; potentes,
 Ducebas populi castra recepta tui.

S C H O L I A.

ANTE DŪM) Narratio; in qua proponit suum exemplum, quod in afflictione & doloribus animi, oratione utatur. SENSIBUS) Aptior sententia est: Cum animo perturbor, tum recordor Dei, cum mœrore afficitur anima mea, tum querelas facio. SPIRITUS) Explicat vim & magnitudinem dolorum animi. NOCTE) Hic exponit, cuiusmodi sint illæ cogitationes, quæ somnum non admittunt. HÆC MEDIT.) Reprehendit propheta istas quietelas, quibus animus magis perturbatur, & se erigit fiducia potentis dextræ Dei, quam Deus variis modis in populo suo ostendit. IN SANCTO) Epiphonema, Sanctæ sunt viæ tuæ, tua consilia sunt sancta & abscondita, atque ita ingreditur narrationem nouam mirabilium, quæ Deus in populo suo fecit. TERRITA) Mare rubrum. FUDERANT) Tempestas, qua periit Pharao.

P S A L M U S LXXVIII.

Attendite popule meus legem meam.

A R G U M E N T U M.

*Instruit exemplis vsq; Israël ab ortu,
Fidere saluanti per mala cuncta Deo.
Sicut enim saluat, quos comperit esse fideles,
Sic reprobos ira vindice semper agit.*

Totus Psalmus est narratio, in qua commemorat perpetuam Dei beneficentiam, ac populi peccata & malitiam. Hortatur
igitur

igitur commemoratione pœnarum populi ad timorem Dei, & obœdientiam erga legem, & commemoratione beneficentiæ, hortatur ad fiduciam in Deum. Atque hic Psalmus clare docet, quomodo sacræ historiæ sint tractandæ, nempe ut ad fidem & timorem Dei referantur.

Erudiens caaticum Asaph.

ACCIPITE hæc animis, & pectore discite toto,

Quæ loquar, ô populi concio tota mei.

Hic patulas dictis adhibete fidelibus aures,

Quæ meditor vobis, non sine teste, loqui.

Temporis aggredior memorare insignia priscei

Facta quibus credi possit adesse fides.

Omnia quæ nostras fando venere per aures,

Et nobis nostri quæ retulere patres.

Quæq; per ipsorum non sunt occulta nepotes,

Quorum est hæc etiam conscia posteritas.

Hi merita Domini virtutes laude ferebant,

Quæ gessit forti facta stupenda manu.

Decretum statuens Iacobo grande reliquit,

Legem Israëlẽ iussit habere suam.

Quæ proavos iussit nostros mandare futuris,

Duret ut in tota hæc posteritate fides.

Ut nati natorum, & qui nascantur ab illis,

Talia perpetuo tempore facta sciant.

Dehinc, ut et ipsorum si quando adoleuerit ætas,

Narrarent pueris hæc quoq; facta suis.

In solo ut spes tota Deo consisteret ipsis,

Ipsius

Ipsius vt possent iussa verenda sequi.
 Ne patribus fierent similes gens vana, rebellis,
 Perfida, nec iussam docta tenere fidem.
 Gens quæ claustra sui non munit intima cordis,
 Cuius erat fallax spiritus ante Deum.
 Quales posteritas Ephraimi beca suæti,
 Et gerere armata tela cruenta manu.
 Hi tamen euersi sub iniqui tempora belli,
 Perfidia penas persoluere sue.
 Nam neq; diuinæ seruârunt fœdera pacis,
 Tradita nec Domini iussa tulere sequi.
 Ipsius immemores operum, quæ fecerat ipsis,
 Quæ videre oculis mira peracta suis.
 Ipsorum proavis miracula multa peregit,
 Quæ vagus Egypti Nilus inundat agros.
 Ostia quæ spectat stagnare Tanitica pontus,
 Qui nostras alio scindit ab orbe plagas.
 Equoreas diuisit aquas, mediumq; per equor
 Duxit & errantes sicca per arua, suos.
 Illos aëriam inuisit præcedere nubem,
 Cum facerent clara tempore lucis iter.
 Illos luciferam inuisit præcedere flammam,
 Cum facerent nigra tempore noctis iter.
 In vasta rigidas rupes confregit eremo,
 Vberibus petans, quas petra fudit, aquis.
 E siccis faciles deduxit rupibus vndas,
 Fluxerunt rapida fluminis instar aqua,
 Sic meritum tamen ingrati mala plurima contra
 Patrantes, iussam non tenere fidem.

Ausi etiam tentare Deum, nec pectore fido
 Poscebant vite plura alimenta sua.
 Tunc Dominum contra sunt friuola multa locuti,
 Præcipue audaci talia verba sono:
 Anne cibos, pastuq; paret Deus vberè mensam,
 Humana nunquam per loca culta manu?
 Duxerit vndantes sicco de marmore riuos?
 Vberibus torrens fluxerit vnda vadis?
 Anne igitur panem populo dabit? anne parabit,
 Quas placide largas carnis edamus opes?
 Ista videns Deus, ista suis postquam aurib. hausit,
 Iam nimium candens ipsius ira fuit.
 Mox in stirpe Jacob flamma exardescere cœpit,
 Ira per Israel grandis oborta fuit.
 Nam neq; crediderant Domino, nec totius ipsum
 Mittere sperabant posse salutis opus.
 Ipse per aërias mandauit nubibus arces,
 Iussit & atherias sponte patere fores.
 Et pluit immensos super ipsos manna per imbres,
 E cœlio populo tritica missa dedit.
 Calestem grandis panem de nubibus ætium,
 Mortalis cupidâ fauce comedit homo.
 Nubila commouit Nabathæi flatibus Euri,
 Attulit hinc pluuia humidus auster aquas.
 Tum pluuio largas demisit ab æthere carnes,
 Grana quot inmensi pulueris esse solent,
 Pennigerarum auium fuit innumerabilis imber,
 Vix numero vasti certet arena maris.
 Tam populosa locus nullus per castra vacabat,

Cui non alituum copia plena foret.
 Nec passu tenuère modum, permiserat ipsis
 Namq; voluptates exatiare suas.
 Quas postquam explessent, & adhuc fruerentur &
 Dulcis & hic vdo naret in vrs cibus: (dentes
 Ira Dei grauis apprehendit nil tale timentes,
 Et tulit infesta corpora lecta manu.
 Eximios populi iusta succidit in ira,
 Castra necis vacuum vix habuère locum.
 Sed neq; sic fugère suis offendere factis,
 Qui pia facta ipsis contulit ista, Deum.
 Horum igitur sine honore dies consumpsit, et annos
 Inclusos breuibz sinibus esse dedit.
 Cum tamen afficeret pœnis crudelibus ipsos,
 Nec sineret iustis cædibus esse modum.
 Protinus iratum conuertebantur ad ipsum,
 Mane requirentes quem repulère, Deum.
 Tum memores agnoscebant, quia petra salutis
 Effet, & ipsorum libera vita Deus.
 Ore quidem blandi, linguis mendacibus, ipsi
 Corde procul recto, mollia verba dabant.
 Nec tamen aut pacto stabant, nec fœderis icûi
 Seruabant vera simplicitate fidem.
 Ipse autem pius & miserator sæpe ferebat,
 Se scelere offendi, perfidiaq; pati.
 Ignoscebat enim reprobis, nec funditus vlla
 Excindi potuit conditione pati.
 Sæpe etiam auertit iustam moderatior iram,
 Nec tumide bili libera frena dedit.

Nam memor attendit, quia sunt caro, sicut in au-
 Ventus qui præter, non rediturus, eat. (ras
 Tempore quam longo, deserta per aua nunquam
 Subdere se Domino sustinere suo?
 Ad subitum quoties ipsum mouere furorem,
 Per loca non hominum, non ope culta boum!
 Auerfis quoties tentarunt mentibus ipsum,
 Ore laceffentes non sapiente Deum?
 Ipsius obliti dextera vis quanta fuisse,
 Tempore quo reduces victor ab hoste tulit.
 Quanta per Aegyptum signa ostentari agnoscam,
 Pascua qua Taneos maxime Nile rigas.
 Vertit in horrendum cum flumina tota cruorem,
 Possit ut inde aliquam nemo leuare sitim.
 Muscarum omne genus quando his immisit, ut i-
 Insaturabilibus morsibus exederent. (psos
 Intulit ut ranas, pluuio velut imbre, palustres,
 Quæ popularentur quicquid ubiq; foret.
 Ipsorum sædo dedit omnia germina bruchis,
 Agrorum cultus dira locustia tulit.
 Botriferas rapido prostravit grandine vites,
 Fructiferas moros missa præina tulit.
 Cum pecora ipsorum penetranti fulmine stravit,
 Ut raperent rotos fulgura saua greges.
 Quando in eos metuenda sui tormenta furoris
 Intulit irati cætera signa Dei.
 Et miseris passim cacodæmonas incurstantes,
 Et misera plenas anxierate minas.
 Quando ita dabat ipse sua cursumq; viamq;

Et meritis nusquam cætibus abstinuit.
 Cum dedit ipsorum raptura animalia pesti
 Omnia, nec quicquam pertulit esse super.
 Primitias Egypte tuas, hominumq; ferarumq;
 Abstulit, antiqui culta per arua Chami.
 Sicut oves populum migrantem duxit, & ibant
 More gregis, forti per loca fasta manu.
 Duxit ab infesto securos hoste, nec vllus
 His metus hostilis, nec pavor vllus erat.
 Verum hostes tanquam fugientia castra securos,
 Iussa Deo vindex obruit vnda maris.
 Inde suum populum sacram sibi duxit in oram
 Montem hunc, quæ propria condidit ipse manu.
 Gentibus expulsis, qui terram hanc ante tenebāt
 Hæredes ipsam iussit habere suos.
 Quam ceu funiculis dimensam partibus æquis
 Distribuit, totis vt coleretur agris.
 Quæq; prius coluere alia tentoria gentes,
 Israëliticas iussit habere tribus.
 Post tamen hæc iterum excelsi mouere furorem
 Tentantes Dominum per mala facta, suum.
 Protinus auerso sunt facti corde rebelles,
 Sicut & ipsorum saepe fuere patres.
 Auersi à Domino toties abiere retrorsum,
 Tanquam arcus, tantum qui solet esse minus
 Illius, ab quoties, irritauere furorem,
 Cum lucos colerent, per inga celsa, sacros.
 Cum statuas facerent, & muta idola pararent.
 Quæ sibi ceu proprijs constituere deos.

Vidit

Vidit, & ingentem Deus hic exarsit in iram,
 Hinc fuit Israël maxima plaga tibi.
 Nam tua proiecit vehementer nomina, & odit,
 Testatus capiti damna futura tuo.
 Tunc sibi sacra olim Syloia templa reliquit,
 Cultaq; presenti limina saepe Deo.
 Transtulit ipsorum virtutē, & robur ad hostem,
 Summus & infesto splendor in hoste stetit.
 Tradidit & populum gladio, atq; excanduit ira,
 Hæredis populi per mala facta sui.
 Ignibus immixtis perit consumta iuuentus.
 Et de virginibus nulla querela fuit,
 Hostili gladio ceciderunt sacra ferentes,
 Qui viduas posset plangere, nemo fuit.
 Et veluti somno Deus experrectus ab alto est,
 Fortia vt exclamans qui mera vina bibit.
 Ipse suis maxibus cedens hostilia terga,
 Opprobrium cunctis gentibus esse dedit.
 Impia proiecit tentoria fortis Ioseph,
 Et fuit tribui non Ephraime tua.
 At genus Israëligena sibi legit Iudæ,
 Et iuga quæ summi celsa Sionis amat.
 Illic extruxit velut alta palatia, quorum
 Tempore perpetuo tecta superba colat.
 Non secus ad terram cui fundamenta locarit,
 Extremo finem non habitura die.
 Et sibi dilectum Dauidem elegit, & ipsum
 Ex ouium caulibus ad sua sacra tulit.
 A sædis vterosq; ferentibus abstulit illum.

*Pasceret vt populum dux Iacobe tuum.
Sicut & acceptum non falso pectore paut.
Et vera duxit cum ratione gregem.*

S C H O L I A.

ACCIPITE) Exordium habet locum attentio-
nis. TEMPORIS) Propositio. QUAEQUE) Rectius.
Nec ea celemus filios eorum. DECRETUM) Lex data
populo in Sina. VT NATI) Vult pietatem propagari
in posteritatem. IN SOLO) Fides & obcoedientia con-
iunguntur. QUALES) Ephraim, antequam reges ha-
beret, populus tenuit imperium, & fuit tum quoque
tabernaculum in Silo, sed & tabernaculum & imperi-
um translata sunt in alias teibus propter peccata
Ephraim. IESORUM) Aegypti miracula. TANITICA)
Tanim Hebraei Zoun vocant, regiam Pharaonis, Ae-
gypti metropolim. ILLOS) Exod. 17. IUSSIT) Exod.
16. COELES. Num. 22. PROTINUS) Calamitas facit
vt orent. NAN MEMOR) Nostra misera conditio
Deum commouet, vt ignoscat peccantibus. VERN-
TIT) Exod. 7. CHAM) Cham Noe filius. MONTE)
Terra Chanaan. AT GENUS) Tabernaculum trans-
latum in Hierusalem.

P S A L M U S LXXIX.

Deus venerunt gentes in haeredi.

A R G U M E N T U M.

*Excidium spectans vrbi, temploq; futurum,
Hic Dominum precibus flectere visus erat.
Nos quoq; lucifagos verbi flectemus in hostes
Hac, quo nulla queunt icla ferire magis.*

Est idem

Est idem argumentum cum Psal. LXXIV.
Videt futuram vastitatem templi & populi
per Chaldaeos, & orat pro auxilio.

Psalms Asaph.

SPERAME Deus, cui sancta suos Ecclesia cultus
Debet, & acceptas quas tibi seruat, opes.
In tua venerunt externa munera gentes,
Templa profanantes nominis alta tui.
Gens fera, pacifera turbatrix nata quieti,
In tua sacrilego milite inuasa ruit.
Diruit excisas deiectis manibus vrbes,
Structa prius, cumuli diruta saxa iacent.
Celi uagas volucres proiecta cadauera pascent
Corpora, quae sanctis fida fuere tuis
Dentibus omnigenū laniantur membra ferarum,
Quae fuerant populi pars quota uia tui.
Innocuo vacuas implerunt sanguine fossas,
Qua sita sunt vrbis mœnia sancta tuæ.
Sicut aqua, fuso fluxerunt sanguine riuo.
Putris adhuc multa eade madescit humus,
Fœda per ingentes iacuerunt funera campos,
Ex animis nemo, qui sepeliret, erat.
Finitimæ rident gentes mala nostra, nec ullo
Tempore non lati vulnera nostra vident.
Vicinis ignominie sumus undiq; nostris,
Et leuibus facti fabula digna iocis.
Heu pater, afflicta spes vnica & vltima plebis,
An tua sperandum non habet ira modum?

Quam nos ista diu premet indignatio? quamq;
 Ardens ista tui flamma furoris erit?
 Quin potius gentes alias, atq; impia puni
 Pectora, quæ nomen non didicere tuum.
 Hinc auerte tuos aliena in regna furores,
 Quæ tua non aliqua numina voce vocant.
 Nam populo possessa tuo bona cuncta vorarunt,
 Et desolatas deripuere domos.
 Ne rogo ne noceat nobis, quia plurima fontes
 Nos vitia arguerint, & malefacta premunt.
 Quæ tu dum reputas, nolis meminisse priorum.
 Sed cito fer miseris, nos miseratus, opem.
 Festinam fer opem miseris, quia prorsus inanes,
 Auxiliq; inopes indiga turba sumas.
 Eia ades, auxilioq; iuua, quos nulla salutis
 Te sine spes reficit, nec ratio vlla leuat.
 Respice nos per eam, varia quæ nescia sortis,
 Nominis est vere gloria summa tui.
 Supplicibus placare tuis, audiq; benignus
 Quas tibi sollicito fundimus ore preces.
 Cur aliquis nobis dicat de gente profana,
 Quis Deus est horum? siq; sit vllus, vbi est?
 Eia age, summe pater, reprobas vlciscere gentes,
 Vindictam videant lumina nostra tuam.
 Effuso de plebe tua pro sanguine pœnas
 Exige, supplicium vindice sume manu,
 Hostibus vt fiat tua nota potentia nostris,
 Et discant istam pertimuisse manum.
 Vinctorum gemitus audi, lacrimasq; videto,

Et fer in aspectus illa venire tuos.
 Reliquias misere religatas eripe morti,
 Robore, quod tecum cuncta creata trahis.
 Neve impune ferant tot dicta opprobria, in ipsos
 Ter quater hostiles illa refunde sinus.
 Ut tibi, non nobis, sese exprobrasse maligni,
 Sed sibi lugubri conditione, sciant.
 At nos & populus tuus, & tibi debita soli,
 Per tua, grex ouium, pascua sparsa sumus.
 Nos tua, magne pater, praeconia magna sanemus,
 Mobile dum fixo fidere tempus erit.

S C H O L I A.

SUMME DEUS) Querimonia de vastitate populi per Assyrios facta. HEU PATER) Precatio in qua obferua, quomodo misericordiam apprehendat, & petat propter nomen Dei liberationem. Aspergit autem affectus: Nos sumus tuus populus, illi gentes sunt, &c. NE ROGO) Remitte peccata, atque hic disce, quia calamitates plerunq; sunt poenae peccatorum, simul pro remissione peccatorum orandum esse, cum pro liberatione oramus. RESPICE) Non propter merita aut dignitatem nostram, sed propter nomen tuum, quia es misericors. CUR ALIQUIS) Amplificat precationem: Blasphemant te gentes, & nos non vindicas. NOS TUA) Gratiarum actio.

P S A L M U S L X X X.

Qui regis Israel intende, qui.

A R G U M E N T U M.

*Orat vt hostiles auertat ab vrbe cumultus,
Finitimis cincta gentibus asidue.*

*Nos quoq; finitimos sic execrabimur hostes,
Qui nunquam nobis non noua bella mouent.*

Est elegans precatio, eiusdem argumen-
ti cum præcedenti Psalmo. Orat enim vt
DEUS contra vicinas gentes regnum Israel
defendat, quod in titulo appellat nomine
liliorum. In Psalmo autem bellissime com-
parat viti, à DEO translatae ex Ægypto in
Canaan, & exultat per verbum: & à nobis
recte oratur contra hostes Ecclesiæ.

Vincenti dediliis testimonium, &
Psalmus Asaph.

*ISRAELIS ades gregis ô fidissime pastor,
Aures contingat nostra querela tuas.
Qui tanquam caulas ouium custodis Ioseph.
Qui calcas Cherubin terga, vidende veni.
Qui stas ante Ephraim, qui Benjamin, atq; Ma-
Viere nunc dextra vi potiore tua. (nassen,
Auxilium latere veni mala plurima passis,
Tot pater afflictiis cladibus affer opem.
Ad nos verte tui radiantia lumina vultus,
Pignora iam nobis certa salutis erunt.
O exercituum rector, Deus armipotentum,
Votane non populi suscipis vlla tui?
Numne tui precibus populi placabere nunquam?
In nas iste furor quam diciturnus erit.*

Pascis

Pascis inexhausto tetri nos pane doloris,
 Iamdudum lacrimis ebria turba sumus.
 Iam sua de nobis vicini iurgia miscent,
 Ceu vilem populum nos ferus hostis habet.
 Ad nos verte tui radiantia lumina vultus,
 Pignora iam nobis certa salutis erunt.
 Quae tibi ab Aegypto translata est diuite vitis,
 Et tibi quae quodam tempore cara fuit.
 Hanc tu deiectis plantasti gentibus, illi
 Fecisti in placidis sedibus esse locum.
 Hanc tu latius agis radicibus extendisti,
 Quaeq; sata est vix hanc iam sua terra capit.
 Illius excelsi montes velantur ab umbra,
 Contegit ingentes palmitis aura cedros,
 Illius extensus pertingit ad aquora palmes,
 Qua videt Herculeam Sidonis vnda Tyrum.
 Malleoli rapidas fluuii extenduntur ad vndas,
 Quem nunc Euphratem proxima turba vocat.
 Cur igitur validam potuisti excindere sepe
 Illius, & nudam prostituisse feris?
 Nam male vastata est à praetercuntibus ipsam
 Omnibus, ut praedae cuiq; relicta fuit.
 Ipsius est populatus aper siluestris honorem,
 Hanc fera depasta est totius omnis agri.
 O Deus omnipotens, placido nos respice vultu,
 Hanc vitem e caelo vise, tuere, vide.
 Instaura hanc, tua quam plantauit dextera, vitē.
 Quem statuis, valeat, filius esse tibi.
 Igne quod exustum usq; est, & clade recisum,
 Disse-

Disperat vultus asperitate tui.
 Cōseruet tua dextra virum, quem fecit, & ipsum
 Assere robustum, quem facis ipse tibi.
 Sic nunquam tua linquemus sanctissima cunctis
 Numina, da vitam vivere posse diu.
 Sic tua perpetuis celebrabimus orgia votis,
 Et memor omnis erit hominis hora tui.
 O Deus armipotens, placido nos respice vultu.
 Pignora iam nobis certa salutis erunt.

S C H O L I A.

ISRAELIS) Propositio. Defende populum tuum.
 Est autem insignis fidei vox, quod populum gregi, &
 Deum pastori comparat. QUI SIAS) Hæ tribus
 sequebantur in expeditione arcam, Num. 2. O
 BXERCI.) Pathos. PASCIS) Narratio calamitatum,
 Sumus omnibus vicinis nostris prædæ. QUAE TIBI)
 elegantissima figura. ILLIUS EXTEN.) Hoc est. vsque
 ad montem Lybanum, propagatum est regnum. O
 DEUS) Redit ad precessionem. CONSERVET) Col-
 lectiua hæc sunt, totum enim populum appellat vi-
 rum & filium.

P S A L M U S LXXXI.

Exultate Deo adiutori nostro.

A R G U M E N T U M.

Festa tabernarum celebrans votiuæ quotannis.
 Hoc vetus Israël carmine lætus erat. (est
 Quo populum monuit, q nos imitabimur equum
 Et verba, & Domini iussa tremenda sequi.

Hic

Hic Psalmus in festo tabernaculorū can-
tari est solitus, quod festum institutū est ad
retinendam memoriam expeditionis ex
Aegypto. Transiit igitur propheta ad insi-
gnem dōctrinam primi præcepti, vt in il-
lum vnum Deum fidant, qui eos ex Aegy-
pto eduxit, & caueant ab idololatria, ac ad-
dit promissiones & comminationes, quales
sunt etiam in primo præcepto,

Vincenti in Githit Asaph.

FVNDITE lata Deo festiuo carmina plausu,
Quo sine vis nobis nulla relicta fuit. (mos,
Tympana pulsa sonent, date carmina, dicite psal-
Blanda chelis reboët, naba sonora canant.
Clangite noctiuaga dum sunt noua cornua luna,
Clangite ductilibus carmina lata tubis.
Festa tabernarum celebrantibus annua nobis,
Nullus leticia debet adesse modus.
Hic solennis enim mos Israëlis habetur,
Hoc solenne Deus ius Iacobe tui.
Hoc tibi testatum quondam Iosephe reliquit,
Fatalem Egypti cum sequerèrè locum.
Illic audiui peregrina verba loquela,
Non intellecta est barbara lingua mihi.
Ipse suos humeros ab iniquo pondere vertit,
Abstulit à furno calfaciente manus.
Temporibus duris cum me in tua vota vocares,
Auxiliumq; tibi, præsidiumq; tuli.

Exaudiui etiam quo te, mala, tempore, pessima
 Tempestas medius pene dedisset aquis.
 Huc ades Israël, hac audi verba loquentis,
 Mi popule, eternum testificanda tibi.
 Non erit inter te Deus aduena, non alienos
 Peruersa diuos religione coles,
 Ipse ego sum Deus ille tuus, qui te optima duxi
 In loca, & Aegypti de regione tui.
 Quam potes os aperilate, diducito rictus,
 Dote mea pleno plenius illud erit.
 Sed mea nec populus meus audit verba, nec aures
 Exhibet Israël, sed fugis, odit, abit.
 Ergo sua tales & in impietate reliqui,
 Et sum consiliis passus abire suis,
 Quod si me populus meus audiat, & mihi tritis
 Gressibus Israël forsitan ire volet.
 Hostibus ipsorum mox frena ferocibus addam,
 Multaq; iam victis millia victa dabo.
 Et tunc qui Dominum sine caussa odere rebelles,
 Exciderent spebus turba profana suis.
 Illi duxissent felicia tempora vitæ,
 Si mea legissent mollia iussa sequi.
 Illos trinitia pauissem furre medulla,
 Melleq; siluestris quod dare perra solet.

S C H O L I A.

FUNDITE) Exhortatio ad gratiarum actionem.
 HIC SOLEN.) Ratio in qua commemorat bene-
 ficium, propter quod festum institutum erat. Adhuc
 loquitur de populo Israel, Hebræis enim frequens
 est mug

est mutare personam. HUC ADES) Doctrina primi
 præcepti. NON ERIT) Alienos deos taceas, me præ-
 dices. SED MEA) Comminatio ob primum præ-
 ceptum violatum. QUOD SI) Promissio primi præ-
 cepti.

P S A L M U S LXXXII.

Deus stetit in synagoga deorum.

A R G U M E N T U M.

*Qui miseros, viduasq; premunt, hac voce tyran-
 increpat, hos ipsos arguit ore duces. (nos
 Cæcos esse docet, morituros esse minatur,
 sola ut verbis pectora mæsta piis*

Est seuera obiurgatio eorum, qui in ma-
 gistratu positi, non faciunt officium suum,
 sed abutuntur potentia ad oppressionem
 pauperum, & opibus ad luxum suum. Ad-
 dit autem comminationem grauem, futu-
 rum, vt tales pereant. Quod magistratus
 deos vocat, ideo fit, quia magistratus sunt
 diuina ordinatione constituti. Rom. 13. &
 vindicta Dei dicitur, quam magistratus, se-
 cundum officium suum, exercet.

Psalmus Asaph.

*PRAESIDET in medio cætu Deus ipse potentum,
 Et iudex alios iudicat, ante deos.
 Quo tandem usq; malas leges, & iniqua feretis ?
 Iudicia,*

*Iudicia an reprobos dicitis esse bonos?
 Iudiciis inopes defendite, suscipite orbos,
 Asserite oppressos, iustificare pios.
 Reddite pauperibus ius, eripite insuper ipsos,
 Si quos in vinclis impius hostis habet,
 At nihil hi nec percipiunt, nec lumine cernunt,
 In tenebris cæci tam petulanter eunt.
 Ut neq; sit mirum si fundamenta vacillent,
 Atq; etiam terra fortia fulcra cadant.
 Sæpe ego dicebam: quanquam dii scilicet estis,
 Omnes excelsa pignora cara patri.
 Vos tamen, ut reliquos homines, fatalia ducere
 Tempora, & ut reges vos quoq; Parca feret.
 Omnipotens exurge, tuo rege numine terram,
 In cunctis hæres gentibus vnus eris.*

S C H O L I A.

QVO TAND.) Obiurgatio. IUDICIIS) Magistra-
 tus boni officium. AT NIHIL) quia non faciunt of-
 ficiū, omnia perturbantur, Sed alii malunt hanc
 sententiam: Fundamenta terræ, id est, ipsi principes,
 peribunt, quia non faciunt officium. SÆPE EGO)
 Comminatio, & poena neglecti officii. OMNIPO T.)
 Insignis clausula, ut Deus gubernet corda & respub.
 secundum Psalmum: Nisi Dominus custodierit ci-
 uitatem, &c.

P S A L M U S LXXXIII.

Deus quis similis erit tibi, ne taceas.

A R G U M E N T U M.

Finit-

Finitimi Solymas urbem cinxere tyranni,
 Hostibus in medijs salua erat ipsa tamen.
 Sed Deus & nostras defendet ab hostibus vrbes,
 Si rali nobis voce rogatus erit.

Est plane idem argumentum cum Psalmo LXXX. Orat pro populo contra vicinas gentes, diripientes populum.

Canticum & Psalmus Asaph.

NE TE contineas pater, ô altissime rerum,
 Ne rogo cunctando tardior esse velis.

Ecce etenim rabidos mouet impia turba tumultus,

Qui tibi sunt hostes, qui tua facta negant.

Hi capita extollunt magno sublimia fustu,

Iudicii ignari, iusticiaq; tuæ.

Fraude dolisq; tuos captant, atq; artibus iisdem,

Qui cultu fidei delituere tuæ. (inquit,

Horum aliquis, quid adhuc istos non perdimus?

Quid populum hunc patimur tam superesse diu?

Possumus Israël delere tyrannida, ne sit

Amplius in terra nominis huius honor.

Sic etenim statuere animis, & summa voluptas,

Ipsis te contra fœdus inire fuit.

Nam qui palmifera tentoria seruat Idumes.

Ismaël populus qui colit arua plage.

Quiq; suæ retinent Agareni nomina matris.

Qui Gebalitani iugera ruris arant.

Qui Moab aeferta habitant, Ammoniaq; arua,

R

Quique

Quiq; Amalechitæ proxima regna tenent,
 Rura Palestine quos diuitis inclita pascunt,
 Et quos Herculeæ mœnia lata Tyri.
 His etiam Assyrii se coniungere coloni,
 Laturo auxilium, Lothe vetuste, tuis.
 Quod Madianitis olim, comingat & illis,
 Fac Sisara timidi tristia fata ferant.
 Quod Iabinus erat torrentem ad Chisonis vndam,
 Hoc quoq; sint isti per sua facta tibi.
 Illi etenim veteris perire in sinibus Ender,
 Ceu firmus, & putri stercola iacta solo.
 Ipsorum fac esse duces, Seba quod fuit olim,
 Quod Salmuna potens, quodq; Seaba fuit.
 Quod fuit Orebus, quod erant quicunq; tyranni,
 Cessere in populum bella nefanda tuum.
 Constituunt quicunq; tuas habitare per vrbes,
 Seq; loco hæredum nomine req; gerunt,
 Fac Deus vt secum, titubans ceu turbo, rorentur,
 Vt sint ceu stipule, quas leuis aura rapit,
 Vt virides quæ sparsa vorant incendia silvas,
 Vt vaga quæ montes vrere flamma solet.
 Tali hos tempestate tua Deus affice pœna,
 Sic rapido terre fulminis igne tui.
 Imple ludibriis, ignominiaq; superbos,
 Vt discant memores nominis esse tui.
 Erubeant, conturbentur sine fine, nec vsquam
 Consistant, sua sit pœna perire malis,
 Tunc Deus agnoscent, quia tu sis solus, & idem
 Summus, & in toto maximus orbe Deus.

S C H O L I A.

NE TE) Propositio. ECCE) Narratio periculorum.
 FRAUDE) Consultant contra absconditos tuos, hoc
 est, contra eos, quos mundus non videt, quod fiat tu-
 us populus, sed odit & damnat. QUI MOAB) Fili-
 us Loth, Moab & Ammon ex incestu nati. QUOD MAD.)
 Redit ad precationem, ut Deus perdat hostes, &
 commemorat veteres v. storias. FAC DEUS) Insignes
 figurae, quae minantur impiis extrema omnia, TUNC
 DEUS) Epiphonema.

P S A L M U S LXXXIV.

Quam dilecta tabernacula tua.

A R G U M E N T U M.

Laude ministerium verbi vehit, optat ab inno-
 Pectore se socium muneri esse pii.
 Psalmus hic hortatur, potius inquam honores,
 Quam nos auersos hinc patiamur agi.

Habet Psalmus duas partes: Primo enim
 agit gratias pro verbo Dei, templo & cultu,
 ac commemorat, quantum sit bonum hac
 habere. Deinde precatur, ut Deus hac con-
 feruare velit.

Vincenti in Githith Psalmus filio-
 rum Corah.

QVAM iucunda tui mihi sunt habitacula templi,

O Deus armorum, militiaeque potens.

Spiritus hic ea iam dudum desiderat ager,

Deficiensq; domus languet amore tue.
 Tam mihi sunt animo, quæ tu colis atria, tam sunt
 Concilii curæ tectæ beata tui.
 Corporis ægra mei caro, & intima viscera cordis
 Gaudent viuentis numine plena Dei.
 Ipse sibi inuenit placidam passerulus ædem,
 Garrula se dignum struxit hirundo larem.
 Quo pullos ceu tuta suos in tectæ reponant,
 Amplexu vt foueant pignora cara suo.
 O aras, ô templa Deus tua, maxime mi rex,
 Mi Deus, ô animæ deperuntis amor.
 Felices nimium, quibus obtigit ista voluptas,
 Tectæ domus possint vt coluisse tuæ.
 Hi tibi perpetuas iucundo carmine grates,
 Hi resonant laudes per tua templa tuas.
 Felices quicunq; tuo sunt munere fortes,
 Qui propria figunt in sua corda vias.
 Ibunt per lacrimis vallem fletuq; repletam,
 Et fontem facient, qui modo fletus erat.
 O Deus armipotens, hanc vocem supplicia audi,
 Audi Iacobeæ stirpis origo Deus.
 Respice qui clypeo seruas nos fortius omni,
 Ah faciem Christi respice, quæso, tui.
 Suauius vna dies tua templa beata colendi,
 Quam fuerint alibi te sine mille dies.
 Esse tui malim custos ad limina templi,
 Quam colere auratis tectæ superba tholis.
 Verus enim nobis sol es, scutumq; fidele,
 Dante Deo, virtus, gratia, fama, venit,

Non his

Non his omne bonum non vlla opulencia deerit,

Qui vitam pura simplicitate gerunt.

O pater omnipotens, quoties erit ille beatus?

Cui sua spes in te condita firma manet.

S C H O L I A.

QUAM IUCUN.) Propositio, Summum bonum est habere verbum. IN SE SIBI) Inliguis comparatio, quod locus in quo verbum est, sit ceu nidus, in quo fideles ceu pullos suos, excludit Ecclesia. FELICES) Epiphonemata. Fontes vocat loca, in quibus verbum & cultus Dei viger, & significat hoc loco doctores ferentes verbum. ET FONTEM) Deest versus: Etiam benedictionibus induetur doctor: Ibunt de victoria in victoriam, apparebitque Deus in Sion. O DEUS) Precatio, vt conseruet hæc Deus, & redit ad amplificandam magnitudinem beneficii, vbi verbum Dei est.

P S A L M U S LXXXV.

Benedixisti Domine terram tuam.

A R G U M E N T U M.

Cor Dominum metuens, non sustinet illius iram,

Quin veniam supplex, & sine teste, roget.

Nam pius afflictus cum sentit verbera, ad ipsum

Qui dedit, exemplo confugit, ambit opem.

Est non dissimili argumento cum priore, precatur enim pro conseruatione religionis & reipub. Nam orat primo, pro verbo

R 3 & fru-

& fructu verbi in populo. Deinde pro Republic. & fructibus agri. Quidam referunt Psalmum ad regnum Christi seu Evangelium. Eam sententiam si quis retinere volet, allegorica erunt, quæ de agro dicit.

Vincenti Psalmus filiorum Corah.

OMNIPOTENS rerū sator, & suprema potestas,
 Nunc tua terra iterum conciliata tibi est.
 Ex Iacobo etenim captos & signa reduces,
 Quæ tenuit tantum temporis hostis atrox,
 Tu populo peccata tuo patrata remittis,
 Et pietate nefas contegis omne tua.
 Ira cuncta tuæ procul hinc monumenta tulisti,
 Nulla iterum nocui signa furoris habes.
 Ad nos summe redi nostræ patrone salutis,
 A miseris iræ fulmina verte tuæ.
 Perpetuone tuis Deus irascere, nec unquam
 Candidior nobis hæc tua bilis erit?
 Quin sine nos potius gratam tibi vivere vitam,
 Et dabis hinc populo gaudia summa tuo.
 Nunc nobis ostende tuæ bonitatis honorem,
 Cordaq; cælesti nostra salute fove.
 Quod loquitur Deus, hoc tantum me audire iuuat
 Pacis, quæ Dominus verba loquetur, erūt, (bit)
 Ille suo pacem populo, sanctisq; loquetur.
 Ne sint stulticiæ subdita turba leui.
 Et saluos statuet, qui numina sancta verentur
 Ipsius, ut nostro constet in orbe decus.

*Lene tuens, fidei pietas venit obuia sancta,
 Oscula pax tribuit mutua iusticia.
 Vera fides, cœa planta, solo sua germina profert,
 Iusticia è cœlo prospicit alta suo.
 Præterea Deus autor erit bonitatis, vt auctos
 Multiplici fructus germine terra ferat.
 Iusticia ante ipsum non tardis passibus ibit,
 Nec tacito notum sub pede carpet iter.*

S C H O L I A.

OMNIPOT.) Precatio. Est autem commodius, si
 verba hæc pro imperfectis exponas, vt: Domine, qui
 benignus olim eras terræ tuæ, & auertebas captiui-
 tatem Iacob, &c. Recitat enim, præterita beneficia
 Dei erga populum, & orat, vt nunc quoque velit suis
 adesse. QUOD LOQUI.) Hoc optatum esse debet,
 Vtinam audiam Dominum loqui pacem populo
 suo. Orat enim, vt mittat verbum, id est, vt verbo
 erecti, non peccent impatientia aut desperatione.
 VERA FI.) Hi sunt fructus verbi in pijs. PRÆTER-
 EA) Politica commoda.

P S A L M U S LXXXVI.

Inclina Domine aurem tuam, &c.]

A R G U M E N T U M.

*Ex animo est orare Deum res magna, nec illi
 Vllus eo cultus gratior esse potest.
 Innumeris Dauida viges erroribus actum,
 In medijs orat semper at ille malis.*

R 4

Est præ-

Est precatio, vt liberetur ex periculis, sic ut etiam titulus ostendit. Nititur autem oratio hæc tota non aliquibus suis meritis, sed misericordia & bonitate DEI. Quare attexit insigne epiphonema, quod non sit alius DEUS similis misericordia & bonitate, & orat, vt in hac fiducia, quam verbum prædicat, seruetur. Addit etiam gratiarum actionem, tanquam iam sit exauditus.

Oratio David.

MAXIME, quem Dominū nobis solū esse fatemur,
 Huc age verte oures ad mea verba piās.
 Exaudi gemitus, tristi de corde profectos,
 Ne vacuas voces exulis esse sine.
 Cura sit hanc animam tibi conseruare fidelem,
 Sanctus enim pura sum bonitate tibi.
 O vtinam famulum vera dignere salute,
 Qui sine te nullum, cui bene fidat, habet.
 Sis pius, & propior tua me clementia seruet,
 Qui nullo tibi non tempore vota fero.
 Læticia perfunde meam, Deus vnice, vitam,
 Heret ab arbitrio mens mea tota tuo.
 Tu siquidem bonus es, cunctis tua gratia aperta
 Qui te cuncta pia cum ratione vocant. (est,
 Præbe nunc iterum placatas vocibus aures,
 Nec sine mihi precibus ponderis esse meus.
 Ad tua confugio peruersis, unmina rebus,
 Namq; audis humili, qui tibi, voce, quæror.

Nemo

Nemo tibi diuini similis, nec talia quisquam
 Designare potest, qualia solus agis.
 Ergo omnes venient gentes, quas cunq; creasti,
 Nomen adorantes laude & honore tuum.
 Quod magnus miranda geras, quod maximus idē
 Sis Deus, & solus sis sine fine Deus.
 Me tua, maxime dux, duc per vestigia, ne sim
 Ignarus vera, qua mihi eunda via est.
 Intima fac nostri latentur viscera cordis,
 Ut metuant vero nomen amore tuum.
 Persoluam meritas vero tibi pectore grates,
 Perpetuo plenus laudis amore tuae.
 Magna tua est in me bonitas, qui morte grauatū
 Me velut è Stygio reddis ad astra lacu.
 In me flagitiis insurrexere superbi,
 Mi Deus oprantes illaqueare, suis.
 Turba meam querant, robusti, pessima vitam,
 Nec quid habent pensi, nec tua sceptrā timent.
 At nunc tu pius & promptus miserescere, lentus
 Vindicta, vero maxime, summe fide,
 Respice me miserum, da fortia pectora seruo,
 Da nato famula tempora salua tuae.
 Ede aliquod mecum signum bonitatis, vt illo
 Fraus, viso, subito victa pudore cadat.
 Protinus agnoscent, quia tu me iuueris, & sis
 Solatus famuli pectora mœsta tui.

S C H O L I A.

MAXIME) Propositio precationis, Exaudi me
 Frequens autem repetitio ostendit vehemētiam af-

fectus. Tu si qui.) Vides causam cur oret, quia Deus est bonus. AD TUA) Epiphonema, admiratur & prædicat sui Dei bonitatem, vt ad talem Deum, abieciis idolis, omnes gentes confugiant. QUOD MAGNUS) subiicit hic quoq; petitiunculam, vt seruetur in verbo & timore Dei. PER SOLVAM) Gratiarum actio. MAGNA) Redit ad precationem, & commemorat pericula in quibus sit. EDE) Hoc signum est ipsa liberatio, quam Deus contra impiorum cogitationes facit.

P S A L M U S LXXXVII.

Fundamenta eius in montib. san.

A R G U M E N T U M.

Quæ sua sit regi iungenda Ecclesia Christo,

More prophetarum secula futura canit.

Quæ sit constructura homines diuersa loquentes,

Regni sit spaciū cuius & orbis idem.

Est prophetia de Ecclesia noui Testamenti, quod sit futura ceu ciuitas, quæ totum orbem impleat, in qua nascantur Æthiopes, Ægyptii, Babylonii, Tyrii, Palæstini, & omnium linguarum homines: Nascuntur autem per verbum Euangelii, quo remittuntur peccata, quo purificantur corda fide, & donatur vita æterna. Et quod vnicus cultus erit, canere & prædicare gloriam & misericordiam Dei per Euangelium.

Psalm

Psalmus & canticum filiorum
Corah.

TECTA Sionæ Dominus probat inclita rupis,
 Plusquam cuncta tribus magne Iacobe tue.
 Ipsa etenim sanctis fundata in montibus, omnem
 Gentis ab excelsa despicit arce locum.
 In te magnificis resonant oracula dictis,
 O vrbs excelsi relligiosa Dei.
 Aegypti memor omnis ero, Babylona rependam,
 Nomen vt incipiant noscere velle meum.
 Ecce Palaestini, Tyrii, vetus Aethiopum gens,
 Omnes natales hic habuere suos.
 De sancta in toto narrabitur orbe Sione,
 Editus hic in ea, natus & ille fuit.
 Et quia condiderit tantam celsissimus arcem,
 Quanta per omne æuum condita nulla fuit.
 Vulgari faciet Dominus per regna, per vrbes.
 Quosdam natales hic habuisse suos.
 Cantores in te discunt cantare vicissim,
 Sicut in alternis carmina lata choris.

S C H O L I A.

TECTA) Narratio, quod Deus amet Ecclesiam,
 & defendat & fortunet. IN TE) Cultus, prædicatio
 Euangelii. AEGYPTI) Vocatio gentium. ECCE)
 Omnes regenerantur per Euangelium, & vniuntur
 Ecclesie. ET QUIA) Solus Dominus sic ædificat Ec-
 clesiam. CANTORES) Vox laudis in tabernaculis iu-
 storum.

P S A L M U S LXXXVIII.

Domine Deus salutis meæ, in die,

A R G U M E N T U M.

*Extremis afflicta malis pia turba precatur,
Dicere & hoc Christum possumus ore loqui.
Hic illos agit aff. ctus, quibus anxia mens est,
Dum timet irati tela tremenda Dei.*

Est precatio contra tentationes conscientia, quæ ex desperatione, & mortis, ac iræ Dei sensu oriuntur. Sicut huius generis aliquot Psalmi supra positi. Belle autem vrget ad gloriam DEI pertinere, ne in talibus tentationibus relinquuntur animi, qui liberati gratias agunt DEO, & eum prædicant, e contra in tentationibus derelicti, blasphemant DEUM.

Psalmus & canticum filiorum Curah Vincenti, de infirmitate afflicti erudiens. canticum
Hæman Ezraitæ.

*O CUI sola meæ cura est subiecta salutis,
Quando ego non vultus conquerar ante tuos?
Noctes atq; dies veneror tua numina supplex,
Accipe placata supplicis aure preces.
Totus enim luctu, & lacrimis consumor acerbis.
Nec procul infernis est mea vita locis.
Sicut ad infernas quibus est via facta paludes,
Conseor, & virtus quem sua deseruit.*

Præstis

Præstiterat potuisse mori, quo liber ab ista
 Anxiosa vita conditione forem.
 Quales qui sub humo dudum iacuere sepulti.
 Quos vita è medio sustulit atra dies.
 Quorum nec memores, quos nec pater amplius au-
 Qui procul à dextra procubere tua. (dis
 Immanis patet detrusus ad infima mergor,
 Obruo & tenebris, & premor ima petens.
 Ira tua incubuit misero mihi plena furoris.
 Me tua ceu totis fluctibus vnda premit.
 Nulla reliquisti misero solatia, amici
 Ausugere procul, nemo propinquus adest.
 Turpem ignominiam tu me ipsis esse dedisti,
 Claudor in obscuro carcere, cassus ope.
 Afflicti mœrore oculi soluntur iniquo,
 Languida nil vdi lumina roris habent.
 Te tamen assiduè precibus, te voce vocabam,
 Sustollens humiles ad tua templa manus.
 Nunquid tu facies miracula lumine cassis?
 Surget ne in laudes turba sepulta tuas?
 Num tu in tacitis bonitas narrabitur urnis?
 Num tu in extrema perditione fides?
 Nunquid in audaces tenebræ tua facta loquuntur?
 Num tu Lethæis iura ferentur aquis?
 Te tamen ipse frequens pater in mea vota vocavi
 Nulla meas ad te non videt hora preces,
 Cur Deus hos gemitus surda velut aure repellis?
 Cur mea non aliquo lumine vota vides?
 Exul, & agra trahens vix corporis ossa caduci,
 Defleo

Defleo contemptus damna pudenda mei.
 Nempe tuam variis plenam terroribus iram,
 Tam dubitante animo, quam patiente tuli.
 Me tuus affligit furor, & premit arida terror
 Pectora, quæ nimia mole grauata iacent.
 Urgent me grauibus, veluti cingentibus vndis,
 Quæ mala nec finem, nec reperere modum.
 Esse aliquem sineres, qui solaretur egenum,
 Speratam misero qui mihi ferret opem.
 Nunc procul esse omnes fecisti, qui meæ possent
 Auxiliatrici damna leuare manu.
 Nullus amicus adest, procul hinc abiere propin-
 Non secus ac omnes nox tenebrosa tegat. (qui,

S C H O L I A.

O C U R) Propositio. T O T U S) Narratio in qua ex-
 ponit suam calamitatem, quam comparat morti, in
 ferno, fluctibus marinis. N U N Q U I D) Narrationi subii-
 cit rationem, Ad gloriam tuam pertinet liberare af-
 flictos, quia tum prædicatur misericordia & bonitas
 tua. T E T A M E N) Redit ad precessionem. M A T U S)
 Hic explicat sine figura calamitatem suam.

P S A L M U S LXXXIX.

Misericordias Domini in æternum.

A R G U M E N T U M.

Hic quoq; de Christi ratâ sunt præfagia regno,
 Cuius sit finem nulla datura dies.

De Christi

*De Christo data Dauidi promissa reposcens
Vastari quaritur, pectora mœsta leuat.*

Est prophetia de regno Christi in cœlis, quod constet prædicatione Euangelii, in quo annunciatum misericordia Dei & benedictio promissa Dauidi & patribus. Nota autem, quod vrget promissionem de semine Dauidis vsque in seculum. Nam ea non pertinet ad corporale regnum Dauidis, sed ad Christi regnum, & Ecclesiam. Nam Iudaicum & corporale regnum iam dudum cessauit, & tamen verum est quod dicit Angelus Lucae primo; Dabit ei Dominus Deus thronum Dauid patris sui, & regnabit super domum Iacob in secula. Hoc fœdus magnifice prædicat Psalmus. Quia autem futurum erat, vt propter peccata, populus legis, in externo regno Dauidis captiuitatibus & aliis incommodis varie exerceretur, orat Psalmus, vt Dominus in talibus malis populum suum non omnino abiciat, & manifestam prophetiam de talibus malis ponit, & pro auxilio orat.

Erudiens canticum Ethan Ezraitz.

QVAM sit inexhausti bonitas diuina fauoris,

Quanta sit æqualem non habitura fides.

Huc ades Vranie mansuro carmine dicam,

Vt sciat hæc ætas, posteritasq; legat.

Quis dubitarit enim, quin duratura per aevum,
 Sit tua, perpetua cum bonitate, fides?
 Cum mihi dilecto mansurum fœdus iniui,
 Iurans Isaida non reuocanda meo.
 Nunquam summa tua stirpis monumenta per-
 Aeternoq; tuum tempore semen erit. (ibunt,
 Continuos tribuam tibi scepra ferèda per annos,
 Summa dies regni est nulla futura tui.
 Ingentes tua restantur miracula cœli,
 O Deus, & summam concio sancta fidem.
 Quis vel in excelsi te nubibus æquet olympi?
 Cœlestum similis quis queat esse tibi?
 Sanctorum in populo, magnus Deus, omnia circum
 Terribili quatiens affixa regna manu.
 Quis tibi conferri poterit, Deus armipotentum?
 Quo superùm nemo fortior esse potest.
 Quem pietas, & sancta fides, & amabile verum
 Constipant, lateri proxima fœda tuo.
 Tu maris elati, tumida dominaberis vnda,
 Imperio cedunt fluctus & vnda tuo.
 Conteris elatum, ceu duro Marte peremptum.
 Robusta spargens hostica regna manu.
 Cœlorum, terraq; potens, tua regna gubernas,
 Namq; ea sunt manibus cuncta creata tuis,
 Tu validum certis fixisti partibus orbem,
 Te Borcas Dominum senit, & aura Noti.
 Te Thabor occiduis venerabitur alius ab ori,
 A radius Hermon aurea diua, tuis.
 Omnia tu valida perfringes robore dextra,

Conferri

Conferri possunt brachia nulla tuis.
 Iusticiæ dator, & iudex aequissime rerum,
 Ante tuos astant paxq; fidesq; pedes.
 Felicem ô populum tibi iubila gratia ferentem,
 Pro tuus his claro lumine vultus erit.
 Blanda tui letos hos nominis aura fouetis,
 Iusticiamq; ferent semper ad astra tuam.
 Nam sua qua præstant soli tibi robora debent,
 Quorum virtutis gloria solus eras.
 Nostra volens extolle potenti cornua dextra,
 Concipiant vires pectora nostra nouas.
 Te quia ceu clypeo nostros deuincimus hostes,
 Sancte Israël's rex gregis huius ades.
 Tu Deus oraclum, quod clara voce dedisti,
 In sanctis olim cœtibus, illud erat.
 Auxiliatorem statui qui maximus esset,
 Selectum è tota quem mihi gente tuli.
 Nam mihi inorigerum inuentum Dauidea regem
 Perfusum sacro chrysmate constitui.
 Vt mea dextra potens ipsam tueatur, & olim
 Omnibus inuictus viribus esse queat.
 Non illum gladius, non opprimer hostis acerbus,
 Me siquidem semper vindice turus erit.
 Quicumq; instituent ipsum subuertere, perdam,
 Percutiamq; ipsi qui mala cunq; volunt:
 Is me voce vocans, Dominūq; patremq; vocabit,
 Illi ego perpetuæ petra salutis ero.
 Finiet Oceano regnum, ripamq; tenebit
 Fluminis, Euphratem quem Syre vane vocis.

S,

Et pio-

Et pietas, & certa fides mea diriget illum,
 Fortis & in nostro nomine victor erit.
 Hunc ego constituam, ceu primo tempore natum,
 Et summum cunctis regibus esse ducem.
 Perpetuò pietas mea conseruabitur ipsi,
 Illi fida mea fœdera pacis erunt.
 Illius efficiam ne quis numerare nepotes,
 Neu longæ possit posteritatis opes.
 Illius alta diu tam stabunt culmina regni,
 Quam currens aliquos proferet hora dies.
 Si tamen ipsius venturi à stirpe minores
 Incipiant leges deseruisse meas?
 Si mea contempnant animo mandata rebelli,
 Et mihi proposita prorsus abire via:
 Iam scelera illorum concidam vindice virga,
 Et granibus plagis facta nefanda premam.
 Non tamen hac pietas mea dissoluetur ab ipso,
 Nec fidei fallam fœdera pacta mea.
 Nec repetam quodcumq; meo de gutture verbum
 Exiis, baud vanum quod loquor esse sinam,
 Et nunc diuina per maiestatis honorem
 Iurandi dederim cum pia iura semel:
 Fallere Dauidem poterit òne? per omnia viuet
 Ipsi veniens secula posteritas.
 Illius imperii solium, sceptrumq; superbum,
 Me coram magni sideris instar erit.
 Hoc ipsi firmum, ceu candida luna manebit,
 Quæ cælo rerum temperat vna vices.
 Tu verò auersans, indignatusq; repellis,

Vultu despiciens omnia vota tui.
 Nulla tibi est ratio cum seruo foederis icti,
 Illius in terram strata corona tibi est,
 Omnia rupesii muru loca cincta, nec vllum est
 Munitum, quod non fregerit hostis, opus.
 Hunc qui pratercunt, omnes praeantur ab ipso.
 Finitimis risum, ludibriumq; suis.
 Ipsius infestos firmas, & viribus auges,
 Et latos, illi qui nocuere, facis.
 Certè aciem gladii retudisti, & cuncta tulisti
 Robora, nec bello nos, velut antè, inuas.
 Deiectam splendore suo non amplius ornas,
 Alta prius regni, gloria repit humi.
 Ante diem inuenis praecidis tempora vita,
 Ipsum ludibrio gentibus esse iuis.
 Quatenus, ô genitor, sic tete auertere perges?
 Quateus hæc aliquem non habet ira modum?
 Sis memor humane quàm sit breuis orbita vita,
 Quàm sint atatis tempora parua mea.
 Cur frustra fecisse voles genus omni animantium?
 Cur homines frustra constituisse voles?
 Quis precor est, cui non praecidant flamina Parcae?
 Quem non corripit mortis auara manus?
 Heu vbi nunc pietas tua pristina, quam fore cer-
 Davidi summa pactus es ipse fide? (tam
 Respice, summe parens, opprobria tanta tuorum,
 Quae velut in tacito comprimo multa sinu.
 Quers nos afficiunt, & te quoq; turba malorum,
 Quis vultu afficiunt omnia facta tui.

*Sit pater ô rerum tibi laus, tibi gloria soli,
In rebus per te tempora donec erant.*

S C H O L I A.

QUAM SIT) Propositio Psalmi, Misericordiam Domini cantabo. CUM MIHI) Narratio esse factum fecerit cum Dauide, quod Christus sit nasciturus ex familia eius, & inchoaturus nouum, spirituale & æternum regnum. INGENTES) Coeli. SANCTORUM) Sicut Psal. 19. Vbiq; prædicabitur tua misericordia. Excurrit autem hic in locum communem, & pleno ore prædicat Dei potentiam & misericordiam tam variè declaratam in suo populo, & per totum mundum. TU MARIS) Alludit ad Aegypti miracula. TE THA.) Aurora. FELICEM) Pathos. Gratulatur Ecclesie tale regnum tam potentis Dei. NAM) Insignis sententia: Gloria fortitudinis eorum tu es, sicut Christus dicit: Confidite, ego vici mundum. TU DEUS) Redit ad institutam narrationem de promissione Dauidi facta, quæ etsi continet promissiones regni corporalis, tamen potiora sunt ad Christum & eius spirituale regnum referenda, Sicut epistola ad Hebr. cap. 1. ad Christum refert verba hæc: Ego ero ei in patrem, & ipse erit mihi in filium, quæ verba de Solomone dicuntur, 1. Reg. 7. 1. Par. 2 2. In Christo enim plenè & verè sunt impleta, quia natus est ex semine Dauid & Solomonis, & sedet super solium Dauid, gubernans populum suum, Ecclesiam verbo. HUNC EGO) Primogeniti succedebant in regno. NEU LON.) Hæc posteritas non est carnalis populus, sed Ecclesia credentium. NON TAMEN) Peccata populi non impediunt promissionem benedicti seminis. (ZLIUS IMPERII) Hæc omnia nisi ad Christum referas, res arguit non esse vera, nam corporale regnum planè concidit. Regnat autem Christus, & regnabit per Euangelium vs-

que

que ad consummationem seculi. Tu vero) Querimonia de incommodis populi sancti, quæ passurus erat antequam impleretur promissio de Christo. Nam primum decem tribus Israel per Assyriam abductæ sunt, postea Iudæ tribus variè direpta à vicinis, per Babylonios quoque captiua abacta est, ciuitas incensa, & templum euersum. Tandem Antiochus & Romani etiam variè affligerunt Iudæos. Hæc sæpe dubitare fecerunt bonos, anne Deus seruatorus esset promissionem factam Dauidi, sicut Psalmus testatur. Quidam referunt hanc prophetiam ad postrema Ecclesiæ tempora, quæ affligitur à tyrannis & Pontificibus. Si s MEM.) Querimonie subiicit precationem, vt exhibeat Christum promissum Dauidi, quia nisi hoc fiat, frustra conditi sunt omnes homines, solus enim Christus à morte liberat.

P S A L M U S X C.

Domine refugium factus es nobis.

A R G U M E N T U M.

Mortem peccati pœnamq; ab origine duci,

Carmina legiseri Moseos, ista docent.

Tam breue viuendi spaciū pœnam esse malorū,

Sanctus in his precibus Spiritus intus inest.

Initio commemorat calamitatem totius generis humani, quod morti & iræ Dei sumus subiecti. Deinde ostendit horum malorum causam, peccatum scilicet originis, quo natura nostra infecta est. Tandem orat in genere misericordiam, vt Deus peccata ignoscat, iusticiam donet, & saluet.

Oratio Moyfi viri Dei.

MAXIME rex hominumq; parens, reruq; creator,
 Per quem quicquid est, & manet, omne manet.
 Cum mala nos premerent olim labentibus annis,
 Perfugium nobis sicut asylon, eras.
 Tu Deus ante chaos, ante omnia corpora rerum,
 Solus es, & finem non habiture, manes.
 Quam prius aërii spectarent nubila montes,
 Quam nouus innumeratas funderet orbis opes.
 Corpora qui perimus viuentum obnoxia morti,
 Post alios nasci, sicut & ante, iubes.
 Mille tua si quis vitæ conferat annos,
 Vix erit hoc totum temporis vna dies.
 Vix erit besterna qua præterfluxerit hora,
 Vix breue nocturni luminis instar erit.
 Cui nymbo quassante rapis, prosternis, & aufers,
 Et raptos tanquam somnia vana facis.
 Quam subito amittit solitum leuis herba vigorẽ,
 Tam subito hic mutat temporis ordo vices.
 Nam quæ mandè viget rosa lenibus alta pruinis,
 Arida vix primo vespere facta cadet:
 Sic ira feruore tua consumimur, & nos
 Ante diem feruens opprimit iste furor.
 Nostra vides delicta oculo vigilante, nec vllum
 Occultum reliquis, te latuisse potest.
 Iratum quoties te nobis fecimus ipsi,
 Cui nebula nostri depergere dies,
 Tam nostri tacitis labuntur cursibus anni,

Quam

Quàm citò, quæ loquimur, verba perire solent.
 Viuitur humanos his septem lustra per annos,
 Vix recte vt valeas lustra his octo feres.
 Equibus eximios quos viuimus, omne laborum
 Et genus, & miseri fata doloris habent.
 Tam citò desinimus, tam fors hæc nostra caduca
 Tam citò, ceu penna præpete, vita fugit. (est,
 Cui grauis ira, tui cui vis est nota furoris?
 Qui pœna, quantum cuiq; timoris, agit.
 Fac sine nos numerum nostrorum scire dierum,
 Pectore vt assimius candidiore tibi.
 Tandem, quæso redi, quo sæuis vsq; benignum
 Nunc age te seruis reddere perge tuis.
 Pectora nostra tue bonitatis dotibus imple,
 Et peragens lætos tempora nostra dies.
 Imbue læticia durissima tempora passos,
 Pluribus afflictos te patiente malis.
 Fac nobis ostende tui decora inclita facti,
 Magnum te nostris omnibus esse doce.
 Nos super irradiet Domini decor, ipsa salutis
 Diuinæ nostros imbuat aura dies.
 Ille opera absoluat quæ nos cunq; instituemus,
 Omne ab eo nostrum perficiatur opus.

S C H O L I A.

MAXIME) Narratio, amplificat autem maiestatem
 diuinã, vt eo maior fiat ira eius & calamitas nostra.
 CORPORA) Commemorat calamitates nostras,
 mortem & vitam breuẽ ac variis molestiis re-
 fertam. CEU NYMBO) Insignes similitudines.

SIC IRÆ) Causa istorum incommodorum, peccatum, quod Deus natura sua odit, & pro eo has infligit pœnas, mortem scilicet, cum aliis calamitatibus. **FAC SINE)** Oratio, vt primum Deus nos seruet in ista cognitione nostrarum calamitatum, nec securifiamus, & discedamus à timore Dei. Deinde, vt contra ista mala medicinam faciat, ignoscendo peccata & donando iusticiam ac vitam. Atque hæc pars petitionis includit precationem de aduentu Christi.

P S A L M U S X C I .

Qui habitat in adiutorio altissimi.

A R G U M E N T U M .

*Hic sunt vera piis solatia tradita, quorum
In Dominum fidei pectora lumen habent.
Confidens Domino, patiatur vt omnia, tandem
Si constet firmo pectore, saluus erit.*

Hic Psalmus docet fidem, & est plenus consolationibus suauissimis, vt pii discant in omnibus periculis se Deo curæ esse, & diuinitus regi ac gubernari. Quidam existimant eum pertinere propriè ad historiam, quæ est 2. Reg. 24. de peste propter peccatum Dauidis immissa in populum, vt in tam subito malo & periculo haberent pii, quo se consolarentur. Laquei venatoris sunt pestis immissa ab angelo grassatore. Qui allegoriam sequuntur, accipiunt speciem pro genere, quod significant hæc omne genus periculorum, quibus pii expositi sunt.

QVEM pater omnipotens dulci cõplectitur um-
Cui manus auxilium quodlibet ista tulit. (bra.

Dicere hic audebit Domino, Tu prima salutis

Spes mihi, tu requies, tu mihi robur eris.

In te tota mei iacta est fiducia cordis,

Te duce pravalida sicut in arce moror.

Hoc duce de laqueo, vitam venantis, abibis,

Tutus & è pœnia, vindice, liber eris.

Iste ceu propriis securum contegit alis,

Obnubet vultus illius umbra tuos.

Huius enim pietas immensa, & cura fidelis,

Omnibus agminibus, grandinis instar, habent.

Ut neq; nocturnos possis metuisse pavores,

Quaëq; volant claro noxia tela die,

Non etiam obscuro grassantem nomine pestem,

Non mala, quæ media luce venire solent.

Millia multa tuæ sternentur fulmina dextra,

Et tua letho animas mille sinistra dabit.

Non tamen vlla tibi feret hæc incommoda clades,

Nulla nocere manus qua tibi possit, erit.

Tu verò aspicias quas turba det impia pœnas,

Visaq; res oculis lata erit ista tuus.

Nam sine te non est nostræ spes vlla salutis,

Summe Deus, qui me nunc facis ista loqui.

Quisquis es, hunc summum si sis tibi nactus asylum,

Omnia, crede mihi, per mala tatus eris.

Non pestis metuenda tibi est, non vlla profeSo,

Quæ veniat domui proxima plaga tuæ.

Mandatam angelicis de te dedit ille ministris,

*Ut sint custodes per loca cuncta tui,
 Ut te sustollant manibus quocunq; feraris,
 Ne summos ledas per salebrosa pedes.
 Aspida somniferam super, & viriute leonem
 Præualida fulsum, victor habebis iter.
 Tu potes indomitos catulos calcare leonum,
 Te contra igniuomo non valet ore draco.
 Me siquidem, Deus inquit, amat, bona largiar illi,
 Omnia vt expediens per mala victor eat.
 Nam quia cognouit qua sim pietate, quibusq;
 Viribus, haud vllis viribus ille cadet.
 Me vocat ille, mihi libet exaudire vocantem.
 Robur in aduersis sentiet ille meum.
 Cuncta mala auerrens, ab eo bona cuncta tuebor,
 Ipsius hinc clarum gloria nomen erit.
 Hunc ego longauos faciam superesse per annos,
 Illi plena meæ vita salutis erit.*

S C H O L I A.

QUEM) Propositio, Nullum periculum ei nocere
 potest, qui sentit se Deo curæ esse. IN TE) Probat suo
 exemplo. VITAM VENANTIS) Id est, Angeli peste
 occidentis, 2. Reg. 24. HÆUS) Pro scuto & cly-
 peo est veritas eius. V T N E Q U E) Hic exponit
 quod antè figuratè dixit-Et videtur tantum hoc di-
 cere, Deus te defendet à peste die ac noctu, vt pavor
 noctis, & pestis in tenebris idè sint. Item sagittæ diei,
 & malum meridianū, hoc enim vsitatum prophetis
 est, vt quod antea allegorice dixerunt, postea sine al-
 legoria simpliciter dicant. MIL LIA) Sententia est, Si
 mille ab vno latere, & decem millia ab altero latere ca-
 dāt, tu tamē in medio gressus pestis eris tutus, quia
 Deus

Deus te curat. TU VERO) Propter impios grassatur
malum hoc. MANDATUM) Locus de ministerio an-
gelorum. ASPIDA) Hæc etiam videntur allegorica
esse, q. d. Non nocent tibi, quæ tamen sua natura
nihil possunt, quam nocere homini. ME SI QUIDEM)
Causa promissionum, quod Deus non potest deef-
se his qui sperant super misericordia eius, & fiducia
misericordiæ orant pro liberatione.

P S A L M U S XCII.

Bonum est confiteri Domino, &c.

A R G U M E N T U M.

Exultans animo divini oracula verbi,

Gaudet, & effertur cognita facta sibi.

Namq; fide nouisse Deum, verboq; videri,

Cultus hic est ipsum maximum ante Deum.

*Est plena consolationis gratiarum, & io
pro benignitate Dei, qui bonos & Ecce-
siam seruat, malos autem, quantumuis flo-
reant, perdit,*

COMmoda res, & pulcra, Deum celebrare poten-

Carminaq; excelso psallere multa patri. (tem,

Vt tua summa pater bonitas memoretur ad ortu

Lucis, & vt noctu sit tua nota si-tes.

Vt tua cantemus dulci præconia nablo,

Et cithara chordis te resonante decem.

Totus enim, ceu læticia rapiente, fluebam,

Quando opera aspicio, quæ tua dextra facit.

Totus adhuc contemplandis lætabor in illis,

Quæ

Que tam magna tuæ constituere manus.
 Quam sunt magna Deus, qua tu facis omnia? quæ
 Intima consilii non penetranda tui? (Sunt
 Talia desipiens ignorat inertia, nec dum
 Pectore qui toro nil sapit, ista videt.
 Impius in morem florescit inutilis herba,
 Quo sceleratus homo floreat omnis habet,
 Scilicet ut totus visa euacuetur ab ista,
 Et reuocare ipsum secula nulla queant.
 Tu tamen ô superum rector celsissimus, orbis
 Maius in hac fabrica, te nihil esse potest.
 Ecce tui pereunt hostes Deus, ecce peribunt,
 Quorum dextra nocens, visa scelestæ fuit.
 At mea tu firmans attolles cornua in altum,
 Sicut cornigera cornua sola fera.
 Iam mihi perfusus succo fragrantis oliuæ,
 Iam videor fuso nectare floridior.
 Gaudebunt mea cum spectabunt lumina pœnas,
 Quas luet hostis atrox, qui mihi damna tulit.
 Laticia mea tunc saliet, quando audiet auris
 Insidiatores interiisse meos.
 Iustus ut aëria florebit brachia palma,
 Crescet ut in Lybani collibus alta cedrus.
 Inserti in Domini templo quicunq; virescunt,
 Atria florebut per speciosa Dei.
 Quin etiam viridem ducent in flore senectam,
 Pinguis in ipsorum corpore succus erit.
 Ut sit nota Dei bonitas, nostræq; salutis
 Gloria, cui pravi nullius vlla nota est;

S C H O L I A.

COMMODA) Pathos. Meritò prædicantur Dei opera. QUAM SUNT) Narratio operum Dei, quod sanctorum curam agit, malos autem odit & perdit. Ecce) Ecclesia promissiones. Ius tu s) Etiam si mundus opprimere eum conabitur, tamen assurgit ut palma contra molem, & latè diffundet ramos benedictionis.

P S A L M U S X C I I I.

Dominus regnavit, decorum induit.

A R G U M E N T U M.

Sceptra triumphanti deberi maxima Christo,

Quam latè rerum tenditur omne genus.

Huic tamen assurgent regno regna omnia mundi,

Namq; hoc perpetuo stabit, at illa cadent.

Prophetia est de regno Christi per totum mundum & de furore mundi, conantis frustra hoc regnum abolere. Magnificè autem commendat doctrinam Evangelii, qua regnum hoc constituitur, quod & certa sit, & ornet Ecclesiam sanctitate, sicut Christus dicit Ioan. 15. Vos estis mundi, propter sermonem, quem dixi vobis.

SCEPTRA manu Dominus cõquassans regia forti,

Et decus, & pompas induit ipse sibi.

Prævalidus multo succinctus robore victor,

Magnificos cultus induit ipse sibi.

Terra-

errarum tantis fulciuit viribus orbem,
 Amplius vt iam non vlla mouere queat.
 Iam sedes firmata tua inde ab origine rerum est,
 Qui sine principio es, qui sine fine manes.
 Insonuere procul fluuui, sonuere procella,
 Concita terris fragis fluctibus vnda fremit.
 At strepitu immmani rupti maris omnibus oris,
 Fortior ex alto est, qui regit ista Deus.
 Plena fide tua sunt oracula sancta, nec vlla est
 Quae domui par sit facta decora tue.
 Perpetuos tua sancta domus durabit in annos,
 Extremum hinc referent secula nulla diem.

S C H O L I A.

SCEPTRA) Narratio, Christus regnat per Euang-
 gelium. TERRARUM) Significat hoc regnum non in
 vno angulo Iudææ, sed in toto orbe esse. INSONUE-
 RE) Germanica translatio sententiæ melius redditur

P S A L M U S XCIV.

Deus vltionum Dominus, Deus.

A R G U M E N T U M.

Qui falsos adhibent pietatis imagine cultus,
 Interea iustis pessima queeq; struunt.
 Hos contra precibus nunc vtitur, optat vt omnes
 Assistant vero, quod sit, vt esse queat.

Est precatio contra Ecclesiæ hostes,
 quos grauiter accusat, quod sua doctrina
 nihil

nihil aliud faciant, quam vt excarnificent
 bonos, & occidant, ac minatur eis iudicium
 Dei cernentis ista scelera. Consolatur au-
 tem Ecclesiam, sic in mundo afflictam, fu-
 turum vt ipsa seruetur, hostes autem eius
 pereant. Quorum sedem, hoc est, doctri-
 nam & vitam, non potest probare Deus.

*ULTOR ades scelerum, scelerum Deus ultor ade-
 iam tandem miseris conspicende veni.* (Sto,

Terrarum iudex attollere, redde superbis

Digna, precor, factis quæ meruere suis.

Quo tandem vsq; malis sic omnia prospera cedēt?

Quo tandem vsq; mali gaudia plena ferent?

Quam iactata diu per fastum verba loquentur?

Qui quæcumq; gerunt, omnia iniqua gerunt.

Heredem populum tibi, turba aliena, trucidant,

Audaci irrumpunt in tua regna manu.

Occidunt viduas, rabiem nec in hospite siflunt,

Pupillos aliquo non prohibente necant.

Talia patrantes secum meditantur, & audent

Dicere, Nec sentit. nec videt ista Deus.

Stupidi è populo tandem resipiscite: quando hoc

O fatui, tempus, quo sapiatis, erit?

Nonne audire putas aliquid, qui condidit aurem?

Quiq; oculum finxit, nonne videre queat?

Qui totas gentes castigat, & erudit omnes,

Arbitrio non vos arguat ille suo?

Omnipotens hominum sedus & pectora nouit

Vana esse, & sana mentis habere nihil.

Felicem

Felicem, quem tu doceas, cui pectora firmes,
 O genitor, legis cognitione tua.
 Vivere quò possit tranquillus tempore duro,
 Dum foueam reprobo debita fata parent.
 Non etenim Deus abiiciet quos diligit, & nec
 Hæredes regni deseret ipse sui.
 Iudicium siquidem rursus redigetur ad æquum,
 Huic aderunt comites, qui pia quæq; probant.
 Quis feret auxilium? quis mecum stabit, vt hostem
 Non metuam? quis me qui tueatur erit?
 Quod nisi me Dominus seruasset, ad alta silentium
 Hæc loca, iam dudum vita sepulta foret.
 Sed quoties animo mihi defecisse videbar,
 Huc toties pietas me tua restituit.
 Cum nimio grauium curarum inuoluerer æstu,
 Lenimen bonitas mi tua dulce fuit.
 Num cõmune tibi est aliquid cum gente maligna,
 Quæ solum diræ pestilitatis habet?
 Quæ solet afflictis falsuras neclerc fraudes,
 Et specie veri scandala falsa loqui.
 Concurrant falso damnantes crimine iustum,
 Nec putet innocui sanguinis, esse reos.
 At Dominus mihi defensor, saluator & idem,
 Arcis & inuictæ turris & instar erit.
 Ille malis mala reddet, iniqua rependet iniquis,
 Præmia ab hoc factis iudice digna ferent.
 Illos disperdet Dominus quia multa patrarint
 Impia, disperdet castra inimica Deus.

S C H O L I A.

VLTOR) Propositio precatationis, vt Deus hostes
 suæ Ecclesiæ iudicet. QUO) Narratio. QUAM) Do-
 ctrinam accusat. HÆREDEM) Tyrannidem accusat.
 TALIA) Securitatem atcusat. O STUP.) Minatur
 iudiciam Dei, Nolite decipi, Deus videt vestra sce-
 lera. FELICEM) Obiurgationi subicit consolatione-
 nem, qua Ecclesiam afflictam erigit. QUOD NISI)
 Addit suum exemplum, tanquam probationem con-
 solationis. LENIMEN) Bonitatem vocat verbum,
 quod horreatur ad patientiam, & promittit libera-
 tionem.

P S A L M U S XCV.

Venite exultemus Domino, iubi.

A R G U M E N T U M.

*Hic Dominum populis Christum canit esse futu-
 rum, Et testamenti tempora sancta noui. (rum,
 Hic Deus est, cui nos debet exultare quod ille est,
 Promissum nobis, quem sacra scripta docent.*

Est exhortatio, vt fide amplectamur
 Christum & verbum eius, quem dicit crea-
 torem & doctorem nostram esse, nosq; o-
 nes eius. Epistola ad Hebræos magnifice
 hunc Psalmum tractat. Additum autem est,
 sicut in adhortationibus solet, exemplum
 populi Iudaici, qui pœnas incredulitatis
 dedit, & ideo non potuit intrare terram
 Canaan. Ita nos, si Christum non audieri-
 mus non intraturos æternam quietem.

T

EIA

EIA agite ex animo Domino exultemus oyantes,
 Qui solus nostræ iura salutis habet.
 Dulcia gratifico fundamus iubila cantu,
 Aquent hymnisonum carmina blanda melos.
 Ante ipsum gratos nos comparere decorum est,
 Laudibus & meritis accumulare patrem.
 Magnus enim Dominus Deus est, rex maximus
 Ille Deum, quotquot fabula vana canit. (idem
 Cuius in arbitrio sunt intima viscera terræ,
 Culmina præcelsis montibus ille dedit,
 Cerula latinagi fundavit marmora ponti,
 Quicquid & hæc extra continet omne solum,
 Hunc ut adorantes igitur veneremur adeste,
 Suppliciter proni simus ut ante Deum.
 Ante Deum, qui nos tales, qui cuncta creavit,
 Ut Deus ipse, quod est, noster, id esse velit.
 Nos, ipsi populus sua quem per pascua nutrit,
 Et grex, munifica quem regit ipse manu.
 Ille quidem pastor vobis, modo iussa ferentem
 Ipsius & voces audieritis, erit.
 Duræ re rigida ne cor constringit vestrum,
 Sicut inexhausto per loca vasta fitu.
 Per loca qua vestri me tentare parentes,
 Videruntq; manus facta stupenda mea.
 Nam quia me toties explorare rebelles,
 Facta etiam dextra iustinere mea.
 Hoc cum pertasus lustris genus octo fuisset,
 Errantes sensi nec meo iussa sequi.
 Iuravi tandem iratus, non ergo videbunt,

Qua tranquilla ipsis regna datus eram.

S C H O L I A.

ETA AGITE) Exordium patheticum, cum inuitat Ecclesiam ad gratiarum actionem & laudes. MA-
GNUS) Narratio, in qua describit nobis Christum creatorem, Deum & doctorem nostrum HUNC) Est Deus nollet. NOS IPSI) Nos tumus eius populus. Propositio, Ergo Dei & creatoris vestri verbum humili animo accipite. DE RICIS) Addit rationem ab exemplo. IURAVI) Si non credideritis, peribitis.

P S A L M U S X C V I.

Cantate Domino carnicum no.

A R G U M E N T U M.

*Predicit regnaturum super omnia Christum,
Dandum Euangelii gentibus esse aietm.
Hoc fert aterna latissima nuncia pacis,
Quo duce per Christum libera turba sumus.*

Est idem argumentum cum præcedenti Psalmo. Est enim Prophetia de regno Christi spargendo in totum orbem, & inter omnes gentes. Et hortatur ad gratiarum actionem, qua consistit in oblatione munerum hoc est, sicut ipse exponit, in timore Dei, in adoratione & predicatione nominis eius, quod Christus sit rex, qui iudicet in iusticia, hoc est, peccata condonet & iustificet.

IN NOV. *A* vocales dissoluite carmina linguas,
 Et canite excelso iubila grata Deo.
 Quicumq; incolitis connexa climata terræ,
 Laudibus assiduis, dicite, ferte Deum.
 Dicite, quam tribuit nobis sine fine, salutem,
 Laudibus his debet nulla vacare dies.
 Ipsius in toto populi miracula cœtu,
 Gentibus externis commemorare decus.
 Magnus enim Deus est, & laude celebrior omni,
 Terribilisq; alios quoslibet ante deos.
 Nam statua, non vera delum sunt nomina, vanis
 Gentibus, at noster condidit astra Deus.
 Ipsius ante oculos decus est, & splendor honorum,
 Summaq; maiestas, robur & eximium.
 O populi, cunctaq; tribus, date munera laudum,
 Cedite virtutes, & decus omne Deo.
 Ipsi debetur soli omnipotentia, iustum
 Ipsius hoc munus nominis esse potest.
 Arripite ergo alacres tam munera digna potēti,
 Ipsius & propere pergite adire fores.
 Ferte preces Domino magni intra limina templi,
 Terribilem metuant omnia regna Deum.
 Gentibus euulgate, tribus narrate per omnes,
 Solus habet rerum sceptrâ suprema Deus.
 Robore qui tanto terrarum condidit orbem,
 Ut nequeat virtus vlla mouere loco,
 Legibus aequatis populos qui iudicat omnes,
 Hunc merito Dominum cuncta creata vocant.
 Concipiant prasente Deo noua gaudia cœli,

Lætticia

Læticia exiliat terra beata noua.
Horrida commoti tollant se murmura ponti,
Et quacunq; in eo cæcula monstra natant.
Rideat omnis ager, campi latentur oantes,
Et quacunq; in eis gramina leta virent.
Lata triumphantes emittant iubila siluæ,
Læticia pompam qualibet arbor agat.
Nam venit ecce Deus, venit hunc & iudicet orbem
Iustum iudicium iudicis huius erit,
Diriget æquatis terrarum legibus orbem.
Et fida populos dexteritate roget.

S C H O L I A.

IN NOVA) Propositio. Laudate Dominum. MA-
 GNUS) Ratio propositionis, quia est Deus, qui stabi-
 le regnum instituit contra peccatum & Sathanam.
 IPSI DEBETUR) Repetit propositionem & vota,
 Vult in hoc regno non hominum, sed Dei nomem &
 vites prædicari. ROBORE) Hic exponit munera. LE-
 GIB.) Sicut supra Psal. 93. Est autem sententia, quod
 regnum hoc sit firmatum per totum orbem. HOR-
 RIDA) Insignis Parthe. NAM VENIT) Iudicium est do-
 ctrina Euangelii, quæ est potentia Dei ad salutem
 omni credenti.

P S A L M U S XCVII.

Dominus regnavit, exultet terra.

A R G U M E N T U M.

Quod vëtes Christus regnū est habiturus in omnes,
 Psalmographi vatis sancta Thalia moret.

*Spiritus hoc regnum statuet, quod & ardua muu-
Concurret, verbi vi dominante sui.* (di)

Est prophetia de regno Christi, sicut prior Psalmus. Owendit autem hic duplicem huius regni administrationem. piis est regnum in nubibus firmatum iusticia & iudicio, hoc est regnum fidei, remissionis peccatorum & defensionis. Impiis autem est regnum ignis consumentis. Quare hortatur pios ad regnum hoc in sanctitate amplectendum, & promittit in cruce liberationem.

SVMMA manu Dominus cœpit moderamina re-

Terreni exultent omnia regna globi. (rum
Omnia ab allapso quæ clauditur insula ponto.

Leta sit, & lætos gaudeat ire dies.

*Nubibus & circum caligine sepius opaca est,
Ipsius ante thronum ius stat, & alma fides.*

*Ignis edax ipsam præcedit, & omnia vastat,
Qua per circuitum perfidus hostis habet.*

*Ipsius illuxere iacenti fulgura terra,
Vidit, & expavit, quisquid in orbe fuit.*

*Ante Dei faciem montes fluxere liquentes,
Non secus ac flammis addita cera solet.*

*Nec mirum, Dominus quia condidit omnia solus
Et solus toto regnat in orbe Deus.*

*Iusticiam ipsius cœli testantur, & omnes
Cœtus, maiestas quanta sit ista vident.*

Erubeant, qui vana colunt idola, suisq;

Sculptilibus miseri numen inesse putant,
 Huic vni genua, ò reliqui submittere diui,
 O reliqui, tantum nomina vana, Dei.
 Audiat ista Sion, & mox noua gaudia sensit,
 Gentis iudææ concio læta fuit.
 Nam quia iudiciis populos moderatus es æquis,
 Læticiæ series omnibus vna fuit.
 Nam tua scepra pater super omnia regna tulisti.
 Subdita sunt pedibus numina cuncta tuis.
 Qui Dominum colitis vere, & constanter amatis,
 Omnia habete odio semina facta mali.
 Is sibi videntes animas custodit, ab omni
 Hostili insultu liberat ille suos.
 Proditæ lux iusto est, & qui sunt pedicore recto,
 Læticiæ fructu non caruere sua.
 In Domino gaudete boni, memoresq; referte.
 Tam sancta grates pro pietate Deo.

S C H O L I A.

SUMMA) Narratio, in qua describit regnum Christi, quod credentibus est regnum salutis, non credentibus autem regnum perditionis. NUBIB.) Fides est rerum non visibilium. IUSTITIAM) Sicut Psalm. 19. Vbiq; annuntiatur iusticia eius. ERUBEANT) Pathos. Euangelium idolatriam pellit. NAM QUITA) Reperit causam gaudii. QUI DOM.) Adhortatio ad regni huius subditos IS SIBI) Significat crucem, & promittit defensionem. IN DOM.) Epiphonema.

P S A L M. I I S XC VIII.

T 4

Cantate

Sculpti

Cantate Domino canticum no.

ARGUMENTUM.

De Christo, deq; imperio, quod proferet orbi,
 Hic quoq; ferre eadem, quæ tulit ante, canit.
 Exultare Deo, latari, dicere grates,
 Proq; data laudes ferre salute, monet.

Est suauissimus Psalmus, plane eodem
 argumento cum prioribus. Prædicat enim
 victoriam Christi contra peccatum & Sa-
 thanam: qua nobis salutem peperit, & hor-
 tatur ad gratiarum actionem.

Psalmus.

CARMINA læta nouis Domino cantate canentis
 Cuius mira operum cuncta creata stupent.
 Multa salutari dextra admiranda peregit.
 Ipsius immensum brachia robur habent.
 Ipse suam Dominus notam dedit esse salutem,
 Signaq; iusticie non adoperta suæ.
 Israëlita domui promissa reuoluens.
 Iusticie cœpit commemorasse suæ.
 Ut Domini videant terrarum regna salutem,
 Omnia quæ summa Phœbus ab arce videt.
 Læta omnes vbicunq; Deo date iubila terra,
 Psallite carminibus, plaudite voce, manu.
 Dulcisona Dominum cithara laudate canentes,
 Adde ad argutam verba canora chelyn.

Clan-

Clangite voce tuba refona, noua iubila regi
 Tollite, det letos buccina rauca modos.
 Diffona collifis mare murmura fluctibus edat,
 Ipsius & quicquid vasta lacuna tenet.
 Totius exultent culta, inculta omnia terra,
 Quicquid & hac rerum continet alma parens.
 Flumina, ceu iunctis manibus, simul omnia plau-
 Unanimi montes carmina voce fonent. (dant,
 Nam venit vt totum regat aquis legibus orbem,
 Arbitrio vt Dominus iudicet ipse suo.
 Iusticiam ipse suam terras diffundet in omnes,
 Et populos aequa conditione reget.

S C H O L I A.

CARMINA) Propositio. MULTA) Narratio quod
 regnum fit gratiae & veritatis, sicut patribus promi-
 fit Deus LAETA) Repetit propositionem, & addit
 suauia pathe. NAM VENIT) Repetit beneficium E-
 angeli.

P S A L M U S XCIX.

Dominus regnauit, irascantur po.

A R G U M E N T U M,

In Dominum seruanda fides, hic laude colendus,
 Quamuis & gentes, totaq; regna fremant.
 Nec populo Iudaea tuo qui sanctus agebat.
 Nobis nota satis verba propheta canit.

Est gratiarum actio pro regno, verbo & cultu

cultu in populo Dei, ac hortatur, non ad sacrificia, sed ad gratiarum actionem. Non incommode transfertur ad regnum Evangelii in mundo, ut sit idem argumentum cum superioribus.

ÆTERNVM omnipotēs exercet in omnia regnū,

Turba nouo populi mota furore fremunt.

Qui super alatum Cherubin sedet omnia spectans,

Commouit nutu terrea regna suo,

Maximus excelsa regnator in arce Sionis,

In populos omnes maxima sceptra gerit.

Nominis ergo tui magni fateantur honorem

Omnia, quæ nullum sanctius esse potest.

Iudicium, virtute potens rex, diligit æquum,

Tu bona cuncta, manu ceu famulante, tenes.

Nec nisi recta facis, nisi tantum iusta subornas,

Quam late imperium dux Jacobus habet.

Laudibus exaltate Deum super omnia nostrum,

Curuati sanctos ipsius ante pedes.

A sacris fuerant Moses, & clarus Aaron,

Et Samuel, summo nomina grata Deo,

Omnes hi Dominum quoties in vota vocarunt,

Audit, & pondus iussit habere preces.

Hos fuit affari solitus de nube columna,

Non etenim leges transiliere datas,

Tu Deus illorum voces & verba tulisti,

Et pius audisti qualiacunq; forent.

His tua nota etiam fuit indulgentia, si qua

Consilia ipsorum dissiuere tibi.

Magni-

*Magnificate Deum nostrum, simul ipsius altum
Nomen adorantes magnificate Deum.
Nomen adorantes sanctum conscendite montem,
Ipsius est etenim sanctus & ipse Deus.*

S C H O L I A.

AETERNUM) Narratio, quod cultum Dei solus
populus Israel habeat, & ideo gentes eum oderint.
NOMINIS) Propositio, qua hortatur ad gratiarum-
actionem A SACRIS) Magnum beneficium, quod
huic populo dedit sanctos magistratus & sacerdotes.
MAGNIFICATE) Reperit propositionem.

P S A L M U S C.

Iubilare Deo omnis terra, seruite.

A R G U M E N T U M.

*Christum laude noua venerari, iubila Christo
Dicere, laticiae signa mouere, iubet.
Nemp. Euangelio venia spes certa renascens,
Hoc stabilis regnum, quod sine fine manet.*

Est breuis, sed suauissimus Psalmus simili
argumento cum superioribus. Hortatur
enim ad gratiarum actionem, & praedicat
Christum esse Deum, creatorem & Domi-
num nostrum clementem, & aeternae mis-
ericordiae. Observabis autem in similibus
Psalmis, ubi ad gratiarum actionem & cul-
tus noui Testamenti hortantur, significati
occurrere abrogationem cultum legis.

Psal-

Psalmus in confessione.

OMNIA que magna colitis loca peruia terra,
Tollite viuenti iubila clara Deo.

Latantes seruite Deo, cum stabitis autem

Tota alacris facies uestra sit ante Deum.

Hunc tamen esse Deum cognoscite, nempe creati

Ipsius, haud nostra de ratione sumus.

Ipsse suum populum faciens nos, fecit vt essent

Quas velut indulgens pasceret autor oues.

Ipsius intrantes portas, ante omnia grates

Dicite, laudantes nomen vbiq; Dei.

Nam bonus est Dominus, nec desinet esse q; audit,

Ipsius est finem non habitura fides.

S C H O L I A .

OMNIA) Propositio, vt etiam gentes laudent Deum. I P S A SUUM) Narratio, in qua exponit causam, nempe beneficia Christi in nos.

P S A L M U S C I .

Misericordiam & iudicium cantabo.

A R G U M E N T U M .

Quales non liceat, nec fas sit habere ministros

Regibus, exemplo predicat ipse suo.

Quales precipue regum versantur in aulis,

Consiliis semper noxia turba bonis.

Est Oeconomicus Psalmus. Proponit enim

enim David suum exemplum, quomodo
aulam suam constituerit, & quorum homi-
num opera utatur ad res agendas, sed ex-
emplum eius docet, quantum odium hac
diligentia & studio apud suos sibi concilia-
rit. Nominat autem hic præcipua aulico-
rum vitia, quod sint peruersi, maledici, ar-
rogantes, mendaces, indulgentes cupidita-
tibus, &c.

Psalmus David.

CARMINIS huius erunt bonitas mihi pondus &
Mi Deus imprimis te mea Musa canet. (æquæ,
Simplicis inconcussa via vestigia carpam,

Quando erit ut venias, & mea cæpta iuues?

Prof. esto mea tota domus mihi corde regetur,

In mentem veniet res mala nulla mihi.

Seculantem peruersa odi, nec adunat illi,

Secula comes lateri non erit ista meo.

Flagitiis animus fractus procul inde faceffat,

Nec leuis agnoscam facta maligna viri.

Qui volet absantum verbis traducere vitam,

Hunc ego, si possem, perdere, certus ero,

Ora superciliis turgentem inflata superbis.

Non aliquid mecum sortis habere feram.

Obferuo, si quos possim reperire fideles,

Ut faciam partem sortis habere mea.

Simplicis ingenno vita candore probatus,

Ille mihi ex omni parte minister erit.

Qui varias falso concinnat pectore fraudes,

Sic proci

*Sit procul hinc, mecum non locus ullus erit.
 At qui vana leui loquitur mendacia lingua,
 Ante oculos stabilis non erit ille meos.
 Tempore cuncta breui tollam impia facta malo-
 Amplius omne scelus ne sit in urbe Dei. (rum,*

S C H O L I A.

CARMINIS) Propositio, seu summa Psalmi, Can-
 tabo, quomodo ego bonitate & iudicio administro
 regnum meum. SECTAN.) Hæc scilicet in aulis sunt
 communissima. OBSERVO) Hoc principis debebat
 esse studium. ANTE OCULOS) Hoc est, non habebit
 successum.

P S A L M U S C I I.

Domine exaudi orationem meam.

A R G U M E N T U M.

*Afflicti gemitus, & suspirantis ad ipsum,
 Qui redimat, fletu est plena querela pio.
 Optat ut adueniat promissi gratia regni,
 Peccati nimia mens pia mole grauis.*

Est insignis Psalmus, in persona Ecclesie
 veteris testamenti, sentientis peccatum &
 iram Dei, ac ideo mœrentis ac suspirantis
 regnum Christi, quod remissionem pec-
 catotum ac liberationem à morte erat al-
 laturum. Magnifice autem predicat boni-
 tatem Dei audientis afflictos, & mise-
 rentis,

Oratio

Oratio afflicti, cum inœsto esset animo, & coram Deo effunderet precationem suam.

RESPICE summe parens consolatoris egentem
 Hunc animum, & fletus accipe verba mei.
 Audi verba cruce animi testantia, pectus
 O vitæ moueat nostra querela tuum.
 Ab ne auerte tuos à me mississime vultus,
 Ne velut ignotum reuce quæso pater.
 Quin potius dum dura premunt ne tempora fletus.
 Exaudi, & misero, nam potes, affer opem.
 Nam mea vita leuis atrii ceu fumus in auras,
 Vsta velut torris, corporis ossa iacent.
 Deiectum est cor triste meum, ceu gramen, & aret,
 Sumq; fere potius immemor atq; tibi.
 Sic ego nam misere fletu consumor acerbo,
 Ut sua deficiens vix trahat ossa cutis.
 Factus onocrotalo similis deserta colenti.
 Instar soliuagæ nyctico raris er am.
 In somnes duco noctes, ex culmine tecti
 Quæ sedet, & socii nescia mœret ausis.
 In me crebra ferox conuicia congerit hostis,
 Resores iurant, per mala nostra, viri.
 Nam cinis est pro pane mihi, pro polline puluis,
 Assiduo fletu pocula mista bibo.
 In caussa ira tua est, atque indignatio, nam me
 Tollis, & elatum deinceps inde loco.
 Quos viuo velut umbra dies tenuantur in auras,
 Et mea, ceu scœrum, languit ægra caro.

Tu vero

Tu vero, tu cuncta manes per tempora solus,
 Nulla aetas poterit non memor esse tui.
 Tu pater exurgens miserebere magne Sionis,
 Tempus enim, cura iam quod egebat, adest.
 Tempus ut accipiat solitam, te dante salutem,
 Hanc rogo differri, ne patiare diu.
 Illius arx etenim lapides, atque edita rupes,
 Omnia supplicibus complacere tuus.
 Inde etiam cuncta metuent tua nomina gentes,
 Et tua principibus gloria terror erit.
 Nam Deus adificat celsa præclara Sionis
 Mœnia, & apparet magnus in arce sua.
 Exulis à precibus non est auersus egeni,
 Et prona miseros audit aure loqui.
 Tam bona temporibus scribetur fama futuris.
 Digna sub æterna posteritate legi.
 Ut sciat hæc populus post secula longa futurus,
 Et magno tantum prædicet ore Deum.
 Prospicit ingentis sublimi è vertice cœli,
 Aspicit hæc pedibus subdita regna sua.
 Audiat ut gemitus Deus impia vincula passi,
 Liberet & mortis quos tulit atra manus.
 Ipsius ut laudes fateantur in arce Sionis,
 Et magnum Solymis nomen in vrbe canant.
 Tunc vbi conuenient populi cœtusq; frequentes,
 Et regna, ut Dominum per loca quæq; colant.
 Omnia in hoc vita afflixit mea robora cursu,
 Esse dedit vita tempora pauca mee.
 Mi Deus, è medio ne me aufer tempore vita,

Mors est atati nulla futura tua.
 Tu pridem stabilis fundasti pondera terra,
 Ante tua celos composuere manus.
 Ipsi mutata tandem statione peribunt.
 Si iubeas: verum tu sine fine manes.
 Non secus ac vestis veterascent omnia, postquam
 Verteris ut vestem, mox retroacta cadent.
 Tu famulis tibi perpetuo, tu semper es idem,
 Deficient annis tempora nulla tuis.
 Et famulis nascenda tuis mansura propago est,
 Et genus hoc longo tempore perpes erit.

S C H O L I A.

RESPICE) Propositio: Iuua nos per aduentum filii Iesu. NAM MEA) Narratio, in qua graphicè depingit dolores animi, quos sensus peccati & ira Dei concitat. FACTUS) Id est, sumus deserti, nec possumus quiescere. IN CAUS) Hic exponit causam dolorum. TU PATER) Hic redit ad precationem, & exponit quid velit: Christum mitte. INDE) Vocatio gentium. EXULIS) Certus de exaudita oratione, excurrit in prædicationem misericordiae. LIBERET) Beneficium Christi à morte liberare. IPSIUS UT) Cultus, qui pro hoc beneficio redditur Deo. MI DEUS) Redit ad precationem. E FAMULIS) Ecclesia.

P S A L M U S CIII.

Benedic anima mea Domino, &c.

A R G U M E N T U M.

V

Grata

Grata Deo mens est, quæ se debere fatetur,
 Quicquid habet, quicquid possidet, omne Deo.
 Vita, salus, spes, pax, requies, vis omnis, ab illo est,
 Omnibus his gratias quis satis esse queat?

Est insignis Psalmus, in quo agit Deo gratias pro omnibus beneficiis spiritualibus & corporalibus, quod condonat peccata, quod vitam tuetur, quod consolatur, quod defendit, quod verbum dat, quod ignoscit. In fine addit prophetiam de regno Christi, quod hæc in nouo Testamento per Apostolos in toto orbe palam prædicabuntur.

Psalmus Dauid.

TOTA AGE vis animæ nostræ dissoluere, totâ
 Te in Domini laudes, dissoluisse decet.
 Omnes hoc ægro quæ sunt in corpore vires,
 Laudent immensi nomina sancta Dei,
 Diuinas iterum toto cane pectore laudes,
 Mens mea, quæ sedem corporis huius habet.
 Et noli non esse memor, quia rettulit olim,
 Sed non pro meritis munera tanta tuis.
 Qui tibi cuncta volens peccata remittit, & idem
 Qui tua præsentis vulnera sanat ope.
 Qui te seruat ab interitu, qui doctibus ornat
 Mirificis vitæ tempora cuncta tuæ.
 Qui larga satiare tuum bonitate palatum,
 Et, quæcumq; voles, munera ferre potest.

Qui

Qui reddit tibi more aquila iam debilis aeo,
 Acta iuuentutis tempora verna tua.
 Vindicat oppressos Deus, & non digna ferentes
 Afferit, & saluis viribus esse facit.
 Ipse suas Moses voluit cognoscere leges,
 Dextra Israël facta stupenda sua.
 Et pius, & plenus Deus est bonitatis, nec ira
 Præcipiti, ad veniam pronior esse solet.
 Pauca nec in multis exercet iurgia rebus,
 Longior haud illi caussa furoris erit,
 Non pro criminibus nobiscum agit ille peractis,
 Nec mala pro nostris reddidit vlla malis.
 Quam superant humiles caelestia sidera terras,
 Tam Domini bonitas extulit ista pios.
 Longius à nobis peccata is nostra remouit,
 Quam sit ab occasu diua pudoricolor.
 Vt pater errantes reuocat sua pignora natos,
 Sic pronam timidus fert miseratus opem.
 Nouit enim vili quam simus origine ducti,
 Et nisi quod simus puluis & vmbra nihil.
 Est homo persimilis fæno per prata virenti,
 Vt breuis in pingui, qua rosa floret agro.
 Quam simul attigerint virentis flamina venti,
 Aret, & exiguo victa calore iacet.
 At Domini bonitas sine fine his certa manebit,
 Tam fidum ex animo qui timuere patrem.
 Ipsius immoto qui seruant fœdera pacto,
 Iussaq; sincera mente tulere sequi.
 Ipse suum cæli solium stabilivit in arce,

Omnipotens tota regnat in orbe Deus.
 Angelica mentes Domino date maner a laudum,
 Quos altos, virtus nobilis, ante tulit.
 Omnia qui facitis quæ iusserit ipse, nec vllò
 Ipsi non estis tempore morigeri.
 Arma Deum laudent, exercitus omnia adoret
 Militia, & sub eo quicquid ubiq; manet.
 Præcipuas Domino laudes afferte ministr.,
 Qui placida ipsius, iussa q; perscitis.
 Cuncta creatorem fatentur facta potentem,
 Per loca quæ regno subdita cunq; tenet.
 Tu quoq; nunc animi vis tota & maxima nostris,
 Tam facilem lauda, quo potes ore, Deum.

S C H O L I A.

TOTA) Propositio. QUI TIBI) Remissio peccatorum. QUI TIBI) Narratio, in qua commemorat beneficia, pro quibus gratias agit. QUI TE) Vita. QUI LAR. (Victus. QUI RED.) Ineolumitas. VINDICAT) Defensio. IPSE) Verbum. ET PIUS) Ignoscencia. Hoc beneficium cæteris antefert, & copiosius prædicat, quod non secundum peccata nostra retribuit nobis Deus, sed ignoscit. QUAM SUP.) Gratia est super bonos tanquam cælum. NOVI T) Causam beneficiorum tantorum ostendit, quod sc. Deus movetur ad misericordiam, non nostris meritis, quæ nulla sunt, sed quia sumus calamitosi & miseri. Pactum & iussa sunt in Christum credere, sicut vox de cælo testatur: Hunc audite IPSE) Apostoli. Iussa.) Ecclesiæ. IPSE) Prophetia. Euangelium spargendum per apostolos in totum orbem.

P S A L M U S CIV.

Benedic anima mea Domino, &c.

A R G U M E N T U M.

*Cuncta creatarum memorat miracula rerum,
Quas hoc visibili fecit in orbe Deum.
Tam bene, qua potuit sapientia nullius unquam
Exprimit hic, ipso sicut ab ore Dei.*

Est gratiarum actio pro tota creatura. sic sapienter condita ad usum hominis. Commemoratur enim ordine miracula cœli, & terræ, & maris, pro quibus agit gratias.

*VT Domino laudem, & præconia digna canamus,
Deprompta ex animi pectore lingua sonet.
Mi Deus, eximio quam magnus & altus honore
Quam tua præcipuum gloria natis decus? (es
Concolor immensi lux te splendoris amicit,
Quam velut indutam regmina vestis habes.
Tu magni extendis spaciola volumina cœli,
Non secus ac pellis brachia fluxa noua.
Qui sua mobilibus cœnacula ponit in vndis,
Proq; suis nubes curribus esse facit.
Qui rapidis pedibus quouis velocior Euro,
Quantumuis celeres præuolat ante notos.
Qui flammam ignemq; tuos facis esse ministros,
Ut sint præcones, ventus & aura, tui.
Terrarum validis fundasti basibus orbem,*

Qui proprio semper ponere firmus erit.
 Aequoris hunc vasto velas, ceu veste, profundo,
 Nubiferos montes transiluistis aque.
 At simul increpites fugient, simul horrida mittas
 Fulmina, voce tua precipitante cadent.
 Eminuere loco montes planissima campi,
 Atq; imum valles obtinuere locum.
 Prescriptos fines non transgredientur, vt olim,
 Non iterum terra contegerentur aquis.
 Fontibus è paruis tu maxima flumina ducis,
 Vt sua montigenis vallibus vnda fluat.
 Ex his vt potent totis animalia siluis,
 Possit vt aucta feris vnda leuare sitim.
 Propter aquas volucres sibi grata cubilia figent,
 Carminaq; è ramis deliciosa canent.
 Nubibus humectas montes, tua munera tellus
 Sentit, & est fructus dote beata tui.
 Gramina productis iumentis pabula brutis,
 Atq; olea humana iussa virere manu.
 Vt miser è culto victum sibi comparet agro,
 Quaeq; hominum curas vina leuare solent,
 Quoq; nitent facies succum felicitis oliuae,
 Et panem, vires quo tuatur homo.
 Tu tua frondentis confortas robora siluae,
 Et Libani cedros, quas tna dextra colit.
 In quibus edificant nidos, sua regna, volucres,
 Atq; aliae, & ranis noxia semper auis.
 In montes pauidæ fugiunt & culmina damae,
 Antra, quibus nomen terra refossa dedit.

Tu stata

Tu stata per dubiam signasti tempora lunam,
 Sol habet occasus tempora certa sui.
 Te tenebras ducente diem nox atra repellit,
 Tunc se silua feris, tunc moeet omnis ager.
 Tunc leo præda avidus rugit, tum quatit ab ipso
 Esuriens, rapido quod voret ore, Deo.
 At simul explicuit roseas aurora quadrigas,
 In sua quæq; abeunt auia lustra fera.
 Ad sua tunc redeunt homines opera atq; labores,
 Donec sera sum contrahat hora diem.
 Quam tua sunt variis opera exornata figuris,
 Quam Deus eximio cuncta labore facio!
 Quam tu summe Deos sapienter cuncta parasti,
 Plena iacens tellus est bonitate tua.
 Hoc magnum spaciisq; patens immanibus aquor,
 Reptilibus plenum est innumerabilibus.
 Sunt illic variis animantia facta figuris,
 Magnaq; monstra, fera, paruaq; monstra, fera
 Illic velifera sulcant maria alta carinae,
 Quo tibi sunt cete ludere iussa loco.
 Te pater expectant hac omnia, te venerantur,
 Pabula vt expedias tempore cuiq; suo.
 Si dabis accipient, dextram si extendis apertam,
 Diuina saturi iam bonitatis erunt.
 At simul vt vultus auerteris ora benigni,
 Conseruata noui plena timoris erant.
 Natiui abstuleris vitalia munerata flatus,
 Mox subito interitu nil nisi puluis erunt.
 At simul emittis flatus nona cuncta creantur,

Iam noua frons terra, iam nouus orbis erit,
 Aeternos Domini maiestas duret in annos,
 Laetetur factis, qui facit ipsa, suis.
 Cuius ab obtutu tellus commota tremiscit,
 Fumus contactis montibus exprimitur.
 Hoc, mihi quod vite reliquum volet ipse relinqui,
 Ipsius expensum laudibus omne feram.
 Atq; utinam placeant illi mea carmina tantum.
 Ex quo sunt anime gaudia sola mea.
 De terra pereat peccator & impius omnis,
 Ex his dum reliquum nil superesse queat.
 Eia nunc igitur toto cane pectore laudes,
 Quas Domino debes fida Thalia tuo.

S C H O L I A.

VT DOM.) Propositio. Laudabo Dominum. MEN
 DEUS) Narratio, quæ habet enumerationem crea-
 turæ. CONCIO.) Lux. Tu) Cœlum. Qui sua)
 Aquæ. Cœli. Nubes. Qui FLAMMAS) Fulmina.
 Venti. TERRAR.) Terra. ABQUO.) Terra in
 medio mari cuncta. FONTIBUS) Fontes. Flumina.
 Ex HIS) Animalia terræ. PROPTER) Volatilia.
 NUBIB.) Pluuia. GRAMI.) Pabula. OLERA)
 Fruges. QUAEQ;) Vinum. QUOQUE) Oleum.
 ET PANEM) Panis. Tu TUA) Siluæ ferarum la-
 tibula, & domicilia auium. Tu STATA) Motus
 corporum cœlestium. TENEBRAS) Nox. AT
 SIMUL) Dies. QUAM TUA) Epiphonema inter-
 exxit. Hoc MAGN.) Mare. TE PATER) Pa-
 ter vester in cœlis pascit ea, Matt. 6. CONSTER.)
 Confternatio creaturarum. AETERNOS) Claudit
 narrationem epiphonemate. Hoc MIHI) Ve-
 rum. DE TERRA) Qui abutitur donis Dei, &
 non con-

non considerat in creatura potentiam & bonitatem
Dei.

PSALMUS CV.
Confitemini Domino, & inuocate.

ARGUMENTUM.

*A veteri repetens Abraamo cuncta recenset,
Vsq; sub Aegypti regna relicta canens,
Qua Deus illorum respectu fecerit, vsq;
Ium Canaanitas sedibus eiecerent.*

Est gratiarum actio pro beneficiis populo Israel exhibitis. Refert autem ea ad misericordiam Dei, & promissionem patribus factam. Sicut Moses Deute. cap. 29, plane eodem modo hæc enumerat.

OFFICIOSA Deo meritis date pectora grates,

Qui petitis vera cunq; salutis opem.

Quo deet ipsius celebrantes nomina cultu,

Dicite per gentes facta stupenda Dei.

Concinite vnanimos, illi date laudis honorem,

Dicite qua semper, quantaq; solus agat.

Laude sua celebrate Deum, sint gaudia cunctis,

Qui Domini querunt iussa paterna sequi.

Querite, nec cessate, Deum, cognoscite vires

Ipsius, & vultus, querite, amate pios.

Dicite facta Dei memores, qua maxima fecit,

Quam fuerit index verus vbiq; Deus.

Vos o præcipue magni proles Abraami,

Vos quoq; gentiles, quos Iacobus habet,
 Hunc nostrum merito Dominūq; Deūq; vocamus
 Terrarum ille potens omnia regna tenet.
 Fœderis ille sui non obliuiscitur vnquam,
 Quod pactum, vt daret secula mille, dedit.
 Quod tecum verbis Abraame fidelibus icit,
 Quodq; tulit iurans Isace magne tibi.
 Quodq; Iacobe tibi statuit pro lege sequendum,
 Quodq; Israëllem iussit habere ratum.
 Cum tali ad nostros loqueretur voce parentes,
 Auspice me Canaan terra futura tua est.
 Et loca mutantes nunc hæc, nunc illa subirent,
 Regnaq; non magna, proximiora, manu.
 Nec cuiquam permisit eis illudere, & ipsos
 Propter eos, reges arguit atq; duces.
 Præcipians, nolite meis damno esse prophetis.
 Neue vnctos libeat tangere forte meos.
 Inde famem terras diuturnam immisit in omnes,
 Panis & annonæ sustulit omne genus.
 Et tamen ante ipsos castum præmisit Ioseph,
 Venditus in seruum, non minus ille fuit.
 Vincula captiuis tulit impia carceris atri,
 Ferrataq; diu compede vinctus erat.
 Donac factis Deus iusta ipsius esse probauit,
 Et veram factis iussit adesse fidem
 Misit, & insontem solui rex iussit, vt esset
 Liber, & eximio dignus honore coli.
 Mox hunc ergo suæ domui præfecit, & omnem
 Ipsius Aegyptum sub ditione dedit.

Præsit ut imperio populis, ducibusq; magistrum
Præstet, & erudiat, qua decet arte, senes.

Post genus Israël Nilotica regna subiuit,

Venit in Aegypti ditia rura Iacob.

Quem Deus innumeris crescentem sætibus auxit,

Perq; suas sparsit millia multa tribus.

Diues ut Aegyptus iam non populosior esset,

Quæ populo ipsius non satis æqua fuit.

Quippe cor auertit Memphisitica rura colentum,

Ut nostros odio prosequerentur auos.

Ut populum opprimerent indigna mole grauatum

Seruitii, inuidia conficiente dolos.

Misit, ut eriperet, Mosen quem legit, & eius

Iussit Aaronem sortis habere locum.

Prodigia hi populis, & signa horrenda tulerunt,

Qualia non tellus viderat ante Chami.

8 Contextit tenebris Aegypti horrentibus omnem,

Iussa creatori paruit umbra suo.

1 Omnia plena meri iam flumina sanguinis ibant,

Non aliquo viuis piscis in amne fuit.

2 Iam loca terrestres implerant omnia ranae,

Fædantes regum limina, fulcra, thoros.

3 Iussit, & omne genus venere insecta, venenisq;

Omnia vastarunt germina læta suis.

4 Pro pluuia rapido commistos grandine nimbos,

Igneæ fertilibus fulmina misit agris.

6 Fregit pendentes ab adultis vitibus vuas,

Iamq; locus vacuus ficibus omnis erat.

Omnis ab ipsorum delata est finibus arbor,

Ligna

Ligna breui miseris nulla fuere super.
 7 Iussit, & agminibus densis, venere locustae.
 Quis numero bruchos expedisse queat?
 Absumfere omnem florentis graminis herbam,
 Languit erosus fructibus omnis oger.
 9 Cuncta per Aegyptum primogenita abstulit o-
 Omnia primitiis causa fuere suis. (Innem,
 Ipsosq; argentoq; graues eduxit & auro,
 Nullus in his quicquam, qui quereretur, erat.
 Lata erat Aegyptus, quando egrederetur ab ipsa,
 Omnibus ipsorum nam timor vnus erat.
 Ipsorum, extendit, tegerentur vt agmina, nubem,
 Praeuius vt noctu luceat ignis erat.
 Magna coturnicum cupidus data copia venit,
 Aërio pavit millia multa cibo.
 Dissecuit rupem, dissectaq; fluxit aqua vis,
 Aridaq; exortum per loca flumen erat,
 Nam verbi fuit ipse sui memor, illius olim
 Quod dederat iurans magne Abraame tibi.
 Atq; ideo eduxit populum noua gaudia agentem
 Perq; triumphantes agmina lata manus.
 Et dedit his alias expulsis gentibus oras,
 Quas nostri haeredes obtinere patres.
 Vt rata conseruent ipsius iussa, nec vnquam
 Ipsius aduersi legibus ire velint.

S C H O L I A.

OFFICIOSA) Propositio, qua hortatur ad gra-
 riarum actionem. Vos Q) Narratio, in qua histo-
 riam operu Dei in populo Israel ab Abrahamo vsq;
 ad post-

ad possessionem terræ Canaan percurrit. FOEDERIS) Promissio terræ Canaan. ET LOCA) Abraham, Isaac, Iacob, in terra Canaan hospites. ET TAMEN) Ioseph in Aegypto. VENIT) Iacob in Aegypto. MISIT) Moses, Aaron. PRODIGIA) Prodigia in Aegypto narrat, sed non eo ordine, quo facta sunt. FR EGIT) Quintam omisit: ulcera vesicarum in iumentis & hominib; IPSORUM) Iter & miracula deserti. NAM VERBI) Refert omnia ad promissionem & misericordiam, non ad merita populi.

P S A L M U S C V I.

Confitemini Domino, quoniam.

A R G U M E N T U M.

Ingratum sese agnoscens, peccasse fatetur,
Et Domino populus non habuisse fidem.
Grates ergo refert, quia non occiderit omnes,
Fœderis ipse sui, pollicitiq; memor.

Est gratiarum actio. Sicut enim supra beneficia Domini cōmemoravit, ita hic peccata populi enumerat & pœnas, ut hoc modo misericordia Dei amplificetur, qui tam malis & ingratis, tot beneficia inexhaustæ suæ bonitatis exhibuit. Habet autem confessionem peccati, & orat, ut Deus promissæ & declaratæ toties promissionis meminisse velit, & populum suum porro etiam liberare.

Halleluia, vel, Laudate Dominum.

C A R M I-

CARMINIB. celebrate noua, & dicite laudes,
 Qui colitis pura simplicitate Deum.
 Nam bonus est, & in aeternos non desinet annos,
 Esse sui tanta cum pietate memor.
 De factis Domini quis digne disserat unquam?
 Quis merito laudes ipsius ore canat?
 Felices, qui seruatis rationibus aequi,
 Quod iustum est, omni tempore perficiunt.
 Digneris memorasse mei, precor, optime diuum,
 Qua populo afficeris dexteritate tuo.
 Pectora nostra tua meritis inuisa salutis,
 Ut lato afficiar gentis honore tua.
 Omnia ut afficiens lecti tibi munera cœtus,
 Sim populo heredi gratus & ipse tuo.
 Improba maiorum deliquimus æta secuti,
 Impia præsentem fecimus ante Deum.
 Tot de prodigijs impletum Aegyptia regna,
 Perspectum nostri non habuere patres.
 Cumq; ipsos tanta cuperes bonitate iuuari,
 Officii indociles non meminere tui.
 Quin animos potius tibi contraxere rebelles,
 Propter arenosi litora rubra maris.
 Præstitit ipse tamen saluos, & viuere iussit,
 Ipsius ut celebris nominis esset honor.
 Ipsius ut populus immensa potentia cunctis
 Semper & in toto notior orbe foret.
 Arguit algosi fluctus & murmura ponti,
 Per medios fluctus arida facta via est.
 Inde suos duxit per denia regna profundi,

Sicut in exulta per loca plana via.
 Deq; manu eripuit crudelia bella minantis,
 Tutos hostili iussit abire manu.
 Castra inimicosum redeuntibus obruit undis,
 Agmine de tanto nec super vnus erat.
 Tum verbis habuere fidem, quæ dixerat ipsis,
 Tum laudes ipsi concinnuere Deo.
 Mox oblita operum tantorum ingrata Deo gens,
 Consilia ipsius non tulit vlla sequi.
 Tunc animos subit Dominum tentare voluptas,
 Tentaruntq; Deum per loca senta situ.
 Ipse autem tribuit, quæ votis cunq; petebant,
 Corpora sed subita tabida morte tulit.
 Tunc quoq; iactantes ipsi conuicia Mosi,
 Parcere sacrificio non potuere seni.
 Tunc subito tellus patefacta vorauit hiatu,
 Qui magnum contra se opposuere ducem.
 Atq; ita coniuncti fratres Abirame Dathani,
 Vos sceleris penas persoluisse liquet.
 Mortifer in mediis exarsit cœtibus ignis,
 Impia consumpsit pectora flamma vorax,
 Conflantes gelidis Horebi in vallibus aurum,
 Quem colerent vitulum composuere bouem.
 Atq; ita quem Domino debebāt reddere honorē,
 Gramina pascenti constituere boui.
 Longa solutifera traxere obliuia dextra,
 Mira per Aegyptum quæ modo tanta dabat.
 Quæ modo Niliacam miracula tanta per oram,
 Par mare, quæ vastum signa stupenda dedit.

Et to-

Et toties populum statuit delere rebellem,
 Ni prompta Moses menta tulisset opem.
 Hic namq; irati vultum stetit ante tonantis,
 Fecit & vlrices abstinuisse manus.
 Inde solo cultam spreuerunt vbera terram,
 Et verbis Domini non habuere fidem.
 Improba turbatis sparserunt murmura castris,
 Spernentes, tanquam friuola, iussa Dei.
 Exiulit ille manum contra, vt disperderet, illos,
 Per loca, qua nulla culta fuere manu.
 Semen vt in gentes dispergeret omne profanas,
 Nec sineret certis hos habitare locis.
 Turpia sculpsilium coluere idola deorum,
 Ora nec a vultis abstinuere cibus.
 Nam sacra depasli sunt diis oblata nefandis.
 Qui nil, nec vita, nec rationis habent.
 Talibus accensum factus mouere furorem,
 Hinc miseri magna pestis origo fuit.
 Tum Pineas tanto sumens de crimine penas,
 Abstulit irata noxia membra manu.
 Protinus effugit tenues mala pestis in auras,
 Iusticia Pineas nomina pulcra tulit.
 Hinc ad aquas iterum cum iurgia seua mouerent,
 Irati furias elicuere Dei.
 Vsq; adeo vt penas, populi pro crimine, Mosen,
 Proq; suis verbis persoluisse ferant.
 Oamq; animo offensus quadam est non recta locu-
 Qua simul offenso displi:uere Deo. (ius,
 Non etiam populos vastarunt cladibus omnes,
 Quos

Quos Deus excidio iusserat ipse dari.
 Gentibus immisti mores didicere profanos,
 Et que non decuit, facta nefanda sequi.
 Falsa alienorum coluerunt nomina diuim,
 Res ea peruersis exitiosa fuit.
 Tunc cacodemonibus natos natusq; tulerunt,
 Mactantes propria pignora cara manu.
 Et multam innocui fuderunt sanguinis vndam,
 In sua iam facti viscera caruifices.
 Qua Canaanitum sacrarunt munera laruis,
 Et polluta sacro sanguine terra fuit.
 Facta profanarunt se per sua pessima, prauos
 Per mores animas prostituere suas.
 Tunc grauis in populum successa est ira rebellem,
 Tunc sortem exosam cœpit habere suam.
 Gentibus ergo ipsos subiecit & esse tyrannos,
 Qui iuga contemtis imposuere, tulit.
 Hostibus ergo suis seruitum abire coacti,
 Et iuga sub domina dura tulere manu.
 Sape quidem miserans respexit ab hoste receptos,
 Perfida gens retro est saepe relapsa tamen.
 Vidit in arumnis positos miseratus, & aures
 Placatas querulis vocibus applicuit.
 Federis ergo sui memor, impia facta remisit,
 Quod pius, & quoniam sit sine fine bonus,
 Fecit & vt venia dignandos esse putarent,
 Qui captos tristi detinere iugo.
 Assere vos, ô nostra salus, & collige sparsos,
 Gentibus è mediis collige, redde, refer.

*Vt tua gratifico celebremus nomina cantu,
 Vt resonent laudes carmina nostra tuas:
 Laudetur totum Deus Israël in æuam,
 Quisquis amat fieri talia, dicat Amen.*

S C H O L I A.

CARMINIB.) Propositio. DIGNERIS) Orationem
 interlerit, quæ confessionem habet peccati, vt inde
 transeat ad historiam peccatorum populi. TOT TE)
 Narratio. QUIN) Exod. 14. TUNC ANI.) Exod. 16.
 TUNC QUO.) Num. 16. CONFLAN.) Exod. 32. ET TO-
 TIES) Exod. 34. INDE) Num. 13. HINC AD) Num. 20.
 GENTIB.) Hæc fuerunt tempora post Iosua sub iu-
 dicib. FACTA) idolatria. ASSERE) Claudit narrati-
 onem voto: Etiam nunc Domine misericordiam
 istam ostende.

P S A L M U S CVII.

Confitemini Domino quoniam.

A R G U M E N T U M.

*Gratia debetur Domino, qui seruat & auget,
 Quos rebus dominos omnibus imposuit.
 Qui meritis, vt quisq; potest, ita donat & aufert
 Cuiq; sit huic soli gratia summa Deo.*

Sicut præcedentes duo Psalmi proprie
 sunt gratiarum actio pro beneficiis exhibi-
 tis populo Israël: Ita hic in genere comple-
 ctitur omnis generis beneficia, quibus
 Deus iuuat egentes captiuos, oppressos
 morbis, periclitantes in mari, fame exan-
 nonæ

nonæ difficultate laborantes, vexatos à tyrannis, &c. Quare generalis gratiarum actio est. Notabis autem, quod diserte dicit, etiam illos diuinitus iuari, qui propter peccata affliguntur, si modo sperent auxilium, & id oratione à DEO petant.

*DICITE magnificas promentia carmina laudes,
 Qui colitis casta relligione Deum.
 Cuius in aeternum est bonitas memorabilis eunū,
 Qui pius est, cuius gratia sine caret.
 Laudibus hoc fateantur, & ipsi carmina dicant,
 Quorum sepe sua vincla leuauit ope.
 Et quos diuersis sparsos collegit ab oris,
 De toto extremis quatuor orbe plagis.
 Vnde nidens croceis aurora cubilibus exit,
 Vnde satis zephyri mollior aura venit,
 Vnde procellosi Boreæ sua flamina mittunt,
 Vnde graues pluuius depluit Auster aquas.
 Qui loca per deserta errant, qua nulla piorum
 Signa, nec humano sit via trita pede,
 Qui non inueniunt, qua possint vrbe morari,
 Quorum sunt nimia corpora lassa fame.
 Quorum præclusas sitis occupat arida fauces,
 Quorum est in medijs anxia vita malis.
 Qui simul ad Dominum clamant in rebus egenis,
 Audit, & aduerso tempore mittit opem.
 Errantes reuocans ostendit qua sit eundum,
 Vt rectam inueniant, ad loca culta, viam.*

Ergo Dei celebrent tanta bonitatis honorem,
 Ipsius in populis facta stupenda canant.
 Debilis ille anima sicut viscera potat,
 Et dura reficit corpora fessa fame
 Carceribus qui conclusi, vinculisq; grauati,
 Non procul à mortis conditione sedent.
 Idq; ideo, qui a se Domino posuere rebelles,
 Ipsius & verbis non habuere fidem.
 Reddidit ergo humiles, & corda laboribus angès
 Prostermit, nec adest, qui ferat, vllus, opem,
 At simul ad Dominum clamant in rebus egenis,
 Audit, & a duerso tempore mittit opem.
 Eductos tenebris reddit vitalibus auris,
 Soluit & iniecta vincula dura manu.
 Ergo Dei celebrent tanta bonitatis honorem,
 Ipsius in populis facta stupenda canant.
 Viribus ille suis portas confringit abenas,
 Vestes ferrato conterit ere graues.
 Ob scelera, & sua facta, affligitur impius omnis,
 Et stulti pœnas, quas meruere, luunt.
 Ipsorum stomachus super esta nausent omni,
 Et prope sunt Stygias quæ ria ducit aquas.
 Qui simul ad Dominum clamant in rebus egenis,
 Audit & aduerso tempore mittit opem.
 Mittit, & ægra suo sanat præcordia verbo,
 Iamq; propinquanti seruat ab exitio.
 Ergo Dei celebrent tanta pietatis honorem,
 Ipsius in populis facta stupenda canant,
 Grata Deo soluant meritis libamina laudis,

Ipsius & lato pectore facta canant.
 Qui maris alitibus sulcant vada salsa & arinis,
 Solliciti, & vastas ingrediuntur aquas.
 Illi opera in medio spectant diuina profundo,
 Facta q; in immenso prodigiosa mari.
 Iusserit, exiliunt venti, humidaq; æquora surgunt,
 Mota procellosis fluctibus vnda fremit.
 Et nunc in cœlum tolluntur, ad infima rursus
 Tartara mox animo deficiente labant.
 Iactantur, nutantq; mero velut ebrius hausto,
 Et sensus animi nil sapientis habent.
 Qui simul ad Dominum clamant in rebus egenis,
 Audit, & aduerso tempore mittit opem.
 Nigrum discussa mare tempestate serenat,
 Reddita compositis fluitibus vnda silet. (runt,
 Tunc leti exultant, quod marmura rauca quie-
 Quod tenet optatam tuta phaselus humum.
 Ergo Dei celebrent tanta pietatis honorem,
 Ipsius in populis facta stupenda canant.
 Laudibus extollant in cœtibus omnibus ipsum,
 Per loca sanctorum conciliata senum.
 Qui rigua obstructis deficcet flumina venis,
 Et bibulo riguam puluere siccet humum,
 Qui facit eximiam cultu sterile scere terram,
 Quod letas segetes impia turba colat.
 Qui loca manentes sitientia vertit in vndas,
 Et rigua è sicca flumina ducit humo.
 Et macie atq; fame confectos collocat illo,
 Qui, quæ possideant, mœnia tuta locant.

*Inde relaturis dispergunt semina campis,
 Lataq; botriferis vitibus arua nouant.
 Vnde nouæ vario redeunt cum fœnore messes,
 Credita luxurians semina reddit ager.
 Talibus aspirat certum Deus ipse fauorem,
 Multiplicans ipsos auget & omne pecus.
 Rursus & hoc faciet variis decrefcere morbis,
 Pestibus, ærumnis, anxietate, fame.
 Contentum populi certum primatibus affert,
 Et facit vt quærant per loca vasta viam.
 Tandem ope deiectam propera suffulcit egentem,
 Vtq; gregem, plenam sic facit esse doram,
 Ista boni videant, vt lati viuere possint,
 Audeat vt contra nil mala lingua loqui.
 Hæc quicumque sapit, consideret omnia & ipse
 Certus erit summa de bonitate Dei.*

S C H O L I A.

(DICI TE) Hortatur ad gratiarum actionem. QUI
 LOCA) Primus ordo calamitosorum & laborantium
 inopia, neque inuenientium certas sedes. CARCE-
 RIB.) Secuadus ordo eorum, quos liberat ex vincu-
 lis. ET STULTI) III. Stulti, hoc est, securi, & sine ti-
 more Dei, quos Deus implicat morbis. QUI MA-
 RIS) IV. Periclitantes in mari. QUI RIGUA) V. Qui
 patiuntur difficultatem annonæ propter inclemen-
 tiam cœli. CONTEM TUM) VI. Tyrannorum iniuriis
 oppressi HÆC QUI) Commendat piis hanc curam,
 vt bonitatem Dei in talibus cognoscant.

P S A L M U S C V I I I.

Para-

Paratum cor meum Deus, para.

A R G U M E N T U M.

Pro regni florente statu, pro pace recepta,

Pro salva grates religione refert.

Sed pete & regnum statui super omnia Christi,

Davidis regnum scilicet illud erat.

Est gratiarum actio, in qua gratias agit pro regno Christi, quod regnum gratiæ futurum erat, & pro suo corporali regno, quod ceu seminarium fuit futuri regni CHRISTI, salus enim ex Iudæis est. Atque hæc posterior Psalmi pars iisdem verbis est, Psalmo LX.

Psalmus & canticum David.

FERT animus tibi, summe Deus, mea prompta vo-

Gratifica laudes dicere voce tuas. (luntas,

Tollere, surge mea decus & pars maxima vita,

Musica Psalmographi gloria nostra chelys,

Exurgam matura novi sub lumina solis,

Rosida cum tepidum proferet aura diem.

Per populos tuu facta canam, per regna, per vr-

Nec laudem tellus nesciat vlla tuam. (bes,

Nam tua stelliferum bonitas transcendit olympiã

Subdita sunt fidei, nubila regna tua.

Exaltare Deus super alta cacumina cæli,

Laus tua terrarum transeat alta plagas.

Ut nunc ergo tibi cari seruentur amici,

Vi dextra nobis auxiliare tua.
Ex adyto Deus est diuina voce locutus,
Qua mihi laticia vox, noua signa dedit.
Nunc Sichime diuisa caput mihi subdet, & omnem
Planiciem Suchot metiar arte noua.
Noster erit Calaad, possessio nostra Manasses.
Mox Ephraim seepiri pars erit una mei.
Dux & rector erit mihi ad omnia fortis Iudas,
Subditus imperii nomine Moab erit.
Ipsa tributa dabit palmarum diues Idume,
Nostri Palestina regia gentis erit.
Sed quis erit, qui me manitans ducat in urbem?
Ecquis Idomæa ducet ad arua plagæ?
Tunc pater, qui sic nos ausuraris egenos?
Nec comes armatis in fera bella venis?
Auxilium duris in rebus egentibus affer,
Humanum auxilium nil rationis habet.
Diuino auxilio freti rem deinde geremus.
Iniciet nostris hostibus ille metum.

S C H O L I A.

FERT) Propositio. Gratias tibi agam. NAM TUA)
 Ratio, Quia habes regnum gratiæ & veritatis.
 NUNC SICH.) Transi ad præsens regnum, & primo
 pro verbo & religione, deinde pro Repub. pacata
 gratias agit. SED QUIS) Est sententia: Nisi Do-
 minus custodierit ciuitatem, &c. AUXILIUM)
 Oratio.

P S A L M U S C I X.

Deus

Deus laudem meam ne taceas.

A R G U M E N T U M.

*Fur is inauditum scelus erecratur Iudæ,
 Infontem diræ tradidit ille neci.
 Tales sunt nostro permulti tempore Iudæ,
 Voce pii, sed re nil bonitatis habent.*

Est oratio Christi, in qua & hostibus suis Iudæis, omnia mala imprecatur, & pro se petit, ut Deus sibi assit. Imprecationis causas assignat, quod Christum crucifixerunt, & verbum benedictionis noluerunt prædicatum per apostolos.

OMNIPOTENS pater, & rerum suprema pote-
*A quo, si qua mihi est gloria, tota venit. (Stat,
 Nero go dissimula, nec ad hac opprobria dormi,
 Quæ iacit in mores perfida lingua meos.
 Nam reprobi de me mendacia verba loquuntur,
 Et mihi composita fraude nocere student.
 Quos ego dilexi, quos toto pectore amabam,
 Invidia qui me persequerentur, erant.
 Cum tamèn interea peterem tua numina supplex.
 Ut tua non meritis dextera ferret opem.
 Impius insidiis mea nunc benefacta rependit,
 Nunc odium summa pro pietate refert.
 Constitue ergo viro dorginetur ut impius illi,
 Ad dextram infestans angelus astat ei.*

Exeat infesto sub iudice condemnatus.

Ipsius vt caussam propria verba grauent,
Vita breuis misero per paucos duret in annos,

Quod gerit accipiat muneris alter opus.

Pignora quæ genuit, decedens orba relinquat,

Possideat viduas ipsius vxor opes.

Ipsius extorres nati nataq; vagentur,

Mendicentq; inopis vilia scruta cibi.

Difficili sudore parent, quæcunque parabunt,

Postquam vastatas incoluere domos.

Auferat exactor, quæ possidet omnia, demum

Despolient alii, quas cumulauit, opes.

Nemo illi placidus, nemo sit fidus amicus,

Pupillis miseri nemo fauere velit.

Nullis posteritas excisa repullulet annis,

Ipsius & nomen secula nulla sciant.

Delicta ipsius quæ commiserunt parentes,

Succedens memoris puniat ira Dei.

Eximat ante Deum nulla hæc obliuio, nulli

Sint qui horum possint commemorasse dies.

Quod pius erga alios, quod noluit esse benignus,

Afflicto studuit quod nocuisse vire.

Quod duro afflictum quæ fuit perdere fata,

Cui plena assidui vita doloris erat.

Et cui grata viro fuit execratio, solus

Execrabilibus concidit ipse modis.

Et quia nulla vnquam fuit illi gratia cura,

Indigno veniat gratia nulla viro.

Et quoniam placuit saua maledictio lingue.

Ipsius

Ipsius, ut vestis membra animamq; tegat.
 Illius ossa viri penetret, ceu succus oliuæ,
 Totaq; peruadat corpora, sicut aqua.
 Hæc sit ei tanquam tegmen, quod corpus amicit.
 Hanc secum tanquam balthea nota ferat.
 Hæc his eueniant, hæc omnibus imprecor illis,
 Qui mihi perniciem nocte dieq; parant.
 Hæc his à Domino veniant, hoc nomine, dira,
 Quod nisi dira in me non potuere loqui,
 Interea tua me genitor clementia seruet,
 Quæ propensa bonis, & genuina tibi est.
 Exul enim iaceo, rerumq; affligor egeus,
 Intimaq; infesto vulnere corda labant.
 Umbra velut longæ sub tempora sera diei,
 Sic infirma mei corporis umbra fugit.
 Luctar & incertis per deuia sedibus erro,
 Ut manet in nullo certa locusta loco.
 Fessa fame genua ægra labant, caro maruit om-
 Restat in hoc toto corpore pingue nihil. (nis,
 Ludibrio longo sum tempore factus iniquis,
 Spectantes capitum tempora versa mouent.
 Omnipotens ser opem, Deus auxiliare iacenti,
 Pro certa fidei dexteritate tua.
 Hoc opus esse tuæ ut possint cognoscere dextra,
 Et quia tu solus feceris ista pater.
 Illi execrentur, dum tu benedicere pergas,
 Insurgant, vili dum tamen inde cadant.
 At tuus accepto famulus gratetur honori,
 Omniaq; ætatis tempora letus agat.

Oppro-

Opprobrio atq; ignominia, ceu veste tegantur,
 Crimina, ut induti pallia nota, ferant.
 Ipse frequentando laudes tibi carmine dicam,
 Pectore presentem fassus & ore Deum.
 In medio populi cœtu tua nomina, veris
 Alta super cœli laudibus astra feram.
 Assat enim misero, saluatq; à fraude nocentum,
 Excipere insontem qui voluere virum.

S C H O L I A.

OMNIPOTENTIS) Propositio. NAM) Ratio, in qua exponitur peccatum populi, CONSTITUENS) Imprecationes. Ac primo loco videntur corporales maledictiones poni. DELICTA) Hæc sunt spiritualia. SUCCESSUS) In Dei. QUOD PIUS) Causæ: Christus occisus. ET QUANTUM) Contentum Evangelion. ILLIUS OS.) Sunt vere tragica figuræ. INTEREA) Orat pro se quoque, & conqueritur de afflictionibus. ILLI EXECR.) Reddit ad execrationes. IPSE FREQUENTANDO) Gratiarum actio.

P S A L M U S C X.

Dixit Dominus Domino meo.

A R G U M E N T U M.

Esse sacerdotem Christum, & super omnia regem,
 Et patris ad dextram, spiritus iste canit.
 Mentiri hunc aliquis dicat, quod abominor, hostis
 Christe citas, poteris Christe carere fide?

Est prophetia de Christo & eius regno

Quod

quod sit natura Deus, quod habeat officium regis & sacerdotis æterni, ad defendendam & sanctificandam Ecclesiam, quod regni huius exordium in Hierusalem erit, quod Ecclesia diuinitus propagabitur, quodque huius regis & regni hostes peribunt. In fine addit de humiliatione Christi, quod prius oportuit eum pati, & sic venire ad gloriam, id enim est bibere ex torrente.

Psalmus David.

OMNIPOTENS olim diuina voce locutus,

Ad Dominum dixit talia verba meum:

Sic tibi cunctarum rerum data tanta potestas.

Ad dextram teneas vt loca prima meam.

Donec ceu scabella solent calcanda, malorum.

Subiciam pedibus, millia multa, tuis.

Omnipotens clara sacra de rupe Sionia

Proferet imperii regia scepra tui.

Tu nunc ergo tuos dominare potenter in hostes,

In medio quorum inra tenenda dabis.

Quo tu es summa die virtutis signa daturus,

Turba aderit populi promta frequensq; tui.

Insigni venient pompa, vt splendor decori,

Læticiaq; dabunt plurima signa nouæ.

Materno ex utero tua palcra & clara iuuentus,

Vt matulini copia roris erit.

Iurauit Dominus, nec eum iurasse pudebit,

Nec iuramenti penituisse potest,

Tu pius

Tu pius & solus per secula cunctia sacerdos,
 Ad ritum magni Melchisedecis eris.
 Ad dextrā tibi semper adest Deus omnia prastās,
 Iratus reges conteret, atq; duces.
 Iudicium gentes ille exercebit in omnes,
 Plena cadaueribus tot loca vasta dahit.
 Ille tuo late regnans caput auferet hosti,
 Nobilis excisum de ditione soli.
 Torrentes fuso manabunt sanguine riui,
 Rubraq; de cæsis hostibus vnda fluet.
 Propterea sese extollens super omnia victor,
 Sidera sublimi vertice summa petet.

S C H O L I A.

OMNIPOT.) Narratio est perpetua. DONEC) Christus Dominus creatura. OMNIPOT.) Locus regni. TURBA) Populus regni. INSIGNI) Cultus regni. MATTERNO) Propagatio Ecclesie. TU PIUS) Christus sacerdos, vide epist. ad Heb. cap. 5. 6. 7. 8. 9. 10. TORRENTES) Quidam sic exponunt: De torrente bibet, hoc est patietur; atque hæc sententia commodior est, vt coniungantur Christi humiliatio, & glorificatio, sicut Esa. 53.

P S A L M U S CXI.

Confitebor tibi Domine in toto.

A R G U M E N T U M.

Hoc insigne melos agni pascalis ad esum.
 Est solitum populo non residente cani.

Scilicet

*Scilicet Egypti memor, hoc vt carmine grates
Diceret, accepti letus honore boni,*

Est gratiarum actio pro beneficiis populo Israel exhibitis. Recitat autem non modo beneficia DEI, quod pauperit populum in deserto, quod dederit terram Canaan, sed etiam noui Testamenti meminit, quod æternum Testamentum est, & redemptionis per CHRISTUM factæ.

Halleluja.

TE DEVS autorem vita rerumq; suarum,

Hic animus causam, cur fateatur, habet.

Quas tibi non falso promam de pectore laudes,

Illarum populi concio testis erit.

Res facit omnipotēs magnas, opera omnia magna

Quæ facit excelsa conditor ille manu.

Atq; ea quisquis amat, qui perseruabitur, illi

Nota voluptatem, deliciasq; ferunt.

Laude & honore Deus facit omnia digna, nec vn-

Iusticie poterit non memor esse sue. (quam

Ipsius celebrat, memor atas omnis, honorem,

Tamq; pii Domini facta stupenda canit.

Hunc quicumq; timent, his larga alimenta mini-

Et dat ab hostili munera rapta manu. (Irat,

Scilicet ista suæ repetens pia fœdera pacis,

Irrita promissi non sinit esse sui.

Quam sit terribili metuendus ad omnia dextra,

Ipse suo populo maxima signa dedit.

Cum

*Cum detracta suis spolia hostibus, omnia quondā
 Diuideret populo, seu sua dona, suo.
 Omnia firma manu fecitq; & vera potenti,
 Illius haud vnquam iussa perire queunt.
 Hæc stant perpetuū non interitura diebus,
 Ex vero siquidem condita firma manent.
 Libera iura suis misse tulit ipse salutis,
 Et pacti statuit fœdera longa sui.
 Cuius & est omnes metuendum nomen in annos,
 Et quo nil vsquam sanctius esse potest,
 Iure timor Domini sapientia prima vocanda est,
 Felices quorum cordibus ille sapit.
 Perpetua siquidem præconia laudis habebunt,
 Pectora qui talis plena timoris habent.*

S C H O L I A.

TE DEUS) Propositio. RES) Narratio, quæ conti-
 net causam propositionis, ac primo commemorat
 liberationem ex Aegypto, qua sibi hunc populum
 afferuit. LAUDE) cultus Dei & verbum. HUNC QUI C.)
 Victus datus in deserto. ET DAT) Terra Canaan da-
 ta victis gentibus. OMNIA FIRMA) Epiphonema,
 quo claudit beneficia veteris Testamenti. LIBERA)
 Noui testamenti beneficium Christus, qui est re-
 demtio populi PER PE.) Epiphonema.

P S A L M U S CXII.

Beatus vir, qui timet Dominum.

A R G U M E N T U M.

Apparet

Apparet, nil esse pios, nisi inania terra
 Pondera, felices hic tamen esse canit.
 Felices quicumque Dei didicere timorem,
 Quantumuis miseros, munde superbe, putes.
 Hortatur ad timorem Dei, & beneficentiam
 seu ad opera pietatis, & magnifica
 promittit.

Haleluia.

FELICEM, quem diuini pia cura timoris
 Tangit, & obsessum nocte dieq; tenet.
 Qui scrutans precepta Dei, se oblectat in illis,
 Et nihil hac extra, quod meditetur, habet.
 Posteritas praeclara viro nascetur ab illo,
 Huius erit toto semen in orbe potens.
 Huic bona cunctarum non deerit copia rerum,
 Nullus iusticiae terminus huius erit.
 Per medias tenebras orientur lumina iustis,
 Munifici summa pro pietate Dei.
 Qui bonus est, facile ingenua pietate mouetur,
 Vicino tribuens mutua pensa suo.
 Hic sua iudicio dispendet cuncta fideli,
 Quaeque geret, recta munera lege geret.
 Stabit enim nulla futi ratione mouendus,
 Nullaque posteritas non memor huius erit.
 Non ille insidias meditantis murmura linguae,
 Non metuit fama damna ferenda sua,
 Pectore enim didicit Domino confidere forti,
 Cui nisi de caelo spes rata nulla fuit.

Y

Pecto-

*Pectore fortis erit, metuet nil donec in hostes
 Fortunam aduersam viderit esse suos.
 Pauperibus dispergit opes, largitur egenis,
 Perpetuas igitur iustus habebit opes.
 Stabit honorata sublimis in arce bonorum,
 Præcipuo cornu tollet honore suum,
 Impius ista videns, accensa bile dolendo,
 Ad Stygias frendens dentibus ibit aquas.
 Nam quæcunq; petet studia impius, omnia fient
 Irrita, nec fructus, quos voluere ferent.*

S C H O L I A.

FELICEM) Propositio. POSTERIT.) Ratio, in qua
 commemorat præmia pietati proposita. QUI BONUS)
 Alia propositio, qua horratur ad beneficentiam.
 STABIT) Commemoratur beneficentiæ præmia IM-
 PIUS) Antithesis. Impiis contraria omnia euenient.

P S A L M U S CXIII.

Laudate pueri Dominum, laudate.

A R G U M E N T U M.

*Solis ad occasum Christus regnabit ab ortu,
 Illius & gentes, illius orbis erit.
 Ille humiles animo releuat, domat omne superbis
 Hæc tanquam sua sint munera Christus amat.*

Insignis Psalmus est, qui hortatur ad gra-
 tiarum actionem, ac DEI misericordiam
 prædicat

prædicat, quod abiectos respicit, & humiliatos exaltat. Clarum autem argumentum est, cum Deus humiles exaltat, non hoc animo à Deo nos humiliari aut deici, ut pereamus, sed ut inuocantes & credentes saluemur.

Haleluia.

ADDICTI Domino pueri celebrate ferentes,

Laudibus æternis nomina magna Dei.

Nostro hoc perpetuos ex tempore duret in annos,

Gloria, quæ soli est sola ferenda Deo.

Laus Domini primo Phœbi surgentis ab ortu,

Inclita ad occidentas floreat vsq; plagas.

Magnus ut est, ita magnifice super omnia regnat,

Astra sub iniuncto qui pede summa premit.

Huic Domino similis quis sit qui possit haberi?

Sublimem qui se, quam volet ipse, locat.

Rursus eo terras qui se demittit, ut omnes

Spectet, & in cælis quodquod agatur opus.

Ille inopem facto de puluere subleuat, idem

Ex humili afflictum ducit ad alta loco.

Ut locet & reges inter populiq; tyrannos,

Quem fidum vero norit amore sibi.

Ille etiam sterili tribuit, sua gaudia, nates,

Ut fiat genitrix munere lata Dei.

S C H O L I A.

ADDIC.) Propositio MAGNUS) Narratio in qua exponit causã, cur laudari mereatur Dominus

P S A L M U S C X I V .

In exitu Israel de Aegypto, domus.

A R G U M E N T U M .

Infinita Dei memorat miracula vates,

Quæis populum Aegypto duxit ab ipse suum.

Hæc quoq; festa cani sub Paschatos annua possunt,

Quæ grates referant carmina læta Deo.

Narratio est, in qua prædicat mirabilem & magnificam liberationem populi in Aegypto afflicti. Ideo autem commemorat notam historiam, vt præteriti beneficium cogitationibus pii animum erigant, ad sperandam salutem in aliis difficultatibus quoque, & vt grati sint erga tam misericordem Deum.

CUM vetus à magno genus Israële profectum,

Aegypti vetitis egredereur agris.

Protinus in forti se sanctificauit Iuda,

In genere Israël regia scepra ferens.

Vidit, & attoniti retro maris vnda refugit,

Peneades restuo Iordanis amne fletit.

Summa remittentes salierunt culmina montes,

Sicut vbi teneræ deliciantur oues,

Quid tibi, cur fugeres, mare cōrigit? vnde laboras?

Cur solitum retro Iordani flectis iter?

Vtq; mares ouium cur subsiluistis in auras

Culmina? quæ colles vos noua cāssa mouet?

Horruit

Horruit, & subito terra est concussa tumultu,
 Nec solitis tremuit motibus ante Deum.
 A facie commota Dei sunt omnia terræ
 Viscera, sarigenæ quem coluere patres.
 Qui duram faciles petram conuertit in vndas,
 Siccaq; manantes marmora fecit aquas.

S C H O L I A.

Cum) Narratio. VIDIT) Transito maris rubri &
 Iordanis. SUMMA) Tempestas in monte Sina. VT-
 QUE MARES) Poetica figura, qua amplificat mira-
 culum.

P S A L M U S C X V.

Non nobis Domine non nobis.

A R G U M E N T U M.

Qua gentes simulacra colunt sunt vana, nec vllū
 Cui possint verè fidere, numen habent.
 Vnus ab Israel Deus est, & solus, & idem,
 Cui vere possis fidere, numen habet.

Est gratiarum actio, & encomion Dei Is-
 rael, quod populus Israel habeat Deum be-
 nefacientem. Addit autem antithesin.
 quod gentium dii non tales sint, vt qui nec
 audiant, nec respiciant suos cultores. Hac
 postea accommodat ad ipsos cultores ido-
 lorum, quod cæci & surdi sint, &c. Habent
 autem omnes illi idola, qui non credunt,
 quod Deus eos curget, respiciat, exaudiat,
 &c.

SUMME opifex rerum, nobis ne confer honorem,
 Quem decuit merito nominis esse tui.
 Omnis namq; tibi debetur gloria soli,
 Pro bonitate tua, pro pietate tua.
 Cur fatuas nobis patiaris dicere gentes,
 Nunc Deus istorum, quem venerantur, ubi est?
 At Deus astriferi noster tenet aurea cœli
 Mœnia, & arbitrio cuncta agit ipse suo.
 Verum illi simulacra colunt argentea, vel quæ
 Ex auro humana composuere manus.
 Ora, quibus nunquam vero sermone loquentur,
 Quo nequeant aliquid cernere, lumen habent.
 Nulli soni veniunt vanas elementa per aures,
 Nare sub ipsorum non erit ullus odor.
 Organa deficiunt stupidas gustantia linguas,
 Cassa locutura guttura vocis habent.
 Quid quod inutilibus nil possunt tangere palmis,
 Quodq; pedes nunquam, qui moueantur, habent.
 Illorum similes fiunt ea monstra parantes,
 Et quicumq; in eis spem posuere suam.
 Ad domus Israël Domino confidat, ab ipso
 Illius auxilium, praesidiumq; venit.
 Semen Aaronum Domino confidite, ab ipso
 Auxilium nobis, praesidiumq; venit.
 Sperate in Domino quicumq; timetis, ab illo
 Auxilium nobis, praesidiumq; venit.
 Et memor est nostri Deus, & facit esse beatos,
 Quos domus Israël, quos & Aaron habet.
 Qui Dominum metuent, non illis ulla deerit.

*Copia, felices quæ statuisse potest.
 Felices timor ille facit discrimine nullo.
 Sive quis hic magnus, sive pusillus erit.
 Addet ad hæc vobis, cumulataq; lucra reponet,
 His quoq; quæ nostra semina stirpis erunt.
 Vos data felices Domini clementia fecit,
 Qui mare, qui terras fecit, & astra poli.
 Mœnia luceotis Deus incolit ardua mundi,
 Humano generi terrea regna dedit.
 Nemo tuas laudes post ultima fata loquetur,
 Nec nigra perpetua quæ loca nocte silent.
 Sed nos summe pater, modò tu pariare, tacebunt
 Tempore ab hoc laudes secula nulla tuas.*

S C H O L I A.

SUMME) Occupatio est. Non prædicabimus nos-
 ipsos, sed nomen Dei nostri. Simul autem proponit
 Psalmi summam: Noster Deus est Deus cæli. CUR)
 Narratio. VERUM) Antithesis. Idola nec audiunt,
 neque respiciunt cultores suos, ergo tales sunt pla-
 ne sine Deo. SPERATE) Conclusio: Noster Deus
 non talis est, ergo merito eum laudamus & in eo
 confidimus. Atque hic iterum ingreditur commemo-
 rationem beneficiorum Dei, & orat, vt Deus be-
 nedictionem suam super populum suum confirmet.

P S A L M U S CXVJ.

Dilexi quoniam exaudiet, &c.

A R G U M E N T U M.

Conqueritur se dura pati, qui scilicet esset

7 4

Confes-

*Confessus pura simplicitate fidem.
Inde quod è curis animi grauioribus ipsum,
Ernerit, reddit carmina grata Deo.*

Prior pars Psalmi habet gratiarum actionem pro exauditis precibus & liberatione facta. Insignes promissiones quoque sunt additæ. In secūda parte magnifice prædicat cultū Dei, vt patienter feramus eius voluntatē, & inuocemus ac laudemus eum.

(*ptas,*

CONTIGIT hæc animi mihi nunc sincera volu-

Quod Deus has prona percipit aure preces,

Quod solita nostras, audit pietate querelas,

Quem loquar, hæc donec vita superses erit.

In mea mortiferi laquei deuincta tenebant

Gutturæ, ab inferno non procul orbe fui.

Turbarat totos vrgens angustia sensus,

In mortem assiduis cladibus actus eram.

Tunc Dominum per vota vocans, ô maxime dixi,

Eripe, & banc animam posse perire veta.

Pronus ad auxilium noster Deus ille ferendū est,

Tam cito qui miseris fert miseratus opem.

Simplicitate pijs animos custodit, & ipsum

Me quoque seruauit quando premendus eram.

Quare anime erigere, & certam tibi sume quietē,

Nam te restituit, qui tibi misit opem.

Tu Deus eripuisti animam, cum fata timerem

Pessima, de mortis conditione, meam.

Tu mea sublato siccasti lumina fletu,
 Per te planta mei stat bene fulta pedis,
 Ascendam Domini securus in atria, vt inter
 Curantes Domino viuere, semper eam.
 Cum mihi certa fides animum compleuerit, hinc
 Quod Domini toties de pietate loquor, (est,
 Mirificus tamen ipse modis afflictus agebam,
 Interea & multo fractus agone fui.
 Cum male sperarem, fugeremque per auia, dixi,
 Mendax omnis homo est, falsus & omnis homo
 In me collata quid pro pietate rependam? (est.
 Quae Domini meritis praemia digna feram?
 Leta salutifera fidei mihi pocula sumam,
 Et Domini repetens saepe precabor opem.
 Vota Deo, quaecunq; tuli, super omnia soluiam,
 Indubiam, populo conspiciente, fidem.
 Ante Deum preciosa solet mors esse suorum,
 Quos amat, & vera conspicit ire via.
 Ad dictus tibi seruus ego, pater optime, dicar,
 Seruus & ancille filius esse tuae.
 Nomen adorabo Domini super omnia sanctum,
 Et populo coram vota soluta feram.
 In medio Solymarum vbis mea vota rependam,
 Quae patet sancte limina celsa domus,

S C H O L I A.

CONTIGIT) Propositio gratiarum actionis. IN
 MEA) Narrat periculum, ex quo fit liberatus. PRO-
 NUS) Epiphonema. QUAE) Consolatur se, & erigit
 ad agendas gratias. CUM MIHI) Repetit priorem sen-
 tentiam,

rentiam, quod afflictus fuerit, & orauerit ac liberatus sit. **L A E T A**) Vide quid promittat vicissim pro liberatione, hoc scilicet, quod velis calicem Domini bibere, hoc est, patienter ferre afflictiones, & inuocare nomen Domini. Ac consolationis plenissimum est, quod calici addit epitheton salutaris. **A N T E**) Sententia de resurrectione mortuorum. **A D D I C T.**) **P A T H O S.** **N O M E N**) Hoc est votum primi præcepti, agnoscere quod Deus sit noster Deus, & ei fidere, ac eum prædicare.

P S A L M U S CXVII.

Laudate Dominum omnes gentes.

A R G U M E N T U M.

*Omnia regna orbis, Christo insula seruiet omnis,
Agnoscent illum cuncta creata Deum.
Gratia, pax, & amor, regnum comitabitur illud,
Vera fides, pietas, gloria, vita, salus.*

Prophetia est de regno Christi, quod dicit esse regnum misericordiæ & veritatis, confirmatæ super Ecclesiam, & huius regni cultores & subditos gentes dicit, ac cultum, laudare tam misericordem Dominum, his abrogat circumcisionem, legem, cultus Iudaicos, maledictiones legis, &c.

L A V D I B. ô gentes Dominum celebrate quot vsquâ,
Cunq; capax magni circulus orbis habet.
*N*ulla sit in cunctis adeo tribus abdita rebus,
Qua non gratifico prædicet ore Deum.

*Ille etenim larga nos dexteritate reuifens,
Non finit ingrata pestilitate premi.
Ipsius æternos pietas quia summa per annos
Permanet, & finem non habitura fides.*

S C H O L I A.

LAUDIB.) Proposicio. ILLE ETENIM) Ratio,
Quia dominatur nobis misericordia & veritas eius.

P S A L M U S CXVIII.

Confitemini Domino quoniam.

A R G U M E N T U M.

*Latum Euangelii pacis, veræq; salutis,
Venturum populis nunciat esse diem.
Grates letus agit, coram capite illa videre
Gaudia, quæ Christo rege futura videt,*

Est prophetia de Christi passione & glorificatione, sicut exponit Christus Matt. 21. & Petrus Act. 4. Magna pars ab initio sunt voces Christi prædicantis in Israel, hoc est, in Ecclesia & inter electos, se in passione adiutum esse & sustentatū, & glorificatum. Deinde hortatur ad gratiarum actionem. Orat pro successu Ecclesiæ, & gratias agit.

*Huc agite ô anime, celestis munera fasso,
Gratia quas Domini, dextroq; larga fouet.
Huc agite, & animi dignas expeditæ voto,*

Quas

Quas Domino grates persoluisse decet.
 Munera inexhausta qui sufficit omnia dextra,
 Semper & expendens omnibus a qua facit.
 Cui, quia sponte facit bona, qua facit ista, ripendi
 Pro tantis meritis gratia nulla potest.
 Namq; quod obruimur damnis, mala nostra me.
 Quod non perpetuo perdimur ille facit. (reitur.
 Dicite nunc genus Israël, data sceptrā tenentes,
 Quod bona perpetuo, qua facit, ista facit.
 Dixite qui vera Dominum pietate timeris,
 Quod bona perpetuo, qua facit, ista facit.
 Ergo ego in angustum dum me fors dura coarctat,
 Solus, huic fidens aucupor huius opem.
 Nec patitur tristes frustra exercere querelas,
 Et confert precibus commoda plura meis.
 Non metuam, ne quid noceat mihi perfidus hostis,
 Dum mecum Domini dextra benigna manet.
 Hoc duce, quid poterit mihi vis humana nocere?
 Hunc animum timor, hoc vindice, nullus habet.
 Auxilio praesens Deus est mihi, meq; tuetur,
 Pro nihilo contra qui feret arma feram.
 Scilicet ut victo iam tutus ab hoste triumphem,
 Captaq; deridens agmina victor agam.
 Qui sapit in Domino mavult confidere, quam se
 Sperare humana vincere posse manu,
 Tutius est, praestatq; Deo confidere soli,
 Quam se principibus credere mille viris,
 Innumerabilibus circumdatus hostibus angor,
 Meq; premunt omnis, friuola turba, mali.

Horum ego præcidam, ceu frondea robora, vires,
 Iudicia Dei nominis arma gerens.
 Circudant, circumueniunt, miserumq; fatigant,
 Sed quib. hos vincam, qui valet, arma dabit.
 Sicut apes circumuolitant me, dum sua mittunt,
 Spicula, congesta ne violentur opes.
 Sicut ab incensis euertere sentibus ignem,
 Sic properant in me, sic mea fata petunt.
 Impulit ut caderem prono manus impia lapsus,
 Ne iaceam, Domini me pia dextra leuat.
 Verum ego præcidam defectum viribus hostem,
 Indubitata Dei nominis arma gerens.
 Robur & auxilium, mea, laus, mea summa salutis,
 Est Deus, hinc victrix est mea facta manus.
 Vocibus exultant, & cantibus omnia lætis,
 Atria iustorum nocte dieq; sonant.
 Dextra Dei virtute potens operata salutem est,
 Alta est terribili fulmine dextra Dei.
 Dextra Dei virtute potens facit omnia, vincit
 Omnia, sola potens omnia dextra Dei.
 Non moriar, sed ero vita comitante superstes,
 Et laudes Domini, magna que facta canam.
 Castigat sumto Dominus mea membra flagello,
 Nec tamen ad stygias corpora trudit aquas.
 Nunc mihi iusticie portas aperite, per illas
 Ingressus Domino munera grata feram.
 Hoc iter ante Deum, domino hæc gratissima porta est
 Hæc pede iustorum sæpe terenda via est.
 Gratia saluator tibi sit, quia sternis inermem,

Prostratumq; noua vincere laude facis.
 Qui reprobatus erat lapis adificanti bus olim,
 Extructa summum sustinet arcis opus.
 Hoc operatus opus Deus est, quod nostra videntes
 Lumina, mirari non satis vlla queant.
 Hac est illa dies toti celebrabilis orbi,
 Quem facit, & proprio signat honore Deus.
 Omnis in hac populus Domino celebremus hono-
 Laticia exultent pectora nostra noua. (rem,
 O Deus auxiliare, & opem fer, mitte salutem,
 Gratia successu coepa su ista bono.
 Felix a Domino lustrandum missus, in orbem,
 Qui venit, & titulum nominis huius habet.
 Luce noua Dominus nostras illuminat ymbra s,
 Atraq; discussa nubila nocte fugat.
 Atria flexilibus vincte virentia ramis,
 Aurea qua geminis cornibus ara coit.
 Tu mihi tu solus Deus, es, tibi debita solt,
 Non alii potero soluere vota Deo.
 Soluite nunc anima caelestia munera fassa,
 Quas Domino grates persoluisse decet.
 Eia nunc Domino dignas persoluite grates,
 Qui bona percei uo, que facit, ista facit.

S C H O L I A.

HUC) Propositio Laudate Dominum, quia bonus
 est. ERGO EGO) Ratio propositionis, quia exaudit &
 liberat me. Pertinent autem haec ad Christum hu-
 militatum. ROBUR) Gratiarum actio, quod sit libera-
 tus. DEXTRA) Consolationes. NUNC) Prophetis:
 Fore,

Fore, vt hæc Christi victoria prædicetur in Ecclesia.
 GRATIA) Redit ad gratiarum actionem. O DEUS)
 Orat pro regno hoc. Tu MIHI) Epiphonema.

P S A L M U S CXIX.

Beati immaculati in via, & c.

A R G U M E N T U M.

*Hoc ita sunt magna prolixo in carmine vires,
 Vt dubites maior copia, visne prior.
 Afferit, extollit diuini oracula verbi,
 Materia hic vates nil potioru habet.*

Petit propheta per totum Psalmum, vt
 feruetur in verbo DEI. Addit autem ma-
 gnificas commendationes verbi, quod do-
 ceat, moueat, gubernet, confoletur, saluet.
 quod feruet à peccatis, & non fallat. Sunt
 autem hæc omnia accipienda exclusiue,
 quod sine verbo nihil horum possimus ob-
 tinere. Habet igitur passim additam anti-
 thesin de impiis doctoribus & doctrinis.

OCTONAR. I. Aleph.

*FELICES, quicumq; agitant sine crimine vitam,
 Qui leges Domini, quas meditentur, amant.
 Felices Domini quicumq; oracula seruant,
 Et faciunt toto corde quod ille iubet.*

Hi sicut

Hi siquidem scelerum nil admifere, nec vnquam
 Præscriptas Domini deferuere vias.
 Tu feruanda pater nobis mandata dedisti,
 Omnia vt eloqui sunt rata iussa tui.
 O sic tota mea ratio fit cognita tua,
 Vt feruem legis debita iussa tua.
 Tum me non aliquis pudor occupet, omnia possim
 Si mea præceptis facta adhibere tuis.
 Nunc ego te recto celebrabo pectore, postquam
 Iusticiæ didici iura tenenda tue.
 Iudicii, iurisq; tui mandata capeffam,
 Ne rogo me tantum deseruisse velis.

SCHOL. FELICES) Pathos. Constant autem
 finguli fere octonarii hoc enthymemate, Summum
 bonum est habere verbum, ergo ô Domine me in
 verbo tuo serua, antecedens variat, nunc hæc, nunc
 alia verbi commoda ostendens. NOTA: Verbum ser-
 uat, ne peccemus & confundamur coram Deo.

OCTONAR. II. Beth.

Quid iuuenis faciet, scelere vt sit purus ab omni?
 Si verbis faciet consona facta tuis.
 Te tibi deuoti tota vi cordis amabam,
 Fac precor, vt qua tu præcipis, ipse sequar.
 Cordis in arcano tua verba reposita ferebam,
 Ne qua agerem forsan, non placitura tibi.
 Tu pater omnipotens laude es dignissimus omni.
 Me tua, qua faciam, qua so, statuta doce.
 In tua adherentem linguam decreta resoluum,

Quos-

Quotquot sermones parturiere tui.
 Tam mihi, quæ promissæ tua sunt oracula cordi,
 Copia quam rerum nulla placere queat.
 Assiduè mandata loquar, quacumq; dedisti,
 Respiciamq; tuæ signa terenda viæ.
 Oblectabor adhuc tua sancta statuta capeffens,
 Nec verbi potero non memor esse tui.

SCHOL. QUI IUVE.) Magna commendatio verbi, quod seruet in innocentia.

OCTONAR. III. Gimel.

Assere me supreme parens, vt viuere possim,
 Vt tua iussa ferens, & tua verba sequar.
 Pande oculos animi, vt mysteria cernere possim,
 Quæ miracula tuæ plurima legi habent.
 Rebus in humanis peregrinus & aduena versor,
 Nec tua me lateant prodita iussa, precor.
 Atteritur vis ægra animæ, dum quærit in omni
 Tempore, iudicii consilia æqua tui.
 Corripis elatos, genus execrabile sunt,
 Qui tua iussa negant tam speciosa sequi.
 Fac procul hinc probrũ, vt custodire omnia pergã,
 Quæ sunt ex adytis reddita verba tuis.
 Consedere duces, me contra multa locuti,
 At tua sunt partes facta statuta meæ.
 Talibus oraculis cœu consultoribus vior,
 Qualia delectant me sine fine, tuis.

SCHOL. REBUS) Quod in hac vita peregrinantibus vnica consolatio sit verbum contra mundi furorē (CORRIPIS) Sine verbo damnatio. (TALIB.) Verbum Dei consiliarius noster.

OCTONAR. IV. Daleth.

Stratus humi iacui, prope mors fuit improba, sed
 Assere me verbi conditione tui. (tu
 Narranti mea facta mihi responsa dedisti,
 Me tua sectari posse statuta doce.
 Certa mihi quam tu mandas, via conser, & om-
 Res, mirande, tuas & tua facta canam. (nes
 Effluit hic animus velut anxietate liquefcens,
 Erige promissi me ratione tui.
 Falsam tolle viam, vitia genus aufer iniquum,
 Et mihi dona faue legis amica tua.
 Vivendi genus elegi verumque piūq;
 Certus ab edictis non resilere tuus.
 Oraculis habere tuis mihi certa voluptas,
 Ne sine confusum scandala fœda pati.
 Praescripto tua iussa sequens, ceu iramite curram,
 Tu mea caelesti corda leuabis ope.

SCHOL. STRATUS) Verbum consolatur, PRAES-
 SCRIPTO) Verbum gubernat.

OCTONAR. V. He.

Cognita fac teneam legum decreta tuarum,
 Atq; ea clausa meo pedore semper erunt.
 Vt possim seruare tuam fac me instrue legem,
 ipsius

Ipsius ut toto pectore nomen amem.
 Deduc me per iter, per quod tua iussa petuntur,
 Namque in eis constant gaudia summa mihi.
 Ad tua in placidis inclina oracula verbis,
 Non ad turpe lucrum, non ad auariciam,
 Verte meos oculos, ne peccent vani videntes,
 Inque viis viuax sit mea vita tuis.
 Confirma promissa tuo tua praeſtita seruo,
 Ut mea sit melior vita timore tui.
 Tolle procul, quoniam metui mala nomina fame,
 Iudicis etenim est gratia miſta tuis.
 En tua, ne dubites, mandata ego ſemper amaui,
 Viuere iuſticiae me fer amore tua.

SCHOL. COGNI.) Verbum ſeruat à peccatis.

OCTONAR. VI. Vati.

Prouebat aura tua noſtrum pietatis amorem,
 Pectora pollicita noſtra ſalute foue.
 Ut ſit quod referam mihi probra indigna ſerenti,
 In verbo eſt etenim ſpes mihi tota tuo.
 Ne aufer ab ore meo verum, neu mentiar vnquã,
 Iudicii expeſto iura verenda tui.
 Conſtabit mihi ſumma tuae cuſtodia legis
 Perpetuo, vltcrius ſi quid eſſe poteſt.
 Ut ſecurus eam loqa per ſpaciola, nec vnquam
 Offendam cupidus dum tua iuſſa ſequor.
 Sceptrigeris decreta loquens tua regibus edam,
 Nec pudor, inceptum qui vetet, vllus erit.

Mandatis parere tuis delector, & illa
 Non est res cultu dignior vlla meo.
 Ad tua iussa manus tollam, quæ semper amavi,
 Et tua non falso corde statuta loquar.

SCHOL. VT SECU.) Verbum facit animosós.

OCTONAR. VII. Zain.

Ergo tui misero mihi nunc reminiscere verbi,
 De quo concepta est spes animosa mihi.
 Hinc omnis misero mihi consolatio venit,
 Nam tua me faciunt viuere verba tibi.
 Insultant mihi, plus iusta feritate superbi,
 Cultor adhuc legis sum tamen ipse tua.
 Iudicia antiquis repeto tua ab vsq; diebus,
 Et mihi solamen quod iuuet, inde venit.
 Horresco stolidæ spectans scelera impia turba,
 Quæ potuit legem deseruisse tuam.
 Legis iussa tua mihi sunt pro carmine dulci,
 Donec in hoc tecto corporis exul ago.
 Nocte memor vigili repeto tua nomina sensu,
 Nec legis mihi pars excidit vlla tua.
 Et mihi summopere id cura fuit, vt tua seruem
 Irrita non vlllo iussa futura die.

SCHOL. ERGO) Verbum erigit & solatur.

OCTONAR. VIII. Cheth.

Sors mea, dicebam, pars hæc mihi sola relicta est.
 Oris

Oris vt asseruem singula verba tui,
 Sæpe tuum studui mihi conciliare fauorem,
 Promissam verbis fer mihi rebus opem.
 Ipse meos meditor studio non deside gressus,
 Conuertoq; meos ad tua iussa pedes.
 Me festinantem dilatio nulla morata est.
 Dum studeo iussis moriger esse tuis.
 Impius abducens prædas mihi vincla minatur,
 Non tamen oblitus legis aberro tua.
 Nocte feram grates media, tua munera fassus,
 Iudiciis quod sint omnia iusta tuis.
 Qui te cunq; timent sociis his omnibus vtor,
 Qui tua firmato pectore iussa tenent.
 O genitor, cuius tellus pietate redundat,
 Da mihi præcepti nosse statuta tui.

OCTONAR. IX.

Theth.

Quam bona, sed nunquã merito mihi, dona dedisti,
 Pollicitum genitor te memor ista mihi.
 Nosse bonos mores, & in omnibus esse modestum
 Da mihi, mandatis pareo nempe tuis.
 Errebam, fateor, sed nondum afflictus, vt autem
 Mens redit, in verbo est spes mea tota tuo.
 Natura placidus cum sis, & ad omnia dexter,
 Pro bonitate tua, me tua iussa doce.
 In me fingeant mendacia multa superbi,
 Ipse tua attento pectore iussa sequor.
 Triste cor ipsorum & stupidum pinguedine multa,

Me tua lex magni ponderis instar habet.
 O bene me passum tot iniqui incommoda fati,
 Nam tua lex facta est notior inde mihi.
 Iustitiæ doctrina tuæ mihi carior auro est,
 Hac etiam argentum vilius instar habet.

SCHOL. SPERABAM) Tentatio facit vt verbum
 obseruemus, sicut Elaias dicit: Vexatio dat intelle-
 ctum.

OCTONAR. X. Ioth.

Tu Deus omnipotens, tu me, qui cuncta creasti,
 Fac tua me docto pectore iussa sequi.
 Qui te cunq; timent, lato me lumine spectans,
 Nam verbo maneo iura fidemque tui.
 Quod decreta pater tua sint æquissima noui,
 Qua merito patior iusta flagella fide,
 Nunc tamen afflictum solare, & parce iacenti.
 Sis que ea pollicitum te memor esse mihi.
 Me bonitate tua foueas, vt viuere possim,
 Nam mea, sunt leges, gaudia summa, tuæ.
 Ah, pereant, qui falsa struunt mihi probra super-
 Nunc quoq; sermones sunt tua iussa mei. (bis)
 Qui te cunque timent, iuciant sua fœdera mecum.
 Qui monitis parent nocte dieque tuis.
 Mandatis mea corda tuis purissima fiant,
 Ne mea confusus contegat ora pudor.

SCHOL. QUI TE) Verbum proponit misericor-
 diam Dei, ea sola consolatur & erigit afflictos.

OCTONAR. XI. Caph.

Deficit hæc sperans abs te mea vita salutem,
 Pono tamen sperans in tua verba fidem.
 Quando erit ut videam, quæ tu promissa dedisti?
 Quando tu misero mite leuamen eris?
 Factus ut vter eram fumo contractus in arctum
 Non tamen à iussis visus abire tuis. (persu?
 Tempus, ut ista feram, quantū est, quod deinde su-
 Quando dabunt penas qui mihi damna ferūt?
 In quam deciderem, foueam fodere superbi,
 Doctrina siquidem non meminere tua,
 Omnia sunt præcepta tua fidissima legis,
 O primor immerito, tu potes, affer opem.
 Pene graui totum me depresso ruina,
 Non tua deserui iussa verenda tamen.
 Pro pietate tua vita me redde salubri,
 Ut decreta tuæ legis amare queam.

SCHOL. FACTUS) Qui verbum habent, non carebunt afflictionibus.

OCTONAR. XII. Lamed.

Perpetuo tua verba Deus firmissima constant,
 Nec tamen in cælis est ea certa fides.
 Perpetuo tua promissis constantia stabit,
 Non secus ac manibus condita terra tuis.
 Stant hodieque manent, quæ tu rata cunq; tulisti,
 Imperia nam sunt subdita cuncta tuo.

*Ni tua lex misero solatia vera tulisset,
 Sub grauibus poteram saepe perire malis.
 Nunquam igitur tua caussa meo de corde recedet,
 Inde refrigerii nam venit aura mei.
 Sum tuus, esse tuum patiare, per omnia serua,
 Qui tua, qua mandas, omnia verba sequor.
 Insidias scelerata struunt mihi turba maligni,
 Omnis in oraculis est mea cura tuis.
 Omnia sunt habitura aliquem cum tempore finē,
 Mandati series est sine fine tui.*

SCHOL. PERPETUO) Verbum certum est &
 non fallit. OMNIA) Verbum Domini manet in
 æternum.

OCTONAR. XIII. Mem.

*Vt mihi grata tua est lex, vt iucunda voluptas,
 Hanc loquor, hæc nunquã non memoranda mi-
 Hostibus hac prestare meus in lege dedisti, (hi est.
 Perpetuo siquidem me penes ipsa manet.
 Ipse meis cæpi prudentior esse magistris,
 Quod sit in oraculis mens mea tota tuis.
 Cautior euasi studio sermonibus ipsis,
 Dum fero mandati pondera grata tui.
 Ne via falsa meas abducat in auia plantas,
 Prouideo absistant ne tua verba mihi,
 Edictis non vlla tuis me cura remouit,
 Tu tua me quoniam iura tenere doces.
 Quam tua verba meo sapiunt iucunda palato,
 Nulla*

*Nulla magis fingi dulcia mella queant.
Erudiunt mandata tua mea pectora legis,
Hinc odio fallax est iter omne mihi.*

SCHOL. VT MIHI) Verbum vincit. IPSE MEIS)
Sic Iohannes in Canonica: Scitis omnia, non est o-
pus vt quisquam vos doceat.

OCTONAR. XIV. Nun.

*Vt lucerna pedes, sic me tua verba gubernant.
Lampas vt extenta quæ face monstrat iter.
Iuravi, præstoq; libens, edicta que seruo,
Quæ seruanda tuo præcipis ore mihi.
Afflictus misere iaceo, miserere iacentis,
Et, te hoc pollicitum, sis memor esse mihi.
Quæ tibi gratificis velut offero munera verbis,
Accipe, & edicti me tua iura doce.
Est mea continuus obnoxia vita periculis,
Nec mihi cura tamen legis adempta tua est.
Fallacem insonti laqueum posuere scelesti,
Nec tamen à iussis me pepulere tuis.
Sunt tua vt heredi mihi culta oracula iusto,
Delicia cordis sunt tua verba mei.
Prono corde tui sequar omnia prodita verbi,
Certa erit æterni temporis ista fides.*

SCHOL. VT LUCER.) Verum ceu lucerna in te-
nebris dirigit. QUÆ TIBI) Oratio est sacrificium.
EST MEA) Fortuna piorum.

OCTONAR. XV. Samech.

*Consilia exosos habui scelerata patrantēs,
 Ebrius aeterno legis amore tuæ.
 Pro clypeo tua dextra mihi est, pro vindice scuto.
 Nam venit ex verbo spes mea tota tuo.
 Ne procul: probis obnoxia pectora factis,
 Ut seruem Dominus quæ mihi iussa dedit.
 Verbis me tutare tuis ut viuere possim,
 Ne frustra spei dulcia vota meæ.
 Conforta mea corda, salus me certa tenebit,
 Et tua perpetua voce statuta loquar.
 Conculca quicumq; mali tua iussa relinquunt,
 Quicquid enim faciunt, semina fraudis habet.
 De terra, ceu quisquilias, ita tollis iniquos,
 Propterea oraculi diligo iussa tui.
 Aegra timore tui caro corporis horruit huius,
 Iudicii expaui fulmina iusta tui.*

SCHOL. CONSILIA) Impii doctores non insi-
 stentes verbo. CONCUECA) Extra verbum non est
 salus.

IOCTONAR. XVI. Ain.

*Omnibus in rebus facere æqua & iusta studentē,
 Ne tradas reprobis, qui mihi clamma parant.
 Oblecta bonitate tuam & dulcedine seruum,
 Ne vim gens faciat flagitiosa mihi.
 Caligant oculi spectantes, vnde salutem
 Promissam misero qualibet hora ferat.
 Pro bonitate tua mecum fac, & vtere seruo.
 Et tua me doceras posse statuta sequi.*

Maxima

Maxima seruii veneror tua numina cultu,
 Me tua vt obseruem testificata doce,
 Tempus vt id facias Deus appetit, impia penas
 Turba dei, in leges flagitiosa tuas.
 Hinc est quod tua iussa sequar, complectar, amēq;
 Plus auro, & si quid dignius esse potest.
 Propterea, tua iussa sequor, tibi pareo soli.
 Cetera nil vera vita salutis habet.

SCHOL. PRO BONIT.) Misericordiam vrget.

OCTONAR. XVII. Pe.

Admiranda tuis sunt quæ tu oracula reddis,
 Sunt & ob hoc anima maxima cura mee.
 Cuncta tuum veniens renouat ceu lumine verbū,
 Vt sapiant stupidis pectora docta facit.
 Sicut anhelus eram gemitum de pectore ducens,
 Vsq; adeo tua sunt iussa cupita mihi.
 Respice dignatus placido mea pectora vultu,
 Quo tua qui redamant nomina magna, soles.
 Ad tua verba meos, ne peccent, dirige gressus,
 Impietas regnet ne precor vlla mihi.
 Ne grauet vlla meos humana calumnia mores,
 Sic, quæ tu proprio iusseris ore sequar.
 Irradia mihi luce tui, mitissime, vultus,
 Et tua me, misso lumine, iussa doce.
 Sicut aquæ largos fundunt mea lumina riuos,
 Dum video legis culta perire tuæ.

SCHO.

SCHOL. CUNCTA) Verbum consolatur & docet. NE GRAUET) Zelus piorum.

OCTONAR. XVIII. Zade.

*Iusticia tua dextra potens iustissime rerum,
Semper iudicii est recta statera tui.
Iusticiae sunt plena tuis oracula verbis,
Reddita sunt fidei pondera, firma tuae.
Quam, vix credibile est, animo sim passus iniquo,
Conterantur hostes quod tua verba mei,
Non secus ac purgata igni tua iussa relucet,
Hei quantum famulo dulcia iussa tuo.
Quamuis paruus erā, quamuis abiectus habebam,
Ad tua iussa tamen non titubanter eo.
Iusticiae decreta tua sine fine manebunt.
Tempore perpetuo lex tua vera manet.
Ceu miser ærumnis afflictus & anxius essem,
Tunc tua iussa mihi causa salutis erant,
Perpetuis tua sunt oracula certa diebus.
Da mihi vt hæc possim noscere, viuus ero.*

SCHOL. IUSTICIAE) Verbum est certum CEU
MISER) Verbum consolatur.

OCTONAR. XIX. Kuph.

*Euaudi omnipotens toto te corde vocantem.
Vt tua sint animo fixa statuta meo.
Mute tuam, querula clamanti voce, salutem,
Oracula vt cura sint tua sancta mihi.*

Voci

Voci
N
No
V
Supp
Q
Prox
Se
Tu p
N
Dude
Si
Sc
bo or
Respi
L
Asse
C
Vera
Iu
Mull
M
Quis
Ne
Vidi
O

Vociferor tibi nondum orti sub lumina solis,
 Nam ratio verbi est spes mea tota tui.
 Nocte sub excubias oculis vigilantibus aſto,
 Vt verbi mediter de ratione tui.
 Supplicis exaudi querulam, mitissime, vocem,
 Quaq; soles, vitam da, pietate, mihi.
 Proxima facta mihi est vrgens mea turba malo-
 Sed procul à lege est gens scelerata tua. (rum,
 Tu prope es omnipotens, nobis tu proximus aſtas,
 Nec tua iuſſa alio mobile pondus habent.
 Dudum certus eram, tua dudum oracula noui,
 Sic rata, quod nullo ſint peritura die.

SCHOL. MITTI) Vide quanto ſtudio pro ver-
bo oret.

OCTONAR. XX.

Res.

Reſpice ad ærumnas miſeri, ſuſtolle iacentem.
 Legis enim nequeo non memor eſſe tuæ.
 Aſſere me: cauſſaq; meæ te prabe patronum,
 Certior è verbo ſit mea vita tuo.
 Vera ſalus longe eſt ab agentibus impia cunctis,
 Iuſſa etenim legis non coluere tuæ.
 Multis magna modis pietas tua, maxime rerum,
 Me pro more tuo viuere poſſe, faue.
 Quis numeret, quam me conentur perdere multi?
 Non tua prætereo ſancta ſtatuta tamen.
 Vidi ſacrilegos, & in qua mente ferebam,
 Optima pro nihilo quæd tua dicta ferant.

Ipſe

Ipse vides, quod amem, tua q; mandata capeffam,
 Da solita vitam pro bonitate mihi.
 Primaeva rerum tua verba ab origine constant,
 Iusticia q; fides non peritura tua.

OCTONAR. XXI. Schin.

Immeritum me fraude petunt, odioq; tyranni,
 Cor tremit, & verbo mens pauet icla tuo.
 Verba voluptatis tua plus mihi saepe tulerunt,
 Quam si sit dives praeda reperta mihi,
 Odi mendaces, & abominor omnia vana,
 At secreta tua dulcia legis amo.
 Terq; quaterq; die celebros te laudibus omni,
 Iudicii propter iusta statuta tui.
 Pax erit alta tua scrutantibus abdita legis,
 Nil offendiculi, quod vereantur erit.
 Expecto retribuenda tua promissa salutis,
 Et vox, ut facerem, qua tua iussit, ago.
 Ex animo tua, summe parens, oracula seruo,
 Quæis nil huic animæ carius esse potest.
 Obseruo quæcunque iubes, qua es cunq; locutus,
 Omnia namque vix sunt tibi nota mea.

SCHOL. PAX ERIT) Iustificati fide pacem habemus apud Deum.

OCTONAR. XXII. Thau.

Accipe, quaeso, meam facili, pater, aure querelam,
 Fac sapiam verbi sensa profunda tui.

Flebile

Elebile quæsta tuas mea vox ascendat ad aures,
 Polliciti serua me ratione tui.
 Tunc tua facta canam, tunc te mea lingua loque-
 Cum tu me institues, vt tua iussa sequar. (iur.
 Tunc ego magna tui verbi mysteria dicam,
 Nam sunt præcepti iusta statuta tui.
 Auxilio tua dextra leuet me magna salubri,
 Namque electa animo sunt tua iussa meo.
 Non dubitante tuam quæsiui corde salutem,
 Nam raptor totus legis amore tuæ.
 Da vita superante tuas me dicere laudes,
 Vt sit mandatis officiosa tuis.
 Sicut ouem, pater, errantem me quæso requiras,
 Mandati oblitus non ferar esse tui.

Finis Otonariorum.

PSALMUS CXX.

Ad Dominum cum tribularer clama.

ARGUMENTUM.

Quam noceat puro vesana calumnia verbo,
 Hæc imo ex animo ducta querela monet.
 Pestis enim fidei non vlla nocentior extat,
 Quam quæ ex insidiis lingua dolosa nocet.
 Est precatio, qua propheta orat se de-
 fendi aduersus mendocem linguam, hoc
 est, ab impia doctrina, quam comparat
 acutis

acutis telis & ardentibus. Quod ad titulum attinet, variant interpretes, quidam à genere toni dictos putant, quod alta voce canerentur. Quidam exponunt canticum exultationum, hoc est, conclusionis, quod in fine sint cantati. Germanica translatio à loco nominatos putat, quod in aeditiore parte templi sint decantati.

Canticum graduum.

*CUM miser arumnis duris affligerer, & me
Irata traheret fors violenta manu.
Auxilium Domini supplex in vota vocabam,
Cassa nec auxilio verba vocantis erant.
Eripe me Deus inuidiæ de fauce bilinguis,
Ne noceat grauibus lingua referta dolis.
Quid tibi contulerint vanæ mendacia linguæ?
Quid, rogo, perficiet lingua dolosa tibi?
Id quod acuta viri potuerunt tela potentis,
Quod de iuniperis torrida pruna potest.
Heu quod in exilio cogor durante morari,
Sub casulis Cedari tristibus esse comes.
Multa, diuq; viris sum conuersatus iniquis,
Qui tranquilla odio commoda pacis habent.
Pacis amans quoties illis de pace loquebar,
Arma auda toties corripuere manu.*

S C H O L I A.

CUM MISER) Narrat periculum. ERIFE) Propositio. QUID TIBI) Amplificat periculum impiorum

rum dogmatum insignibus similitudinibus. Heu
 quod) Pathos, quo repetit propositionem, & peri-
 culum exponit. SUB CASULIS) Iudæis ad meridiem
 erant Arabes seu Cedar, & Mesech ad septentrionem.

P S A L M U S CXXI.

Leuau i oculos meos in montes.

A R G U M E N T U M.

*Hortatur constare fide pietatis amantes,
 Expectare Dei non retrahentis opem.
 Quam licet interdum sub amarâ differat horâ,
 Non tamen ad summum deseret ipse suos.*

Est promissio Ecclesiæ, quod Deus eam
 respiciat ac audiat, etsi nonnunquam de-
 ferta videtur. Habet autem promissioni
 subiectam elegantem & necessariam pre-
 catiunculam.

Canticum graduum.

CIRCUMQV Aq; oculis vigilantibus omnia specto,

*Auxilii misero spes erit vnde mihi?**A Domino spes auxilii mihi certa futura est,**Qui terram artificii fecit & astra manu.**Non vsquam tibi pes isto custode labascet,**Tempora qui placidi nulla soporis agit.**Nunquam securâ petet ocia blanda quietis,**Pastor in Israël peruigil ille suo,**Te Deus obseruat præsens tibi semper, vt umbra*

a

Te

*Te, velut inclusum, protegat ipse sua.
 Feruida ne noceat tibi sideris aura diurni,
 Nec te nocturni frigoris vrat hyems.
 Curet te Dominus, te crimine seruet ab omni,
 Custos vitæ sit Deus ipse tuæ.
 Ipse abitum, reditumq; tuum custodiat, ex hoc
 Tempore in æternos, secla futura, di es.*

S C H O L I A.

CIRCUNQ.) Narratio plena suauissimis consolationibus. NUNQUAM) Deus vigil, custos suæ Ecclesiæ. CURET) Precatio.

P S A L M U S CXXII.

Lætatus sum in his, quæ dicta sunt.

A R G U M E N T U M.

*Lætatur prodisse sacri mysteria verbi,
 In certo quæ sint inuenienda loco,
 Noster hic hic certus locus est Ecclesia Christi,
 Quam nulli monachi, sed Deus ipse docet.*

Est gratiarum actio, quod Deus conseruet verbum & Ecclesiam. Ac sanè hoc beneficium, sicut meretur, magnificè commendat Propheta. Deindè etiam precatur, vt hoc beneficium Deus Ecclesiæ suæ perpetuò seruet.

Canticum graduum.

Lætus

LÆTUS eram quando ista meas vox venit ad
 Divina intremus limina sancta domus. (aures,
 Firmabant sibi certa pedes vestigia nostri,
 Hierusalem portas inter & ante tuas.
 Hierusalem, quæ nomen habes decus urbis & in-
 In qua conveniens civibus ordo manet. (star,
 Cuius ad alta solent ascendere mœnia cœtus
 Israël's ager quotquot & orbis habet.
 Illic vi Domino narrent præconia laudum,
 Quæ de sorte tua sunt Iacobe tribus.
 Illic iudicii solum consistit, in ista
 Surpis Iesseæ constat in arce thronus.
 Sacris perpetuam Solymis optate salutem,
 Felix tam sancta qui decus urbis amat.
 Longè dona habitent intrâ tua mœnia pacis,
 Diutius cedant omnia regna tuis.
 Propter cognatosq; meos, fratresque precabor,
 Ut tibi sit socia pulchra quiete salus.
 Divinæ decora alta domus, & propter honorem
 Quo tibi cunquè queam nomine fautor ero.

S C H O L I A.

LÆTUS) Narratio, in qua exponit beneficium,
 quod Deus Ecclesiæ suæ donat. ILLIC) Cultus Dei
 docere & audire verbum & facta Dei. SACRIS) Vo-
 tum. Oportet enim Ecclesiam iuvare precibus pio-
 rum. PROPTER) Sic singuli debent pro modo sui
 doni, orare & iuvare Ecclesiam.

P S A L M U S CXXIII.

Ad te leuaui oculos meos qui.

A R G U M E N T U M.

*Maxima pars ita verba Dei, verbiq; ministros
Spernit, vt in summa iudicet esse nihil.
Hos cōtra querula Dominum nunc voce precatur,
Hos contra toto pectore quarit opem.*

*Est oratio Ecclesiæ, in mundo contemptæ,
contra falsos fratres, & verbi hostes.*

Canticum graduum.

*AD te summe opifex rerum, qui limina cæli
Incolis, & nutu cuncta creata moues.
Ad te tollo oculos vicina morte grauatos,
Qua sine in his nemo vallibus esse potest.
Sicut heros ctenim famulorum intenta tuentur
Lumina. & ad nutus omnia prompta gerunt.
Qualiter obseruant domina mandata ministra,
Vt, si quid dignis innuat illa, parent.
Sic oculi obseruant nostri Dominumq; fatentur
Et nostrum, obsequiis omnibus, esse Deum.
Donec in hac longa miseratus morte iacentes
spectet, & ad vitæ limina pandat iter.
Fessorum miserere parens, miserere iacentum,
Qui tam contempti, tam sine honore sumus.
Plus nimio credere malis ludibria nostri,
Qui nos nunc etiam viuere turpe putant.
Præcipue nos ludibriis risuq; sequuntur,
Quorum diuitiis corda iuperba tument.*

SCHO-

S C H O L I A.

AD TE) Querimonia, quam amplificat insigni collatione FESSORUM) Precatio. PLUS NIMIO) Vide quomodo vera Ecclesia in mundo habeatur.

P S A L M U S C X X I V .

Nisi quia Dominus erat in nobis.

A R G U M E N T U M .

*Parvulus ille Dei grex est, quem perdere quærūt,
Chiliadum Satanae millia multa gregis.
Grex tamen ille Deo stat vindice parvulus, & se
Indicat istorum non timuisse minas.*

Est suavis consolatio Ecclesiae in mundo afflictae, & gratiarum actio, pro fidei patrocinio, quod Deus Ecclesiae suae praestat contra furorem Satanae & Mundi, quem furorem egregie pingit propheta.

Canticum graduum David.

AUXILIO Dominus nisi nobis ipse fuisset,

Sic Israël concio tota sonet:

Ni Deus à nobis dextra auxiliante stetisset,

Cum premerent dura tempora nostra dies:

Praerabido certè viuos nos ore vorassent,

Tam furor illorum, tam fuit ira minax.

Iam velut hausissent mediis nos fluctibus vnda,

Praecipitis torrens vnda tulisset aqua.

Non superanda anima sensissent flumina nostra,
 E quibus haud aliqua diriperentur ope.
 Laus & honor Domino, qui nos de fauce malorum
 Seruat, & his prædam dentibus esse vetat.
 Ut tener è laqueo coram auolat aucupe passer,
 Sic anima insidiis libera nostra fugit.
 Rupta quidem positi sunt omnia vincula retis,
 Et nos hinc reduces libera turba sumus.
 Nostra salus, nostra auxilii spes omnis ab illo est,
 Qui Deus, & terras fecit, & astra poli.

S C H O L I A.

AUXILIO) Narratio, in qua, commemorat benefi-
 cium liberationis PRAE RABI. (Insignes similitu-
 dines. Comparat hostes Ecclesiae furentibus leoni-
 bus & impetui fluminis. LAUS ET) Gratiarum actio
 UT TENER) Insignis exaggeratio periculi. NOSTRA
 SALUS) Epiphonema.

P S A L M U S CXXV.

Qui confidebunt in Domino, sicut.

A R G U M E N T U M.

Quamvis saepe malos patitur regnare, suorum
 Puniat ut verbo pectora clausa Deus:
 Iudicio tamen horribili tandem omnia vertit,
 Ut pius hic vera voce paëta canit.

Est promissio & oratio Ecclesiae contra
 hostes, quod Dominus sit liberaturus san-
 ctos, & glorificaturus.

Canti-

Canticum graduum.

IN Domino quibus est fiducia vera, manebunt
 Immoti, ut rupes inuiolata Sion.
 Hi neq; concussi quatientur casibus ullis,
 Illos perpetuò nulla ruina premet.
 Ut montes cingunt Solymæa mœnia gentis.
 Et circum colles vrbs habet ista suos:
 Sic Deus hunc cingit populum quem diligit, ex
 Aui dum ratio est vlla futura super. (hoc
 Quare turba suam non proferet impia sceptrum
 Iustorum, in sortem quam pia turba tenet.
 Ne fortè incipiant iusti mala facta videntes
 Extendisse suas ad mala facta manus.
 Propitiare bonis tribuens bona, adesto benignus,
 Mi Deus, his quorum pectora recta vides.
 At quicumq; via veræ probitatis aberrant,
 Factaq; qui reprobi praua sequantur habent:
 Hos Deus annumeret sceleratis: pace fruatur
 Perpetua Israël ocia pacis agat.

S C H O L I A.

IN DOMINO) Propositio. UT MONTES) Amplifi-
 catio à collatione: Non montibus magis defensa est
 Hierusalem, quàm auxilio Domini. QUARE TUR.)
 Repetit propositionem, Iniusti non dominabun-
 tur iustis. PROPITIARE) Precatio. AT QUIC.) Com-
 minatio.

P S A L M U S C X X V I .

In conuertendo Dominus captiuit.

A R G U M E N T U M.

*Liber ab Assyriis grates canit ille pusillus
 Grex populi, septus cœtibus innumeris.
 Hic grex in lacrimis quoniam sua semina misit,
 Lætus adulta metens horrea plena refert.*

Gratiarum actio & promissio est liberationis ex captivitate, quam populus Israel in Babylone est passus. & Ecclesia in mundo variè patitur omnibus temporibus.

Canticum graduum.

*CV M Deus abduçto sua redderet arua Sioni,
 Visus ab exilio restituisse suos:
 Esse videbamus ceu somnia vana videntes,
 Tam mens læticia non potius vlla fuit.
 Tum risu nobis fluxerunt ora soluto,
 Lætificum linguæ concinuère melos.
 Tunc gentes etiam sunt talia verba locuti,
 Quàm multa his Dominus quãtaq; dona dedit.
 Fecit enim Dominus nobiscum magna profectòs,
 Læticiæ hæc nobis caussa perennis erit.
 Assere ab exilio, captorum vincla relaxa,
 O qui solus habes, qua medearis, opem.
 Sic nos afficies, mediæ ceu terra diei
 Solibus vsta novis lætificatur aquis.
 Qui sua condiderint in terram semina flentes,
 Farra, suis læti rebus, adulta metent.*

Ibant

*Ibant ut sererent. qua semina pulchra ferebant,
At lacrimis flentes immaduere gea
Nunc demessa suis portantes farras maniplis,
Læticia redeunt se comitante noua.*

S C H O L I A.

CUM) Narratio beneficii-TUNC GEN) Amplificatio. ASSERE) Oratio. SIC NOS) Suauissima figura. qua consolatur afflictam Ecclesiam, quod lacrimæ piorum sint ceu nobile semen, ex quo gaudium & varii suaves fructus enascantur.

P S A L M U S CXXVII.

Nisi Dominus ædificauerit domum.

A R G U M E N T U M,

*Non opus humana est rationis, ut omnia constant,
Publica res, vrbes, munera, regna, domus.
Fundit, & ista suis vicibus Deus omnia seruat,
Legibus, ordinibus, moribus, officiis.*

Continet Psalmus vtilem doctrinam, quod in Repu, & œconomia humani conatus sint inutiles, nisi diuina benedictione fortunentur, secundum sententiam Solomonis: *Benedictio Domini diuites facit.*

Canticum graduum Solomonis.

*NI Deus ædificet, frustra domus illa paratur,
Quam volet humanus constituisse labor*

Ni Deus inuigilet, frustra custode tuentur,
 Qui seruant vigiles mœnia celsa viri.
 Ante reuersuram nil prodest surgeve lucem,
 Integras noctes nil vigilare iuuat.
 Anxius es, metuis q; famem, nimium q; laboras,
 Falleris, est soli cura tradenda Deo.
 Cui volet ille dabit, veluti per somnia, quicquid
 Humana ratio carnis habebit opus.
 Illius est munus, numerosa gratia prolis,
 Nonne vides, fructus, hoc decus ille dedit.
 Ut feriant rapida, quod iusserit ipse, sagitta,
 Qui valida surgit fortis in arma manu:
 Sic hominum fertur, quod iusserit ipse iuuentus,
 Qui regit arbitrio cuncta creata suo.
 Talibus, ô felix, cui plena pharetra sagittis,
 Hic faciliè infidi conteret hostis opes.

S C H O L I A .

NI DEUS) Propositio, quam amplificat antithesi. Benedictione Domini fiunt omnia, non labore aut conatu nostro. CUI VOLET) Probat exemplo, Reliqua omnia sic sunt benedictionis, procreatio sobolis TALIBUS) Epiphonema. Comparat autem heroicis viros in rebus publicis sagittæ, cuius impetu non potest cohiberi.

P S A L M U S C X X V I I I .

Beati omnes qui timent Dominum.

A R G U M E N T U M .

Coniun-

Coniugium, statuente Deo, sanctumq; piumq;
Est opus, & nullo res prohibenda modo.
Hoc quicumq; negat, Domini blasphematur honorē,
O monachi ventres! ô, lita membra tribus.

Sicut prior Psalmus docuit Dei benedi-
ctione omnia simpliciter fortunari, non
nostro labore aut cura: ita hic Psalmus do-
cet, ubi sit illa benedictio, nempe apud
pios, qui timent Dominum.

Canticum graduum.

QUEM peccare Dei vetuit timor, ille beatus,
Illius ut rectas nouerit ire vias.
Felix, quem manuum nutrit labor, omnia cedent,
Quisquis es, ex votis accumulata tibi.
Larga tibi plenum diffundet copia cornu,
Gratia verarum nulla deerit opum.
Emula certabit grauius tua vitibus vxor,
Quae respere domus per latus omne tuae.
Quam multus placida succrescit palmet oliuae,
Tu quoq; tam multa prole beatus eris.
Gauderis propria spectans conuiuia mensae,
Delicias mensae pignora cara tuae.
Hec bona proueniens Domino peccare timentis,
Has tam praeclaras semper habebit opes.
Hunc Deus afficiet supera placatus ab arce,
Quamq; diu poterit viuere, latus erit.
Natorum & longo numerabit ab ordine natos,
Pacatamq; bona pace habitabit humum.

S C H O L I A.

QUEM) Propositio. FELIX) Ratio, Deus alet. AGRICOLA) Benedicet coniugio. VITUR autem suauibus & significantibus figuris. HÆC BONA) Epiphonema. NATURUM) Faciens misericordiam in millia, his qui me diligunt.

P S A L M U S C X X I X.

Sæpe expugnauerunt me à iuuen.

A R G U M E N T U M.

*Cladibus afflētum genus Israëlis acerbis,
Sæpe iacens hostes corruit ante suos.
Liber ab his, vt sæpe, Deo pro munere grates,
Gratifico populus carmine gratus agit.*

Est oratio & gratiarum actio, in qua prædicat populus Dei beneficia diuina, quod Ecclesia etsi affligatur, tamen non pereat, sed defendatur à Deo ac seruetur.

Canticum graduum.

*INSULTVS & probra tuli iam sæpe malorum,
Ex quo prima mihi visa iuuenta fuit.
Dixerit Israël meritò: iam sæpe maligni
Infesti nunquam praualuere mihi.
Tot mihi pondera iniqua, tot imposuere labores
Tot mea presserunt terga gravata iugis:
Vt velut agricolas sulcos duxisse putarem,*

Per mea iam grauibus corpora fessa malis.
 At qui iusta facit Deus, omnibus ille malorum
 Dis. idit irata vincula cuncta manu.
 Retrò ignominiosi abeant, pudor opprimat omnes,
 Quis odio visa est digna fuisse Sion.
 Sint fœno similes nato per tecta domorum,
 Quod citò messuras aruit ante manus.
 De cuius nec fasce manum qui demetit, implet,
 Nec gremium curua falce resecta legens.
 Huic, qui prætereunt, nunquam benedicere messi,
 Tale quid ex animo nec potuere loqui.
 Gratia vobiscum Domini, vos ipse, precamur.
 Augeat assueta dexteritate Deus.

S C H O L I A.

INSULTUS) Narratio, Afflictus sumus, sed non perimus. TOT) Amplificat similitudine afflictionem.
 RETRO) Imprecatio contra hostes Ecclesiæ. SINT
 FENO) Insignis figura, qua describit subitam commutationem fortunæ impiorum.

P S A L M U S CXXX.

De profundis clamaui ad te Dom.

A R G U M E N T U M.

Ante Deum non iustificat opera omnia quenquã,
 Sola sed in Christum mens pia, recta fides.
 Quam canit hic breuib. tã magna negotia verbis
 Doctorem cœlo dixeris esse datum.

Preca.

Precatio est mentis territæ cognitione peccatorum, & sentientis Deum irasci peccatis. Præcipuum autem est, quod peccatis suis nihil opponit, quam misericordiam Dei, & petit gratis sibi ignosci.

Canticum graduum.

CUM nimis alta premat caput hoc sentina malo-

A te summe Deus vox mea quarit opem. (rit.)

Respice & exaudi nostras placida aure querelas,

Pondus & has lacrimas vocis habere sine.

Si pater observes, quæ nos mala cunq; patramus,

Et iudex scelerum serius esse voles:

Quis rogo consistet? quis te sub iudice stabit?

Quis poteris verbis reddere verba tuis?

Sed te summa penes pietas, clementia summa est,

Quæ ratio nobis vt timeare facit.

Expectat Dominum mea mens, anima ægra requi-

Ipfius in verbo spes mihi tota manet. (rit.)

Tota animæ vis in Domino mea fixa residit,

Alter in alterius dum subit hora locum.

Tota sit in Dominum spes Israël, ab ipso

Et pietas est, & nostra redempta salus.

Ipse Israël em redimet placatus ab omni

Crimine, commissum diluet ipse scelus.

S C H O L I A.

CUM NIMIS) Ptopositio patheticæ. *SIPATER*)
Ratioprima, Quia sum peccator coram te. SED
 TH

TE) Ratio secunda, Quia es misericors. EXPECTAT)
 Repetitiones propositionis. IPSE ISR), Promissio,
 quod peccata gratis remittantur.

P S A L M U S CXXXI.

Domine non est exaltatum cor me.

A R G U M E N T U M.

Iusticiæ propria, atque operum fiducia vana est,

Ni sit iustificans talia cuncta fides.

Corripit elatos animo, qui viribus vsi

Posse suis fieri, quæ voluere, putant.

Proponit suum exemplum, & hortatur,
 ut nitamur & acquiescamus in verbo, non
 in fiducia nostrarum virium, & sapientiæ,
 ac iusticiæ humanæ.

Canticum graduum David.

SYMME parens rerum, qui stelliferi ardua cæli

Intolis, & solo numine tempta moues.

Non fuit vlla vnquam mihi vana superbia cordi,

Non ego, ceu fastu, lumina celsa tuli.

Non ego me ingressi rebus maioribus vnquam.

Quæ captum possent exuperare meum.

Hanc animam posui, velut à nutrice remotum

Infantem, valeat qui sine lacte nihil.

Expetat Israël Dominum, quia pendet ab illo,

Totus in æternos, & sine fine, dies.

SCHO-

S C H O L I A.

SUMME) Narratio. NON EGO) Hoc est, Sum contentus verbo tuo, & per verbum alias cogitationes excutio. EXPETAT) Adhortatio, vt idem faciat tota Ecclesia.

P S A L M U S CXXXII.

Memento Domine Dauid, & om.

A R G U M E N T U M.

*Vt sacra conseruet, regni vt moderetur habenas,
Aut populi, aut regis subdita verba rogant.
Hoc est, vt verbum, leges, iura, oia, pacem
Afferat, afferis his, bene cuncta manent.*

Est oratio pro Ecclesia & regno, v' Deus vtrunq; conseruare velit. Addit autem in fine promissionem, quod Deus inramento confirmauerit se regnum Dauidis conseruaturum, & affuturum Ecclesiae in Sion.

Canticum graduum.

REX hominum, diuiniq; parens, memor esse me-
Dauidis solita dexternate tui. (mento
Dauidis memor esto tui, quos ille labores
Pro fidei tulerit religionem tuam.
Qualibus ille Deo verbis iurauerit, & quae
Vouerit heroi dux Iacobe tuo.
Non, ait, ingrediat consueti limina caeli,

Non

Non lecti ascendam plumea strata mei.
 Non capiam dulcis suavissima munera somni,
 Nullus decipiet lumina fessa sopor.
 Donec adinueniam Domino loca digna colendo,
 Et sedem forti magne Iacobe tuo.
 Ecce audiuiimus hanc Ephratei in finibus agri.]
 Siluosi inuenta est in regione loci.
 Ipsius ergo sacra veniamus in atria sedis,
 Numen adorantes ipsius aute pedes.
 Surge, locum quietis adi tibi summe parate
 Tu Deus, & felix roboris arca tui.
 Iusticia sint ornati tua sacra ferentas,
 Deq; tuo sanctus nomine cætus ouer.
 Propter Dauidem, tibi ab omni parte fidelem,
 Vnctum propicia respice fronte tuum.
 Dauidi Dominus inrauit voce fideli,
 Nec sua iuratus fallere verba potest:
 Te viuente tui de fructu & semine ventris
 Imponam solio pignora iusta tuo.
 Quod si nostra tui seruabunt pacta nepotes,
 Quid de gente tua posteritatis erant.
 Si mea non cessent oracula sancta fateri,
 Quæq; dedi legum nomine, quæq; dabo.
 Tam simul ipsi etiam, quam qui nascetur ab ipsis
 Gestabunt dextra regia scepra tua.
 Nam Deus elegit sacra loca culta Sionis,
 Et cupit hac sedem figere in arce sibi.
 Hic requiem mihi constitui sine fine futuram,
 Quam colerem, placuit nec magis vlla domus.

*Hic mihi dote locus ditabitur ubere rerum,
 Hic velut annonæ diuitis vnda fluat.
 Hic ego, si qua fames miseris vrgebit egentes,
 Sufficiam dextra liberiore cibos.
 Iusticia faciam claros, hic sacra ferentes
 Leticia, hic sanctis copia diues erit.
 Illic imperium faciam Davidis oriri
 Latius, & gentes subdere colla mihi.
 Hic vnclō reparata meo mihi viua lucerna est,
 Indiga quæ nullo tempore lucis erit.
 Ipsius ofores infamia turpis obibit,
 Ipse coronatus florida sceptrā geret.*

S C H O L I A.

REX) Propositio. DAVIDIS) Amplificat precationem commemoratione studii & voluntatis David. ECCE AUDIVI.) Sententia est : Hoc quod orauit David, nempe domum Domino, eam habemus in Ephrata, id est, in regno Iuda, in quo Ephrata, hoc est, David de Ephrata regnat. Item inuenta est in siluoso loco, hoc est, in Hierusalem, quæ ex saltu Libani constructa est, (sunt enim metonymiæ. IESUS ERG.) Hic clare ponit propositionem pro Ecclesia. PROPTER) Pro regno, DAVIDI) Promissio facta Davidi de regno. NAM DEUS) Promissio de cultu Dei, seu Ecclesia.

P S A L M V S CXXXIII.

Ecce quam bonum & quam iucun.

A R G U M E N T U M,

*Ut facit ex paruis magnas concordia rebus:
 Sic, nisi doctrinas asserat ipsa, cadent.
 Hanc docet & sacris seruandam, & ubiq; profa-
 Et probat exemplis, qualibus ipse vides. (nis,*

Est commendatio concordiae in Ecclesia & regno. Ornat autem ea comparationibus suauissimis cum unguento late spargente odorem, & diffundente se, comparat & rori coelesti, quo recreantur agri & prata diurnis solibus perusta.

Canticum graduum.

QV *Æligat vnanimis felix concordia fratres,
 O quales fructus vtilitatis habet.
 Consona fraterno si vita sit omnis amori,
 Quis verè dubitet, dicere pacis opus?
 Tam sanctam sequitur pacem iucunda voluptas,
 Quam pius æthereo nectare pascit amor.
 Non secus ac liquidos stillantia balsama succos,
 In sacra pontificum tempora fusa fluunt.
 Inde sub extremis ita deflua vestibus hærent,
 Dulcis vt in toto corpore spiret odor.
 Sicut & ærius Libani de montibus humor
 Vbere fecundam rore Siona facit.
 Talis ubi est, interq; manet concordia fratres,
 Ipse bonum præsens influit omne Deus.
 Nam vitam tribuit meritis cœlestibus auctam,
 Illa est diuitiis non redimenda quies.*

S C H O L I A.

QUAE) Propositio. NON SECUS) Similitudines sunt ceu rationes propositionis, quia ostendunt suauitatem & vtilitatem concordiae, maxime in Ecclesia. TALIS) Hic sine figura dicit, quod supra figuratè dixit.

P S A L M U S CXXXIV.

Et nunc benedicite Domino,

A R G U M E N T U M.

*Summa breuis parui doctrina grauissima Psalmi,
Qui deceant cultus, quæ sacra vera Deum.
Scilicet vt verbo inuigilent quicumq; ministri,
Vt verbum doceant, tam graue munus habent.*

Horratur ministros Ecclesiæ, vt diligenter verbum Dei prædicent, hoc enim vere est laudare Deum, & vt assiduo orent pro Ecclesia. Ac addit insigne votum, vt Dominus facientibus sic suum officium, in Ecclesia benedicat.

Canticum graduum.

*Et A nunc Dominum cœtu celebrate frequentis
Qui serua colitis religione Deum.
Qui statis totas sancta intra limina noctes,
Intra diuina limina sancta domus.
Tollite ad alta manus vestras sacraria, & ipsi,
Quas decet eximia dicere laude preces.*

*Sit Deus excelsa tibi fautor ab arce Sionis,
Qui mare, qui celos finxit, & omne solum.*

SCHOL. CELEBR.) Docete. TOIL.) Orate.

P S A L M V S CXXXV.

Laudate nomen Domini, laudate.

A R G U M E N T U M,

Edita gestarum memorat miracula rerum,

Rebus ut admoneat talibus esse Deum.

Esse Deum, quem laude rebat, cui debita soli

Sacra ferant, ne diis condita signa colant.

Est ferè idem argumentum cum superiore, nisi quod hic causas addit, cur prædicandus & laudandus sit Dominus. Commemoratur enim non solum publica miracula, sed priuata, & huius populi propria, quod regnum & cultum suum habeat in Iacob, quod populum liberauit in Ægypto, quod dederit terram Canaan, &c.

Haleluia.

DICITE laudantes per secula cuncta manentem,

Deuoti famula conditione Deo,

Intima diuini qui statis ad intima templi,

Qui nostri incolitis tecta beata Dei.

Dicite laudantes Dominam, quia mitis & æquus,

Optatam miseris forse benignus opem.

Ipsius aeterno sacrum date nomen honori,

Cuius nulla decus nomina maius habent.
 Nam Deus æternos Iacobum elegit in annos,
 Et decus Israël censuit esse suum.
 Magnus enim Dominus vere est, & dignus ha-
 Idem alios omnes fortior ante deos. (beri,
 Quod Domino cunq; est libitum facit, aurea su-
 Sidera, per terras, per freta longa maris. (pra
 Ille abstrusa potens exercet in omnia regnum,
 Quantum vis etiam terra profunda tegat,
 Qui gelidum pluias subducit in aëre nubes,
 Protinus extremi de regione soli.
 Fulgura terribiles facit ignea ducere rimas,
 Et mox qui pluias inde resoluit aquas.
 Qui rapidos cæcis ventos producit ab austris,
 Et quæcunq; volet per loca flare facit.
 Qui primogenita Aegypti percussit aquosa,
 Omnia tam pecorū, quam genus omne virū.
 Qui signa & portenta tibi, ô Aegyptia tellus
 Edidit, an velles cautior esse tui.
 Nec soli tibi, verum etiam tua sceptrā gerenti,
 Et quæcunq; fuit sub Pharaone manus.
 Qui magnas valido deleuit robore gentes,
 Fortia magnorum contudit arma ducum.
 Bellica Amoritæ qui perdidit agmina regis,
 Et quæcunq; sub hoc turba Sione fuit.
 Marte Basamiten proprio qui perculit Oggum,
 Et reges, Canaan quos fera cunq; tulit.
 Inde aliis tribuit terram quam cepit habendam,
 Regna Israël cuncta subacta suo.

Summe Deus, tua fama manet, tua gloria viuit,
 Gloria in aeternos non peritura dies.
 Ipse suum populum Dominus reget, ipse suorum
 Non omni in pœnas tempore durus erit.
 Quæ gentes Idola colunt ex quolibet arte,
 Pro diis humanæ composuere manus.
 Ora quidem, sed muta gerunt, stant lumine cæco,
 Nec sensus stupidis auribus ullus inest.
 Plumbea non aliquis mouet organa spiritus oris,
 Saxea sub ficta guttura fauce stupent.
 Talia qui faciunt factis simulantur isdem,
 Quiq; putant factis numen inesse suis.
 Vos domus Israël Domino date munera laudum,
 Vos & Aaroniæ concio sacra tribus.
 Tu quoque de sancto quæ ducis nomina Leui,
 Gens pia fer Domino debita dona tuo.
 Qui Dominum colitis Dominum celebrate, nec unquam
 Vestra Dei merita carmina laude vacent.
 Excelsa Dominus laudetur ab arte Sionis,
 Qui sedet & Solyma legit in vrbe locum.

S C H O L I A.

DICITE) Ptopositio exhortationis. QUIA MI-
 TIS) Ratio propositionis. MAGNUS) Creatoris be-
 neficium. QUI PRIMOG.) Propria huius populi be-
 neficia QUI SIG.) Aegyptus. QUI MAG.) Terra Ca-
 naan, SUMME) Epiphonema. IPSE SU.) Dominus dat
 verbum, & remittit peccata. QUÆ GENTES) Anti-
 thesis Tales sunt non gentium dii. VOS DOMUS) Re-
 petit exhortationem.

Confitemini Domino quoniam,

A R G U M E N T U M.

*Hic precor aspicias magni pia scripta Lutheri,
Et lege, quæ breuitas dicere nostra nequit.*

*Hic tamen hæc summa est, Dominum celebrare po-
Tempore qui nullo desinet esse pius. (tentem,*

Est gratiarum actio, eodem argumento
cum superiori Psalmo, Commemorat enim
beneficia creationis, & quæ populo Israel
peculiariter exhibuit, ac hortatur ad gra-
tiarum actionem.

SYMMMA quib. Domini bonitas est cognita, gra-
Eia agite immensa pro bonitate Deo. (tes
Nam pius est, laudate pium, celebrate benignum,
Ipsius quoniam gratia sine caret.

*Voce, animoq; Deum grati celebrate deorum,
Tempore enim nullo desinet esse pius.*

*Perpetuas Domino dominanti dicite grates,
Pectora semper enim plena fauoris habet.*

*Qui toties, tot, tanta facit miracula solus,
Namq; quod est, nunquam nõ bonus esse potest.
Cuius cælestes sapientia condidit orbes,*

*Nam manet, & pietas non habet ista modum,
Qui liquida extēdit grauidam super æquora ter-
Nam veniæ finem non habet ille sue. (ram,*

Lumina qui totū statuit clarissima mundo,

Huius

Huius enim pietas ista perire nequit.

Solem noctifuga iussit lucere diei,

Nam bonus est, & erit tempore perpetuo.

Stellas & lunam moderari tempora noctis,

Nam pia non vnquam desinet ista fides.

Primitias Aegyptae tuas qui sustulit olim,

Nam pius, & placido pectore semper erit.

Quiq; Israëlem deduxit ab hostibus ipsum,

Nam manet, & finem non habet huius amor.

Inuicta virtute manus, & robore forti,

Huius enim miserans gratia semper erit.

Qui vasti in geminas secuit maris aquora partes,

Nam pius & clemens perpetuo est, & erit.

Inde Israëlem dissecta per aquora duxit,

Nam manet huic summa cum bonitate fides.

Armatum rapido qui mersit in aquore regem,

Nam bonus est, & ut est, sic malus esse nequit.

Qui populum per vasta suum deduxit eremi,

Nam fauet, & iustis semper amicus erit.

Qui statuit validos dextra victrice tyrannos,

Huius enim pietas tempus in omne manet.

Cuius praecipuos occidit dextera reges,

Nam miseris omni tempore dexter erit.

Strauit Amorraeum propria virtute Sibona,

Omni nam placidum tempore numen habet.

Marte Basanitem qui vindice contudit Oggum,

Nunquam etenim cessat fautor adesse suis.

Inde suis capta diuisit iugera terrae,

Nam placidus nunquam desinit esse bonis.

Regna Israel tribuit quæ cepit amato,
 Semper enim causas dexteritatis habet.
 Cladibus obtritos, ope nos respexit egentes,
 Semper enim certam fert miserator opem.
 Nos quoque crudeli miseratus ab hoste redemit,
 Semper enim miseris fautor adesse solet.
 Omnia qui immensa bonitate animalia pascit,
 Semper enim bonus est, semper & esse studet.
 Concelebrate Deum cæli terraquæ potentem,
 Nam pius est, & ut est, sic sine fine manet.

SCHOL. SUMMA) Propositio. NAM) Ratio generalis. QUI TOTIES) Narratio operum & beneficiorum Dei.

P S A L M. CXXXVII.

Super flumina Babylonis, illic fedi.

A R G U M E N T U M,

Captiua ex Babylone sion has mœsta querelas
 Effundens, humili voce precatur opem.
 Est operis precium cura seruare fideli,
 Per loca quæ spargi dogmata sancta queant.

Prior pars Psalmi querimonia est de captiuitate Babylonica, & superbis gentium insultationibus. Altera pars consolationem habet, futurum et captiuitas finiatur, & hostes populi Israel satis graues pœnas luant.

CP *M*gelidos, miseri, consedissemus ad amnes,
 Fructifera regio quos Babylonis habet.
 Fleuimus, & planctu conturbabamur amaro,
 In mentem quoties venit amata Sion,
 Musica tum salicum suspendimus organa trun-
 Fluminis in ripa quas alit humor aquae. (eis,
 Illic qui captos nos dura sorte premebant,
 Poscebant nostra carmina festa lyrae.
 Et nostros inter gemitus sibi leta iubebant,
 Et nobis patrio carmina more cani.
 Carmina, dicebant, cantate Sionis auita,
 Qualia vos in ea concinuisse ferunt.
 At nos qui leuos alienis finibus hymnos
 Possumus, aut sacrum concinuisse melos?
 Si potero non esse tui memor inclita nuper
 Hierusalem, si te non ego semper amem.
 Tunc artem mea dextra suam dediscat, ut ultra
 Non cantem soli carmina sacra Deo.
 Intus adhærescat stupido mea lingua palato,
 Si potero viuens immemor esse tui.
 Si tibi pretulero quicquam quod amabile ducā,
 Si mihi te quicquam dulcius esse potest.
 Sis memor, o genitor, periuræ nuper Idumes,
 Quam male de populo sit merita illa tuo.
 Nam patria miseri cum vastaremur in vrbe,
 Senior iratus hostibus illa fuit.
 Sternite, dicebant, excindite funditus omnem
 Urbem, relliquia ne superesse queant.
 Tu quoq; magna manu Babylon vastabere forti,

*Et mala nostra, aliquis qui tibi reddat, eris.
Felix, qui tibi damna alius illata rependet,
Præcipue nobis qua modo damna dabas.
Felix, qui puerosq; tuos, tenerasque puellas
Conteret, & sparget sanguine saxa tuo.*

S C H O L I A.

CUM GEL.) Querela. MUSICA) Nullus cultus Dei
fuit inter gentes. SI POTE.) Consolatio. SIS ME-
MOR.) Promissioni orationem subiungit. TU QUO-
QUE) Comminatio.

P S A L M. CXXXVIII.

Confitebor tibi Domine in toto.

A R G U M E N T U M.

*Optat ut adveniat Christi super omnia regnum,
Sub quo multa etiam regna futura canit.
Terrarum reges huic regi vota duros,
Huius adorabunt numina sancta Dei.*

*Est gratiarum actio pro Evangelio & re-
gno Christi respicientis suam Ecclesiam in
terris & liberantis.*

Davidis.

*OMNIPOTENS, qui regna tenes latissima rerū,
Qui premis immensa cuncta creata manu.
Pectore te toto Dominumq; Deumq; fatebor,
Et coram summis, inter & eximios.*

Ad

Ad tua me veriam templa atq; altaria supplex,
 Et tua non tacita nomina laude feram.
 In me quod fueris summa pietate benignus,
 Quod fidei tam sint robora firma tua.
 Namq; tuum nomen super omnia summa tulisti,
 Per qua olim nobis verba locutus eras.
 Quo te cunq; die supplex in vota vocavi,
 Audisti fletus anxia verba mei.
 Et simul huic animo robur, viresq; dedisti,
 Qui prope iam mœsto pectore nullus erat.
 Nunc igitur cuncti celebrant tua numina reges,
 Vicina & longe qui sita regna colunt.
 Quod tua verba avidis hauserunt auribus, &
 Præcipuo pleni laudis honore tua. (sunt
 Hi Domini decreta canent, vt maior in omnes
 Hic Domini populos expediatur honor.
 Nam Dominus cum sit sublimis, humillima spectat,
 Spectat, & à longe corda superba notat.
 Si medium per iter mihi perditionis eundum,
 Si sit & appositæ meta terenda necis.
 Tu tamen incolumem me conseruabis, & idem
 Terrorem incuties hostibus ipse meis.
 Hostibus excutiet cœptum tua dextra furorem,
 Et sic illa meæ caussa salutis erit.
 Expediet pro me Deus omnia, maxime rerum,
 Perpetua est bonitas, & tua summa fides.
 Nunc quod opus finxere tuæ pater optime palme
 Ne rogo contemptum deseruisse velis.

S C H O L I A.

OMNIPOT.) Propositio gratiarum actionis. NAM
 QUE TU.) Ratio, Quia habes nomen & regnum exi-
 mium, quod ignoscis peccatoribus, exaudis oran-
 tes, & defendis &c. NUNC) Regnum hoc etiam in
 gentes vulgatum est. NAM. DOM.) Insignis commen-
 datio regni Christi, quod vitur sua potentia ad re-
 gendos bonos. NUNC) Addit precatiunculam.

P S A L M U S CXXXIX.

Domine probasti me & cognouisti.

A R G U M E N T U M.

*Quam sint magna, Dei bonitas, sapientia, virtus,
 Qui, quæ sunt, & erunt, quæq; futura, videt.
 Qui facit, & præsens agit omnia, quo sine nullius
 Momentum exigi temporis esse potest.*

Prior pars habet gratiarum actionem
 pro creatione & mirabili gubernatione
 sanctorum, quæ tota in manibus Dei, extra
 vires, cogitationes & consilia humana est.
 Altera habet orationem, ut hostes verbi per-
 ceant, qui fiducia suarum virium omnia au-
 dent, & ut ipse in verbo Dei conseruetur.

Psalms David.

(cui)
 CONDITOR omnipotens, omnis Deus arbiter
 Cui neq; ut ortus erat, sic neq; finis erit.

Explo-

Explorata tenens mea iam pater omnia dudum,
 Et pars te potuit nulla latere mei.
 Tu nosti quid considam, quid surgere pergam,
 Sensa à longe animi sunt tibi nota mei.
 Seu me forte dies aliquo prospiciat euntem,
 Seu cubitum fessæ tempora noctis agunt.
 Tu mihi, tu presens ades, et circum omnia lustras,
 Qua pergam, ignota est semita nulla tibi.
 Nam neq; lingua potest quicquã mea dicere, cu-
 iam non sit ratio cognita tota tibi. (ius
 Tu frontem, tu terga in me, tu cuncta creasti,
 Quæq; fuere prius, quæque futura manent.
 Atq; ita me diuina manus tua finxit, vt esset
 Plenum opus, & pulcrum corporis omne mei.
 Cognitionis opus tanta non assequor illud,
 Tam ratio sensus effugit alta meos.
 Quo fugia vnde ne presentem tua numina cernant?
 Qua tuus excludi spiritus arte potest?
 Detur vt astra supra scandam sublimia cæli,
 En ades, & nullo non potes esse loco.
 Infernas adeam, Plutonia regna, lacunas,
 Hic quoque maiestas aspicienda tua est.
 Mane rubens aurora suas mihi commodet alas,
 Dentur in extremo tecta colenda mari.
 Non minus hæc tua celsa manus me proferet illic,
 Et virtus dextræ fulciet alta tuæ.
 Dixero, forte tegent tenebra me noctis opacæ,
 Lucida nox etiam te penes omnis erit.
 Et tenebra non sunt tenebræ, si tu pater assis,

Et

Et nox clara nouæ lumina lucis habet.
 Te penes in lucem tenebra vertentur, & omnia
 Nocte sub obscura te prope splendor erit.
 Nam lumbos, renesq; meos tu matris in aluo,
 Corporis & fingis cætera membra mei.
 Gratia summe tibi genitor, qui corporis artus
 Omnes mirifica feceris arte mei.
 Et tuæ sunt perfecta modis opera omnia miris,
 Quæ perspecta mea lumina mentis habent.
 Te mea non latuit virtus cum fingerer intus,
 Et rudis exiguo pondere massa forem.
 Abdita cum fierem velut intra viscera terra,
 Et nondum ex utero matris abactus eram.
 Tu factum informem clara me in luce videbas,
 Et quæcunq; mihi membra futura forent.
 Tunc velut in libro descripta futura tenebas
 Tempora, nec dum horum venerat vlla dies.
 Quam præclara Deus tuæ consilia omnia nobis,
 Quanta est illorum cognita summa mihi.
 Illa ego si numero certo comprehendere coner,
 Omnis inexhausti cedit arena maris.
 Peruigil vt demum referendis immorer illis,
 A te semotus non erit iste labor.
 O vitiam reprobos perdas Deus, ô procul absint
 Turba profanatas sanguine fæda manus,
 Nam peruersa palæ de te & scelerata loquuntur,
 Et crescunt hostes, in tuæ damna tui.
 Qui te odere pater, dignos odio esse putau.
 Digni & quos odio prosequeremur, erant.

Quæ

Qui sua te contra statuerunt signa rebelles,

Semper in hos animo non pauente fui.

Nec potui maiore odio, quam prosequor, illos,

Hac hostes facti sunt ratione mihi.

Explora, cognosce meos pater vniuersi sensus,

Perscrutare animi cuncta profunda mei.

Ut videas, si forte via non rectus aberrem,

Et reuoces lapsos in loca recta pedes.

S C H O L I A.

CONDITOR) Descriptio mirabilis gubernationis & creationis. NAM NEQ.) Obserua, quomodo omnia tribuat arbitrio Dei, & adimat suo arbitrio. QUO FUG.) Quod nemo possit Dei consilium effugere. GRATIA) Gratiarum actio O UTIN.) Precatio contra hostes, non obseruantes hanc Dei benignitatem, & persequentes verbum. EXPLORA) Orat pro se, vt sicut omnia ex Deo habet, ita in omnibus voluntati eius obsequatur.

P S A L M U S CXL.

Eripe me Domine ab homine mal.

A R G U M E N T U M,

Impius insidias tendit pietatis amanti,

Quamq; potest, tuta non sinit ire via.

Huius vt impediatur conatus ipse nefandos

Orat, & impunem non sinat esse Deus.

Est precatio contra hostes Ecclesiae, qui non solum eo noceant, quod varie impe-

diunt sanam doctrinam, sed etiam vi & gladio sæuiunt: quare precatur ut pii seruentur, impii autem suis consiliis sibi ipsi sint exitio. Sicut etiam plerunque euenit. Dominus enim iudex est in terra.

Vincenti Psalmus Dauid.

NE pater omnipotens hominē mihi dira volentē,
 Ne sine consilii mole valere sui.
 Eripe ab insidiis mihi noxia multa minati,
 Discute, qui mecum tam violenter agunt.
 Qui semper mala mēte agitant, & pectore voluūt,
 Et quos pacificos non videt vlla dies.
 Hi linguas acuere suas, ut viper a serpens,
 Somnifera virus aspide peius habent.
 Assere me, ne forte manus trahat impia raptum,
 Horum qui mecum tam violenter agunt.
 Qui mea seruantes vestigia soluere tentant,
 Et pedibus ponunt vincla parata meis.
 Continuo expandunt mihi retia cæca superbi,
 Perq; meas, laqueos occulere, vias.
 Interea ipse meum Dominumq; Deumq; vocabā,
 Sume pater querula languida verba precis.
 O Deus, o spes vna mee, roburq; salutis,
 Ipse meum, si vis ingruat, abde caput.
 Ne sine vota ferat sua quæ volet impius, & nec
 Successum rebus sentiat esse suis.
 Ne sua consiliis bona sint euenta malorum,
 Et ne se dignos talibus esse putent.

In capita ipsorum recitant qua frivola iactant,

Qui mea non aqua nomina sorte premunt.

Ardentes Dominus prunas dispergat in ipsos,

Vindice mendaces obruat igne ritos.

In foveas turbabit agens, rursusq; lacunas,

Ex quibus haud unquam surgere ad alta queat.

Cui fuerit petulans & lingua loquacior equo,

Huic Deus in vita commoda nulla dabit.

Certus sum quoniam Dominus servabit egenos,

Exulibusq; suo tempore fautor erit.

Quin etiam tua cantabunt praeconia iusti,

Quae credant nomen posse decere tuum.

Quotquot erunt, & iusti animos, & pectora recti

Astabunt vultus perpetuo ante tuos.

S C H O L I A.

NE) Propositio. QUI SEMP.) Narratio periculi.
 INTEREA) Repetit propositionem. IN CAPITA)
 Imprecatio contra hostes. Pereant sicut Pharaon ad
 mare rubrum. CERTUS) Insignes consolationes.

P S A L M U S C X L I.

Domine clamaui ad te, exaudi me.

A R G U M E N T U M.

Qui pacem simulant, & mollia verba loquuntur,
 Et sub corde dolos insidante gerunt.

Hos petit vlcisci, petit v; deceptus in ipsis,

Quae reliquis posuit, retibus intercat.

Est necessaria precatio, in qua duo orat. Primum, vt in sana doctrina & sancta vita conseruetur: Deinde quia crux pios sequitur, orat liberationem. Sic vbiq; proponitur Ecclesia quod sit afflicta, & varie misera in mundo.

Psalmus David.

*REBUS in afflictis genitor te summe vocantem
Respice, & auxilio non remorante iuuu.
Quaeso meis placidas aures aduerte querelis,
Quando audis aliquam verba rogantis opem?
Ascendant ad te mea verba rogantia, sicut
Accenso nubes fumica thure solet.
Et si quando manus ad te leuo, sit tibi tanquam
Quod deferre sacrum serior hora solet.
Adde meam genitor cohibentia vincula linguam,
Oris permaneat ianua clausa mei.
Ne patiare mihi res vt sit noxia cordi,
Consilia in praecipue ne per iniqua ferar.
Ne mala participem turbae per facta malorum.
Ferula nec ipsorum delitiosa sequar.
Percutiat me iustus, erit gratissima plaga,
Arguat, hoc oleo dulcius vnguen erit.
Namque meo capiti nunquam liquor ille nocebit,
Ipse malos contra nempe precabor opem.
Illorum offendant ad scruposa saxa magistri.
Praefecti in lentam praecipitentur humum.
Vt mea sustineant audire & verba fateri,
Suauia quod multis sint & amica modis.*

Sicut

*Sicut humus gruido profissa residit aratro,
 Sicut secla graui vomere gleba iacet:
 Sic nostra assiduis sunt fracta doloribus ossa,
 Sic apud inferni limina sparsa iacent.
 Quandoquidē te solum animo vigilāte videmus,
 Te nisi, nil al: ad lumina nostra vident.
 Et quia praesidium, nisi te, non inuenit vllum,
 Ne patiāre animam posse perire meam.
 Serua me à laqueo, mihi quem posuēre maligni,
 Vt vitē reprobā retia rensa manu.
 Incidat in laqueos, quos condidit impius, istos,
 Donec saluus ego praterisse queam.*

S C H O L I A.

REBUS) Propositio, vt exaudiatur. AS CENDANT) Insignis figura, quod oratio piū sit sacrificium, sicut propheta vocat Bouem labiorum orationem. NE PAT.) Hic exponit, in qua re velit exaudiri. NAMQUE) Suauissima commendatio sanæ doctrinæ. IL- LORUM) Antithesis. Pereat impia doctrina, vt sit locus sanæ doctrinæ. SICUT) Commemorat afflictiones, quas Ecclesia propter verbum sustinet, & orat liberationem. INCIDAT) Votum contra impios.

P S A L M V S CXLII.

Voce mea ad Dominum clamaui.

A R G U M E N T U M.

*Perfidia queritur prohiberi falsa docentum,
 Quo minus ipse alios vera docere queat.*

*Cum iam plus nimio pro veris falsa valerent,
Si te exempla inuant, tempora nostra vide.*

Argumentum Psalmi ostendit titulus.
Recte autem oratur Psalmus pro Ecclesia,
contra hostes & persecutores eius,

Erudiens canticum Dauid, cum esset
in spelunca.

*ASSIDUIS Dominū lacrimis & voce precabar,
Diuinam assidua voce precabar opem.
Ante ipsum mea verba, grauesq; effundo dolores,
Ipsi, quæ patior, vulnera sæua queror.
Mens mea cum duris iacet obruta & anxia rebus,
Quæ sequar & fugiam, mi Deus ipse vides.
Quæ mihi sæpe fuit pedibus via trita, sub illa
Fallaces laqueos oculuere mihi.
Hac illac oculos vertens per cuncta ferebam,
Nemo, qui misero vellet adesse, fuit.
Iam fuit optatæ spes omnis adempta salutis,
Nemo fuit, placidam qui mihi ferret opem.
Tunc tua simplicibus venerabar numina verbis,
Mi Deus, o mea spes, tu mea certa salus,
Tu mihi praesidium Deus es, per te mihi vitæ
Pars est, contingit quantulacunq; super.
His lacrimis precor intendas, moueare querelis,
Nam miser exhaustus pene dolore fui.
Erue ab hoste, odio qui me insectatur acerbo,
Nam mihi nuac nimium praualuere mali.*

Detra-

Detrahe vincla animæ, quibus hoc in carcere pres-
Ut nomen celebret libera facta tuum. (Sa est,
Tunc mihi iustorum iungent socia. agmina cætus,
Si mihi præsiteris quæ bona tanta rogo.

SCHOLIA.

ASSIDUIS) Narratio, in qua proponit exemplum,
 quid in afflictione sit faciendum. QUAE MIHI) Nar-
 rat periculum. TUNC TUA) Propositio, ut liberetur.
 IN CARCERE) Specum, in qua latuit, carceré vocat.

PSALMUS CXLIII.

Domine exaudi orationem meam.

ARGUMENTUM.

Territa mens vitii & imagine vindicis ira,
Iudicium ne se cogat obire, rogat.
Promissis veniæ Domini constanter adhaeret,
Solari melius mens onerata nequit.

Est precatio pro remissione peccatorū,
 quæ habet suos hostes, nempe Sathanam
 authorem desperationis, & doctores, qui
 docent legem & fiduciam operum. Quare
 orat exaudiri propter veritatem & iusticiam
 Dei: veritas est, quod Deus promisit se ex-
 auditurum pios: iusticia est, quod Deus in-
 iustos iustificat, & peccata remittit propter
 misericordiam in Christo exhibitam.

Psalmus Dauid.

AUDI summe parens rerum, quas pectore ab imo,
 Et tibi sollicito fundimus ore preces.
 In fidei virtute tuæ me respice, & audi
 Quæ tibi nunc mæsto pectore verba loquor,
 Et quia iusticiæ summa est tibi cura tuenda,
 Sume pia iustas exulis aure preces.
 Ab ne in iudicium venias pater optime mecum,
 Ab tibi ne fieri me patiare reum.
 Nam quis erit, qui te consistere iudice possit?
 Quis tibi per spectus iustus abire queat?
 Insidiatus enim mihi perfidus, imminet hostis,
 Semper & hic fraudum nomina mille struit.
 Abiecit velat in terram mea tempora vite,
 In tenebras positum me violenter agit.
 Non secus ac aura vitalis lumine cassi,
 Per loca neglecti sola iacere solent.
 Conficitur mœrore animus, mens anxia torpet,
 Omnis in attonito pectore sensus hebet.
 Tunc veteres repeto longinqui temporu annos,
 Et retro in mentem secula prisca voco.
 Tunc animo repetens memori tua facta loquebar
 Quæ gessere manus omnia mira tuæ.
 Protensis ad te veneror tua nomina palmis,
 Te mea mens isto tristis ab orbe sitit.
 Ne cunctere, fer auxilium, spes omnis in auras
 Te sine, pene anima deficiente, fugit.
 Ne vultus absconde tuos, ne forte relinquir

His similis, qui iam tartara nigra petunt.
 Ocyus has veniat bonitas tua nota sub aures,
 Fidere cui possim, nam sine te nihil est.
 Qua gradiar, praescribe viam, mea namq; fatiscit,
 Suspirans ad opem languida vita tuam.
 Eripe ab insidiis, quas instruit hostis acerbus,
 Mi Deus, o misero spes, via, vita, salus.
 Ut faciam tibi grata doce, tua iussa capeffam,
 Nam sine te misero quis Deus esse queat?
 Spiritus ille tuae bonitatis ducat euntem,
 Qua recta ad te iur, nec propiore via.
 Redde mihi incolumem propter tua nomina vitã,
 Iustus es, huic animæ redde salutis opem.
 Sic subverte meos, ut es optimus, ocyus hostes,
 Infestos animæ nocte dieq; meæ.
 Abince, & ad nihilũ redigens age, perde malignos,
 Tu quia me Domini iura regentis habes.

S C H O L I A.

AUDI) Propositio. IN FIDEI) Fidei, quia seruas
 promissa. ET QUIA) Exaudi me propter tuam iusticiam,
 non propter meam iusticiam, quæ nulla est.
 NAM) Narratio periculi, cum conscientia desperatione
 tentatur. TUNC VETE) Consolor me, inquit,
 contra hæc mala veteribus tuis factis, quibus restatus
 es, te esse misericordem, & peccata condonare.
 NE CUNCTERE) Repetit propositionem, in qua orat
 remissionem peccatorum, & gubernationem in verbo,
 ac liberationem ab hostibus.

Benedictus Dominus Deus meus.

A R G U M E N T U M.

*Iura, magistratus, reges, pax, fœdera, bellum,
 Vnius in Domini sunt sita cunctia manu.
 Ille docet quicquid scimus, facit omnia solus,
 Quo sine tam fragilis quid potuisset homo?*

Est insignis Psalmus, in quo simul gratias agit, & orat pro regno & Ecclesia contra hostes, seditiosos ciues & pseudoprophetas. Habet autem insigne pathos, quod miratur Dei beneficentiam erga homines ingratos & malos. Quid est homo, inquit, quod sic curas eum? &c.

Psalmus Dauid.

*SUMMA creatori Domino laus, gratia, virtus,
 Cuius habere parem gloria iure nequit.
 Dura manus in bella meas qui format & armat,
 Ad fera qui digitos instruit arma meos.
 Hic bonitas, hic summa mihi est fiducia, ab illo
 Munior, hic instar turris & arcis habet.
 Quo mihi, cœn clypeo, spes praesidii omnis habetur,
 Imperio populos subiicit ille meo.
 Cur tibi sit, genitor, mortalis homuncio tanti?
 Hunc ut agnoscens non nihil esse putes?
 Vita hominis nihilo similis fugit ocyor umbra
 Quae venit, & minimo tempore tota perit.
 E caelis Domine in terras descende iacentes,
 Tange*

Tange manu, fumos culmina summa dabunt.
 Fulgura mitte, quibus pereant, intende sagittas,
 Ut cito recordes ad tua tela cadant,
 Mitte manum de sede tuam sublimis olympi,
 Auxilium vindex ut ferat illa mihi.
 Eripe me velut immensis è fluctibus agrum,
 De vi, quam misero fert aliena manus.
 Eripe me à populo, qui nil nisi vana loquuntur,
 Qui dextra fraudes insidiantè parant.
 Sic tibi summe opifex rerum noua carmina dicã,
 Cantabunt laudes organa nostra tuas.
 Organa, sed fidibus his quinq; instructa feremus,
 Plectra, lyras, citharas, organa, naba, tubas.
 Per quem dura gerunt reges & prælia vincunt,
 Dauidem seruas hostis ab ense tuum.
 Eripe me, seruaq; volens, aliena repelle
 Agmina, quæ legi sunt inimica tua.
 Qui, cum sint homines reprobi, mendacia miscent,
 Quorum dextra dolos insidiasq; struit.
 Ut nostri incipiant nobis adulescere nati,
 Ut tener è molli sarculus exit humo,
 Ut nostræ niteant formoso corpore nata,
 Qualis in eximia est pulchra columna domo.
 Ut sint nostra opibus penuria plena repostis,
 Copia nec cesset, nec vacet ista manus.
 Ut grex mille ouium producat millia centum,
 Quæ nunc nostra auido pascua dente merunt,
 Terga bouum grauibus sint pinguis & apta feren-
 In nostras veniat nulla ruina domos,

(dis)

tu-

*In nostris vox nulla sonet truculenta plateis,
 Et possit nostris rebus abesse nihil.
 Felicem populum, qui tantis dotibus auctus,
 Se Domino cura nouerit esse Deo.*

S C H O L I A.

SUMMA) Gratiarumactio pro regno. CUR) Pat-
 thos, Magna Dei bonitas est, sic curantis nos mise-
 ros homines. E COELIS) Orat, vt Dominus simili fe-
 licitate defendat & seruet contra hostes Ecclesia,
 hoc est, pseudoprophetas, quos vocat alienos filios,
 quorum doctrina & opera mala sunt SIC TIBI) Re-
 dit ad gratiarumactiōem pro regno, & repetit ora-
 tionem contra pseudoprophetas, pro Ecclesia & pro
 regno. VT NOSTRI) Hæc sunt politica & œconomica
 cōmoda. IN NOSTRI) Hic versus in Hebræo habet
 insignem collationem, quod magna dona sint, qui-
 bus Deus regna & familias conferuat, sed multo
 maiora esse, habere verbum Dei, & scire nos Deo
 curæ esse.

P S A L M U S CXLV.

Exaltabo te Deus meus Rex, &

A R G U M E N T U M,

*Pro meritis laudare, Deo gratissima res est,
 Nec poterat ritu commodiore coli.
 Magnificis Domini pietas & gloria verbis,
 Non potuit vena diuitiore cani.*

Est insignis Psalmus, in quo gratias agit
 pro regno Christi, quod sit regnum mise-
 ricordia

ricordiæ & gratiæ, & æternum regnum, in quo lapsi eriguntur, orantes exaudiuntur, & periclitantes & afflicti reguntur ac gubernantur. Hæc insignia & præcipua sunt beneficia regni Christi in hac vita.

Laus David.

PERPETVA te laude feram rex maxime rerum

Mi Deus, ô maior vocis honore meæ.

Perpetuo tua facta canam, tua nomina dicam

Perpetuo, & si quid longius esse potest.

Nulla dies sine laude tua mihi desinet vnquam,

Ista tuæ laudis fama perennis erit.

Magnus es, & laudum elogio dignissimus omni,

Qui dextra rerum sceptrâ potente tenes.

Quam sis magnus enim quis perscrutabitur vn-

Omnipotens adeo vis tua sine caret. (quam?

Nati natorum tua facta ingentia dicent,

Quasq; manu vires omnipotente moues.

Quæ tua maiestas, tua magnificentia gessit,

Omnia per populos facta stupenda loquar.

Vt narsent alius tantas, tua robora, vires,

Omnibus vt tua sit gloria nota plagis.

Vt memorare tuæ possint bonitatis honorem,

Vt sit iusticiæ laus manifesta tuæ.

Vt pius, vt clemens Deus est, ita lentus ad iram,

Ad veniam properis passibus ire solet.

Omnibus est placidus, super omnia facta benignus,

Quæ prius immensa condidit ipse manu.

Te

Te Deus agnoscunt opera omnia, te venerantur,
 Te celebrant sancti laudis honore tui.
 Ornamenta tui regni, & decus omne loquentur,
 Et tua carminibus fortia facta canent.
 Ut sit mortales tua summa potentia in omnes
 Cognita, sit regni gloria nota tui.
 Secula virga tui perstabit in omnia regni.
 Meta potestatis non erit vlla tua.
 Sustentat Dominus, qui nutant, quiq; labascunt,
 Prostratos ab humo, qui iacuere, leuat.
 Te pater obseruant, oculis in te omnia sperant,
 Quae vitalis adhuc luminis aura fouet.
 Et tu respiciens tribuis sua pabula cunctis,
 Distribuens escam tempore cuiq; suo.
 Max vt aperta manus patuit tua, fundis in omnes
 Omnia quae viuæ tempora lucis habent.
 Atq; ita quando voles, dextera tua munera aperta
 Diuidis, & satias, quae voluere, bonis.
 Omnimoda Dominus ratione est iustus & æquus,
 Ille operum sanctus nil nisi sanctus agit.
 Astat, & est propior Deus implorantibus ipsum,
 Quorum sunt solida pectora firma fide.
 Qui Dominum metuunt, quae sunt his grata repẽ-
 Audit, & nos placida seruat vbiq; manu. (dit,
 Qui Dominum reuerenter amant, hos ipse tuetur,
 Morte, sub hoc, pœnas impia turba dedit.
 Per ætuo Domini laudes mea lingua loquetur,
 Illius & laudes omnia viua canent.

S C H O L I A.

PERPETUA) Propositio gratiarum actionis. MA-
GNUS ES) Narratio, qua exponit rationes propo-
sitionis. NATI) Vide quam magnifico titulo ornent
misericordiam Dei. V T M E M O R.) Hæc est maiestas,
quam supra laudavit. SEC V L A) Est æternum regnū.
S U S T E N T A T) Est regnum remissionis peccatorum.
E T T U) Etiam defenditur & alitur vita corporalis.
O M N I M O.) Epiphonema. A S T A T) Est regnum, in quo
audiuntur orantes. Q U I D O M I.) Est regnum, in quo
gubernantur & defenduntur pii.

P S A L M U S CXLVI.

Lauda anima mea Dominum.

A R G U M E N T U M.

*Vna salus seruire Deo, atq; huic fidere soli,
Qui sibi fidentes liberat, auget, amat. (tum est,
Mundo etenim, aut cuius hominum cōfidere stub-
Pondera qui veræ nulla salutis habent.*

Est eodem argumento cum superiori
Psalmo. Commemorat enim beneficentiam
Dei, quod est creator, quod seruat promiss-
sa, quod defendit liberat peccata remittit,
afflictos & derelictos iuuat, &c. Habet au-
tem insignem antithesin, quod frustra sit
fiducia in homines, fiducia autem in talem
Deum non fallat.

Haleluia.

ELI

ELA age laude noua Domini celebremus hono-
 Mi anime his nostris insite visceribus. (rem
 Laude noua Domino Psalmos & carmina dicam,
 Donec in hoc aliquis corpore sensus erit.
 Spes in principibus ne forte reponite vestras,
 Quorum, quam referat, non habet vllus, opem.
 Sunt homines, nolite hominum cōfidere cuiquam,
 Munera qui veræ nulla salutis habent.
 Spiritus athereas hominis namq; ibit in auras,
 Et redit in cineres, quod cinis ante fuit.
 Consilia illius tunc omnia vana peribunt,
 Momento pereunt tam studia ista breui.
 Felicem, cui dexter adest Deus ille Iacobi,
 Qui, qua de Domino commoda speret, habet.
 Qui cælos, terrasq; orbem, maria omnia finxit,
 Quaq; inclusa operum machina tanta tenet.
 Ille nec esse potest mendax, nec fallere quenquam,
 Illius est omni tempore certa fides.
 Iniuste afflictos qui vindicat, esurientum
 Pallenti miseram pellit ab ore famem.
 Ille leuat vinctos, caecis sua lumina reddit,
 Ille manu pressos auxiliante leuat.
 Diligit ille bonos, iustos Deus ipse tuetur,
 Sumit ab hoc duris aduena rebus opem.
 Pupillos Dominus, viduasq; extollit egentes,
 Impius iratum corruet ante Deum.
 Ille tuus Deus alma Sion, rex omne per æuum,
 Iura ferens cunctis, & Deus vnus erit.

S C H O L I A.

ETIA) Propositio. SPES) Antithesis. In homines confidere est frustra, sed Deo confidere est utile. Addit autem utriusque sententia rationes. ILL E N E C) Ratio propositionis, quia Deus noster est Deus salutis, id quod longa commemoratione operum Dei explicat.

P S A L M U S C L X V I I.

Laudate Dominum quoniam bon.

A R G U M E N T U M.

Qui pascit bonitate suos, & corda piorum,
 Qui fructu steriles ubere dicit agros,
 Qui pacem regnis, qui bella dat, ille serenatus
 Laudibus, hinc grato nos decet esse Deo.

Est gratiarum actio, pro beneficiis Dei spiritualibus & corporalibus quæ longa oratione commemorat.

Halleluia.

EDITE, ferte hilares Domino noua manera laus.
 Nam pulcrum est merita dicere laude Deū. (dñs,
 Ipsius eximio Psalmos cantemus honori,
 Pulcra etenim laus est, & decet ipsa Deum.
 Restituet Solymas Dominus, dispersi reducet
 Membra, Israellem colliget ille suum.
 Qui lassis animos, & fractis corda medetur,
 Duraq; presenti vulnera sanat cpe.

Qui cœlo fixos astrorum supputat ignes,
 Omnibus & stellis nomina terta dedit.
 Magnas vt est Dominus, sic virtus maxima, cuius
 Summa, modum nullam, vis rationis, habet.
 Mansuetos è sorde leuat, de sede superbos
 Deicit & terræ tradit ad ima malos.
 Alternis cantate Deo, date iubila laudum,
 Stringite vocalis pleetra canora lyrae.
 Humida qui toti præextendit nubila cœlo,
 Vt pluuia terris præcipitentur aquæ.
 Qui summis faciles in montibus educat verbas,
 Et steriles colles pascua lata facit.
 Qui sua iumentis dat pabula, dat sua pullis
 Cornuorum, quarula quando ea voce vocant.
 Non huic robur equi placet in fera bella ruentis,
 Non inuat hunc fortis tibia crassa viri.
 Ipsum qui timuere placent, hos diligit vltro,
 Quicumque ipsius spem bonitatis habent.
 Effer laude Deum, Solymorum vrbs inclita regis
 Alma Sion Domino gratificare tuo.
 Portarum vestes corroboret ille tuarum,
 Et vario ciues ditat honore tuos.
 Qui placidam statuit tua per confinia pacem,
 Et tribuit pueris optima farræ tuis.
 Ille suum terras verbum disperdit in omnes,
 Ipsius vt penna præpete iussa volant,
 Non secus ille niuem, qui in lanæ vellera, mittit,
 Cum iabet, vt cineres, stersa pruina iacet.
 Qui glaciem ceu frustra iacit, dum grandine seuit,
 Tanta

Tanta quis ipsius frigora ferre queat?
 Amandat sua iussa, & protinus ista liquefcunt,
 Conuertit ventos, & fluit humor aque.
 Qui decreta Israëlî sua nunciat, ipsi
 Iussa quibus fidas, magne Iacobe tibi.
 Talia facta Deus non gentibus edidit ullis,
 Nec notas leges fecit habere suas.

S C H O L I A.

EDIT E) Propositio. RESTITVET) Narratio. Beneficia spiritualia primo loco commemorat, quod seruat & consolatur Ecclesiam. HUMIDA) HUI C) Hoc est, Dominus hæc vltro & gratis dat timentibus eum, non iis, qui præsumunt de suis virib. PORTARUM) Hæc propria sunt populi Dei. QUæ PLA.) Pax. OPT. FARRA) Annona. QUL GLACIEM) Commoda tempestas. QUI DECRETA) Dõnum verbi in populo sancto.

PSALMUS CXLVIII.

Laudate Dominum de cœlis, laud.

A R G U M E N T U M.

Regna magistratus, hominum genera omnia, esse bona à Domino cuncta creata docet. (ges, Omnia cum bona sint, quæ fecerit ipse, quis ausit Dammandum ex illis dicere vel minimum?)

Habet Psalmus exhortationem ad gratiarum actionem pro tota creatura Dei,
 d 2 in qua

in qua Deus ostendit bonitatem suam & potentiam, ut tam bono & potenti Deo discamus confidere in omnibus periculis, & timere eum.

Halleluia.

COELESTES anima sublimia templa tenentes,
 E quibus hæc ingens infera lumen habent.
 Laudibus accumulate Deum super omnia magnū,
 Laudet in excelsis turba ministra Deum.
 Angelica mentes omnes, exercitus omnis
 Ipsius, agnoscant laudibus, esse Deum.
 Sol & Luna creatorem cognoscite vestrum,
 Non alio laus hæc ore canenda fuit.
 Omnia in illustri lucentia sidera cælo,
 Testentur laudem solius esse Dei.
 Cælorum variis subsultent laudibus orbes,
 Quos circum se actos vltima terra videt.
 Quæ super inductis pendent in nubibus undæ,
 Laudantes Domini se fatcantur opus.
 Ipse suo Dominus qui condidit omnia verbo,
 Omnia sint isto nomine grata Deo.
 Atq; ea perpetuos, ut sint, stabilivit in annos,
 Quæq; cædit legum vincula certa tenent.
 Vos quoq; quæ terras animantia cunq; tenetis,
 Grata creatori laudibus este Deo.
 Vosq; mare incolitis quæ immensū, maxima cete,
 Qualibet & viuos quætrquot, abyssus habet.
 Ignis edax rerum, permisit grandine nimbi,
 Et pluvia bruma præcipitante niues.

Et vapor exiccans, & agentes nubila venti,
 Qui verbis faciunt quæ iubet ille suis.
 Omnes & montes, & proxima culmina cælo,
 Fructifera stirpes, robora dura cedri.
 O syluestria lustra feræ quæcunq; tenetis,
 Quæ colitis pecorum pascua prata greges.
 Reptilium genus omne, aviũ genus omne volantũ,
 Seu vos terra grauis, seu lenis aura tenet.
 Terrarum reges, populiq; & scepra ferentes,
 Quiq; tenenda loco principe iura datis.
 Imberbes pueri, iuuenes, teneraq; puella,
 Imbelles æuo iam grauiore senes.
 Vna voce Deum laudate, quod ipsius altum
 Est super & terras, & super astra decus.
 Ipse sui regnum populi Deus euehet, omnes
 Laus decet ista pios, laus decet ista bonos.
 Laus decet hæc Israël, quem diligit, & cui
 Tam gratum populo nomen habere dedit.

S C H O L I A.

COELESTES) Cælum. Angeli. SOL) Sidera.
 COELORUM) Motus varii superiorum corporum.
 QUÆ SUP.) Aquæ super cælos. VOS QUOQ;) Animalia terræ, VOSQUE MA,) Animalia maris.
 IGNIS) Meteora sunt opera Dei. FRUCTIFE,) Fruges. REPTIL,) Volucres. TERR. REG.) Populi. Atque hic commendat Spiritus sanctus politiam & œconomiam. LAUS DECET) Præcipue autem populus Israel laudet Dominum.

P S A L M U S CXLIX.

d 3

Canta-

Cantate Domino canticum nouum.

A R G U M E N T U M.

*Qui veniam immerito gratis dat & exhibet orbi,
Digna satis dici gratia nulla potest.*

*Nobis conueniunt igitur noua cantica, qui nunc
Luce noua verbi, turba nouata sumus.*

Est exhortatio ad gratiarum actionē pro beneficiis Euangelii, per quod nobis annūciatur, quod Deus habeat beneplacitum in suo populo, hoc est, quod non irascatur, sed per misericordiam ignoscat peccata. Item, quod defendat Ecclesiam in mundo afflictam, quæ Ecclesia per verbum triumphat, & reges ac populos verbo prostermit, ut obædiant Euangelio. Hæc enim sunt vincula & carceres, quibus ratio constringitur.

Halleluia.

IN veras cantate Deo noua carmina laudes,

Ipsius in cæta laus sapiente sonet.

Israël autore suo se oblectet, & istam

Leta Sion regem gaudeat esse sibi.

Illi agiles turba ducant plaudente choreas,

Illi cum citharis tympana pulsa sonent.

Nam placuit populus Domino suus, ille iacentes

Subleuat, ille piis causa salutis erit.

Lata triumphantes decorabit gloria sanctos,

Inque

Inque suis thalamis carmina lota canent.
Ipsorum Dominum sublimem guttura tollunt,
Ancipites gladios in fera bella gerunt.
Vt meritam cunctis vindictam in gentibus edant
Castigent forti castra inimica manu.
Ferrea, vt illorum cogant in vincula reges,
Nobilium dura compede crura ligent.
Et ius perficiant, quod scriptum constat in ipsos,
Hoc decus, hoc sanctis omnibus illud erit.

S C H O L I A.

I N V E R A S) Propositio, qua exhortatur Ecclesiam, vt agnoscat beneficia Dei, & pro iis agat gratias.
N A M P L A C V I T) Ratio, quia Deus est misericors, & defendit afflictam Ecclesiam. **A N C I P I T E S**) Verbo belligeratur Ecclesia contra mundum. **E T I U S**) Ius est, Iohannis 16. Spiritus sanctus argueat mundum de peccato, &c.

P S A L M U S C L.

Laudate Dominum in sanctis eius.

A R G U M E N T U M.

Pro populo Israël grates agit, & docet ipsum,
Laudandum Solyinis, sicut in arce Deum.
Qui canit, instrumenta quibus laudare solebant,
Sunt nobis grates, carmina verba, preces.

Est exhortatio ad gratiarū actionē, quam vult non vno modo declarari, ppter magnitudi-

itudinem & multitudinem beneficiorum, quibus & sub lege populum Israel, & in nouo testamento Ecclesiam cumulat. Porro Euangelii prædicatio est, qua vna Deus prædicatur, & nos gratitudinem sine hypocrisis testamur.

Haleluia.

SANCTA nouo Domini laudantes nomina plau-
 Carmina factori dicite grata Deo. (sis,
 Dicite regnantem super omnia sidera cæli,
 Qua sedis posuit limina celsa sua.
 Dicite quod nullum tam magna potentia finem,
 Quod nihil hoc maius maximus orbis habet,
 In laudes aptate tubas, clangoribus illum,
 Et litui curui, & cornua rauca canant.
 Huic arguta suas resonent psalteria laudes,
 Vocales cithara carmina blanda sonent.
 Tympana festiuas imitantia pulsa choreas,
 Hunc canat artificii fistula tacta manu.
 Huic deuota suis intendant organa chordas,
 Omnia que Musis gratia iuncta, probat.
 Stridula laisonas referentia cymbala voces,
 Dulce ferant Domino iubila festa melos,
 Deniq; vitalem quæcunq; per aëra spirant,
 In Domini laudes carmina grata canant.

F I N I S.

SOLO-

Solomonis
ECCLÉSIA-
STES,

CARMINE REDDITVS

P E R

Helium Eobanum Hessum.



LECTORI.

Non bene planta virens alieno adolescit in horto,

Non bene fucatum lumina pascit ebur.

Non bene natiuum violat cerussa colorem,

Turpiter inducto vina colore rubenz.

Heu mihi, si quam sunt hec vana simillima veris,

Tam similis vano sit meus iste labor.

Sed quia non insunt toto hoc nisi vana libello,

Maluit hic vanus, quam nihil esse labor.



ILLUSTRISSIMO PRINCIPI
AC DOMINO

D. IOANNI FRIDERICO,
Sacri Romani Imperii Electori, Duci Saxo-
niae, Marchioni Misniae, Comiti prouinciali
Thuringiae, &c.

Eobanus Hessus S. D.

LIBRUM Solomonis de contemptu & vanitate rerum omnium, quae in humana vita versantur, quem vulgò Ecclesiasten vocant, latinis à me versibus nonnihil (si diis placet) illustratum, tuo clarissimo nomini, optime Princeps, dedicare visum est, cum multas alias ob causas, tum potissimum duas: quod & ipse tuapte natura & generosa quadam indole talium scriptorum, quae ad pietatem faciunt, sis obseruantissimus, & quod liber hic ciuilium actionum & politicæ administrationis plurima præcepta contineat, quae ad te tanquam Principem veræ pietati ac religioni conseruandæ, tum etiam ad res gerendas, & in gerendis natum educatumque, maximopere pertinere arbitratus sum, cum & ei præfectus sis imperio, quod citra maximas publicarum administrationum curas ac labores gerere nequeat, & tuus principatus in ea inciderit tempora, quae vt lucem quidem Euangelii, sub felicissimæ recordationis, ac Illustrissimi fratribus, Friderico & Ioanne ducibus, &c. quorum hic tibi parens, ille patruus fuit, mundo restituerunt: ita fuerunt iam aliquot annis, hodieque sunt omnium, quae vquam fuerunt, turbulentissima, adeo, vt nisi, dum ab gerendis bellis, & rerum publicarum curis vacas, talibus te ipsum libellis consoles, nihil ferme habiturus sis, quod magnopere in tantis negotiorum turbis, vel oblectare possit animum tibi, vel stabilem & quietam reddere conscientiam. Quanquam veto &

tu eiusmodi ingenia plurima, & modis omnibus nullo non genere eruditionis excellentia, foueas, vt talium donorum beatissima copia nunquam non abundes, volui præter etiam dictas iam paulo ante causas, propter priuatam quantam tuam in me benignitatem, videri erga te non ingratus fuisse, si huius libelli editione, animi erga te mei valde paratam beneuolentiam ostendissem, non tanquam magno & tanto principe diguo munere, sed propensa potius erga tuam celsitudinem voluntatis qualicumq; indice & argumento. Quamquam verò non ignorem, hunc nunquam pro dignitate satis laudatum libellum, à doctissimis viris, D. Martino Luthero, Philippo Melancthone, Ioanne Brentio, & aliis, satis egregiè illustratum, consilio tamen vsus reuerendi in Christo domini Ioannis Dantischi Episcopi Culmenensis, & optimi, viri Ioannis Campensis, qui eum librum *reuerentius* *quas nō* verterat, quod & superiore anno in Psalterio fecerat, carmine latino insigniendum, insignitum, & quasi noua veste indutum, ad te illustrissime Princeps mittere statui, in quo quia plurimum properata est editio, multa insunt, quæ nec ipsi mihi satisfaciunt, & alios possint nonnihil offendere legentes. Sed erit, & bona spes est, paratior mihi apud bonos venia, cum videbunt eadem tam sæpe fuisse dicenda. Quoties enim illi totius libri scopi repetendi fuerunt, vanitas, sub sole, stulticia, sapientia, vidi, appolui, cor, læticia, ira, & eius generis alia multa, in quibus tamen, quantum per breuitatem temporis (quo pene circumuentus eram) licuit, sic temperavi stilum, vt non eadem eisdem semper verbis dicerem. Quod ad versionem Campensis attinet, non sum ausus per omnia, quamuis doctissimum virum, sequi. Sed addita etiam versionē Lutheri (à cuius eximia eruditione vel latum vnguem discedere nefas duco)

sic spero me vtrunque secutum, vt neutri nec adiecerim, nec detraxerim, quod offendere possit alterum. Et confido potius ab vtroq; me relaturum gratiam, qui duorum pulcherrimo labori, tertius ipse velut socius sic accesserim, vt meorum nihil adiecerim, illorum optima scripta nouo quasi lumine latini carminis illustrare, si non potuerim, certe conatus sim & voluerim. Debebunt magna ex parte hunc laborem studiosi, Episcoporum facile doctissimo D. Ioanni Dantisco, qui id mihi negotii, cum proxima ætate Ratisponæ in comitiis, eius ipsius liberalitate agerè, iniunxit. Debebunt & vel imprimis tibi Princeps illustrissime, cuius diuinæ benignitati, & quasi tutelari numini consecratus, in lucem prodit. In calcem libelli adiecta est elegia, non quia ceu nuper nata nouitate sua placere tibi debeat, sed quia annis ab hinc aliquot ad te scripta, quasi postliminio reuersa, pristinae te tuæ erga me benignitatis sit admonitura. Bene vale, Princeps optime atq; illustrissime, meq; inter eos, qui tuæ celsitudinis gloriæ verè & ex animo fauent, annumerari precor vt patiare. Noribergæ VIII. Nouemb. Anno M. D. XXXII.

ECCLE²

ECCLESIASTES SO-
LOMONIS,
PER

Helium Eobanum Hessum.

Regia qui tenuit Solymarū scepra potentum,
Psalmographo Solomon de genitore satus.
Cui celebrata dedit generosum concio nomen,

Hæc loquitur certa verba probanda fide.

Omnia sunt omni vanissima tempore, quorum
Nec lex, nec ratio, nec via certa manet.

Nam q̄ commoditas? quis fructus ab omnib. istis?
Quæcunq; in toto sol videt orbe geri.

Se licet immodicis mortalia pectora curis
Vexent, vt fructum quemlibet inde serant:

Non tamen inueniunt, quod quæsiuere, nec vllum
Hinc opera precium commodioris habent.

Omnes qui siquidem mortales carpinus auras,
Semper ad interitum turba parata sumus,

Cumq; manu assidue rapiamur mortis auaræ,
Mox alii subeunt, qui loca nostra petant.

Interea non mota suo stat pondere tellus,
Ceu locus, hæc in quo fabula possit agi.

Non secus ac plenum populo spectante theatrum,
Alternæ celebrent quod sine fine vices.

Sol nunc Hesperias inirat, nunc exit ab vndis,
Nunc reuehet celes, nunc reuocabit equos.

Atq; ita continuo, quæ conspicit, omnia motu
Mutat, & vt constans nil sinat esse, facit.

Tollitur

Tollitur humentem nunc venti flatus in austrum,
 Nunc idem Borea frigida regna petit.
 Nunc alias orbis partes operosus oberrat,
 Donec eò redeas, vnde profectus erat,
 Flumina in oceanum labentia cuncta feruntur,
 Nec tamen oceanum fluctus, & vnda grauant.
 Nam simul intrarūt mare flumina, cuncta remit-
 Vnde queant cursus mox iterare suos. (tis,
 Dum requies rebus nunquam datur vlla, nec vllò
 Tempore consistat, quicquid in orbe vides.
 Nemo potest rerum certas cognoscere causas,
 Nemo potest rerum nomina vera loqui.
 Namq; oculos fugiunt se contemplantis, & aures,
 Atque ita prætereunt dum remanere putas.
 Nostri etiam sensus omnes mutantur in horas,
 Nec quod vere horum iudicet, vllus habet.
 Vertitur ipse etiam ventis agitabilis aër,
 Nec species veras nec simulacra refert.
 Quicquid ab antiquo rerum natura creauit,
 Hoc etiam series temporis huius habet,
 Cui similes alias producet serior ætas
 Effigies, adeo res modo nulla noua est.
 Nulla adeo noua sunt ab aperti lumine solis,
 Qua tales possint non subiisse vices.
 Vlla dari ne potest res, de qua dicere possis?
 Hac noua res aliquo tempore nulla fuit.
 Nulla potest, nam prætervivo fuit illa sub æuo.
 Et perit, velut est hac peritura breui.
 Tempora nostra nihil prorsus meminere priorum.

Vno namq; omnes interire modo.

Nos quoq; quæ stultè nostris miramur in annis;

Quæq; agimus, nunquam secula futura scient.

Ipse ego, cui tribuit sacratura concio nomen,

Qui fero sublimi regia sceptrâ manu.

Tota licet solus Iudæica regna gubernem,

Et solymas habitem possideamq; domos.

Pectore in hoc toto, tota hac ratione ferebar;

Hoc mea mens avidè parturiebat opus.

Ut rerum causas scrutarer, & omnia scirem;

Quæ fieri celsa Phœbus ab arce videt.

Auxius ille ardor studiis mortalia torquet

Pectora, ob idq; animis indidit ipse Deus.

Omnia scrutatus quæcumq; sub æthere fiunt,

Inueni præter nomina vana nihil.

Quæ tamen, ut cum sint vanissima, scire volentum

Anxia perturbant pectora mille modis.

Quod semel ad nihilum est ex omni parte redactum,

Restitui nulla conditione potest.

Talibus hic autem, quæ sunt obnoxia damnis,

Comprenderi numero qua ratione queant?

Cognita cumq; mihi sapientia multa fuisset,

Adieci à priscis multa reperta viris.

Nam studio sunt multa meo superaddita, quæ sine

Auxiliū rebus non habitura parum.

Ut sciperem, toto ingenio studia ista sequebar,

Elogium veri quæ sapientis habent.

Utq; ea consequerer magis, & perfecta tenerem;

Stulticias etiam discere cura fuit.

Sed

Sed dum conor & hoc, video tormenta, labores,
 Indignumq; animi se cruciantis opus.
 Nam quicumq; volet sapientior esse videri
 Omnibus, atq; ista nescit in arte modus.
 Multa ingrata feret, multa experietur amara,
 Plurima cogetur non toleranda pati.
 Qui verò studiis noua sæpe prioribus addit,
 Ipse sibi demto sine molestus erit.
 Nil nisi vana igitur spectant ludibria rerum,
 Ipse mihi cepti talia verba loqui:
 Oblectare iocis, risus age, non tibi deerit
 Copia, nec vitæ luxuriantis opes.
 Vtere delitiis presentibus, vtere quicquid
 Læticia mentes exhilarare potest.
 Hæc ego dicebam, sed & hæc quoq; vana putavi,
 Et vidi stabilem non habitura locum.
 Infelix fatuum sequitur dementia risum,
 Vita fit immodicis omnis inepta iocis.
 Ergo ego consistui contemnere, quicquid vbiq;
 Dulce voluptatum copia diues habet.
 Abstinuisse mero, conuiuia spernere, corpus
 Amplius haud vllis exhilarare modis.
 Atq; ita stulticiam, quia vita humana referta est,
 Discere quæ reliquis rebus in esse solet.
 Si quid forte animo vel in hu occurrere posset,
 Quod sequar, & vanum non videatur opus.
 Ista voluptatum mihi duri genera omnia sumo,
 Hoc ut pretextu discere, multa queam.
 Non perit illecebris, non curis languet ab istis,

Non animus solitum deserit officium,
 Singula sed iusta perpendens fœda bilance,
 Prudentis partes, & sapientis agit.
 Ergo nec aggressus vulgaria, condere cœpi,
 Quis nulla possent adibus esse pares.
 Plurima per nostros plantata est vinea colles,
 Multa mihi in patriis floruit vva iugis.
 Mille voluptatum viridaria plena paravi,
 Innumeris plenus floribus hortus erat.
 Arboribus quem fructiferis consenuimus omnem,
 De genere hic arbor quolibet vnus erat.
 Iussi etiam extructis manare canalibus undam,
 Et virides hortos irriget humor aque.
 Præsidia institui, famulos, famulasq; coëmi,
 E quibus est vernis pluribus aucta domus.
 Armenta atque gregum possedi plura minorum,
 Quàm Solymas quisquam qui prior obtinuit.
 Quanta mihi fuerit fului preciosa metalli,
 Quanta mihi argenti copia, nemo roget.
 Innumerabilibus meâ regia doribus aucta est,
 Quales præcipue regia sceptrâ decent.
 Præfectos plures statui, terrâq; mariq;
 Quis fuerant regni credita iura mei.
 Cantores etiam, cantatricesq; coëgi,
 Esset vt in nostra musica tota domo.
 Quæseram multa formosas arte puellas,
 Nec vidit plures, nec tulit vlla domus.
 Has siquidem nulla est feritas tam barbara, q̄ no
 Sit licet ingenti plenâ rigoris, amet.

Hoc ego magna modo sum nactus nomina, meq;
 Clarior è veterum sanguine nemo fuit.
 Omnibus his se vera ducem sapientia rebus
 Præbuit, & constans affuit ipsa mihi.
 Ex his quicquid erat, quod pascere posset ocellos,
 Hoc ipsis tanquam pabula læta dedi.
 Nullum læticia genus, & non vlla refugii
 Gaudia, momento nostra futura breui.
 Quin se animus potius noster præsentibus explet
 Deliciis, quibus est maxima cura frui.
 Cumq; nimis multo studio quæsitâ viderem
 Plurima, quæ sitis abstinuisse queam.
 Nam nihil inueni fructus ex omnibus istis,
 Quæque bona hinc credam commodiora dari?
 Oblectabilibus quam pascere lumina spectris,
 Quam renouare animi gaudia mille modis.
 Iamq; recensebam, & mecum cuncta relegi
 Omnia, quæ nostra constituere manus.
 In quæ visus ego tantum insumsisse laboris,
 Ante ea quam prorsus perficeremur, eram.
 Omnia deprendi nihili res esse, nec vlla
 Semper in infracto parte manere gradu.
 Quæ tamen excrucient animam, curisq; molestis
 Sæpe suis fractum sedibus excutiant.
 Atq; ita re nulla stabilem consistere fructum,
 Donec in hoc fragilis corpore vita manet.
 Demum respiciens ad easdem rebus in iisdem,
 Quam fuerim sapiens noscere cura fuit.
 Vidi quanta foret temulentæ insania Bacehi,

Quanta mala ebrietas pernicioſa ferat,
 Stulticia reliquæ res non caruere, nec vllæ
 Erroris maculam non habuere ſuam.
 Nam quis homo eſt, aliquid conari vt grandius au-
 vt referat regia facta ſtupenda Dei? (ſit?)
 Cum nimium nec poſſit in his æquare laborem,
 Quas dedit innumeros, & dabit omnipotens.
 Verum ſtulticia quantum ſapientia diſtet,
 Hæc ratio eſt iſta cognita lege mihi.
 Vt quantum tenebras diſſerre à luce viderem,
 Tantum illa hæc eſſet posteriore loco.
 Nam ſapiens in fronte oculos habet, omnia ſpectans,
 Omnia prudenti cum ratione videt.
 Palpitat in tenebris ſtultus, ceu lumine caſſus,
 Et nihil, & nulla cum ratione videt.
 Sed tamen hoc certum eſt, idem manet exitus omnes,
 Interea & vanis omnia vana cadunt.
 Ergo ego ſic mecum: ſi non ſim liber ab iſtis,
 Quæ ſtultos, veluti ſomnia vana, mouent.
 Quorſum conabar fieri ſapientior æquo?
 Cur aliis in me plus rationis erat?
 Ergo iterum vidi, quam nec ſapientia vanis,
 Et ſtultis careat ſinibus ipſa ſuis.
 Pluribus hæud etenim ſapiens memorabitur annis,
 Quam ſtultus, quoniam vixit vterq; breui.
 Sicut enim, quod præteritis effloruit annis,
 Nocte graui preſſum, nuſu ſine fine iacet:
 Sic etiam, quod nunc præſenti floret in auro,
 Flumine Lethæo ſecta ſutura prement.

Idem finis erit stulti & sapientis, & vno
 Parca ferox fato coget virumq; mori.
 Curas ergo hominum tam detestabar ineptas,
 Quorum esset miseris perdita vita modis.
 Cum nihil aut fructus, aut floris vbiq; viderem,
 Sed magis innumeris omnia plena malis.
 Omnia sidereo qua lustrat lumine Phœbus,
 Plus nimio vani quam bonitatis habent.
 Et nihil hæc præstant, quam quod noctesq; diesque
 Excruciant animos, supplicioque premunt.
 Odi etiam magno quantumuis parta labore,
 Atque meum toto quicquid in orbe fuit.
 Cuncta quod hæredi sunt hæc tradenda futuro,
 Qui mihi successor constituendus erit.
 Quis nouit sapiens, stultusne sit ille futurus,
 Qui mea qualis erit cuncta relicta feret.
 Cuncta feret certe tanto congesta labore,
 Per vitæ spaciū tempora longa meæ.
 Hæc quoq; dum meditor, quæ possit caussa videri,
 Vanior etiam vana visa fuisse mihi.
 Ergo animo curas euellere protinus omnes
 Constitui, quibus hæc anxia vita fuit.
 Hoc ego cum facerem, sapientior esse videbar,
 Inter quos solis lumina cunq; vident.
 Namq; tibi vt fuerit sapientia cognita, palmam
 Eximia rerum cognitione feras.
 Instiuas omnem sine luxu degere vitam,
 Tecum auferre tamen nil potes inde tuum.
 Cuncta tamen, quacunq; tenes possessa, relinques,
Ille,

Illi, cui cura res tua nulla fuit. (vanum

Hoc quoq; cur hominem non torqueat? hoc quoque

Cum sit, habet merito nomina vana malum.

Quæ namq; his curis obnoxius, anxia torquens

Pectora, quæ sua sint, accipere inde potest.

Vita hominis misera, & multorum plena laborū,

Omnia conando tadia multa subit.

Infelix animus tacita nec nocte quiescit,

Hanc quoq; rem vanam dicere iure potes.

Nil homini melius, quam si oblectetur in istis,

Quæ natura manu liberiore dedit.

Nempe cibo, vinoq; volens indulgeat, & se

His opibus recreet, quas Deus ipse dedit.

His etenim, cum sint diuinæ munera dextræ,

Vti, tristitia non prohibente, decet.

Nam quis splendidior me sumtibus extitit ullis!

Cui magis hac, inquam, dextra benigna fuit?

Certe homini, quæ dexter amat Deus, his dabit vti

Rebus, & vt sapiens talia dona probet.

Ac coaceruandi studium dimittet iniquo,

Vt precium lucri congerat omne sui.

Atq; ea, quæ demum congesserit, omnia tradet

Illi, cui Deus hac vsibus esse voler.

Multa igitur cum sint in rebus inania cunctis,

Dic age, quid vano hoc vanius esse potest?

Omnia mutantur vicibus nascentia certis,

Nec quicquam stabile est, quod queat esse diu.

Qui nunc nascuntur, morientur tempore certo,

Quæ plantata vides, auferet hora sequens.

Olim planta fuit, quæ nunc succiditur arbor,
 Quæ nunc destruiamus, structa fuere prius.
 Nunc fletu nimio deducimus anxia vitæ
 Tempora, nunc risu soluimur immodico.
 Nunc aliquo atterimus lugentia pectora casu,
 Iam non læticia nos modus ullus habet.
 Diruimus veteres, & ab iisdem sæpe ruinis,
 Venit cura nouas edificare domos.
 Interdum placuit cupidis amplexibus uti,
 Oscula nonnunquam displicuisse solent.
 Querimus interdum, quod perdere deinde queamus,
 Nunc positas nuper dilapidamus opes.
 Quæ modo consueuimus, iam nunc discerpimus, & sunt
 Garrula nunc nobis guttura, muta modo.
 Sæpe aliquos raro affectu constanter amamus,
 Sæpe odio insequimur, qui modo gratus erat.
 Sæpe inimicitias agimus, quas ponere tandem
 Collibitum est, & pax gratior inde venit.
 Quem tandem ex rebus tam se pugnantibus inter
 Mortalis fructum sumere queso potest?
 Hæc Deus humane immisit ludibria menti,
 Ut meritas habeant pectora nostra cruces.
 Omnia quæ Dominus fecit, pulcerrima fecit,
 Et bona quæq; suo tempore, quæq; loco.
 Totius ille idem fecit latera ardua mundi,
 Humanisq; oculis conspicienda dedit.
 Scilicet ut rerum miracula tanta videntes,
 Grande creatoris confiterentur opus.
 Quanquam tantarum causas, & condita rerum

Nemo vnquam potuit noscere, nemo potest.
 Hic quoq; deprendi, nihil esse sub omnibus illis,
 Quod inueniet, anxificum præter habere nihil.
 Quam genio indulgere, animiq; remittere curas.
 Donec nostra calens corpora sanguis alat.
 Hoc cui contigerit donis præsentibus vti,
 Placati munus credat adesse Dei.
 Tale etenim certe fiet quodcumq; futurum est,
 Quale ipsum Dominus, qui facit, esse volit.
 Nec quicquam adiciet quisquam, nec tollet ab illo,
 Quod facit vt sese nos vereamur, opus.
 Nil sub sole nouum, quod enim fuit ante, futurū
 Sic fuit, ante ipsum secla futura ferent,
 Assiduè siquidem renocat quacumq; fuerunt.
 Seq; hinc, ceu celeri proripuerè gradu.
 Et velut in toto non sit satis orbe malorum,
 Ex varijs rerum disparibusq; modis.
 Vidi iusticiæ loca designata ferenda,
 In quibus impietas ipsa tyrannis erat,
 Simplicis in cathedram successerat impius aequi,
 Et regni extulerat scepra cruenta sui.
 Hac ego miratus, tacito mihi murmure dixi.
 Vtraq; constabit indice caussa Deo.
 Iustus enim sub eo stabit, & cadet impius, illo
 Indice, qui iustum iudicat, atq; facit.
 Omnia namq; breui sunt discernenda per ipsum.
 Qua vel agit, vel nunc cogitat omnis homo.
 Cum nihil his aliud rebus caussa esse viderem,
 Ista fere mecum, quæ meditabar, erant.

Has Deus immittit pestes mortalibus agris,
 Talibus vt monstris corda superba domet,
 Vt cum se videant brutorum viuere vitam,
 A pecorum vita non procul esse sciant.
 Nam nec habent humana aliud ludibria, quam q̄
 Brutorum faciat sensibus esse pares.
 Et mors est eadem brutiq̄, hominisq̄, nec vlla
 Illius est huius conditione prior.
 Nec potis est animam potiore[m] dicere quisquam
 Esse hominis, quam qua viuere bruta vides.
 Nec præstant homines quicquã vllò nomine brutis,
 Quod tam sunt vani, hi quam nihil illa vident.
 Sive hominem spectes, seu quicquid vbiq̄ creatum
 Idem quo tendant, & locus vnus erit. (est,
 Cuncta suos repetent ortus, matremq̄; requirunt,
 Et quæcunq̄; dedit, cuncta vorabit humus.
 Et quis scire potest, quid sit post fata futurum?
 Sitne anima ad superas nostra abitura domos?
 An potius moritura agro cum corpore, sicut
 Vtroq̄; intereunt omnia bruta modo.
 Omnia quæ postquam cognoui vana, putabam
 Omnia præclarum consuluisse boni.
 Pellere tristitiam, sine sollicitudine vitam
 Degere, nec partis abstinuisse manum.
 Munere namq̄; Dei data sunt mortalibus agris
 Hæc bona, vt oblectent his sua corda datis.
 Cætera sunt aliena homini, quæ cuncta relinquet,
 Et nihil ex illis post sua fata feret.
 Quantumuis nimis sint anxia pectora curis,

Nil prodest, nil hinc utilitatis erit.
 Ultima quis dicet, quid sit post fata futurum?
 Ergo & stulticia res habet ista satis.
 Hinc aliò vertens animum, mortalia vidi
 Pectora diuersis exagitata malis.
 Innumeros vidi flentes, quos scilicet hostis
 Impius iniustus cladibus afficeret.
 Nec quisquam miseris aderat solatia præbens,
 Qui placidam duro tempore ferret opem.
 Illa ego conspiciens, felices esse putabam,
 Qui nuper visum deseruere diem.
 Sed tamen his magis felices, nimiumq; beatos,
 Quos nullo nasci tempore contigerit.
 Hi siquidem nihil istorum videre malorum,
 In quibus hæc omnis vita sepulta iacet.
 Longo me docuit facta experientia ab usu,
 In nostris sani mentibus esse nihil.
 Huc studia, huc mores hominum potiora referri.
 Vicino ut possit quisq; nocere suo.
 Ut quas quisq; queat sibi consuluisse per arces,
 Alter in alterius damna paratus eat.
 Quæ quid habent aliud, quam curas atq; labores,
 Et miseræ animo se laniante cruces?
 Hos alii toto vitantes pectore mores,
 In vitia, his etiam deteriora, ruunt.
 Segnia continuo ducentes ocia luxu.
 Exiguo absument tempore quicquid habent.
 Donec egestosa iam paupertate coacti,
 Ipsi se miseros, & sua membra vorent.

Tu potius duro sapiens insiste labori,
 Quodq; facis, fatuus non remoretur opus.
 Quod si forte manum tibi non implebit vtramque
 Copia, tu latus quam iulacuna; tene.
 Praestat enim minimo gaudentem vivere lucro,
 Quam luxu miseros praecipitare dies.
 Hinc aliò vertens oculos, vanissima vidi
 Plurima, quæis poterat vanius esse nihil,
 Sunt qui cuncta hominũ fugiant cõsortia, tanquã
 Ad se pertineant commoda nostra nihil.
 Qui neq; coniugũ, carissima pignora, fructus,
 Nec socie quicquam conditionis habent.
 Et tamen baud aliter duros obiẽre labores,
 Quam si multa hominum millia alenda forent.
 Quorum nulla sitim sedauerit vnda nec Hermi,
 Nec fluuiio fului diues arena Tagi.
 Hi nunquam ad sese redcunt, vt dicere possint,
 Cui, miseri, tantas accumulamus opes?
 Quos propter genium fraudamus, & ista subimus,
 Quæ parit assiduus tedia multa labor.
 Cui bona contrahimus tot, tantaq; nec tamen vti
 Possumus, aut vllò nos recreare modo?
 Horum si qua alia est, hæc est insignior omni
 Stulticia, atq; aliquem non habet ista modum.
 Hoc animum torquet noctesq; diesq;, nec vllò
 Tormentum requiem tempora habere finit.
 Quare commodior visa est mihi vita duorum,
 Quos vna equali iungit amore fides.
 Nam sociata fides ingentia commoda praestat,

Et mala, qua ferimus, plurima saepe leuat.
 Nam si de sociis alter cadet, erigit illum
 Alter, & abiectum non sinit esse diu.
 Et forsitan periturus erat, nisi subleuet ipsum,
 Et ferat optatam fidus amicus opem.
 Si duo conueniant in eodem corpora lecto.
 Calfacit amborum mutuus ossa calor.
 Solus, & in vacuo recubans sine compare lecto,
 Frigida vix aliquo membra calore rigat.
 Raro vnus potuit vires vicisse duorum,
 Et grauiora triplex robora funis habet.
 Egregie iuuenis cordatus, & indole praestans,
 Rege senes & stupido est nobilitate prior.
 Qui iacuit tetro quandoq; in carcere vincetus,
 Parta suis meritis regia sceptrata tulit.
 Saepe etiam regum de sanguine natus, ad ima
 Corruit, & proprias dilapidauit opes.
 Illius ambit amicitiam sibi quisq; profecto,
 Quem patris effecti sceptrata ferenda manent.
 Nec mirus ante senem multa pietate colebant,
 Dum iuuenis regno praesentiendus erat.
 Sicut & ante fuit multis grauis ista tyrannis.
 Sic etiam iuuenis durior huius erit.
 Hec quoq; res alias inter vanissima visa est,
 Ambitus hic animo caedia multa mouet.
 Sacra salutiferi subiturus limina templi,
 Ne tuus incipiat pes titubare caue.
 Et dociles adhibe dictis praesentibus aures,
 Gratior est ipsi vltima nulla Deo.

Grata

Grata Deo non sunt pingues holocausta per aras.
 Nec sacra quæ stulti per solvère manus.
 Nescit enim mala quanta patret mens impia stulti,
 Dum mala tantum ipso nomine multa facit.
 Cumq; Deum timida venerabere voce precatus,
 Hunc te audire, tibi hunc semper adesse pura.
 Hic, ne diuinas multis oneraueris aures
 Vocibus, immodicas non amat ille preces.
 Nam qui nulla suis precibus moderamina ponit,
 Aut raro, aut nunquam, quod petière, ferunt.
 Ante Deum quis enim cupiat disertus haberi?
 Aut nimia inflato gutture verba loqui?
 Ipse etenim cæli solio sublimis ab alto
 Omnia cælesti lumine nostra videt.
 Utq; videt, sic, quæ gerimus, Deus omnia nouit,
 Qua ratione huic tu garrulus esse uoles?
 Sicut enim nimia gignunt insomnia cura,
 Sic adimunt precibus plurima verba fidem.
 Si tamen orando quicquid promiseris, ipsum
 Absq; mora studeas persoluisse uide.
 Ne tanquam insipiens promittere multa paratus,
 Hac ipsa offendas conditione Deum.
 Præstat enim uoluisse nihil, quã reddere nunquã,
 Aut nihil ergo uoue, vel facienda uoue.
 Ergo caue, ne lingua loquax te crimine tanto
 Obruat, irritent ut tua verba Deum.
 Neue putes ipsum res negligere angelon istas,
 Qui te, qui reliquos, qui tua cuncta uidet.
 Quem sibi peccati uerum mens conscia testem,
Non

Non secus ac ipsum conspicit ante Deum.
 Nam tibi promissis nimio, nimiumq; loquaci,
 Polliciti ratio vix satis vlla fuit.
 Quod tu tam leue forte putas & inutile factum
 Offendit mira conditione Deum.
 Ergo preces non ille tuas exaudiet vnquam,
 Certus in ingratum vertere quicquid ayes.
 Sicut multa vagas vbi turbant somnia noctes,
 Multa quoq; ex illis vana venire solent.
 Sic etiam in multis verborum ambagibus error
 Plurimus, & multis plurima vana modis.
 Quare age tu reuerere Deum, verumq; timorem
 Illius in tacito pectore semper habe.
 Pauperis oppressi cladem si videris vsquam,
 Si sua iusticia iura negata cadunt.
 Ne sic obstupeas, ne sic mireris, vt ipsum
 Talia facta Deum posse latere putes.
 Nam malus ille suum quoq; habet qui talia curet,
 Et super hos regnat maior vtroque manus.
 Rex etenim toti terra, qui praesidet vnus,
 Omnia constituet legibus ista suis,
 Hic faciet deserta coli regionis & agros,
 Vnde bonis large suppeditentur opes.
 Summū crede mihi terreno hoc munus in orbe est,
 Quae tibi non vanas fundat agellus opes.
 Qui fructu queat assiduo satis esse colenti,
 Et ferat alternus muerera iusta labor.
 Talis ager cui contigerit, num iure beatum
 Dixeris? & certe rex erit ille mihi.

Magna-

Magnarum quem vexat opum vesana cupido,
 Nunquam erit, agrestis ut satur esse queat.
 Nec fructum ex illis feret unquam diues auarus,
 Quid precor hoc etiam vanius esse potest?
 Diuitia plures ubi sunt, ibi plurima turba est,
 Omnia qua multo parte labore vorat.
 Nam quid habent aliud fructus, nisi diues ut illas
 Absumi videat nocte dieq; miser?
 Grata quies post exhaustum solet esse laborem,
 Seu modica est alicui, seu bona cœna domi.
 Nulla graues capiunt opulenti somnia cura,
 Dormire hunc etiam non patiuntur opes.
 Est genus hoc etiam satis exitiale malorum,
 Et quo vix aliud tristius esse queat.
 Diuitia nam saepe viri, qui condidit illas,
 Seruata in proprium damna tulere caput.
 Dilapse dominos miserè afflixere, quod haeres
 Illi succedens auferat inde nihil.
 Sicut enim progressa suæ sunt matris ab aluo,
 Sic ortus reperent corpora nuda suos.
 Et nihil horum alicui secum hinc auferre licebit,
 Plurima quæ propter saepe molesta tulit.
 Hoc quoq; triste malis, gen' hoc miserabile vita est,
 Qua veniunt omnes, hac repetenda via est.
 Quid prodest igitur, variis affligere curis,
 Atq; animum nulla posse quiete frui?
 Erumnosi homines cunctis dixere per annos,
 Semper & ipsorum sordida vita fuit.
 Rectius ergo bonis vita paruaq; fruimur,

Que tanto peperit nostra labore manus.
 Hinc inter misera non pauca incommoda vite,
 Quæ grauibus curis pectora nostra premunt.
 Præcipue cum vita breuis minuatur in horas,
 Et quæ ferre potest commoda sola ferat.
 Si cui diuitias dederit Deus, addat eidem
 Vti magnifico pectore posse datis.
 Hoc ingens donum esse Dei quis nesciat? atq; hoc
 Munere censenda est dextra benigna Dei.
 Quisquis enim talis fuerit, non ille bonorum,
 Quæ Deus obtulerit, non memor esse potest.
 Nec mala turbabunt hunc huius plurima vite,
 Quod Deus hunc latum pectus habere iubet.
 Cumq; viderentur genera infinita malorum,
 Hoc quoq; de multis, quod meditabar, erat.
 Vidi diuitiis saturos, quibus ipsa benignas
 Copia de cornu diuite fudit opes.
 Quorum magna domos impleuit gloria, & illis
 Iam nihil hæc vltra, quod peteretur, erat.
 Sed Deus his animum, quo possent talibus vti,
 Non dedit, hi partu abstinuere manum.
 Cuncta relinquentes hæredibus ista futuris,
 Forsan & ignota dilapidanda manu.
 Hæc res vana quidem, sed nulla frequētior vsquã,
 Et quæ plus hominum mentibus infideat.
 Si quis forte domi natorum pignora centum,
 Et simul innumeratas accumularit opes.
 Sit super, & plures vitam producat in annos,
 Defraudet genium qualibet arte suum.

Inde

*Inde sepultura careat neglectus honesta,
 Qualia diuitibus multa venire solent.
 Hoc magis est felix, fracta qui matris ab aluo,
 Editus est visum mortuus ante diem.
 Hic etenim, quanquã in superas nõ venerit auras,
 Nec vaga Luciferi viderit hora dei:
 Liber ab arumnis tamen extitit ille, cruces quas
 Perpetuas animi diues auarus habet.
 Quid prodest, si quis viuat bis mille per annos?
 Qui volet à propriis abstinuisse bonis?
 Nonne suum finem tam longã morabitur aetas?
 Cunctorum & finis qui fuit huius erit?
 Non alios homini fructus peperere labores,
 Quam nisi vt ex animo viuere possit, edat.
 Quod quanquam facile est, animo tamen omnia
 Expleri cuius dira cupido nequit. (desunt,
 Num bona præstabunt sapientia plura labores,
 Quã fatuo? & qui in hoc estne hic, an ille prior?
 Sola suos inopi confert industria victus,
 Vnde aliorum hominum viuere more queat.
 Ergo oculos melius præsentem est pascere fructu,
 Quam variis animum motibus esse vagum.
 Munere concessis præsentibus vttere summi,
 Omnia donanti mitte futura Deo.
 Is larga quæcunq; dedit tibi munera dextra,
 Non dedit vt parcas, vt fruerere dedit.
 Quarere plura animo se non capiente, molesta est
 Crux nimis, & finem non habet ista fames.
 Crux, quod nondum olim fuerat, iam nomine notũ
 Ante*

Ante Deum, prius & quam pateretur, erat:
 Quodq; idem ille, velit, nolit, post tempora multa
 Effet in humana carne futurus homo.
 Nec possit, nisi cum Domino contendere frustra,
 Cur se non alium fecerit, aut alium.
 Qui vult ergo Deo multis contendere verbis,
 Vanus hic est, solidae nil rationis habens.
 Quae Deus humana, seu sint bona, seu mala, vitæ
 Immittit, placido pectore ferre decet.
 Non homo nouit enim qd. inutile, quidue petendū,
 Donec in hoc tristi uiuitur exilio.
 Qualis enim vana est vmbra fugientis imago,
 Talis vita hominum praterit, errat, abit.
 Dicere quis poterit, quidnam sit in orbe futurum?
 Quae bona, quodue malum, qualibet hora ferat,
 Sunt optanda magis pura bona nomina fama,
 Nobilis vnguenti quam preciosus odor.
 Et melior suprema dies in limine mortis,
 Quam quæ natali sidere prima fuit.
 Et plus te socium lugentibus esse decebat,
 Quam conuiuantes inter habere locum.
 Discis enim finem quem sis habiturus in illis,
 Et quæ te mancant fata futura vides,
 Tristitia est risu melior, quia tristitia vultus
 Signa sui memorem reddere posse ferunt.
 Tristitiam sapiens meditatatur, gaudia stultus,
 Omni consuevit tempore vana sequi.
 Rectius à sapiente viro obiurgabere, quam si
 Blandimenta viri desipientis ames.

Nam qualem stipulae sonitum fecere crepantes,
 Quas flamma in medio crisspat a vara foco:
 Tales sunt fatui visus, sed & hoc quoq; vanum est.
 Quod stultum sapiens admonuisse tulit.
 Nam si forte malos obiurget & increpet ultro,
 Quod nimis imponunt pondera magna bonis.
 Oderunt mox verba viri, quem perdere tenent
 Affliguntq; malis, insidiasq; struunt.
 Ergo magis finem rerum spectare licebit,
 Quam quae principii causa fuisse queat.
 Vir bonus est, animo qui sustinet omnia magno,
 Vir malus est, alios qui sine fronte notat.
 Nunquam degenerem cito commovearis ad iram
 Stultum namq; frequens arguit ira virum.
 Ne reputes tecum, cur nam meliora fuerunt,
 Quam sint hi nostri, tempora prisca, dies.
 Non etenim sapiens unquam tam frivola curat,
 In quibus est opera, quod meditare, nihil.
 Nam certum est tam prisca suos habuisse labores,
 Quam clades habeant tempora nostra suas.
 Divitiis conjuncta bona est sapientia, nam plus
 In vitae officiis utilitatis habet.
 Nam bona multa homini praestat sapientia, multa
 Momenti quoq; habent, si modereris, opes.
 Verum hoc divitiis sapientia praestat & antea,
 Quod sibi devinctos vivere sola facit.
 Contemplare Deus quaecunq; creavit, ab ipso
 Recta quis instituet, facta supina Deo?
 Qui sapis ergo, bonis praesentibus utere laetus,
 Adver

Adversas animo fer patiente vices.

Nam Deus esse vices voluit. quibus omnia verso

Per tam dissimilem volueret orbe rotam.

Ut ratio nihil esse manens humana videret,

Cui tuto quisquam fidere posset homo.

Plurima cognovi, sed & inter plurima vidi

Iusticiam justo saepe nocere suam.

Hoc quoq; prospexi, quod qui vir inutilis esset,

Ex ipsa felix impietate foret.

Ne sapias igitur nimium. nec justior equo

Esse velis, ne quid tu quoq; triste feras.

Nec tamen accedas stolidis nec ad impia flectas,

Nam male, qui faciunt ista, perire solent.

Ut tamen evites hac tanta pericula, certa est.

Et qua non falli conditione queas.

Crede Deo: quicumq; Deum reverebitur, istas

Mortiferas pestes perpetuo effugiet.

Cultorem sua saepe jurat sapientia, plus quam

Auxilio primi quinq; bis esse queant.

Nemo est tam sapiens, tam justus nemo erit unquam,

Quem sine peccato vivere posse putes.

Quare ne vacuam cito delatoribus aurem

Præbueris, res hæc perniciofa tibi est.

De te ne cogare dolos audire tuorum,

Verum in aure tua vix habitura fidem.

Scis & in absentes quoties sis ipse locutus

Verba apud astantes non repetenda tibi.

Omnibus his tentata meum sapientia pectus

Erudit, volui discere plura tamen.

Iam supra humanos conantem ascendere sensus,
 Omnia credentem noscere deseruit.
 Non capit humane vecors ignavia mentis,
 Nullius ingenii vis aperire potest.
 Quo sit consilio Deus vsus in omnibus istis,
 Condita perpetua quæ stabilini ope.
 Inde opera precium visum est mihi discere, quicquid
 Certa aliqua sciri sub ratione potest.
 Impietas quam stulticiæ comes addita, quo sit
 Impietatis opus, discere cura fuit.
 Dum meditor, video mulier quod acerbior ipsa
 Morte sit, atq; omni davior exitio.
 Quæ venatorum similis, sed pluribus vna
 Tendens occultis retia compedibus.
 Illius incauti laqueis captantur amantes.
 Illius ignavos vincula dura ligant.
 Retia corde gerit, manibus sua vincula necit,
 Ingenio, forma, blandiciisq; nocens.
 Dilectum sibi peste Deus seruauit ab illa,
 Istos peccator concider in laqueos.
 Ecce, ait, hoc quoq; me docuit sapientiâ, rebus
 Ad res collatis, non nisi vera sequi.
 Iudice contuleram muliebria nomina fama,
 Collatis eadem est caussa peracta viris.
 Vnus mille virum vix qui tolerabilis esset,
 Mille puellarum nulla reperta bona est.
 Hoc tamen inueni, quod rectum fecerit ipsum.
 Quem genitor terra de genitrice tulit.
 In præceptis, tamen hunc ipsum retroq; relapsum,
Nature

Natura partes non tenuisse sua.
 Sed cum posteritate sua reperisse malorum,
 Innumerabilibus fanda nefanda modis.
 Nam studia in diuersa abeunt, multasq; per artes
 Confundunt sortis munera quisq; sua.
 Tam sapiens quis erit, res vt diiudicet istas?
 Nemo sat has caussas explicuisse potest.
 Docti magna viri commendat gratia vultum,
 Et fugat atrocis nubila tristitia.
 Hoc decet, hoc opus est, sapientis nomine dignum
 Regis vt obseruet nomine, iussa fidem.
 Inde Deo si teste aliquid iurauerit vnquam,
 Exhibitur sancta religione ferat.
 Tu vecors ne perge malis insistere, tanquam
 A facie possis illius aufugere.
 Nam cui confidas aliud quacumq; placebunt
 Ipsi perficiet cuncta potents manu.
 Rex aliquid quocumq; loco mandarit, ibidem
 Esse potestatem qua tenere puta.
 Nec quisquam audeat aduersus consistere regi,
 Quane ea sint regis querere iussa sui.
 Nam qui mandato patienter obedit, ab omni
 Liber erit tetri colluione mali.
 Temporis hora quidem paulo post illa futura est,
 Corpora qua poena noxia subiiciat.
 Nam Deus hoc statuit tempus, quo iudicet omnes,
 Quo sua pro meritis gramia quisq; ferat.
 Nec praescire datur, cyi quod contingere possit,
 Quid ventura boni, quid ferat hora mali.

Et si scire queat, quid sciri convenit istuc?

Nemo animum potis est, continuisse suum.

Nec vires poterunt ulla prodesse potentis,

Proxima cum dira tempora mortis erunt.

Nec spes est se posse ista subducere pugna,

Quæ morti & nobis est obeunda semel.

Nec malus impietate sua servatus abibit,

Sed mala supplicio conveniente luet.

Talibus insistens studis ego plurima vidi,

Quæ mala sub magni lumine solis erant.

Alter ut imperio nixus premat alterius res,

Hic ut cogatur iussa superba pati.

Pulera mali placidæ degebant octa vitæ.

Claribus assiduis tempora fracta boni.

Sacrilegos vidi post impia facta sepultos,

Principe qui vivi primæ tulere loco.

Horum nemo fuit memor amplius, hoc quoq; stultum,

Hec quoq; res vani plena furoris erat.

Sed quia non subito pœna afficiuntur iniqui,

Innumeri vivunt absq; timore mali.

Mille aliquis peccat vicibus, centenaq; patrat

Crimina, nec quicquam sustinet inde mali.

Quantumvis humana tamen differt patiëntia rebus.

Fabulaq; hæc multis blanda videtur agi:

Hos solos scio felices tamen esse futuros,

Qui metuunt vera simplicitate Deum.

Quantumvis felix appareat impius, ipso

Hoc miser est, vera quod bonitate caret.

Insuper & multos vivat longa vus in annos,

Et numeret vita tempora multa sua.
 Tam subito tamen ipsius quoque vita peribit,
 Quam levis in nullo quæ manet umbra loco.
 Vidi iterum, quo non aliud sit inanius usquam,
 Idque frequens hominum rebus adesse malum.
 Debita peruersis justos mala ferre videmus,
 Quæ justos decuit commoda ferre malos.
 Tanquam iustus agat male, sint bona facta malorum,
 Res est stulticia plena, molesta, gravis.
 Optima visa igitur, quæ sit lætissima, vita est,
 Vita suis nunquam non fruitura bonis.
 Qui sapiens igitur, genio indulgebis, & hic est,
 Optima qui solus commoda fructus habet,
 Hinc magis ut saperem, noctesque diesque studebam,
 Quam sit & hæc variis obruta vita malis.
 Et didici, quia nemo potest rationibus ullis
 Nosse creatoris facta stupenda Dei.
 Et quanto super his cura maiore laboret,
 Tanto plus animo deficiente premi.
 Imo ea si sapiens studeat non visse, laborem
 Perdet, & hoc etiam nomine stultus erit.
 His Animo contemplatus, constanter inhaerens,
 Divina agnovi cuncta ea facta manu.
 Quicquid agat sapiens, iustus, malus, impius, ipsum
 Cuncta potestati supposuisse sua.
 Nemo etenim novit num sit vel dignus amari,
 Aut odio, quis enim talia scire potest?
 Omnia ad interitum tendunt mortalia eundem,
 Et lex est cunctis exiit ista nihil.

Non magis euadet iustus, quam qui impius est vir,

Non insons fontem fonte praire potest.

Non sacra placandas faciens libamina ad aras

Contemnente Deum tutior esse potest.

Tam facere assuetus periuria multa peribit,

Quam qui sic metuit displicuisse Deo.

Omnibus à rebus, quas de super aspiciet æther,

Hæc res exemplo deteriore caret.

Cuncta quod occasum repetunt discrimine nullo,

Quod, quæ pergenda est omnibus, vna via est.

Nam quia proueniunt eadẽ omnib. omnia, sani est,

Quod genus humanum possit habere, nihil.

Sic mala, quæ faciunt, semper peioribus augent,

Donec ad infernas mors vocet atra domus.

Vt canis æthereas qui nondum deserit auras,

Quam leo, plus aliquid, lumine cassus, habet.

Sic homo viuus adhuc illi, qui nuper ad vndas,

Transierit Stygias, antefendus erit.

Hoc etenim præstant viuentes lumine cassis,

Quod restare sibi fata futura sciunt,

Hoc etenim quia viuenti sperare relictum est,

Per mala spes animos ad meliora leuat.

Illorum nihil extincti nouere, nec vltra

De viuis aliquid, quod meditentur, habent.

Sed nec amicitias vltra nouere, nec hostes,

Inuidiæq; nihil, perfidiæq; nihil.

Quid dubitas igitur nunc i, tua dulcia letus

Vina bibe, & letus vescere pane tuo.

Esse etenim debes iam dudum certior, ipsum

Quod

Quod non displiceant, quæ facis, ante Deum.
 Assiduo niteat vestis tua splendida cultu,
 Imbuat ornatum nardus odora caput.
 Coniugii dulces cara cum coniuge fructus
 Carpe & legitimi perfer amoris onus.
 Quæ tibi coniunxit sese inuenilibus annis
 In seros maneat fac tua sola dies.
 Hæc etenim propriè tua sunt, hæc illa laboris
 Præmia, qui requiem non sinit esse tibi.
 Quæ facienda videt, & quæ facienda putabis,
 Ut recte facias, strenuus esse velis.
 Horum namq; operum, quorum plenissima vita est,
 (Si modo quod plenum est plenius esse potest.)
 Manibus in medius, quo tam properanter anhelas,
 Nec lex, nec ratio, nec locus ullus erit.
 Mox didici non esse agilem, qui currere possit,
 Quod neq; sint fortes qui fera bella gerunt.
 Quodq; neq; ipsa sibi pariat sapientia victum,
 Sed neq; vir magnas ingeniosus opes,
 Quod non artificii sua per se gratia venit,
 Omnia sed casu temporis ista dari.
 Nemo sua melius cognouit tempora mortis,
 Quam pisces hamum, quam graue vimen aues.
 Sicut aues visco pisces capiuntur ab hamo:
 Sic homo non cautus retia mortis adit.
 Sed tamè hic quadam mihi adhuc sapientia visa est,
 Ipsaq; me certe iudice, magna fuit.
 Urbs fuis exigua murosum cincta corona,
 De cuius pauci ciuius intus erant.

Venit & obsessam cinxit rex fortibus armis,
 Præcludens positis turribus omne latus.
 Unus erat sapiens tam parva pauper in urbe,
 Servator patriæ vir fuit ille suæ.
 Consiliis siquidem repulit sapientibus hostem,
 Quem cives armis non potuere suis.
 Et fugit ignotus post hic ut & ante periculum,
 Nulla quidem ratio pauperis esse solet.
 Tunc ego cognovi, quoniam sapientia præstat
 Viribus, & valeant armæ sine arte nihil.
 Et contempta tamen sapientia pauperis hujus,
 Credita tam longo tempore nulla fuit.
 Verba viri quem sublimem sapientia tollit,
 Quamquam sedato pectore pauca sonet:
 Plus tamen efficient, & plus ratiois habebunt,
 Quam fera quæ stulti principis ora tonant.
 Instrumenta ferri vincit sapientia belli.
 Arma, globos, clypeos, spicula, pila, faces.
 Interea quicumq; aliquo delinquit in uno,
 Exiguo magnum tempore perdet opus.
 Sicut in unguentum muscæ cum forte cadentes
 Intereunt, fragrans languet & exit odor.
 Sic sapienti adimunt permagnam sæpe decorem
 Parvula stultitiæ signa notata levis.
 Sic grave consilium sapientis sæpe malignus
 Dissipat, & fatuo pectore multa nocet.
 Cor gerit in dextra sapiens, animumq; virilem,
 Illius ut possit, cum vobet, esse potens.
 Cor gerit in læva fatuus, quæ libera nunquam,

Nec compos ratio est illius ipsa sui.
 Semper enim comitatur iners ignavia stultum,
 Sive abiturus eat, seu rediturus eat.
 Et tanquam ipse aliis sapiat plus, desipere omnes,
 Et stultos numeris omnibus esse putat,
 Si quis te adversum consurgat fortior, & te
 Deprimat, & voti jam sibi compos erit.
 Nec te commoveas, nec debes velle priorem,
 Tam facili causa, deseruisse locum.
 Et cessisse loco saepe & simulasse tenendo.
 Pluribus occlusit limina certa malis. cors,
 Grande frequēsque malum princeps ignarus & ex-
 Qui loca non aequo dividet aqua gradu.
 Quos nunc extollit dejectos esse decebat,
 Despicitur sapiens, premia stultus habet.
 Vidi etenim servos celsis residere caballis,
 Ac si hic non Dominis debitus esset honor.
 Vidi etiam Dominos pedites incedere, tanquam
 Hic minime servis debitus esset honor.
 Qui foveam fodit, is metuat ne forsan in illam
 Incidat & damnum, quod parat ipse, ferat.
 Sepem deiciens, caveat ne mordicus ipsum
 Dente venenato vipera corripiat.
 Destituent vires prae grandia saxa moventem,
 Ligna secans raro tempore sanus abit.
 Obtusum nimia si sit rubeigine ferrum,
 Sic ut nec duro rumpere coe queas.
 Restat, ut auxilium praestet sapientia docti
 Artificis, sine qua nil bene perficitur.

Nam

Nam res difficiles sapientia sepe peregit,
 Et faciles caussas reddidit ante graues.
 Sibila qui mittens non vlla momorderit anguis,
 Insidiatori dixeris esse parem.
 Multa est è grauibus sapientis gratia verbis,
 Obruet hanc stulti perfida lingua viri.
 Stulticiam verba ipsa sonant, qua prima profatur,
 Vltima mortiferi signa furoris habent.
 Multa loqui stultus solet, ac sine pondere verba,
 Et quæ plus vocis quam rationis habent.
 Ignorant homines presentia nulla futuri est,
 Quod ratio hæc nunquam cognita teste caret.
 Stultos affliget conatus inutilis ipsos,
 Quod rectam nequeant prorsus inire viam.
 Vivere quod nequeant civiliter, & quia nusquam
 Inueniant, ubi se posse manere putent.
 Heu patria infelix pueram sortita tyrannum,
 Cuius auara duces fercula mane vorant.
 Felicem patriam, cui dat sapientia regem,
 Et qui cum sit opus strenuus esse potest.
 Cuius tempestiua serunt conuiuia primi,
 Vt valeant, luxu non vt inerte fluant.
 Tigna domus Domini dissoluet inertia, & intro
 Stillabunt pluuii, si sinat ipse, noti.
 Tantum ad delicias cœnas, & prandia quevunt,
 Sola voluptati vina parata bibunt.
 Horum nequitie congesta pecunia seruit,
 Quam solam magni nonjinis instar habent.
 Ne male quid de rege tuo cum corde voluta,

Præpositos ab eo ne reprehende duces.
 Huius enim vocis si nemo aliunde sit index,
 Quæ cælo volitat non reticebit auis.
 Mitte tuum, ne parce, tuum modo proice panem
 In latum fluum prætereuntis aquæ.
 Nam rursum inuenies illum post tempore longo,
 Magnum quæ data sunt munera, scenus habent.
 Ne tua sit constricta manus, da largiter omni
 Cui sit opus, prompta quisquis egebit ope.
 Ignoras etenim mala quæ ventura trabantur,
 Quidue hodierna ferat, crastina quidue dies.
 Si multo fuerint nubes humore grauata
 Arida fructiferis imbribus arua leuant.
 Arbor seu pluuium succisa inclinet in Austrum,
 Seu Boreæ spectet frigida regna trucid.
 In quamcunq; cadat par tem, prostrata recumbet,
 Nec mutare potest amplius ipsa locum.
 Qui ventos nimium ratione obseruat acuta,
 In vacuo nunquam semina sparget agro.
 Qui creuit pluuias, & nubes imbre grauatas,
 Fructifera nunquam tenet pro m. ssis aget.
 Ventus ut ignotas vnde assit, quoque recedat,
 In grauida quo sint ossa ligata modo.
 Sic operum nosces nec de tot millibus vnum,
 Quæ magna omnipotens hic & ubiq; facit.
 Tempestiua tuum iace semina mane per agrum,
 Nec tua sit sero vespere lenta manus.
 Nempe quod ignores, an quæ sata prima fuerunt,
 An quæ sera, boni sunt habitura magis.

Quod

Quod si proveniant fructus ab virog, benigni,
 Tempore jam voti summa peracta tui est.
 Omnibus est lucis grata suavissimus usus,
 Gratum oculo Solis posse videre jubar.
 Si quis ad etatis plures pervenerit annos
 Suaviter aduersi cui nihil acciderit.
 Inde recordatus quæ viderit omnia, quæq;
 Senserit, & quæ tam multa fuisse sciat.
 Omnia vana fuisse, & fluxa, & inania dicet
 Omnia, quod veniens auferat hora brevis.
 Obsequere ergo animo juvenis, dū vernat & etas,
 Et flos dum novus est indolis iste tua.
 Indulge genio, sequere omnia leta, tuosq;
 Pisce oculos, animus quicquid amabit, ama.
 Dum tamen interea tecum meditare, sciasq;
 In dice facta isthac excutienda Deo.
 Stulticia similem ne corrue pronus in iram,
 Et tua quod cruciet corpora, tolle malum.
 Namq; opera incauta sunt omnia vana inventæ,
 Et quod post illam tempus, & ante venit.
 Ergo creatoris memor hunc reverenter adora,
 Integra adhuc ævi dum viret herba tui.
 Ne te preveniant magnorum facta malorum
 Tempora, quiq; tibi tristior annus eat.
 Dicere quæ possis tibi non placuisse, quod illis,
 Iam jubeant animo tadia longa tuo.
 Ante tibi tenebra, quam fiant omnia, & auræ
 Nigrescant, lucem sol ægeget, astra negent.
 Quam videas reduces pluvie post tēpora nubes,
 Quam

Quam fuit heu multis hæc odiosa dies?
 Fallor an hæc metues tunc, cum custodibus ipsis,
 Totius incipiet robur abesse domus?
 Quando incuruabunt prono se poplite fortes.
 Fractæ cessabunt organa pauca mole.
 Quando offendentur multa caligine, qui nunc
 Ceu per cancellos, omnia clara vident.
 Ostia cum stabunt solitarum clausa viarum,
 Exilis trepida vox molitricis erit.
 Ad volucrum cantus ubi consurgetur, & omnis
 Ante virens, cantus filia, fiet anus.
 Alta viam metuens facientia, cana virebit,
 Arbor amygdalino germine facta grauis.
 Quando onerabuntur cariostæ membra locustæ,
 Non erit in mensa capparum vlla super.
 Tunc homo qui sensit, fieriq; hæc omnia vidit,
 Ibit in æternæ limina cerra domus.
 Funiculus quanquam hic argentens anteferatur,
 Aureoli fontis quam stupefiat aqua.
 Hydria fontanam quam confringatur ad vndam,
 Quam gemat ad puteum versio fracta rota.
 Quam levis in terram redeat pulvisculus, ex quo
 Ipse quoque existens terra profectus erat.
 Spiritus ad superos redeat, patriamq; revisat,
 Unde ad mortales ante profectus erat.
 Omnia sunt omni vanissima tempore dixit,
 Concio cui verax nomina vera dedit.
 Qui, quia præ reliquis sapiens fuit, omnia fecit,
 Quis populum posset constituisse suum.

Omnia

Omnia scrutatus prouerbia plurima scripsit,
 Scripta aliis etiam, sed meliora dedit.
 Vilia inprimis & scitu digna reliquit,
 Et dedit haud falsa plurima scripta fide.
 Hoc, quæ scripta fides sapientum verba, libello,
 Clauos & stimulos dicere iure queas,
 Quæ licet à multis fuerint descripta magistris,
 Sunt tamen ex vno cuncta profecta viro.
 Cetera, mi fili, fuge, quæ cognoris ab istis,
 Omnia non sancta tradita verba fide.
 Nam loca sunt scriptis nunc omnia plena libellis,
 Quorum nec finis, nec modus esse potest.
 Et nimis exhaurit vires, corpusq; fatigat
 Sermo, quem nimium copia longa facit.
 Iam quis sit rerum finis, quæ meta laborum,
 Hoc operæ precium noscere grande fuit.
 Mente Deum tota metuens, quæ tradidit orbi
 Condita sub fido pectore iussa tene.
 Summa hæc humano generi, sed & vnica lex est
 Tradita qua sine lex altera nulla valet.
 Omnia iudicio Deus hæc definiet æquo,
 Nunc quoq; quæ multa nocte sepulta iacent.
 Omnia discutiet Deus omnibus arbiter æquis,
 Seu bona, seu fuerint deteriore nota.

F I N I S.

IN

INDEX PSAL- MORUM.

A.

A d Dominum cum tribularer	120
Ad te Domine clamabo Deus	28
Ad te Domine leuavi animam meam	25
Ad te leuavi oculos meos, qui	123
Afferte Domino filii Dei, afferte	29
Attendite popule meus legem meam	78
Audite hæc omnes gentes, aurib.	49

B.

Beati immaculati, in via qui ambulant	119
Beati omnes qui timent Dominum	128
Beati quorum remissa sunt iniquit.	32
Beatus qui intelligit erga egenum	41
Beatus vir, qui non ambulauit in-	1
Beatus vir qui timet Dominum	112
Benedicam Dominum in omni temp.	34
Benedic anima mea Domino	103
Benedic anima mea Domino	104
Benedictus Dominus Deus meus	144
Benedixisti Domine terram tuam	25
Bonum est confiteri Domino, & psal.	92

C.

Cantate Domino canticum nouum	96
g	Canta-

I N D E X.

<i>Cantate Domino canticum nouum, quia</i>	98
<i>Cantate Domino canticum nouum, laus</i>	149
<i>Celi enarrant gloriam Dei</i>	19
<i>Confitebor tibi Domine, narra.</i>	9
<i>Confitebor tibi Domine in concilio iust.</i>	111
<i>Confitebor tibi Domine in toto corde</i>	138
<i>Confitebimur tibi Deus, confiteb.</i>	75
<i>Confitemini Domino & inuocate</i>	105
<i>Confitemini Domino quoniam bonus</i>	106
<i>Confitemini Domino quoniam bonus</i>	107
<i>Confitemini Domino quoniam bonus</i>	118
<i>Confitemini Domino quoniam bonus</i>	136
<i>Conserua me Domine, quoniam sper.</i>	16
<i>Cum inuocarem exaudiuit me.</i>	4

D.

<i>De profundis clamaui ad te Domine</i>	130
<i>Deus auribus nostris audiuimus</i>	44
<i>Deus deoram Dominus locutus</i>	50
<i>Deus Deus meus respice in me</i>	22
<i>Deus Deus meus ad te luce vigilo</i>	63
<i>Deus in adiutorium meum intende</i>	70
<i>Deus in nomine tuo saluum me fac</i>	54
<i>Deus iudicium tuum regi da</i>	72
<i>Deus laudem meam ne tacueris</i>	109
<i>Deus misereatur nostri, & benedicat</i>	67
<i>Deus nostrum refugium & virtus</i>	46
<i>Deus quis similis erit tibi, ne taceas</i>	83

Deus re-

I N D E X.

Deus repulisti nos, & destruxisti nos	60
Deus stetit in synagoga deorum	82
Deus venerunt gentes in hereditatem	79
Deus ultionum Dominus Deus	94
Dilexi, quoniam exaudiet Dominus	116
Diligam te Domine fortitudo mea	18
Dixi custodiam vias meas, vt non	39
Dixit Dominus Domino meo, sede	110
Dixit iniustus vt delinquat in	36
Dixit insipiens in corde suo, non est	14
Dixit insipiens in corde suo, non est	53
Domine clamavi ad te, exaudi me	141
Domine Deus meus in te speravi	7
Domine Deus salutis mea in die	88
Domine Dominus noster, quam ad.	8
Domine exaudi orationem meam	102
Domine exaudi orationem meam aurib.	143
Domine in virtute tua letabitur	21
Domine ne in furore tuo arguas	6
Domine ne in furore tuo arguas	38
Domine non est exaltatum cor meum	131
Domine probasti me & cognouisti	139
Domine quid multiplicati sunt	3
Domine quis habitabit in taber.	15
Domine refugium factus es	90
Domine saluum me fac, quoniam	12
Domini est terra & plenitudo eius	24
Dominus illuminati me & salus	27
Dominus regit me, & nihil mihi de.	23

I N D E X.

<i>Dominus regnavit, decorem ind.</i>	93
<i>Dominus regnavit, exultet terra</i>	97
<i>Dominus regnavit, irascuntur</i>	99

E.

<i>Ecce quam bonum & quam iucund.</i>	133
<i>Eripe me Domine de inimicis meis</i>	59
<i>Eripe me Domine ab homine malo</i>	140
<i>Eruitavit cor meum verbum bonum</i>	45
<i>Et nunc benedicite Domino</i>	134
<i>Exaltabo te Deus meus rex</i>	145
<i>Exaltabo te Domine, quoniam</i>	30
<i>Exaudi Deus deprecationem</i>	61
<i>Exaudi Deus orationem meam</i>	55
<i>Exaudi Deus orationem meam</i>	64
<i>Exaudi Domine iustitiam meam</i>	17
<i>Exaudiat te Dominus in die tribul.</i>	20
<i>Expectans expectavi Dominum</i>	40
<i>Exultate Deo adiutorio nostro.</i>	81
<i>Exultate iusti in Domino, rectos</i>	33
<i>Exurgat Deus & dissipentur inimici</i>	68

F.

<i>Fundamenta eius in montibus san.</i>	87
---	----

I.

<i>Inclina Domine aurem tuam</i>	86
<i>In conuertendo Dominus capivit.</i>	126
<i>In Do-</i>	

I N D E X.

93	In Domino confido, quomodo	11
97	In exitu Israel de Aegypto	114
99	In te Domine speravi non confundar	31
	In te Domine speravi, non confundar	71
	Iubilate Deo omnis terra, psallite	66
	Iubilate Deo omnis terra, seruite	100
33	Judica Domine nocentes me	35
59	Judica me Deus, & iudica causam	43
40	Judica me Domine, quoniam ego	26
45		

L.

30	Lauda anima mea Dominum	146
61	Laudate Dominum de cœlis	148
55	Laudate Dominum in sanctis eius	150
64	Laudate Dominum omnes gentes	117
17	Laudate Dominum, quoniam bonus	147
20	Laudate nomen Domini, laudate	135
40	Laudate pueri Dominum, laudate	113
81	Lætus sum in his, quæ dicta sunt	122
33	Leuavi oculos meos in montes	121
68		

M.

87	Magnus Dominus & laudabilis	42
	Memento Domine Dauid, & om.	132
	Miserere mei, Deus secundum mag.	51
86	Miserere mei, quoniam	56
126	Miserere mei Deus, miserere mei	57
Do-		

I N D E X.

Misericordiam & iudicium cantabo	101
Misericordias Domini in aeternum	89

N.

Nisi Dominus edificauerit domum	127
Nisi Dominus fuisset in nobis	124
Noli emulari in malignantibus	37
Nonne Deo subiecta eris anima	62
Non nobis Domine, non nobis	115
Notus in Iudæa, Deus, in Israël	76

O.

Omnes gentes plaudite manibus	47
-------------------------------	----

P.

Paratum cor meum Deus, paratum	108
--------------------------------	-----

Q.

Quare fremuerunt gentes. &	2
Quam bonus Israël Deus his	73
Quam dilecta tabernacula tua	94
Quemadmodum cervus desiderat	42
Qui confidunt in Domino, sicut	125
Quid gloriaris in malicia	52
Qui habitat in adiutoria altiss.	91
Qui regis Israël, intende, qui	80

S.

Saluum me fac Deus, quodiam	69
Sape	

I N D E X.

<i>Sæpe expugnauerunt me à iuuent.</i>	129
<i>Si verè vtiq₂ iusticiam loquimini.</i>	58
<i>Super flumina Babylonis</i>	137

T.

<i>Te decet hymnus in Sion</i>	65
--------------------------------	----

V.


<i>Venite exultemus Domino</i>	95
<i>Verba mea auribus percipe Dom.</i>	5
<i>Voce mea ad Dominum clamaui</i>	77
<i>Voce mea ad Dominum clamaui</i>	142
<i>Vsque quo Domine obliuisceris</i>	13
<i>Vt quid Deus repulisti in finem</i>	74
<i>Vt quid Domine recessisti</i>	10

F I N I S.

L I P S I A E.

IMPRIMEBAT MICHAEL
LANTZENBERGER.

A N N O M. DC.



Biblioteka Jagiellońska



stdr0029949

